



# TRACTATUS THEOLOGICUS

De

## Authoritate & Infallibilitate

Summorum Pontificum

AUTHORE

*Reverendissimo Domino Patre*

MATTHÆO PETITDIDIER

Abbate S. Petri Senonensis Ordinis

S. Benedicti

Et

Congregationis SS. Vitoni & Hidulphi

Præfide,

Gallicè primò conscriptus

Dein

*Jussu* SS. Patris Nostri BENEDICTI XIII,

Pontificis Maximi

In Linguam italicam translatus,

nunc aurem

In Germanorum Theologorum gratiam La-  
tinitate donatus

Per P. Gallum Cartier

Ejusdem Ordinis & Instituti Professum Religio-  
sum in Monasterio Divi Ettonis ad sanctum Landeli-  
num, vulgò Ettenheimmünster dicto in Brisgoia.

*Editio Prima*

Ab ipso Authore revisa, correctâ & adoptata.

*Augustæ Vindelicorum,*

Sumptibus Georgii Schlüter, & Martini Happach,

1727.

TRACTATUS  
THEOLOGICUS

Authenticus & Insuper  
Summorum Pontificum  
Auctoritate

MATTHEO PASTORIS  
Abbas, Prior, Scholasticus Ordinis

Congregationis SS. Vniuersi & Habitabilis  
Paridis  
Gallicani Pontificatus


In Linguam Gallicam  
Fons

In Germanicam Theol. & Philosophiam  
P. P. Gallicani

Abbas, Prior, Scholasticus Ordinis  
Paridis

1713  
Londini





*Interpres ad Lectorem.*

*Exemplum Cameracensis Bibliothecae prope  
Vandorianae*



Ole quidem exiguum, at si-  
ve materiam, quam tractat, si-  
ve argumentorum, quæ con-  
tinet, pondus vimque spectes,  
magnum sanè ac præcellens  
Opus hîc habes Amice Le-  
ctor. Enimverò de Autho-  
ritate & Infallibilitate Roma-  
norum Pontificum, primario ac præcipuo illo, in-  
ter cætera omnia, quæ Beatus Petrus Apostolorum  
Princeps ad suos transmisit Successores, privilegio a-  
giri; ubi tam claris ac solidis ex omni sæculorum  
traditione iterum iterumque repetitis monumentis  
suffulcitur, ut firmiter nihil meritò desiderare pos-  
sis.

Jam equidem præterito ad finem vergente sæ-  
culo Eminentissimus Cardinalis Sfonderratus rarum  
illud Divi Benedicti Ordinis decus adhuc inter pri-  
vatos parietes agens nondumque Purpurâ insigni-  
tus, solus arma adversus Galliam huic Romanorum  
Pontificum Infallibilitati & Autoritati funestum &  
propè exitiale bellum indicentem capefferat ac in  
arenam veritati litaturus descenderat; Clerique  
Gallicani famosas illas anni 1682, quatuor proposi-  
tio-

*Interpres ad Lectorem.*

tiones memoratæ Summorum Pontificum Infallibilitati & Authoritati infestas tam felici eventu confixerat profligaratque, ut Clerum Gallicanum eandem vel semel edidisse, meritò pœnitere debuisset.

Verùm ut plerumque accidit, quòd ii, qui auctoritate & famâ cæteris præminent, quòsque vulgus tanquam Magistros Doctorésque suos revereatur, nunquam aut saltem rarò, præsertim in tam celebri momenti negotiis, errasse videri volunt; ita planè in causa Infallibilitatis & Authoritatis Pontificiæ evenit. Quamvis enim propositio illa Cleri Gallicani, quâ Summo Pontifici in rebus Fidei decernendis Infallibilitas adimitur, irrefragabilibus ac invictis ex omni demonstrationum loco petitis argumentis per Cardinalem nostrum funditus eversa fuerit, Gallia tamen hac in parte adversus dictam Summi Pontificis Infallibilitatem mentem hæcenus obstinasse videtur; dedecus fortè arbitrata, si tot & tam defœcata, quibus Conventus anni 1682. conflatus erat, Gallicana ingenia errorem protulisse fateretur: vel forsan, quòd opinionem suam obscuris quibusdam nec sufficienter examinatis ac discussis factis ab Historiæ Ecclesiasticæ memoria petitis adhuc fulciri autumat. Gallis ergo, si non omnibus, saltem secundùm speciem aliquibus Papa in Fidei quæstionibus decernendis fallibilis est, nec ejus Judicium irreformabile est (prout Conventus Cleri Gallicani anni sæpè memorati in sua quarta propositione loquitur) nisi totius Ecclesiæ consensus accesserit. Adducat in contrarium, quantumcunque voluerit Cardinalis Sfonderratus ipsas Sacras paginas, sententiam suam etiam auctoritate Conciliorum tum Oecumenicorum tum particularium roborat,



*Interpres ad Lectorem.*

boret, probetque ibi hanc veritatem semper agnitam fuisse; citet integrum Sanctorum Patrum pro sua Doctrina apertè definitivum agmen; evocet in illius patrocinium omnes, quotquot hætenus orbem illustrarunt (si paucos Gallos aliosque non adeò clari nominis Authores excipias) Doctores & Scriptores id ipsum uno ore profitentes; proferat innumera antiqua & nova Historiæ monumenta suam sententiæ confirmantia; imò Galliam ipsam hujus veritatis testem esse jubeat; Doctrinam suam denique solidis iisque benè multis à ratione petitis argumentis stabiliat, Maimburgosque & Nartales quisquiliis suis veritatem hanc obscurare nitentes fat benè multorum mendaciorum convincat; actum agit, hæc omnia namque nauci floccique penduntur, ubi Gallia ad contrariam opinionem mentem semel obstinavit. Papa fallibilis est, hæc Gallia jubet, cui reluctari nefas esto.

At verò quantis turbis ac discordiis erronea hæc Doctrina januam longè latè que panderit, ipsa suo damno Gallia nostra hæc, quæ vivimus, ætate edocta est; testes sunt contentiones illæ, quæ à 12. & quod excurrit annis, occasione Constitutionis *Unigenitus* à p. m. Papa nostro Clemente XI. adversus 101. propositiones ex Quesnelli libro excerptas ad Regis Galliarum Ludovici decimi quarti instantiam vibratæ, Prælatorum ac Theologorum Gallicanorum mentes fatigârunt, fatigabuntque deinceps stante videlicet debili illo fallibilitatis Pontificiæ principio.

Vix enim dicta Constitutio Gallias appulerat, cum statim inventi sunt, qui hoc principio fulti, non modò se palam opposuerunt, sed & ab ea, quod

*Interpres ad Lectorem.*

variis erroribus scaterere, præcipuaque Christianæ Religionis Dogmata pessumdare inauditâ temeritate asfererent, ad Oecumenicum Concilium appellarunt ibi subitura lituram. \*

Hem quò audaciæ præstans illa opinio in Conventu Cleri Gallicani anno 1682. adversùs Pontificiam Authoritatem prolata Prælatos Theologosque Gallos impulerit, ut Constitutiones Dogmaticas & circa Fidei quæstiones à Sancta Sede emanatas repudiare, imò quod horribile est, erroris criminari non vereantur.

Cùm enim apud Gallos fixum ratumque sit nullum Papæ iudicium in materia Fidei irreformabile esse, nisi universa Ecclesia, id est, omnes totius terrarum orbis Episcopi illud suo calculo approbarent, quid obfuit, quo minùs non tantùm quivis Episcopus, Pastor, Doctor aut Theologus, sed & quivis plebejus calo aut lixa Constitutionem *Unigenitus* rejicere valeret, donec ipsis demonstratum fuisset, ab universa Ecclesia acceptatam esse, in eaque omnes totius orbis Episcopos antiquæ ac primitivæ Ecclesiæ fidem agnovisse.

Et verò magnæ notæ nominisque in Gallia Antistites, qui in Summi Pontificis Constitutione Catholicam veritatem agnoverant, reliquorum eandem acceptare detrectantium audaciam repressuri, innumera fermè testimonia, quibus totius penè Europæ Episcoporum dictæ Bullæ acceptatio comprehendebatur, produxerunt. \* His tamen aliud nihil effectum est, quàm ut ii, qui priùs Summum Pontificem erroris proditæque Catholicæ veritatis

\* vide acta pub. Constit. Unig. \* vid. rest. Eccl. univ. & hic c. 14.



*Interpres ad Lectorem.*

arroganter insimulaverant, nunc quoque Episcopos illos, quorum ingenti numero testimonia proferebantur, imperitiæ ac ignorantia, exemplo à Pelagianis ducto, arguerent, testimonia hæc esse vociferantes ab indoctis & ignavis extorta Episcopis, quorum mentis aciem longè superaret damnatarum propositionum profunditas, ideóque non multùm curanda. \* Addebant insuper, per ea totius Ecclesiæ unanimem consensum illum, quem Ecclesia Gallicana ad conficiendum Fidei articulum requireret, sufficienter non probari; quò subterfugiò tutè Constitutionem eludebant: \* in hoc quippe & ab acceptantibus Episcopis in contrarias abutum opiniones, quibusdam ad conficiendum fidei articulum sufficere asserentibus, modò potior totius Orbis Episcoporum pars Papæ de Fide definiendi assensum præberet, reliquis verò principium istud procul rejicientibus omnimodamque, aut saltem quasi-Unanimitatem totius Christiani orbis Episcoporum requiri contendentibus. Quid autem, aut in quo consistat hæc qualificata Episcoporum unanimitas, donec Gallia unanimiter aut saltem quasi-unanimiter definiat, avidè expectamus; necdum enim inter partes convenit, quotus quantusque Episcoporum numerus ad eam constituendam necessarius sit, istis minorem, illis majorem adstruentibus; ita ut totam hanc tam magni momenti quæstionem ad litem de numeris solo Anti-Constitutionistarum res suas inde promoventium commodo tandem per Gallos abductam videamus.

Hæc cum seriò apud semetipsum revolveret Auctor noster, istòque quasi-Unanimitatis debili ar-

\* *vid. hic c. 4.* a 4 *\* vid. hic c. 14.* gu-

*Interpres ad Lectorem.*

gumento, quod nullum antiquitatis exemplum fulciret, contentiones fieri potius quam finire pervideret; ad Infallibilitatem Summorum Pontificum, principium toto terrarum orbe, si exiguam Gallia partem excipias, tantoperè celebratum, quòque semel probè stabilitò, momento omnes lites terminatas itè perspiciebat, se convertit. Et cum isthic præcipuè traditione agendum fore non ignoraret, eidem impigrè evolvenda, nec non cum dicta Romanorum Pontificum Infallibilitate conferenda sedulò incubuit; eo quidem eventu, ut deprehenderit nullam hætenùs in Theologia agitaram fuisse Doctrinam, quæ firmiùs ac clariùs traditione stabiliretur. \*

Quo super & veritati & Ecclesiæ Gallicanæ tantis vexatæ discordiis prodesse cupiens præsentem Tractatum edidit, Summòque Pontifici p. m. Innocentio XIII. dedicavit; in quo repetitâ omnium Sæculorum Historiæ memoriâ Infallibilitatis Pontificiæ Doctrinam in Ecclesia semper traditam & agnitam fuisse demonstrat. Difficultates, quibus obscurari videbatur, mirâ perspicuitate enucleat; objectiones adversùs eandem formatas summâ soliditate diluit; & Conventùs Parisiensis anni 1682. propositionem dictæ Infallibilitati infestam incredibili energiâ explodit, ac confutat.

Quis igitur non crederet post hæc tam clara solidaque argumenta Galliam tandem ad se ipsam reversuram, veritatique manus daturam? at nihil minus factum est; quin potius liber mille injuriis impetitus; supremi Gallia Senatus excitati, qui illi aquâ & igni interdicerent; Decreta ab ipsis pro-

culsa,

\* *vid. hic in præfat. Ant.*



*Interpres ad Lectorem.*

culsa, libellus in publicis urbium compitis per carnicum manus flammis injectus, totoque Regno proscriptus, cunctis præterea Bibliopolis, ne eundem penes se retinerent aut venam exponerent, sub gravibus interdictum pœnis. Hæc in Gallia hujus librisors fuit; lividô quippe furore compensandum erat, quod veritas ratioque negabant; tantum quoque apud Gallos præconcepta de fallibilitate Summi Pontificis opinio valuit, ut illius gratiâ veritas etiamnum ex ipsorum finibus amandari debuerit.

Verum bruta vanaque hæc supremorum Gallicæ Senatuum fulmina minimè obfuerunt, quin raram præstansque Opus istud ab omnibus cordatis sincerisque veritatis amatoribus communi lætitia & applausu exceptum sit. Ipsimet Summo Pontifici nostro BENEDICTO XIII, hodie feliciter Ecclesiæ clavum tenenti ita acceptum fuit, ut quamprimùm in linguam Italicam illud vertendum & prælo dandum curârit, gratumque insuper sui animi erga Authorem affectum litteris per modum Brevis Apostolici ad eundem datis, quarum Apographum hîc in tui gratiam Amice Lector subjicio, testari dignatus

sit:



*Interpres ad Lectorem.*

BREVE APOSTOLICUM  
SS. Patris D. D. BENE-  
DICTI Papæ XIII. ad R. Patrem  
D. Matthæum Petitdidier Abbatem S.  
Petri Senonensis.

BENEDICTUS PAPA XIII.

” **D**ilecte fili, Salutem & Apostolicam Benedi-  
” ctionem. Quòd eruditionem tuam ad  
” ornamentum Domûs Dei conferre gestias, in tui  
” quidem nominis ac pietatis laudem, animi verò  
” nostri singularem lætitiâ cedit, ac fore etiam  
” confidimus, ut infirmis aut errantibus strenuè la-  
” bores tui Doctrinâ consulant ac proficiant exem-  
” plò. Itaque dignum tuâ virtute ac Religione  
” erga hanc Sanctam Sedem studium gratissimo pa-  
” ternæ benignitatis sensu complexi sumus, tibi  
” que persuasum esse optamus nos ad omnem gra-  
” tificandi tibi occasionem libenter incubituros;  
” præsertim autem, ut iurium tuorum in causa Ab-  
” batix Senonensis ratio (sicut par est) habeatur, dili-  
” genter curabimus. Neque ulla Benevolentix  
” partes omittemus, ut à laudabili cura, utiliûmque  
” studiorum proposito, nulla te aut molestia aut ne-  
” cessitas avocet. Perge igitur Pontificiam tibi  
be-



*Interpres ad Lectorem.*

benignitatem, bonorum laudem, ac Divina potissimum Beneficia demereri, quorum pignus esse cupimus Apostolicam Benedictionem, quam tibi dilecte Fili peramanter impertimur. Datum Romæ apud S. Petrum sub annulo piscatoris die 24. Decembris MDCCXXIV. Pontificatus nostri anno primo.

Ex his habes Amice Lector, quâ ratione indutus ad præsentem versionem manum calamumque admoverim; æquum quippe videbatur, ut tam excellens opus, quod Gallis & Italis jam commune erat, nostrorum quoque Germanorum Theologorum manibus tereretur, ut ex eo vel saltem id illis innotesceret, in Gallia nempe non deesse nostri Ordinis Alumnos, qui (contra quàm passim fama ferat) & Summorum Pontificum in Fidei quæstionibus decernendis Infallibilitatem, & eorundem supra Oecumenica Concilia authoritatem majori, quàm cæteri omnes (absit verbo injuria) constantiâ, zelô ac soliditate tueantur & propugnent.

Ceterum, quamvis non me lateret præsentem Tractatum præstantiori ac elegantiori stylo dignum fore; humilem tamen adhibui, tum quod verbis Gallicis, ut fidelis essem, quantum licuit, me semper adstrinxerim, tum quod, cum ea, quæ scripturus eram, inconcussô veritatis (cujus tanta vis est, ut suis opibus pollens, suis præfidiis firma aut nihil aut non admodum externa requirere videatur auxilia) fulcrô inniti perspectum haberem, parum cura fuerit eas hîc conquirere elegantias, quibus liber obscurior fortè prodiret, quàm perspicuitas, quæ in  
hu-

*Interpres ad Lectorem,*

hujusmodi argumentis Theologicis præcipuè attenditur, exposceret.

Laborem igitur hunc meum qualem qualem æqui bonique consulas Amice Lector velim, Vale & frueri.







SANCTISSIMO NOSTRO  
P A T R I  
INNOCENTIO  
PAPÆ XIII.

SANCTISSIME PATER.



Uamvis Opus, quod  
publici Juris facio, ad jura  
Sanctæ Sedis propugnanda,  
prærogativasque Divo  
Petro ejusque Successori-

bus à JESU Christo concessas vindicandas unicè tendat, nunquam tamen illud Sanctitati vestræ offerre præsump-  
pissimè, nisi Præsul quidam, cui propiùs eandem accedendi facultas est, animum addidisset, significassètque, me vestrà haud impro-  
bante Sanctitate id audaciter facere posse.

Hâc

*Epistola Dedicatoria*

Hâc unicè fiduciâ pedibus Sanctitatis vestræ advolutus, studiorum meorum super eminentissimo ac præstantissimo omnium privilegiorum, quæ Apostolorum Princeps ad suos Successores transmisit, fructum vobis offero. Plus quàm triginta jam effluxere anni, cùm adversus Doctorem Dupinum scribens, honorem habui Cathedræ Apostolicæ in toto terrarum orbe unitatem propugnandi; modò huclabor meus collimat, ut omnibus Catholicis auctoritatem Summorum Pontificum, eorùmque in Quæstionibus Fidei Infallibilitatem palàm faciam: Auctoritatem quidem ex eo, quòd hujusmodi fidei quæstiones ad eos semper delatæ fuerint; Infallibilitatem verò ex eo, quòd Definitiones, quas desuper tulerunt, & ad Universam Ecclesiam direxerunt, semper tanquam Oracula, quæ in dubium vocare non liceret, habitæ fuerint.

Ut secundùm ea, quæ desuper Author quidam, (a) qui jam ante mille centum floruit annos, dixit, demonstrare queam, quòd in Summo Pontifice & veritas in judiciis, & auctoritas, quâ fulciantur, semper repertæ fuerint: „ *Cujus sana Doctrina constat judicio veritatis, & fulcitur munimine auctoritatis:*

(a) *Ferrand, Diacon, Ep. ad Sever.*



*Authoris.*

tis : fide ac testimonio totius traditionis  
utor. Ex hoc quippe fonte limpidissimo  
argumenta ea hausi, quæ ad eam veritatem  
stabiliendam adhibui, quam nulli unquam  
Theologi ignorâssent, nisi calamitates, qui-  
bus sæculum decimum quartum agitatum  
fuit, legitimum Divi Petri Successorem fide-  
lium cognitioni longo lat tempore subduxif-  
sent.

Temporibus ad has calamitates superio-  
ribus in hujus præclaræ veritatis super Sacram  
Scripturam Salvatoris que promissiones fun-  
data professione unanimes semper fuit Eccle-  
sia. Græci, quamdiu in Ecclesiæ sinu per-  
manserunt, æquè parùm eam in dubium vo-  
caverunt, ac Latini, Oecumenicæ que Conci-  
lia ut & particulares Doctores semper fassi  
sunt, quòd Divus Petrus per os suorum Suc-  
cessorum loquatur, hique illius, super quem  
ipsa Ecclesia fundata est, organa duntaxat  
sint.

Illuc Beatissime Pater vota mea feruntur,  
ut nempe exiguum hoc Opus sub Auspiciis  
Sanctitatis vestræ ad rectam viam eos, qui ab  
ea deflexerunt, redire faciat, ipsis demon-  
strando, quòd sedes Apostolica sicut unitatis,  
ita & veritatis centrum sit: utque Sanctitas  
vestra, quemadmodum totius sacri Collegii  
in

*Epistola Dedicatoria Authoris.*

in sua electione vota adunavit, ita etiam omnium Catholicorum mentes in Fide veritatis illius, quæ sola pacem ac tranquillitatem in grege vestris curis à Salvatore commisso fovere ac conservare potest; conciliare etiamnum queat, quatenus omnes supremi Pastoris vocem audientes, in ipsius Definitionibus eum, cujus Vicarius est, quique illi præcepit, ut fratres suos confirmet, venerentur.

Hæc sunt vota illius, qui Sanctitati vestræ pro bono suæ Ecclesiæ longos vitæ dies exoptat, quique summa cum reverentia manet


SANCTISSIME PATER,

*Sanctitatis Vestræ*

Humillimus ac obedientissimus filius  
F. Matthæus Petitdidier,

PRÆ





# PRÆMONITIO

## AD LECTOREM.

**N**ullo unquam, quàm præfenti tempore oportuniùs Tractatus de Infallibilitate Summorum Pontificum edi potuit. Enimverò à duodecim & quod excurrit, jam annis de Constitutione *Unigenitus* inter Theologos disceptatur, quin hæctenus vel quoad minimum inter se se convenire potuerint, eo quòd utrinque supponatur Summos Pontifices non esse infallibiles, faciliùsque fit super accèptione Ecclesiæ Universalis disceptare; cùm contra si articulus de Infallibilitate semel benè elucidatus palàmque factus esset, statim omnes Controversiæ cessarent, nec alius quàm de obedientia sermo foret.

Hàc ratione ad hunc, quem modò publici juris facio, Tractatum animum applicui. Plerique qui contrariam sectantur Doctrinam, eandem ex fundamento non examinârunt, ad eam potiùs specie cujusdam torrentis atque obscuris quibusdam factis, quibus sibi persuasum habere putant, quòd hæc super convicti non sint, eo quòd id super Traditione

*Premonitio.*

tionem Ecclesiæ examinarent, se abripi passi sunt.

Equidem ipse ingenuè fateor, me ex horum numero fuisse, cum enim sub Dominio, ubi opinio Doctrinæ, quam modò stabilio, contraria in Statu quasi legem transferat, educatus fuissim, eandem veriore esse persuasum mihi cum multis aliis habebam, hinc autoritate Illustris Cleri cujusdam, celebrisque Universitatis illectus, illinc autem quibusdam ex antiquitate eritis factis, quæ non satis extricaveram, adductus. Cum verò huic articulo funditus examinando animum adjecissem, deprehendi, quòd Galliæ Episcopi, qui Conventum anni millesimi sexcentissimi octuagesimi secundi composuerunt, antiquam suarum Ecclesiarum Traditionem deseruerint, facultasque Parisiensis Theologica Doctrinam suorum primorum Magistrorum mutavit.

Id, nò vehementer fallor, sequenti Tractatu patebit, ubi videre erit, quòd, si omnes totius orbis Ecclesiæ Summorum Pontificum auctoritatem, ipsorumque decisionum in materia fidei Infallibilitatem semper agnoverunt, nulla desuper clariùs, sapientiùs ac constantiùs unquam locuta fuerit, ac Ecclesia Gallicana.

Oportet nihilominus quoad hunc articulum, sicut quoad quemcunque alium, ad eruendam veritatem, ad hanc præsentis Operis lectionem spirituum tranquillitatis, atque ad recipiendam veritatem, quantumcunque præjudiciis imò commodis nostris contrariam, semper paratum afferre. Ea enim opera, quæ non nisi cum anticipatione spiritus cri-



*Præmonitio.*

critici , atque in calore Disputationum leguntur, nunquam eas impressiones faciunt, quas facere deberent ; veritasque, quæ apertâ facie iis, qui illam in spiritu pacis quærunt, se manifestat ; illis , ut ita dicam, se occultat, qui ad ejus investigauonem non nisi contentionis spiritum afferunt.

Præ omnibus Ordinis mei Religiosos obtestor, ut ad præsentis Tractatûs lectionem hæc dispositiones afferant, recogitentque, quòd inter omnes Religiosos Ordines nullus sit, qui Sanctæ Sedi magis obstrictus sit, aut majori Zelo illius Privilegia, præcipuè quæ Infallibilitatem spectant, propugnârit, quàm Ordo S. Benedicti.

Ex quo hic Ordo cœpit habere Scriptores Ecclesiasticos, tum in illo Sancta Sedes Privilegiorum suorum testes Prærogativarumque suarum Defensores adversùs Hæreticos aut Schismaticos, qui eî desuper litem movere attentârunt, invenit. Profectò, quin de D. Gregorio Magno, aliisque, qui hunc Ordinem professi sunt, Summis Pontificibus, quidquam dicam, inter testes Infallibilitatis Sanctæque Sedis autoritatis Defensores reperientur ; septimo & initio octavi sæculi Venerabilis Beda ; Nonno sæculo, Hincmarus Archi-Episcopus Rhemenfis, & Ratramus Monachus Corbejenfis. Decimo, Raterius Episcopus Veronensis. Undecimo, S. Petrus Damiani Cardinalis & Episcopus Ostiensis ; S. Lanfrancus Archi-Episcopus Cantuariensis, & S. Anselmus illius tam in Abbatia Beccensi quàm Sede Cantuariensi Successor. Duodecimo, Divus Bernardus præclarum illud Ecclesiæ Sydus, S. Thomas Cantuariensis, Petrus Abbas Monasterio - Cel-

*Præmonitio.*

lensis, Rupertus Abbas, Potho Abbas Prumiensis  
Episcopatus Trevirensis, & Ursbergensis Abbas.  
Plures adhuc alios tum ex iisdem tum sequentibus  
sæculis adducere possem, sed isti sufficiunt ad osten-  
dendum, quòd Doctrina de Infallibilitate Summo-  
rum Pontificum in Ordine Divi Benedicti quasi hæ-  
reditaria fuerit, hujusque S. Patriarchæ filii turpe  
sit, horum sui Ordinis præclarorum Syderum Do-  
ctrinam deserere, atque à Zelo, quem semper pro  
Ecclesiæ Capite testati sunt, degenerare.

Hæc dum ita eloquor, illud duntaxat intendo,  
ut scilicet illos Benedictinos ad hanc reducam sen-  
tentiam, qui ab ea se fortè elongârunt, suorum præ-  
decessorum exempla ipsis ob oculos ponendo; at-  
tamen ex hoc non prætendo, quòd hæc Doctrina  
Ordini D. Benedicti particularis fuerit. Omnium  
Sæculorum, omniumque Regionum Doctrina est.  
Hanc Græci sicut Latini professi sunt, Galli sicut I-  
tali, Angli sicut Allemani, verbo totius Ecclesiæ,  
prout huncce Tractatum legenti patebit, Doctrina  
est. Quòd si traditioni scriptæ atque supra Sacram  
Scripturam fundatæ vivam omnium Ecclesiarum  
ac Scholarum (paucis in Gallia exceptis) traditionem  
jungere velimus; quis certiozem, clariozem, ve-  
nerabiliorem magisque authenticam Traditionem  
inveniet?

Quòd si in hoc Tractatu nullam feci mentio-  
nem argumentorum, quæ Theologi communiter  
adhibent ad evincendum, quòd, cum Salvator noster  
Ecclesiam suam adversus omnes errores præmunire,  
cân-



*Præmonitio.*

eamque in fide immobilē reddere voluerit, longè  
convenientius fuerit, ut hujus Infallibilitatis cen-  
trum in D. Petro ejusque Successoribus, qui eam to-  
ti Ecclesiæ per universum orbem dispersæ commu-  
nicarent, reponeret, quàm ut à consensu omnium  
totius Orbis Episcoporum dependere faceret. Si,  
inquam, horum argumentorum nullam feci men-  
tionem, id ideo duntaxat factum est, quòd sufficere  
arbitratus sim, si tam ex Sacra Scriptura quàm Tra-  
ditione Infallibilitatem Summorum Pontificum  
probarem, non verò quasi hæc argumenta impro-  
bem. Ad fidem tuendam erroremque destruend-  
um necessaria sunt media prompta & præsentia,  
aliàs si remedia lento pede incedant, inventuque  
difficilia sint, priusquam in malo occurratur, error vi-  
res sumit, seque dilatat, ac non nisi magno dein labo-  
re evelli ac extirpari potest: Controverti haud po-  
test, quin Summorum Pontificum autoritas sem-  
per præfens sit, sive in eorum persona, sive, Sede  
nempe vacante, in ipsamet Sancta Sede; cùm e-  
contra Conciliorum Oecumenicorum convocatio  
semper summis impedimentis implicata fuerit, no-  
strisque diebus multò magis quàm præteritis impli-  
cata sit. Nec etiam facile est certitudinem consen-  
sus omnium totius mundi Episcoporum assequi, ni-  
si suprema quædam autoritas eos prævenerit, atque  
in uniformi Doctrina adunaverit.

Non ergo videtur, quòd Christus Dominus  
tam difficilia media ad fidelium fidem stabiliendam,  
eamque adversus errorem firmandam eligere volue-  
rit, cùm illud, quod ab Ecclesiæ Capite desumitur,

*Pramonitio.*

tam facile sit, atque singulis in omnia sua membra influere possit. Et sanè hoc ipsum medium est, quod semper adversùs errorem adhibitum fuit, quòdque semper de portis Inferi triumphavit. Si autem quandoque alia adhibita fuerunt media vel remedia, id factum est, non tam ut Fides Catholica stabiliretur, quàm ut Hæreticorum pervicacia confunderetur.

Ut in præsentiarum quædam de argumentis ab Auctoritate petitis, quæ in hoc Tractatu attuli, dicam; quamvis plerâque loca, quæ adduxi, ex ipsis fontibus hauferim, attamen cùm non omnes, quibus usus sum, Authores, præ manibus habuerim, præcipuè autem veteres Scholasticos, textus, quos ex illis retuli, ab iis, qui ante me hanc materiam tractaverunt, mutare coactus fui. In id autem animum haud induxi, quin priùs eorum probâ fide ac exactitudine quoad illorum Authorum loca, de quorum veritate, cùm opera eorum præ manibus haberem, certus esse poteram, verificatâ ac comprobatâ.

Quod autem objectiones, quæ communiter adversùs Summorum Pontificum Infallibilitatem formantur, spectat, qui tantùm ad eas, quæ in fine hujus Tractatùs reperiuntur, recurrere voluerint, dicent utique me non contemnendam earundem suppressisse partem. Verùm dummodò non dedigentur totum percurrere opus, invenient sanè me præcipuas prævenisse, satisque prolixè, prout nempe tulit occasio, easdem tractâsse. Plerâque alia ob-



*Praemonitio.*

objectiones, quas silentio praeterii, vel quaestionem, prout eam posui, non respiciunt, vel resolutu non sunt difficiles. Porro si Infallibilitas Summorum Pontificum supra S. Scripturam & Traditionem fundata est, quod sufficienter stabiliisse me arbitror, cujuslibet viri Catholici aequè ac meâ interest objectionibus, quae adversus hanc Doctrinam formari possent, solvendis insudare laboremque impendere.





APROBATION  
 & Permission de  
 Monseigneur l'Evê-  
 que de Rosme Suffra-  
 gant & Vicaire General  
 de l'Archevêché Ele-  
 ctorale de Tre-  
 ves.

APPROBATIO  
 & Permissio Il-  
 lustrissimi Domini E-  
 piscopi Rosmensis Suf-  
 fraganci & Vicarii Ge-  
 neralis Electoralis Ar-  
 chiepiscopatus Tre-  
 virensis.

**L**E temp des troubles  
 ou il semble , que  
 les puissances de l'enfer  
 se sont dechainées avec  
 plus d'insolence & de fu-  
 reur, contre le saint Sié-  
 ge , & contre l'authori-  
 ré du Chef visible de l'E-  
 glise, devant plus que ja-  
 mais exciter l'attention  
 du Ministère Pastoral,  
 pour rapeller dans la me-  
 moire des fideles l'obeis-  
 sance & la juste soumis-  
 sion qu'ils doivent aux  
 decisions Dogmatiques  
 du

**C**UM turbarum tem-  
 pestas , quâ viden-  
 tur inferorum potestates  
 summâ insolentiâ ac fu-  
 rore adversus Sanctam  
 Sedem , autoritatém-  
 que Visibilis Ecclesie  
 Capituli insurrexisse , ma-  
 gis quàm unquam atten-  
 tionem Pastoralis Mini-  
 sterii excitare debeat ad  
 revocandam in fidelium  
 memoriam obedientiam  
 justamque submissio-  
 nem quam Decisioni-  
 bus Dogmaticis Vicarii  
 JE-



du Vicaire de JESUS-Christ, & pour les attacher plus fermement à la colonne de la verité, & à la pierre fondamentale de l'Eglise; Nous approuvons fort ce présent Traité Theologique sur l'autorité & l'Infaillibilité des Papes, qui s'y trouve solidement établie sur les sentimens des plus grandes lumieres de l'Univers & des plus celebres Conciles de l'Eglise, qui se sont toujours fait gloire de suivre purement & simplement les décisions Dogmatiques du St. Siège & des Successeurs du Prince des Apôtres; de sorte que le dit Traité pourra être utile à effacer les impressions & calomnies les plus noires indignement repandues par les Novateurs du temps contre la Constitution Dogmatique *Unigenitus*, publiée &

JESU Christi debent, firmitusque eos columnæ veritatis, fundamentalique Ecclesiæ petra obstringendos; Approbamus summè hunc præsentem Tractatum Theologicum de Autoritate & Infallibilitate Summorum Pontificum, in quo ea solidè stabilita reperitur Autoritate Summorum totius Universi Syderum, celeberrimorumque Ecclesiæ Conciliorum, quæ sibi gloriæ duxerunt parè ac simpliciter decisiones Dogmaticas S. Sedis, ac Apostolorum Principis Successorum sequi; ita ut dictus Tractatus delendis impressionibus extremèque atris calumniis per nostræ ætatis Novatores adversus Constitutionem *Unigenitus* publicatam, majorique quàm antehac Solemnitate acceptatam indignè sparsis aptus futurus

ac-

turus

acceptée avec plus de Solemnité, que du passé. A ces causes, nous permettons, que le susdit Traité soit imprimé dans le ressort de l'Archevêché de Treves, en souhaitant, que les Espris indociles & prévenus jusqu'ici, y reconnoissent leur egarement, & retournent au centre de l'union. A Treves ce 1 Janvier 1724.

turus sit. Quapropter permittimus, ut supra dictus Tractatus intra limites jurisdictionis Archiepiscopatus Trevirensis typis mandari ac imprimi possit; nihil magis in votis habentes, quam ut mentes indociles, & hucusque præventæ in eorum errorem suum agnoscant, atque ad unionis centrum redeant. Trevis I. Jan. Anno 1724.

(L. S.) Jean Mathias Evêque de Rosme Suffragant & Vic. Gen. de l'Archevêché Elect. de Treves.

(L. S.) Joann. Mathias Episc. Rosmensis Suffragan. & Vicarius Gen. Archiepiscop. Elect. Trevir.







**APPROBATION**  
de Deux Profes-  
seurs en Theologie  
de l'Ordre de Saint  
Benoist.

**APPROBATIO**  
duorum Theo-  
logia Profeforum  
Ordinis Sancti Bene-  
dicti.

**L**Es divisions qui reg-  
nent de nos jours  
entre les Theologiens  
Catholiques , font un  
tort trop grand à l'E-  
glise pour être ignoé de  
personne ; leurs armes  
qui devroient être em-  
ployés contre nos en-  
nemis , servent malheu-  
reusement à nuire aux  
Enfans de nôtre Mere  
commune, & l'on voit  
avec douleur le frere  
combattre son propre  
frere. Un desordre si  
deplorable semble n'  
avoir pris sa source, que  
dans le manquement  
d'obeis-

**D**ivisiones, quæ no-  
stris diebus inter  
Theologos Catholicos  
vigent , majorem atro-  
ciorémque Ecclesiaz in-  
juriam inferunt , quàm  
ut à quoquam ignorari  
possint ; eorum arma,  
quæ contra inimicos  
nostros adhiberi debe-  
rent, nocumento filio-  
rum communis Mattis  
nostræ infeliciter deser-  
viunt, atque summo  
cum dolore cernimus,  
quomodo frater fratrem  
oppugnet. Tam de-  
plorabilis confusio non  
aliunde originem sump-  
fisse





soient le plus de difficulté, qui lui ont meritè dans d'autres traitez, composez comme ce-luy-ci pour servir l'Eglise, l'aprobation & l'eloge des sâvans. C'est ce dont la lecture de cette Dissertation nous a persuadé, & qui nous porte a luy rendre ce témoignage. A Senones ce vingt-six Fevrier 1724.

nalibus facta confronta-tione; sagacitas illa ad loca, quæ majorem difficultatem creabant, enucleanda, quæ ipsi in aliis tractatibus pro Ecclesia, quemadmodum iste, compositis ac editis eruditorum approbationem ac elogium attraxerunt. Id nobis hujus Dissertationis lectio persuasit, atque ad hoc illi reddendum testimonium adduxit. Senonibus 26. Februarii Anno 1724.

D. Benoist Sinfart Religieux Benedict. Professeur en Theolog, en l'Abbaye de Senones.

D. Benedictus Sinfart Religios. Benedict. Theolog. Profess. in Abbazia Senonensi,

D. Maximin Longeaux Prieur Claustral de l'Abbaye de Senones & Professeur en Theol.

D. Maximinus Longeaux Prior Claustralis Abbatia Senonens. & Theol. Professor.

APPRO-



# APPROBATIO CENSORIS.

**T**Ractatus iste Theologicus Authoritatem Infallibilitatem Summorum Pontificum solidissimis rationum fundamentis ita profunde perspicue illustrat firmatque, ut multivarie doctrinae & invictae veritatis splendorem in republica litterariam & universam Ecclesiam Catholicam diffundere possit, quare dignissimus est, ut e praesentibus in apicem prodeat & toti orbi illucescat. Auct. Vind. 21. Octobris 1726.

Franc. Joan. Wilhelmus à Bettendorff Eccles. Cathed. Aug. & Ratisbon. Can. Rmi. & Seren. Princ. & Ep. Aug. Consil. Eccles. & Officialis.

Franc. Joseph. Handl Sac. Theol. Lic. Rmi. & Seren. Princ. & Ep. Aug. Consiliar. Eccles. Maj. Poenitent. Librorum Censor, nec non in Colleg. Eccles. S. Mauritium Paris. & Canon.

APPROBATIO

TRACTATUS





# TRACTATUS THEOLOGICUS

DE

## Authoritate & Infallibilitate SUMMORUM PONTIFICUM.

**M**ateria, quam præfenti opere tractandam suscepi, à trecentis annis Theologorum animos multum agitavit, atque in diversa traxit, divisitque. Quidam autoritate (quod venditant) Concilii Constantiensis fulti; Summos Pontifices, quoad ea, quæ fidem concernunt, Oecumenicorum Conciliorum Judicio subijci, ab his quoque illorum decisiones in examen vocari, ac corrigi posse, consequenter hujusmodi Romanorum Pontificum definitiones, in quantum à Sanctâ Sede emanatæ sunt, non esse infallibiles, talésque, quibus se omnes fideles sub-

R.D.P. Petitdidier de Inf. Pont.

A

mit-

mittere teneantur ; tanquam veritatem in dictâ Synodo Constantiensi definitam, ac decisam, tueri ac defendere minimè dubitant. Alii è contra hinc pro certo ac indubitato tenentes, quæstionem hanc à Synodò Constantiensi minimè fuisse definitam scû decisam ; illinc verò doctrinæ anterioribus ad dictam Synodum Constantiensem temporibus ubique terrarum traditæ & approbatæ constanter adhærentes tenent, quòd omnes & singulæ Summorum Pontificum in materiâ fidei decisiones ac definitiones ad universam Ecclesiam, sive per expressas Constitutiones, sive per Conciliorum particularium confirmationem directæ, pro infallibilibus haberi debeant, talibusque, quibus cunctorum, qui fidem Catholicam profitentur, mentes subjici oporteat.

In hac sententiarum varietate nil magis, quam se fidem Orthodoxam tueri, utrinque asserunt Theologi. Qui enim Infallibilitatem Summorum Pontificum in rebus fidei discernendis impugnant, Doctrinam suam, eo quòd, ut ajunt, in Oecumenicâ Synodò definita, atque à Summo Pontifice ibidem electo approbata fuerit, pro fidei articulo haberi debere contendunt. Qui verò eandem Infallibilitatem propugnant, anteriorum ad prædictam Synodum Constantiensem sæculorum traditioni innixi, imò sacrarum paginarum Authoritate fulti, opinionem suam absquè fidei Catholicæ latione rejici, vel ei contradici fas non esse constanter asserunt : equidem tamen non dissententur hanc sacratoris Theologiæ particulam hætenus nondum expressè ab Ecclesiâ definitam fuisse, hinc satis immeritò invidioso hæresis nomine notari eos, qui



qui eidem manus dare renuunt; at plane tamen persuasum sibi habent minimèque dubitant, quin, si moderno tempore in quadam Oecumenicâ Synodò hæc quæstio ad decidendum proponeretur, ubi cuique liberè mentem suam aperire licitum foret, in summorum Pontificum favorem defini-  
retur.

Quandoquidem autem hæc ultima Sententia, quæ summorum Pontificum Infallibilitati favet, magis fundata majorique in Ecclesiâ Authoritate niti mihi videtur, quam prima eidem Summorum Pontificum Infallibilitati adversans, hinc eandem præsentì Opere stabilire conabor; quod ut meliori faciliorique methodo minorique confusione præstare queam, illud pluribus Capitibus distinguam.

## CAPUT I.

Præjudicia quædam adversus Opinio-  
nem illorum, qui Summos Pontifices  
fallibiles esse contendunt.

**I**Nter omnes convenit, quòd in materiâ fidei ac Religionis omnis nova Opinio saltem tanquam suspecta haberi debeat, atque è contrâ illi duntaxat Sententiæ adharendum sit, quæ, antequam Opinio, cujus Datum notum epochaque fixa est, introduceretur, tradita ac pro certâ in Ecclesiâ habita fuit.

Et hoc est principium, super quod primum fundo præjudicium adversus Opinionem, quam impugnatè aggredior. Opinio, quæ tenet, quòd

decisiones Summorum Pontificum in materiâ fidei ad Universam Ecclesiam directæ errori obnoxie sint, atque revisione egeant, primùm decimoquinto Sæculo enata nec non in Orbem Catholicum in-vecta est; ante magnum illud & fatale Occidentis Schisma (ubi usque tres Papæ de supremâ in Ecclesiâ Authoritate adedò inter se se decertare vili sunt, ut quisque illorum certis in Regionibus pro verò Ecclesiæ Capite agnosceretur) nullus Theologus, nullus Sanctus Pater, nullum Concilium Oecumenicum aut particulare, verbo nullus Author Catholicus inventus est, qui expressè docuerit, quòd Decisiones generales Summorum Pontificum in materiâ fidei errori obnoxie sint, neque ad suam receptionem fideles obligent; verùm è contrario, quotquot ante deploranda illa tempora hunc articulum tractaverunt, publicè & audacter docuerunt, quod hujusmodi Romanorum Pontificum definitiones Ecclesiam obligent, nec minori, quàm ipsa Concilia Generalia Authoritate polleant.

Ad probandam novitatem Opinionis illorum, qui Summorum Pontificum Infallibilitatem negant, illiùsque originis epocham determinandam, non alio mihi opus est testimonio, quàm illorum ipsorum, qui, quia vel eam pepererunt, vel omnium primi propugnarunt, illius quasi parentes sunt, Gersonem ac Majorem hîc intelligo. Ita desuper Gerson (a) loquitur: „ Ante celebrationem sacro-  
 „ sanctæ hujus Constantiensis Synodi, sic occupa-  
 „ verat mentes plurimorum litterarum magis  
 „ quàm litteratorum ista traditio, ut opposito-  
 „ rum

(a) *De potest. Eccles. Conf. 12.*



rum dogmatizator fuisset de hæreticâ pravitare  
vel notatus vel damnatus; hujus rei signum ac-  
cipe, quia post declarationem, & quod urgen-  
tius est, determinationem & practicacionem  
ejusdem sanctæ Synodi inveniuntur, qui talia  
passim asserere non paveant. In alio etiam  
Opere, (a) postquam per modum quæstionis propo-  
suisset, num appellatio à Papâ ad Concilium tene-  
ret, hæc habet; „Dixerunt olim ante Concilium  
Generale Pisanum, & Constantiense, quòd hoc  
nullo modo licebat: & allegant jura sua pro se  
valdè, ut eis videretur, expressa. Sed constanter  
nunc asseritur, quod est hæresis damnata per  
Constitutionem Concilii Constantiensis. Hæc  
Gerson, (b) Major autem non minus quàm il-  
le hanc epocham exprimit: „Duo sunt modi,  
(inquit) „oppositi dicendi, quorum unus tenet  
Papam esse supra Concilium universale; hunc  
modum tenuerunt aliqui Cardinalium, & tenent  
communiter Thomistæ, & Romæ, ut asseritur,  
nulli fas est oppositum tueri. Alium modum  
semper nostra Universitas Parisina à diebus Con-  
cilii Constantiensis imitata est; sic quòd in eâ,  
qui prædictam viam tenuerit, in campo cogitur  
eam revocare.

En igitur originem Opinionis illius, quæ in  
præsentiâ tanquam Parisinæ facultati propria  
Orbem circumvolat. Definita à Concilio Con-  
stantiensi benè aut malè intellectò (quod in se-  
quentibus examinabimus) superioritas Synodi su-  
pra Papam eò Gersonem ejusque sequaces impu-  
lit, ut concluderent Papæ decisiones, eo quòd  
Con-

A 3

(a) De Excommu. (b) De potest. Eccles. c. 15.

Concilio Generali subjectæ sint, minimè infallibiles esse.

At exindè apprimè legitimum de hujus Opinionis falsitate deduco præjudicium. Enimverò Doctrina per mille quadringentos hætenùs annos in Ecclesiâ incognita, primumque, occasione dumtaxat invidiosi cujusdam Schismatis introducta, vera utique Ecclesiæque Doctrina esse non potest.

Secundò : In favorem Infallibilitatis Summorum Pontificum de contrariâ Opinitione ex his præjudicatum esse videtur, quòd nempe ante memoratum Schisma nostram sententiam omnes Theologi unanimiter receperint ac docuerint, ut sequentibus demonstrabimus ; quòd eam Doctores facultatis Parisiensis, ut & aliarum Universitatum tanquam Doctrinam indubitata[m] tradiderint ; quòd id ipsum omnes Canonistæ præstiterint ; quòd Episcopi eidem semper manus dederint, nec unquam ulli in mentem venerit, ut illam in dubium vocaret. Nonnisi igitur novitatis cujusdam cupidine Gersoni paucisq; aliis suæ ætatis Theologis Opinionem suam in Theologiam invehere placuit.

Tertium præjudicium exindè colligitur, quòd, cum temporibus Photii Græci Schismatici hæc Infallibilitatis Romanorum Pontificum Prærogativam dubiam facere attentassent, Authores Catholici, qui eos nono sequentibusque sæculis impugnarunt, tam eorundem Summorum Pontificum ad Concilia superioritatem, quàm in decernendis rebus fidei Infallibilitatem velut Doctrinam ab Ecclesiâ semper receptam & adoptatam propugnarent, ut apertè habetur ex operibus tum Aeneæ Parisiensis Episcopi, tum Rattami Corbejen[s]is Monachi.



nachi, qui sæculo nono floruerunt, cùm etiam Anselmi Avelsbergenſis Epifcopi, qui ſæculum undecimum illuſtrabat, tùm etiam ex Operibus SS. Thomæ & Bonaventuræ, qui ſæculo decimotertio Orbem Chriſtianum decorârunt. Enimvero niſiquis hos adæo illuminatos Doctores Doctrinam ſuæ ætatis Eccleſiæ ignoraffe, aut controverſos inter Latinos & Græcos augere articulos, ſicque plura ac majora ad horum cum illis reunionem impedimenta interponere ipsis volupè duntaxat fuiſſe, criminari malit; fateri cogetur, quòd illis, quibus modo dicti floruère Doctores, ſæculis, nullus Catholicus extiterit, qui hujus Sententiæ fidem in dubium unquam vocarit; imò quod notatu apprimè dignum eſt; cùm Anſelmus Avelsbergenſis Epifcopus Imperatoris Lotarij in Urbe Conſtantinopolitanâ tum temporis Legatus hac de re cum Nechite viro ob profundam ſcientiam in Eccleſiâ Græcâ ſpectatiſſimò publicam collationem habuiſſet; hic Nicomediæ Antiſtes ultrò quidem Romanis Pontificibus Primatum in Eccleſiâ, Júsque in Oecumenicis Conciliis præſidendi concedebat: (a) „ Romana (inquebat) Eccleſia cui nos „ quidem inter has ſorores Primatum non negamus, & cui in Concilio Generali præſidenti, „ primum honoris locum recognoſcimus. &c. At dictis Romanis Pontificibus quandam ſupremam de omnibus Eccleſiis judicandi poteſtatem tribui debere inſiciabatur; aliàs, inquebat, reliquæ Eccleſiæ nonniſi mancipia forent Romanæ: „ Quid „ igitur nobis (ſunt ejus verba) ſcripturarum „ ſcientia? quid nobis litterarum ſtudia? quid

A 4

„ ſapientia

(a) *ſpicil. tom. 13. p. 211. ¶ 212.*

„ sapientum Græcorum nobilissima ingenia? sola  
 „ Romani Pontificis Authoritas, quæ sicut tu di-  
 „ cis, super omnes est, universa hæc evacuat.  
 „ Solus ipse sit Episcopus, solus Magister, solus  
 „ Præceptor, solus de omnibus sibi soli commis-  
 „ sis, soli DEO, sicut solus bonus Pastor, re-  
 „ spondeat.

An non idipsum profectò hâc ipsâ nostrâ  
 ætate asserere videmus eos, qui Romanorum Pon-  
 tificum supra Concilia superioritatem, eorûmque  
 Infallibilitatem negant? fatentur quidem ipsorum  
 Primatum jûsque in Oecumenicis præsidendi Con-  
 ciliis; at cum Græcis Schismaticis ab ipsis absolu-  
 tam potestatem jûsque de omnibus judicandi Ec-  
 clesiis audacter remouent. Quòd si hujus ratio-  
 nem exigas, non aliam reddunt, quàm quòd aliàs  
 Concilia inutilia forent, solisque deinceps auscul-  
 tandum esset Romanis Pontificibus. Quod ta-  
 men supra adductus Anselmus nomine Ecclesiæ  
 Latinæ propugnat, ut videri potest in memoratâ  
 collatione, nòsque suo loco referemus.

Quartum præjudicium in eo consistit, quòd ab  
 Ecclesiæ primordiis ad nostra usque tempora Ro-  
 mani Pontifices nullam unquam Fidei definitionem  
 ediderint, quam non illicò cum debitâ veneratio-  
 ne uniuersa susceperit ac amplexa fuerit Ecclesia.

Ipsi sunt qui Concilia approbarunt, aut in  
 aliis Conciliis sententiam dixerunt, Hæreticos  
 damnarunt, Constitutiones Dogmaticas ediderunt,  
 omnia recipiente ac sequente Ecclesiâ. Ipsorum  
 decisionibus velut cuidam omnium Fidei contro-  
 versiarum termino cuncti fideles semper adhæse-  
 runt. Quod si autem Romani Pontifices subindè



Concilia sive Generalia sive Particularia convocare consultum duxerunt, id sanè factum est non tam ut in sententiam Catholici adducerentur, quam ut Hæretici plenius ac nervosius convincerentur, quippè quibus solenne est, tum denique Oecumenica appellare Concilia, cum se à S. Sede damnatos conspiciunt.

Quintum deniquè præjudicium est, quòd Opinio, quæ Summos Pontifices Synodis subjicit, quæque in ipsis Infallibilitatis Privilegium non agnoscit, moderno tempore in solo Franciæ Regno circumferatur, contrariâ interim per reliquas Orbis Catholici partes triumphante, omniumque Episcoporum, Doctorum & Theologorum mentes occupante, quàmque omnes Universitates tradant, omnes Religiosi Ordines propugnent, ac cuncti denique populi credant. Et quis arbitretur, quòd omnes reliqui Orbis Status ac Regna ad tantum tantique momenti fidei Articulum cæcutiant, Franciæque solus ille Orbis Angulus sit, quem dissipatis ignorantia tenebris veritas illustret? Cùm verò dicitur, quòd hæc Galliæ mens sit, benè mediam partem ab eâ reseccare oportet. Enimverò satis magnus hodieum Episcoporum, Doctorum etiamnum Parisiensium, Religiosorum, Pastorum, variique Statûs Ecclesiasticorum numerus ibidem reperire est, tanquam indubitabile tenentium, & Infallibilitatem Romanorum Pontificum, & quod ad idem redit, eorundem supra Concilia Authoritatem & Eminentiam; præcipuè autem & vel maximè, prout alibi, etiam in isto Regno plebs hanc Doctrinam ita sibi persuasam habet, tantæque erga Summorum Pontificum no-

men reverentiâ ac observantiâ afficitur, ut absque indignatione quadam vel minimum in contrariâ Opinionis favorem audire nequeat. Sed hæc de Præjudiciis dicta sufficiunt. Examinemus modò quænam sint illa principia, quibus Sententia, quæ Summorum Pontificum Infallibilitatem propugnat, innitur; & quoniam in materiâ Dogmaticâ non alia tenenda sunt, quàm S. Scriptura & Traditio, videamus, num hæc duo principia huic Doctrinæ faveant.

## CAPUT II.

### Privilegium Infallibilitatis Summorum Pontificum supra Sacram Scripturam fundatum est.

**N**ullus Catholicorum dubitat, quin Salvator noster Divo Petro Primatum in Ecclesiâ tradiderit; cum igitur in hoc principio omnes conveniant, non nisi ex quodam cavillationis spiritû occultæque cupiditatis S. Sedis Prærogatarum diminuendarum geniò quidam in dubium vocare velle videntur, nùm idem Primatus illi traditus & confirmatus fuerit per tres famosos illos textus, qui communiter adduci desuper solent: Videlicet:

„ (a) Beatus es Simon Bar-Jona, quia caro & sanguis non revelavit tibi, sed Pater meus qui in cælis est. Et ego dico tibi, quia tu es Petrus, & super hanc petram ædificabo Ecclesiam meam, & portæ inferi non prævalebunt adversus eam.

(a) Matth. 16. v. 17.



Et alibi : (a) „ Simon Simon, ecce Sathanas ex-  
petivit vos ut cribraret sicut triticum : ego au-  
tem rogavi pro te, ut non deficiat fides tua :  
& tu aliquando conversus, confirma fratres tuos.  
Item cum Salvator noster Christus Dominus post  
resurrectionem suam Petrum trinâ vice interrogas-  
set, nùm ipsum plùs quàm cæteri Apostoli dili-  
geret, eidem denique universam suam concedidit  
Ecclesiam his verbis : *Pasce agnos meos ; pasce  
oves meas.*

Occultâ igitur, ut dixi, quâdam solummodo  
cupidine Divi Petri prærogativas diminuendi im-  
pelluntur ij, qui in dubium vocare velle videntur,  
num per hos textus Christus Dominus Divum Pe-  
trum visibile Caput Pastoremque Primarium suæ  
Ecclesiæ constituerit. Doctor Launojus, qui in  
suis Epistolis Romanorum Pontificum Authoritati  
diminuendæ totus incubuit, omnésque vires exe-  
rnit ; ut hos S. Scripturæ textus Summis Pontifici-  
bus inutiles redderet, eò animum appulit, ut asse-  
reret, eosdem à SS. Patribus variè explicari ac in-  
terpretari ; quibusdam primum locum de ædifica-  
tione Ecclesiæ super ipsum Divum Petrum, aliis  
verò non supra Divum Petrum duntaxat, sed su-  
per omnes Apostolos intelligentibus ; aliis autem  
voces istas *Hanc Petram* Divinitatis, quam Pe-  
trus confessus fuerat, *Fidem* interpretantibus ;  
aliis denique per *Petram* ipsum Christum Domi-  
num intelligi debere affirmantibus. Ex quo me-  
moratus Doctor concludit, non certò posse in-  
ferri, quòd hoc textû Prærogativæ, quæ Summis  
Pon-

(a) *Luc. 22. v. 31.*

Pontificibus communiter tribuuntur, sufficienter stabiliantur.

Verùm quam debile sit istud Doctoris Launoij argumentum facilè demonstrari potest. Illud quidem Authoritate Concilii Tridentini roborare nititur ex eo, quod dictum Concilium prohibeat, ne quis S. Scripturæ sensum unanimi SS. Patrum sensui tribuat contrarium; sed exemplò apparet istud suum argumentum nonnisi merum paralogsimum esse. Enimverò multum inter se differunt, asserere (prout asseruit laudatum Concilium) fas non esse in exponendis sacris paginis sequi sensum omnibus SS. Patribus contrarium; & dicere, non licere sensum iisdem sacris paginis tribuere, quem omnes ac singuli SS. Patres sectati non fuerint. Ut ergo licitè quis aliquem sensum S. Scripturæ tribuere queat, sufficit, si modò quorundam SS. Patrum Authoritate illum solider, cui authoritati cæteri SS. Patres non contradixerint. Atqui hîc nullus ex SS. Patribus in medium adduci potest, qui primo sensui contradixerit, quique asseruerit Christum Dominum non ædificasse Ecclesiam suam supra D. Petrum; consequenter Doctoris Launoij argumentum de se ruit.

Præterea varii hi sensus, quos huic sacræ Scripturæ textui SS. Patres tribuerunt, tam parum sibi invicem contrariantur, quin potius perfectè concordent. Verum nãmque est, quòd Salvator noster Ecclesiam suam supra D. Petrum tanquam primum post ipsum Christum fundamentum ædificaverit. Verum item est, quòd præterea eam supra cæteros Apostolos, qui omnes post D. Petrum illius fundamenta sunt, ædificaverit. Nec minùs verum



verum est, quòd etiam illam supra fidem suæ Divinitatis fundârit. Certum denique est, eam præ omnibus super Christum tanquam supra essentialè, firmum ac immobile fundamentum ædificatam esse; & quòd hæc ita se habeant, omnesque istæ expositiones perfectè inter se se conveniant inconcussè ex eo evincitur, quòd, ut ipse Doctor Lanojus fatetur, iidem SS. Patres textui, de quo nunc agimus, binas imò ternas usque explicationes apposuerint, sanctusque Augustinus omnes quatuor adhibuerit. Sed nusquam reperietur quòd vel unus eorum huic loco morales explicationes tribuendo, litteralem sensum, qui D. Petrum respicit, quemque Ecclesiæ Doctores ad hujus S. Apostoli in Romanâ Sede successores semper extendunt, excluserit.

Quòd si hunc locum secundum se examinemus, profectò liquet, quòd Salvator noster, cum Divum Petrum ob id Beatum pronuntiavit quod per æterni Patris revelationem Divinitatem suam agnovisset, quantus honor, felixque sors illum maneret, verbis sequentibus declarare voluerit, ei promittendo nempe, quod super ipsum, tanquam super fundamentum, adversus quod nulla inferorum nequitia unquam prævalitura esset, Ecclesiam suam ædificaturus esset. Et quemadmodum hæc promissio secundum Patres ad hujus Apostoli Successores pertransiit, ita dubitari non potest, quin locus iste, & eorum Primatum & Infallibilitatem stabiliat. Si enim Ecclesia ideo immobilis & inconcussa manet, quia super D. Petrum ejusque Successores fundata est, sequitur, quòd singuli Successores hujus Ecclesiæ Capitis similem in fide habere

habere debeant firmitatem parique fortitudine Ecclesie columnam suffulcire, utpote cujus sunt fundamenta. Referemus in sequentibus Patrum testimonia utrumque stabilientia. Sufficiat hic cum D. Hieronymo (a) dixisse : „ Cathedræ Petri communioni consocior, super hanc Petram ædificata, tam Ecclesiam scio, quicumque extra hanc dominum agnum comedit, profanus est. Et cum S. Augustino : (b) Numerate Sacerdotes vel ab ipsâ Sede Petri, & in Ordine Patrum quis cui successit, videte ; ipsa est Petra, quam non vincunt superba inferorum portæ.

A nullo controvertitur, quod locus secundus, quem ex S. Lucâ retulimus, peculiariter D. Petrum respiciat. Sed qui tenent Romanos Pontifices in fidei quæstionibus infallibiles non esse, indefectibilitatem fidei in Divo Petro personalem fuisse, nec ad ejus successores pertransiisse contendunt. At nos decursu operis nostri demonstrabimus, hanc ipsorum assertionem malè fundatam esse, factosque Patres, ac antiquos Theologos longè aliter hac de re sensisse.

Nec denique id controverti potest, quod scilicet tertio S. Scripturæ locò Salvator noster D. Petrum singulari quodam Privilegio præ cæteris Apostolis decorarit. Quærit enim ab ipsò, num ipsum plùs quàm cæteri Apostoli diligit, quâ interrogatione tertio usque repetitâ ei demum tam oves quam Agnos suos pascendos tradit. Quis post hæc dubitabit, quin ipsam peculiariori præ cæteris Apostolis modò suæ Ecclesie Pastorem constitue-

(a) *Epist. ad Damas.* (b) *In Psal. cent. part. Don.*



rit, ipsique suorum Agnorum & Ovium curam demandando totam Ecclesiam commiserit?

Quod si quis secundum D. Augustinum dicere velit, quòd hâc occasione D. Petrus universam Ecclesiam repræsentarit, nec hæc Privilegia ad suam duntaxat personam restricta fuerint; longè abest, ut hanc Doctrinam rejiciam aut ei contradicam, quin potius per illam Summorum Pontificum Authoritatem optimè & mirum in modum firmari contendam. Profectò namque, si Concilium Constantiense ad ostendendum, quòd Authoritate totius Ecclesiæ polleret, eamque præ manibus, ut ita dicam, teneret, non melius hanc universalem potestatem exprimere se posse arbitratum est, quàm si assereret se universam repræsentare Ecclesiam; quis dubitabit, quin D. Petrus, si in occasionibus, de quibus nunc agitur (id est, cùm Salvator noster asseruit, se super ipsam Ecclesiam suam ædificaturum, eumque illius Pastorem constituit) universam repræsentavit Ecclesiam, potestatem etiam Generalem super eandem receperit? Quod si tunc universa Ecclesia eminenter in D. Petro, ut in Capite suo residebat, an non naturaliter concludi debet, quòd omnis influentia Christi Domini in suum Corpus Mysticum, in hocce corpus per medium & Organum Capitis illius transierit?



## CAPUT III.

Qualem ideam primis Ecclesiæ Sæculis de Authoritate Romanorum Pontificum in quæstionibus Fidei habuerint fideles?

**A**Ntequam super hoc puncto historiam Ecclesiasticam consulamus, operæ pretium erit, ideam, quam de Authoritate D. Petri post Salvatoris nostri in cælos ascensionem nobis ob oculos ponunt Acta Apostolorum, vel momento contemplari. Id namque ad ea confirmanda, quæ de Privilegiis, quibus cum DEI filius decoravit, præcedenti Capite retulimus, multum, ni fallor, conferet. Et quidem vix Salvator Apostolos suos visibiliter deseruerat, cum ecce statim Beatus Petrus Primatum suum in Collegiò Apostolicò exercere conspicitur. Hoc habetur per illud, quod de electione Divi Matthiæ ibidem refertur, ubi cum D. Petrus proposuisset supplendum esse in dicto Collegiò infelicis Judæ locum, universus Cœtus ijs, quæ ipsi ab istò Ecclesiæ Capite proposita fuerant, detulit. Ad quæ Divus Joannes Chrysostomus: „ Meritò (inquit) primus Petrus omnem Authoritatem usurpat in negotio, ut qui omnes habet in manu, ad hunc enim dicit Christus, & „ tu aliquando conversus confirma fratres tuos.

Post Sancti Spiritus descensionem, ubique D. Petrum in fronte, ut ita dicam, Apostolorum collocatum cernimus. Omnes ipsi in silentio auscultantur. Ipse solus Judæos in die Pentecostes oratione



tionem compellit, scelusque exprobrat, quod Christum Jesum crucifigendo contraxerant, atque ut in eum credant hortatur. Ipse solus claudum ad portam Templi mendicantem alloquitur, eumque sanat; Ipse solus rationem de hoc miraculo populo, qui ibidem convenerat, reddit; Ipse solus cum Divo Joanne audacter Principibus Sacerdotum Magistratibusque respondet; Ipse solus fulgentissima patrat miracula: quippe de ipso solo refertur, quod illius umbra omnis generis morbos curarit; Ipse solus Judaicam Ecclesiam (id est primos Fideles) regit ac gubernat, Ananiamque & Saphiram ob commissam fraudem morte damnat; Ipse solus ad Evangelium predicandum primo destinatur; Ipse solus denique in Concilio Hierosolymitano sententiam pronuntiat ac fert. Quibus addi potest, quod cum in carcere detineretur, universa Ecclesia pro ipsius liberatione ad Deum preces funderet non destitit, donec eandem obtinuerit.

Et hæc sunt, quæ de ijs, quæ in ipsius Ecclesiæ primordijs gesta sunt, in Actis Apostolorum legitur, quibus utique, nã fallor, patet, quod à tempore Ascensionis Salvatoris nostri cæteri Apostoli D. Petrum & ut Caput Ecclesiæ & ut suum Superiorem semper agnoverint, ac reveriti fuerint. Modò ad ipsius Successores transeamus.

Si loco falsarum Decretalium, quæ sub nomine Summorum Pontificum, qui tribus primis Ecclesiæ sæculis florêre, causæ fuerunt, veræ suppeterent eorundem Epistolæ, luculenta ac illustria procul dubio de potestate, quam omni tempore in Ecclesia exercuerunt, atque de observantia, quam fideles ipsorum decisionibus exhibuerunt, argumenta pro-

bationésque suppeditarent, at cùm immanes turbines, quibus illis persecutionum temporibus Ecclesia agitara fuit, earum majorem partem nobis è manibus excusserint, cogimur ad ea pauca calamum sistere, quæ Historia Ecclesiastica nobis reliquit.

Primo igitur jam Ecclesiæ sæculo, (a) cùm Ecclesia Corinthiorum varijs scissionibus conquateretur, ad Ecclesiam Romanam confúgit, ut ibi remedium ad ea mala inveniret, quibus tunc in discrimen adduci videbatur. Beatus Clemens, qui eo tempore Ecclesiæ Romanæ gubernacula tenebat, hisce medelam ferre cupiens, illustrem Epistolam ad dictæ Corinthiorum Ecclesiæ Rectores dedit, quæ adhuc superest, quâ pacem & tranquillitatem pristinam, in ista Achajæ Metropoli restituit, illósque in fide firmavit, prout testantur Scriptores antiqui.

Sequenti Sæculo, (b) Victor Pontifex Romanus ab usui, qui longo jam tempore in Asia vigeat, mendi cupiens, illius Provinciæ Episcopos eò adigit, ut se Ecclesiæ Romanæ potiorique cæterarum Ecclesiarum parti accomodarent, diéque Dominicâ & non cum Judæis, decimâ quartâ lunâ videlicet Martij, Pascha celebrarent. Polycratem verò Ephesiorum, aliósque istius Provinciæ Episcopos suis mandatis, sub prætextu traditionis cujusdam ab Apostolis receptæ obedire renuentes ab Ecclesiæ communione removit, vel saltem removere voluit. At cùm plures Episcopi, præcipuè autem S. Irenæus Lugdunensium Archiepiscopus, humiliter ipsi exposuissent, hæc extrema non convenire, nec congruere, ut Asiatici ob praxin quamdam, quam à suis Prædecessoribus receperant, à totius Ecclesiæ unio-

(a) *Enseb. l. 3. c. 12.* (b) *Idem l. 5. c. 24.* 25.



ne removerentur, scissio quidem integra aut saltem continuata non fuit. Non satis liquet, num Asiatici tandem Victori Papæ manus dederint. Id hujus fidem facere potest, quòd D. Athanasius commemorans eos, qui tempore Concilij Nicæni die Dominicæ à Pascha non celebrabant, nihil omninò de Asiaticis loquatur, sed tantùm Syriæ, Ciliciæ, ac Mesopotamiæ incolarum mentionem faciat: Verùm quidquid de eo sit, ex hujus tamen contentions narratione manifestum est, quòd jam à sæculo secundo Romani Pontifices emergentes in Ecclesia difficultates & Controversias tam in Oriente quàm Occidente determinarint ac definierint, quòdque illi, quos excommunicabant, à totius etiam Ecclesiæ communione remoti ac resecti fuerint. Synodus item Nicæna (a) decisioni Victoris Papæ se conformans decrevit, ut omnes Catholici die Dominicæ Pascha celebrarent, & qui ad contrariam praxin animum obstinarunt, tanquam Hæretici habiti, atque ut tales ab Ecclesiæ Corpore resecti sunt, ut habetur ex secunda & tertia Synodis Oecumenicis, ut interim multa alia veterum monumenta omittamus.

Sæculo Tertio, (b) cùm Novatianus Schismate in Ecclesia Romana suscitato, hujus Ecclesiæ Sedem invadere attentasset, atque conatus machinationesque suas irritas fore, nec non Cornelium per totum Orbem pro vero Romano Pontifice haberi perspexisset, novam hæresin excogitavit, contendens, prout refert Eusebius, (c) ijs, qui tempore persecutionis fidem Catholicam ejurassent (quamvis omnia, quæ viderentur ad veram pœnitentiam spectare, omnino

B 2

post-

(a) *Conc. Nicæn. Ep. ad Eccl. alex.* (b) *Euseb.*  
*l. 6. c. 35.* (c) *cit. l. 6.*

postmodum peragerent) nullam prorsus salutis spem reliquam fieri. Qua de causa Cornelius coacto Romæ Concilio Novatiani errorem damnavit, cui damnationi dein omnes Ecclesiæ non minori unanimitate, quàm si illa Hæresis in Concilio Oecumenico damnata fuisset, acquieverunt.

Neminem latet contentio illa, quæ paulo post in causa Baptismi Hæreticorum orta est. Stephanus Papa postquam rescississet, quòd S. Cyprianus Carthagenensis Antistes, Africanique Episcopi Hæreticos ad Ecclesiæ communionem revertentes rebaptizari juberent, quamvis jam priùs in nomine SS. Trinitatis baptizati fuissent, fortiter huic errori restitit, definiitque, oportere in hoc quemadmodum & in omnibus alijs antiquam sequi Ecclesiæ traditionem. Quanquam verò S. Cyprianus, eo quòd id, tanquam quid merè disciplinam spectans consideraret, decisioni Papæ hinc deferendum esse non arbitratus fuerit, atque in hoc magnorum Orientis Episcoporum Authoritate fulciretur; nihilominus Univerſa Ecclesia Papæ decisionem amplexa est, & licet S. Cyprianus in communionem Ecclesiæ perſtiterit, atque in ea extremum diem obierit, ii tamen, qui pervicaciter ipsius praxin postmodum secuti sunt, in Hæreticorum numerum rejecti sunt.

Cùm sub ejusdem Papæ regimine Marcianus Episcopus Arelatensis Novatiani Hæresin amplexus fuisset, D. Cyprianus desuper per litteras Stephanum certiore reddidit, rogans, ut dictum Hæreticum Episcopum deponeret, aliùmque in ejus locum suffici ac ordinari curaret. Ex quo apparet, quantâ potestate tunc temporis in univèrsa Ecclesia usi sint Romani Pontifices.



Id insuper probatur ex eo, quòd, cùm duo Hispaniarum Episcopi, qui è suis Sedibus ejecti fuerant, eundem Papam implorassent, rogassentque, ut in pristinas dignitates ipsos restitueret, Stephanus secundum ea, quæ illi exposuerant, ipsos restituerit; & quamvis hæc restitutio locum non habuerit, eoque dictum Papam circumvenisse, ipsique falsa exposuisse deprehensi sint, nihilominus tamen exinde manifestè liquet, quòd fideles Romam tanquam ad supremum Tribunal concurrerint.

Cùm eodem sæculo Dionysius Ecclesiæ Romanæ Presbyter ad Sedem Apostolicam evectus fuisset, (a) quidam erga D. Dionysium Patriarcham Alexandrinum malè affecti, eum ad Papam detulerunt, quasi non orthodoxè de Filio Dei sentiret, nec non in quibusdam operibus minùs Catholicè de eo scripsisset; illico Dionysius Papa ad eum litteras dedit, mandans, ut suæ fidei rationem redderet, cui mandato memoratus Patriarcha promptè obediens apologiam edidit, quam Romam misit, in qua expressiones sibi objectas de crimine purgabat, demonstrabatque, se in scripto illo, de quo agebatur, proprijs terminis Divinum Verbum Patri consubstantiale esse, expressisse. Hanc Historiæ particulam à S. Athanasio acceptam retulimus, (b) à quo etiam illud habemus, quòd nempe Concilium Nicæanum ab his binis Dionysijs vocem *Consubstantialis* mutuavit. Ex hoc facto apparet, quòd illo sæculo, sicut & sequentibus Romani Pontifices, cùm de fide agebatur, omnimodam in omnes Ecclesias exercuerint jurisdictionem, quippè cùm Patriarcha

B 3

Ale-

(a) Athan. Ep. de Dion. Alex. (b) Athan. Ep. ad Afric.

Alexandrinus (quemadmodum ceteri) eisdem sua  
Fidei rationem reddere teneretur.

## CAPUT IV.

Qualem ideam Historia quarti &  
quinti Sæculi de Authoritate Romanorum  
Pontificum nobis ob oculos ponat.

**H**ic ab ijs, quæ sub Julio Papa gesta sunt, ini-  
tium nobis sumendum est, nec enim de ijs,  
quæ sub illius Prædecessoribus contigêre (si ea, quæ  
contentionem Donatistas inter & Cæcilianum Car-  
thaginensem Episcopum concernunt, excipias) quide-  
quam certi habemus. Hæc igitur nobis Historiæ  
memoriâ prodita sunt. Cùm Eusebiani perspice-  
rent, quòd S. Athanasius post obitum Constantini  
Magni, à quo Trevirim relegatus fuerat, Sedem suam  
Alexandrinam repetiisset, nec eum ibidem diu ius  
pati possent, in ejus locum, ipso ejecto quemdam  
*Pisum* nomine, ejusdem cum ipsis fidei, Arianum  
nempe, sufficere conati sunt; quò per vim intrusò  
Legationem ad Julium Papam ad obtinendas pro  
illo putatio Episcopo communionis litteras, mite-  
runt sub prætextu, quòd D. Athanasius in Synodo  
Tyri habita ob varia scelera, de quibus per informa-  
tiones in Mareote adversus ipsum factas abundè  
convictus fuerat, damnatus fuisset; verùm D. A-  
thanasius suo nomine quosdam ex suis Presbyteris  
Romam misit, qui Eusebianorum Legatos falsi po-  
stularunt ac convicerunt; quo super hi Julium Pa-  
pam



pam rogârunt, quatenus Synodum, in qua hæc causa discuteretur, ac dijudicaretur, convocare dignaretur: Julius eorum postulatis deferre cupiens, litteras tum ad Eusebianos, tum ad Athanasium exarat, tempusque indicit, quo utrique se Concilio sistere deberent; Mandato Pontificis statim quidem obtemperavit hic Sanctus Patriarcha; at verò Eusebiani fati superque subodorantes fraudes suas clandestinæque adversus Athanasium consilia Romæ haud prævalitura, Synodum Antiochiæ cogunt, ubi abdicatò iterum Athanasio in ejus locum Gregorium quemdam ordinant, malè digestam dein ad Papam Julium mittunt Epistolam, in qua postquam conquesiti essent, quòd de novo causam Athanasij discutere voluisset, se excusant, quòd in Synodo Romana comparere non possint. Ast hæc minimè obfuere, quin Papa Concilium cogeret, in eoque Athanasium in suam communionem reciperet.

Julius dein litteris Orientalium tam suo quàm Concilij nomine respondit, Athanasij innocentiam tuetur, Eusebianorum objectiones diluit, vanos prætextus refellit, eorumque Conventus & Conciliabula reprobat, additque, quòd, si S. Athanasius nocens fuisset, Orientalium officium postulasset, ut priusquam ad illum damnandum convenissent, Episcopo Romano scriberent, ipsiusque desuper decisionem expectarent: (a) „ Cur autem (inquit) „ de Alexandrina potissimum Ecclesia nil „ nobis scriptum est, an ignoratis hanc esse consuetudinem, ut primùm nobis scribatur, & hinc, „ quod justum est decernatur? sanè si qua hujus-

B 4

me.

(a) *Julius Ep. ad Orient.*

1. modi suspicio in illius Urbis Episcopum (Athana-  
 2. sium nempe) cadebat, ad hanc Ecclesiam scribens  
 3. dum fuit. Ex his, nî fallor, palam fit magnitudo  
 4. potestatis Romanorum Pontificum, qui sæculo  
 5. quarto Ecclesiæ præfuerunt, quippe cùm Concilia  
 6. particularia de uno Patriarcha Alexandrino iudicare  
 7. non tantùm non possent, nisi priùs à Romano Pon-  
 8. tifice petita licentiâ; sed & etiam, quòd, quame-  
 9. vis eam petissent, nihil tamen desuper, nisi quòd  
 10. ipsis Summus Pontifex præscripsisset, agere vale-  
 11. rent.

Socrates de hac Julij Papæ Epistola agens con-  
 tendit, quòd in ea dictus Papa conqueratur; (a)  
 1. Quòd contra Canones ipsum ad Concilium non  
 2. vocassent; cùm Ecclesiasticâ regulâ interdictum  
 3. sit, ne præter sententiam Romani Pontificis quid-  
 4. quam ab Ecclesiâ decernatur. (b) Sozomenus  
 5. idem referens, omne id, quòd absque consensu Ro-  
 6. mani Pontificis fit, irritum esse ac nullum ait. (c)  
 7. Author quoque Historiæ tripartitæ ita rem vertit, ut  
 8. dicat: *non oportere præter sententiam Romani*  
 9. *Pontificis Concilia celebrari.* Minimè me lateret;  
 10. quosdam nostræ ætatis eruditos asserere, quòd Au-  
 11. thores, quos modò citavi, Epistolæ Julij Papæ sen-  
 12. sum ultra modum exaggerârunt. Fieri quidem po-  
 13. tuit, ut memorati Scriptores ad ea, dum scribebant,  
 14. reflexerint, quæ suâ a tate de more factitabantur,  
 15. verùm quamvis id verum esset, ipsorum tamen te-  
 16. stimonium non desin- ret magni ponderis esse, siqui-  
 17. dem duo priores Græci erant, ac sæculo quinto scri-  
 18. bebant, tertius autem sæculo sequenti.

A Ju-

(a) l. 2. c. 13. (b) l. 3. c. 7. &amp; seqq. (c) l. 4. c. 9.



A Julio ad Damasum Papam Liberij successorem Valentiniano & Theodolio imperantibus transiit. Tria quoad hunc Pontificem non levis momenti occurrunt, quæ ad propositum meum multum faciunt. Primum est, quod circa annum trecentessimum septuagesimum secundum Synodum Romæ coegerit, in qua ea, quæ prius in Ariminensi Conventu actitata fuerunt, damnata sunt, atque formula Fidei à Concilio Nicæno præscriptæ unice ad hærendum esse definitum fuit. Sic autem inter alia dictum Romanum Concilium loquitur: „ Neque enim præjudicium aliquod fieri potuit per numerum Arimino congregatum, neque Romanum Episcopum, cujus ante omnia decebat (vel oportebat *è dei*) expectare decretum, neque Vincentium, qui tantis annis Episcopatum inviolabiliter custodivit: neque alios talibus præbuisset consensum.

Ex hoc textu infero, quod secundum istud Concilium omnis Episcoporum Conventus quantumvis numerosissimus, si absque Romani Pontificis consensu instituat, illegitimus sit, illiusque de fide definitiones prorsus nullæ sint, nisi per ejusdem Romani Pontificis consensum confirmatæ fuerint. Si hæc Damasus particulari cuidam Epistolæ inseruisset, dici forsitan posset, quod in propria causa loquatur, at cum hîc numerosa loquatur Synodus, profecto dubitari non potest, quin conformiter ad regulas disciplinamque illo tempore in Ecclesia receptam discurrat.

Secundum, quod occurrit, est, quod, quamvis Apollinaris Hæresis in Oriente orta fuerit, Damasus

sus tamen, prout referunt Sozomenus & Rufinus (a) omnium primus eam damnarit. Cùm enim Divus Basilius Orientalésque Sabinum Diaconum, & Timotheum illicò Romam misissent, ut adversùs Hæreses, quibus tum Oriens concutiebatur, supplicias & auxilium peterent; Damasus præsentibus Timotheo & Petro Alexandrino, qui Romam se receperat, Concilium coegit, ac in eo dictam Apollinarianam Hæresin damnavit. Cùmque Timotheus Presbyter hujus Synodi acta in Orientem retulisset, statim Orientales numero circiter centum quinquaginta Antiochiæ convenerunt, ibique Concilij decisionem receperunt, eique subscripserunt.

Tertium est, quòd idem Damasus (cùm Concilium Nicænum quidquam adversùs Hæreses nondum natas statuere haud potuerit) in alia iterum Synodo novam fidei formulam confecerit, cui Anathemata adversùs Macedonianos & Apollinaristas adjecit, hancque formulam Paulino Patriarchæ Antiocheno miserit, ut iis, qui de contrarijs erroribus suspecti erant, si aliàs in Ecclesiæ communionem recipi cuperent, eandem subscribendam traderet. Ex hoc formulari liquidò constat, quantâ injustitiâ Græci à tempore sui schismatis contenderint, quòd Romani Pontifices absque eorum convocazione non potuerint determinare Spiritum Sanctum à Filio procedere sicut à Patre. Cùm id Concilium Constantinopolitanum in suo Symbolo non inseruisset, eoquòd Damasus Papa jam sæculo quarto iis, quæ Concilium Nicænum de Spiritu Sancto atque Verbi incarnatione asseruerat, addidisset, Græcis minime convocatis idque nullatenùs improbantibus.

(a) *Sozom. l. 6. c. 25. Rufin. l. 11. c. 20.*



Damaso sub finem quarti sæculi successit Sircius ; Ex ipsius Epistolis Decretalibus satis apparet, quantum ipsius jurisdictio se extendit. Hic unicè sententiam, quam suo Romano Clero præfidens adversus Jovinianum necnon ejus adhærentes illorumque errores tulit, commemorabo. Errores damnavit, eorum autem Authores Anathemate confixit. Cùmque desuper suam sententiam alijs Episcopis transmississet, Jovinianus sui que adhærentes ubique terrarum tanquam execrabiles habiti, & ut Hæretici agniti fuère. D. Ambrosius suæque Provinciae Episcopi quoad hoc Papæ rescripserunt, laudatâque ipsius super gregem Christi Pastoralis vigilantia declarant, quòd factam ab ipso memoratorum Hæreticorum damnationem recipiant. Sic Epistolam ordiuntur : „ Recognovimus litteris Sanctitatis tuæ boni Pastoris excubias, qui diligenter tibi commissam januam serves, & piâ sollicitudine Christi Ovile custodias, dignus quem oves Domini audiant & sequantur : & ideo quia nosti oviculas Christi, lupos faciliè deprehendis, & occurris quasi providus Pastor, ne isti moribus perfidiæ suæ feralique ululatu Dominicum Ovile dispergant. Sic autem illam finiunt : Itaque Jovinianum, Auxentium &c., quos Sanctitas tua damnavit, scias apud nos quoque secundùm judicium tuum esse damnatos. Id hinc adhuc de Anastasio Papa addendum, quòd, teste D. Hieronymo, Origenis errores in Oriente jam damnatos, etiam damnârit, hæcque damnatio toto Occidente recepta fuerit. (a) „ Quamquam (inquit) „ celebri sermone vulgatum sit, Beatum „ quo-

(a) *Epist. ad Pammach. ¶ passim.*

„ quoque Papam Anastasium, eodem fervore, quia  
 „ eodem spiritu est, latitantes in suis foveis Hæretici-  
 „ cos persecutum, ejusque litteræ doceant damna-  
 „ tum in Occidente, quod in Oriente damnatum  
 est.

Hæc sunt, quæ ad demonstrandam quarti sæculi de Authoritate Romanorum Pontificum ideam notatû digniora inveni. Id solummodo addam, (a) quod secundum ejusdem D. Hieronymi testimonium tam Orientis quàm Occidentis Ecclesiæ ad ipsos recurrerint, eosque in emergentibus dubijs consuluerint, ex quo patet, quod tunc temporis tantam quam totius Ecclesiæ oracula habiti fuerint. Photius (b) etiam, postquam de secundo Concilio Oecumenico disseruisset, suarum partium esse arbitratum est, etiam addere, quod à Damaso Papa confirmatum fuisset. „ Quibus (inquit) „ haud multo post & Damasus Romæ Episcopus eadem „ confirmans, suoque consensu comprobans accessit. Quâ confirmatione tum denique Oecumenicæ auctoritatem adeptum est, quamvis ex solis Orientis Episcopis compositum fuerit.

Initio sæculi quinti Anastasio vitâ functo in Thronum Apostolicum successit Innocentius Primus. Cùm autem ipsius Pontificatus ad decem & septem fermè se extenderit annos, longioris operæ foret, omnia ea, quæ per id tempus gesta sunt, referre, ea igitur retulisse sufficiet, quæ graviora sunt magisque ad propositum faciunt.

Primum quod occurrit, est Sacrarum Scripturarum Canon; cùm enim Exuperius Episcopus Tholosanus super varijs rerum capitibus hunc Papam con-

(a) *Epist. ad Ageruchiam.* (b) *lib. de Syn. prim.*



consuluisse, ultimum erat, ut dignaretur ei indicare, quosnam Scripturæ libros pro Canonicis recipi oporteret. Ad hoc ipsi Papa respondet, ipsosmet Canonicos libros enumerando, quem numerum hodie adhuc sequitur tenetque Ecclesia. Satis autem notum est, quod usque ad hanc præfati Summi Pontificis declarationem, opiniones super plerisque S. Scripturæ libris, qui modò Canonici inserti sunt, in Ecclesia divisæ fuerint, quòdque hic Summus Pontifex eorum numerum omnium primus determinavit. Hincmarus etiam aliique Franciæ Episcopi sæpius falsi sunt, quòd à Sede Apostolica & per illius auctoritatem Sacrarum Scripturarum Canonem tenerent. Quòd si illo sæculo Episcopi in re tanti momenti auctoritatis ac decisionis Summi Pontificis tanquam infallibilis rationem aliquam iniri posse non credidissent, an ad illum pro Canone hoc determinando recursum habuissent, anque ejus decisio dubia solvisset, mentesque, prout fecit, tranquillasset?

Secundum, quod occurrit, est, quòd Innocentius Primus Macedoniæ Episcopis scribens ratione quarumdam quæstionum disciplinam tantummodo spectantium, nihilominus injuriam Sanctæ Sedi illatam interpretatus sit, quòd ipsius desuper factas decisiones in dubium vocare ausi essent: „ In quibus  
„ litteris (inquit, loquens de Epistola, quam ad ipsam dictæ Provinciæ Episcopi exararant) „ multa  
„ posita pervidi, quæ stuporem mentibus nostris  
„ inducerent, facerentque nos non modicum dubitare, utrum aliter putaremus, an illa ita essent  
„ posita, quemadmodum personabant. Quæ,  
„ cum repeti pluries fecissem, adverti Sedi Aposto-  
„ licæ,

„ licæ , ad quam relatio missa quasi ad Caput Ecclesiarum curriebat, aliquam fieri injuriam, cujus ad huc in ambiguum sententia duceretur. Quod si hic Papa ferre nõ poterat, ut ad eas decisiones, quæ nonnisi disciplinam spectabant, quisquam hæsitaret; quid quæso dixisset, si suâ ætate, eas, quæ sedem concernebant, quis in dubium vocare ausus fuisset?

Tertium, quod ingentem illam auctoritatem, quâ per totum etiam Orientem pollebant Romani Pontifices, demonstrat, est illud, quod ratione D. Joannis Chryostomi gestum est. Hic Sanctus vir, cum factione Theophili Alexandrini è Sede sua ejectus, atque in exilium amandatus fuisset, desuper apud Innocentium conquestus est; Hic Papa eorum, quæ à Synodo per Theophilum congregata, quam semper tanquam latrocinium quoddam respexit, nullam omnino rationem habuit, sed cum D. Chryostomo communicare non desit, omnemque conatum adhibuit, quatenus Concilium cogere, ubi prædicto Sancto jus suum tribueretur, turbæque hac occasione excitatæ sedarentur. Verùm cum adversus ab isto Sancto Imperatoris Arcadij animus id impediret, ejusque adversarij nomen ipsius ex Sacris Dypticis expungi fecissent; Innocentius, & cum eo totus Occidens, universum Orientem à sua communione suspendit, nec cuiquam Orientalium post hujus Sancti obitum communicare voluit, nisi prius ipsius memoria pristinæ venerationi restituta, cum iis, qui ejus innocentiam propugnarant, reconciliatio inita, ejusque nomen Sacris Dypticis reinsertum fuisset; (a) quibus tandem apertissimi etiamnum

(a) Theodoret. l. 6. 34.



D. Chrysoſtomi hoſtes cedere coacti fuerunt; quemadmodum inter alia monumenta ex Epiftola huius Papæ ad Alexandrum Patriarcham Antiochenum colligi poteſt.

At huius Papæ Pontificatum Sanctæque Sedis authoritatem commendabiliorem adhuc reddunt ea, quæ in negotio Pelagij & Cœleſtij contigerunt: cùm enim ſub ſinem Pontificatus Innocentij Episcopi Africa in binis Synodis Carthaginenſi nempe, & Milevitana magno numero congregati horum Hæreticorum pernicioſa dogmata damnaffent, ſua acta Pontifici miſerunt, atque pro impetranda eorundem confirmatione ſcripſerunt: „ Hoc itaque geſtum (inquit ad eum Synodus Carthaginenſis) „ Domine Frater Sancte Charitati tuæ intimandum „ duximus, ut ſtatutis mediocritatis noſtræ, etiam „ Apoſtolicæ Sedis adhibeatur authoritas pro tuenda ſalute multorum, & quorundam perverſitate „ etiam corrigenda. Et inferiùs: „ Quæcunque „ autem alia ab eis objiciuntur, non dubitamus venerationem tuam, cùm geſta Episcopalia perſpexerit, quæ in Oriente in eadem cauſa conſecta dicuntur, id iudicaturam, unde omnes in Dei „ miſericordia gaudeamus. Milevitana autem ſic loquitur: „ Quia te Dominus gratiæ ſuæ præcipuo munere in Sede Apoſtolica collocavit, talémque noſtris temporibus præſtitit, ut nobis potiùs ad culpam negligentiam valeat, ſi apud tuam venerationem, quæ pro Eccleſia ſuggerenda ſunt, tacuerimus, quàm ea tu poſſis vel ſaſtidioſè vel negligerenter accipere, magnis periculis infirmorum membrorum Chriſti, Paſtoralem diligentiam quæſumus adhibere digneris. Et inferiùs: „ Sed

„ Sed arbitramur adjuvante misericordiâ Domini  
 „ Dei nostri, qui te & regere consulentem, & oran-  
 „ tem exaudire dignatur authoritati Sanctitatis tuæ,  
 „ de Sanctarum Scripturarum authoritate de prom-  
 „ ptæ facilius eos, qui tam perversa & perniciosâ  
 „ sentiunt, esse cessuros. Ita Africani Episcopi in  
 „ duabus Synodis maximo numero congregati loca-  
 „ quantur. Post latam sententiam ad Sanctam Sedem  
 „ tanquam ad majorem authoritatem pro illius con-  
 „ firmatione impetranda confugiunt. Quæ verò be-  
 „ nis hisce Epistolis respondet dictus Summus Ponti-  
 „ fex, longè adhuc aliter S. Sedis in Fidei quæstioni-  
 „ bus authoritatem demonstrant.

Ut ab iis, quæ Synodo Carthaginensî rescribitur  
 initium sumamus: „ Antiquæ (inquit) „ Traditio-  
 „ tionis exempla servant, & Ecclesiasticæ memo-  
 „ res disciplinæ, vestræ Religionis vigorem, non mi-  
 „ nus nunc in consulendo, quàm antea cùm pro-  
 „ nuntiares, verâ ratione firmâstis, qui ad no-  
 „ strum referendum approbâstis esse iudicium,  
 „ scientes quid Apostolicæ Sedi, cùm omnes hoc  
 „ loco positi ipsum sequi desideremus Apostolum  
 „ debeat, à quo ipse Episcopatus, & authoritas  
 „ nominis hujus emerfit. Quem sequentes tam  
 „ mala damnare novimus, quàm probare laudanda.  
 „ Vel id verò quòd Patrum instituta Sacerdotali  
 „ officio custodientes, non censetis esse calcanda,  
 „ quod illi non humanâ sed Divinâ decrevêre sen-  
 „ tentiâ, ut quicquid quamvis de disjunctis remo-  
 „ tisque Provincijs ageretur, non prius ducerent fir-  
 „ niendum, nisi ad hujus Sedis notitiam perveniret,  
 „ ut totâ hujus Sedis authoritate, justa quæ fuerit  
 „ pronuntiatio, firmaretur; indeque sumerent ca-  
 „ „ tera



tera Ecclesia (velut de natali suo fonte aqua eun-  
cta procederent, & per diversas totius mundi  
Regiones puri latices capitis incorrupti manarent) quid præcipere, quos abluere, quos velut  
cæno immundabili sordidatos, mundis dignâ  
corporibus undâ vitare.

Hæc, qui attentè legerint, sinceròque animo  
examinaverint, inficiari non poterunt: *Primò*: quòd  
secundùm D. Innocentium quæstiones fidem con-  
cernentes omni tempore ad S. Sedis iudicium per-  
lata fuerint. *Secundò*: quòd hæc traditio super S.  
Scripturam, id est, super Prærogativas à Salvatore D.  
Petro concessas fundata sit. *Tertiò*: quòd decisio-  
nes ab hac S. Sede emanatae nulli errori subjectæ sint:  
*Puri latices capitis incorrupti manarent.* *Quartò*:  
quòd omnes totius orbis Ecclesiæ ad iis se confor-  
mandum obstrictæ semper fuerint: *Quid præcipere,*  
*quos abluere, quos vitare &c.*

Sed aptiora adhuc & firmiora sunt, quæ re-  
sponsi loco Synodi Milevitanae Anustitibus scribit:  
Diligenter ergo (inquit) „ & congruè Apostoli-  
ci consulitis honoris arcana (honoris, inquam, il-  
lius, quem præter illa, quæ sunt extrinsecus, solli-  
citus manet omnium Ecclesiarum) super anxijis  
rebus quæ sit tenenda sententia: antiquæ scilicet  
regulæ formam secuti, quam toto semper ab orbe  
mecum nostis esse servatam. Verùm hæc missa  
facio: neque enim hoc vestram credo latere pru-  
dentiam. Qui id etiam actione firmastis, scien-  
tes, quòd per omnes Provincias de Apostolico  
fonte petentibus semper responsa emanent: Præ-  
sertim quoties Fidei ratio ventilatur, arbitror o-  
mnes

„ mnes fratres & Coepiscopos nostros nonnisi ad  
 „ Petrum, id est, sui nominis & honoris Authorem  
 „ referre debere, velut nunc retulit vestra dilectio,  
 „ quòd per totum mundum possit Ecclesijs omni-  
 „ bus prodesse. Fiant enim necesse est cautiore,  
 „ cùm inventores malorum ad duplicis relationem  
 „ Synodi, sententiæ nostræ statutis viderint ab Ec-  
 „ clesiastica communione se junctos. Gemino in-  
 „ gitur bono Charitas vestra fungatur; nam &  
 „ Canonum potiemini gratiâ servatorum, & bene-  
 „ ficio vestro totus orbis utetur. Quis enim Ca-  
 „ tholicorum virorum cum adversarijs Christi velit  
 „ ulterius miscere sermonem? quis saltem ipsam lux-  
 „ cem vitæ communione partiri?

Hæc Divi Innocentij Papæ verba *Primò* & qui-  
 dem modo clariori magisque evincente omnia ea,  
 quæ quoad responsionem Synodo Carthaginensi factam  
 jam adnotavimus, demonstrant. *Secundò*.  
 Quòd nihil quoad Fidem pro deciso ac definito ha-  
 bitum fuerit, quin priùs ad Sedem Divi Petri delat-  
 tum fuisset, summusque Pontifex desuper sententi-  
 am tulisset. *Tertiò*. Quòd ante dicti Summi  
 Pontificis definitionem Synodorum particularium  
 determinatio ut suspensa habita fuerit: *Super an-  
 xijs rebus quæ sit tenenda Sententia.* *Quartò*.  
 Quòd quidquid ante hanc Summi Pontificis defi-  
 nitionem Episcopi determinassent aut definiissent,  
 nonnisi meræ consultationis, ac relationis ob diffi-  
 cultatem quandam Summo Pontifici factæ vim ha-  
 buerit. *Ad relationem duplicis Synodi.* *Quintò*.  
 Quòd sententia Papæ, quâ Synodos confirmare so-  
 lebat, ultimum quoddam iudicium fuerit, vi cuius,  
 qui



qui damnati fuerant, à communionem Ecclesiæ excludebantur. *Sententiæ nostræ statuis vide-  
rim ab Ecclesiastica communionem se junctos. Sextò.*  
Quòd tam Episcopi, quàm ceteri fideles se judicijs à  
Summis Pontificibus latis semper submiserint.  
*Quis enim Catholicorum virorum cum Adver-  
sarijs velit ulterius miscere sermonem?* Quòd si  
per hæc Romanorum Pontificum Infallibilitas super  
traditionem toti terrarum Orbi notam non stabili-  
tur, planè per quæ stabiliri possit, non capio.

Insuper relatio illa, quam hîsce super rebus solè  
Papæ fieri oportebat, minimè Concilia excludebat,  
cùm videlicet rebus nondum sufficienter discussis,  
Summus Pontifex hujusmodi Synodos convocare  
consultum ducebat, quatenus, priusquàm senten-  
tiam diceret, melius desuper informaretur. Vide-  
mus etiam, quòd primis illis Ecclesiæ sæculis, cùm  
res magni momenti occurrebant, vix non semper  
hujusmodi Synodos Summi Pontifices convoca-  
rint.

Quòd si quis, eò quòd se his S. Innocentij Papæ  
Epistolis premi sentiret, eò animum induceret, ut  
hunc Pontificem in propria causa locutum fuisse, si-  
bique ipsi testimonium reddidisse assereret, facilè  
ipli responderi posset: *Primò.* Quòd supponi non  
debeat, quasi adeò pius ac Sanctus Pontifex ad ex-  
tollendam Sedis Apostolicæ Authoritatem fraude  
uti voluerit. *secundò.* Quòd quamvis id agere in-  
tendisset, non tamen coram tam Doctis ac perspicua-  
eibus Episcopis, quales tunc erant Episcopi Africa,  
tum antiquam traditionem tum Ecclesiæ Canones  
ad hoc proferre, minùs adhuc eosdem Episcopos in

hujus rei testes vocare, idque æquè ipsis ac sibi notum perspectumque esse, asserere unquam ausus fuisset. *Tertiò.* Quòd ipsimet Africanæ Ecclesiæ Episcopi se ejus confirmatione ac judicio egere non dubitarent; prout ex binis supra adductis eorum Epistolis, quibus ad ipsum recurrerant, demonstravimus. *Quartò.* Verùm omnibus desuper os occludit judicium, quod de istis binis S. Innocentij Papæ rescriptis fert D. Augustinus; cùm asserit, quòd hic Summus Pontifex omnibus, prout Sanctam Sedem decebat, responderit. (a) „ Missæ sunt itaque (inquit) „ de hac re, ex duobus Concilijs Carthagenensi & Milevitano relationes ad Apostolicam Sedem. . . . Scripsimus etiam ad Beatæ memoriæ Papam Innocentium præter relationes litteras familiares, ubi de ipsa causa aliquantò diutius egimus. Ad omnia nobis ille rescripsit eodem modo quo fas erat, atque oportebat Apostolicam Sedem.

Modò ad Zosimum Innocentij Successorem pervenimus. Qui Papæ Infallibilitatem impugnant, contendunt, quòd in errorem lapsus sit, Cælestij Fidei Professionem approbando, in qua iste Pelagij Discipulus peccatum Originale negabat. At omisso, quòd licèt id verum esset, nihil sententiæ, quam propugno, officere posset, eo quòd Zosimus nunquam definierit non dari peccatum Originale; ad istam calumniam destruendam nonnisi D. Augustini, qui ubique hujus Papæ Fidei ac æquitatis Apostolitam defensorémque egit, testimonio nobis opus est. Nimis longum foret omnia ejus loca desuper referre, duo igitur vel tria nobis sufficient. Ait

(a) Ep. 186.



ergo *Primò*. Quòd Zosimus Cælestio intimari fecerit, ut se omnibus, quæ ab Innocentio Papa definita fuerant, submitteret; atqui apertè articulum de peccato Originali definierat. (a) „ Quis non videat (inquit) „ quemadmodum sit colligatus „ Cælestius, & vinculo saluberrimo obstrictus, ne „ ulterius defendere auderet, in baptisate parvulorum non dimitti originale peccatum? *secundò*. Quòd si Zosimus Papa ad Cælestium recipiendum quodammodo inclinare visus sit; „ (b) Voluntas (inquit) „ emendationis, non salacitas dogmatis approbata est. „ Profectò (pergit ulterius idem Sanctus Doctor) „ quidquid interea lenius actum est cum Cælestio, servatâ duntaxat antiquissimæ & robustissimæ Fidei firmitate, correctionis fuit clementissima suasio, non approbatio exitiosissima pravitatis. Et quòd ab eodem Sacerdote postea Cælestius, & Pelagius reperitâ auctoritate damnati sunt, paululùm intermissâ jam necessariò proferendæ severitatis fuit, non prævaricatio priùs cognitâ, vel nova cognitio Veritatis. *Tertiò*. Cùm postmodum Julianus hunc Summum Pontificem ob damnatos Pelagium & Cælestium prævaricationis arguere ausus fuisset, hisce D. Augustinus istud rejicit opprobrium: (c) „ Quale est autem (inquiens) „ quòd beatæ memoriæ Zosimum Apostolicæ Sedis Episcopum, ut in tua pravitate persistas, prævaricationis accusas? qui non recessit à Prædecessore suo Innocentio. *Quartò*. Nec alia de causa, quàm ut istam Juliani calumniam refelleret, idem D.

C 3

Au-

(a) *Ad Bonif. l. 2. c. 6. 4* (b) *c. 3.* (c) *l. 6. c. 12.*  
*Jul. c. 12.*

Augustinus alibi: (a) „ Si, quod absit, (inquit)  
 „ ita tunc fuisset de Cœlestio vel Pelagio iudicatum  
 „ in Romana Ecclesia, ut illa eorum dogmata, quæ  
 „ in ipsis, & cum ipsis Papa Innocentius damnave-  
 „ rat, approbanda, & tenenda pronuntiarentur, ex  
 „ hoc potius esset prævaricationis nota Clericis  
 „ Romanis inurenda.

En habes, quo modo quæve ratione D. Augu-  
 stinus Zosimi Papæ fidem æquàmque agendi ratio-  
 nem propugnârit. Viderint igitur illi, qui exem-  
 plo ac imitatione Juliani hominis Pelagiani Cœles-  
 tij errores ab hoc Papa illico approbatos fuisse  
 contendunt, quam partem amplecti malint, an Ju-  
 liani hunc Papam calumniantis, an verò D. Augu-  
 stini illum innocentem declarantis. Tanquam in-  
 dubitatum ergò manere debet, quòd Zosimus in-  
 quam Cœlestij Doctrinam nunquam approbârit.  
 Quòd si virus sub hujus Hæretici Fidei Professione  
 latitans non statim detexit, nulli id mirum esse de-  
 bet, cum compertum sit, quòd sequentibus sæculis  
 non defuerint Authores etiam Catholici, qui istam  
 Cœlestij Fidei formulam tanquam præcellentis cu-  
 jusdam Ecclesiæ Doctoris partum absque ulla diffi-  
 cultate receperint.

Postquam autem Zosimus fraudulentam Cœ-  
 lestij astutiam, errorésque cognovit, illum ad respon-  
 dendum super Fide suâ ad determinatam diem cita-  
 vit; hic autem Hæreticus pervidens, nullum sibi re-  
 liquum fore remedium, quo damnationem suam e-  
 ludere valeret, nisi sincerò animò errori nuntium re-  
 mitteret, clam se Româ subduxit, ac evasit; ita ut  
 Zosimus adversùs Pelagium & Cœlestium eorumque

(a) l. 2. ad Benif. c. 3.



que Hæresin solenne iudicium tulerit, quod per totum Catholicum orbem misit (cùm id Innocentius morte præventus præstare non potuisset) ut omnes Episcopi illud acceptarent eique subscriberent, quod accuratè executioni mandatum fuit: Omnes enim Episcopi, paucis (iis scilicet, qui Pelagio ejusque errori adhærebant) exceptis, se iudicio Papæ submitserunt, atque subscripserunt. Nullum vidimus coactum fuisse Concilium ad examinandum, num Papa non deceptus fuisset, nec usquam reperitur in Provincijs Pontificiam Constitutionem discussam fuisse, nusquam aliud, quàm perfecta docilitas, integræque sententiæ à Sancta Sede emanatæ submissio reperta est. Nullus ad se necessitati subscribendi subducendum contendit, Romanum Pontificem non esse Infalibilem; nec id ipsimet Pelagiani Episcopi asserere ausi sunt; nam (eo quòd Hæresim, quam in corde gestabant, nondùm patefacere animus esset) istò duntaxat utebantur prætextû, se scilicet damnationi illorum hominum subscribere non posse, quos errores illos tueri ipsimet non audierant, propter quos à Romano Pontifice damnati fuerant: imò litte:as ad Zosimum exarârunt, quibus illum ad approbandam eorum excusationem inducere conabantur, isque quamdam Fidei Professionem junxerunt: (a) „ Hæc, ut nobis (inquentes) „ secundùm Catholicam Fidem visum est, vestræ Sanctitati conscripta transmisimus; quæ si aliter putatis tenenda, rescribite: sin autem . . . . certa sit Sanctitatis vestra, nos ad audientiam plenariæ Synodi provocare. Ex quibus apparet, quòd tunc primum ac Concilium Generale appellaturi essent,

C 4

(a) *Apud Turner. p. 1. Mar. Mead*

si Papa ipsis rescribere, eosque instruere renueret; in hoc ergo sum ad Concilium Generale fundabant appellationem, quasi in hoc denegata ipsis esset iustitia.

Postmodum cum ipsis exprobraretur, quod, cum ceteri omnes Episcopi Papæ Constitutionem acceptassent, eique subscripissent, ipsi soli in sua sententia obstinati permanerent, divulgabant huiusmodi subscriptiones ab indoctis Episcopis, qui singuli in suis Dioccesibus nullâ ad hoc coactâ Synodo subsignarant, extortas fuisse: (a) „ *Simplicibus* „ *Episcopis sine congregatione Synodi in locis suis* „ *sedentibus extorta subscriptio est.* ( Nonne idem his nostris diebus de exteris Episcopis, qui Constitutionem *Unigenitus* acceptarunt, ac subsignarunt, evulgatur? ) At huiusmodi subterfugium contemptum est, nec tanti ponderis eorum appellatio fuit, ut impedire valeret, quin eos Zosimus Papa Episcopatibus suis spoliârit, atque dein Imperatoribus mandantibus in exilium acti fuerint. D. Augustinus eorum appellationem non aliter, quam ut intolerabilem quamdam superbiam respiciebat: (b) „ Istorum (inquit) „ superbia, quæ tantum se „ extollit adversus Deum. . . . hanc etiam captare „ gloriam intelligitur, ut propter illos Orientis & „ Occidentis Synodus congregetur.

Et profectò quis credat, hos Episcopos seriò Oecumenici Concilij convocationem exoptasse? Quæ enim spes exinde eis affulgere poterat? Ceteri omnes totius Orbis Episcopi Constitutionem Zosimi acceptarant, ac subsignarant, ergo se sperabant

(a) *Aug. ad Bonif. l. 4. c. 12.* (b) *ibid.*



bant fore futurum, ut illos ad retractationem in Concilio inducerent? At verò hæc spes valdè temeraria fuisset: vel enim Episcopi Constitutionem acceperant, quia Papam Infallibilem Divumque Petrum per os Zosimi locutum fuisse credebant, prout Concilium Calcedonenſe de S. Leone Papa aſſerit, & hoc caſu eò firmiùs in Concilio id, quod priùs ſubſignârunt, progugnâſſent. Vel ideo ſubſcriperant, quia errores, quos Zoſimus damnabat, omninò compertos habebant, & ſic nullâ ratione â ſua ſententia per Episcopos Pelagianos dimoveri ſe paſſi fuiffent. Unde ſatis apertè colligitur, hos Episcopos nonniſi ſuæ deſiſitionis procrastinandæ aut omninò impediendæ gratiâ, quam aliàs ſe evitare non poſſe ultro prævidebant, Concilium appellâſſe.

Verùm à Zoſimo Papa non diſcedendum eſt, quin priùs palàm fiat, quid ipſemet de S. Sedis deciſionibus ſentiat ac loquatur: (a) „ Quamvis (inquit) „ Patrum traditio Apoſtolica Sedi tantam „ authoritatem tribuerit, ut de ejus judicio diſce- „ ptare nullus auderet, idque per Canones ſem- „ per regulasque ſervavet, & currens adhuc ſuis le- „ gibus Eccleſiaſtica Diſciplina Petri nomini, à quo „ ipſa quoque deſcendit, reverentiam, quam deber, „ exolvat. Tantam enim huic Apoſtolo Canoni- „ ca Authoritas per ſententias omnium voluit eſſe „ potentiam, ex ipſa quoque Chriſti Dei noſtri pro- „ miſſione, ut & ligata ſolveret, & ſoluta vinceret; „ par poteſtatis data conditio in eos, qui ſedis hæ- „ reditatem ipſo annuente meruiſſent; habet enim „ ipſe cùm omnium Eccleſiarum, tum hujus ma-

(a) *Epist. ad Episc. Afric.*

„ ximè, ubi federat, curam, nec patitur aliquid Privilegi, aut aliquâ titubare aurâ sententiæ, cui ipsa sui nominis firma & nullis hebetata motibus constituit fundamenta, & quæ sine periculo temerè nullus incessat.

Ex his Zosimi verbis habetur, quòd eandem cum suo Prædecessore tenuerit sententiam, eandem traditionem, eosdè que Ecclesiæ canones adduxerit, eandem denique ad D. Petrum, utpote cui Salvator non modò Primatum in sua Ecclesia, sed & Privilegium in suis decisionibus non errandi tradiderit, relationem allegarit. Habetur insuper, istud Privilegium ad omnes ejus Successores pertransmissum ex eo, quòd hic Beatus Apostolus singulari modo Romanæ Ecclesiæ curam gerens, nullum suorum Successorum in suis decisionibus titubare permittat; unde per evidentem consequentiam sequitur, quòd nulli in Ecclesia licitum sit S. Sedis Decisiones aut in dubium vocare, aut mutare. Quid expressius & clarius pro Infalibilitate dici posset?

Id ipsum non minùs clarè Zosimi Successor Bonifacius in Epistola ad Orientis Episcopos exprimit, (a) quàm ipse Zosimus Africæ Episcopis scribens expresserit; ubique enim contendit, quòd nulli liceat S. Sedis definitiones ad novum examen adducere, quòdque injuriam D. Petro inferat, quisquis id facere præsumperit; „ In cujus contumeliam (inquit) quisquis insurgit, habitator cœlestium non poterit esse Regnorum. Tibi, inquit, dabo claves Regni cœlorum, in quæ nullus sine gratia Janitoris intrabit. Quòd eum Ecclesia fundata sit supra Divum Petrum, quicumque dignitate

(a) *Epist.* 15.



tatis Sacerdotalis particeps esse cupit, ei se subdere teneatur. Quòd nullus unquam se Sedis Apostolicæ culmini (cujus iudicium in quæstionem adducere non licet) opponere ausus sit, quin sibi propriam suam damnationem attraxerit. „ Nemo unquam (inquit) Apostolico culmini, de cuius iudicio non licet retractari, manus obvias audacter intulit; nemo in hoc rebellis extitit, nisi qui de se voluit iudicari. Quòd Ecclesiæ Patriarchales æquè ac ceteræ S. Sedis auctoritatem agnoscant; Quòd in rebus magni momenti ad eam confugere soleant, quòdque sæpiùs ejus implorârint auxilium; quòd D. Athanasius ejusque in Alexandrina Ecclesia Successor id per sæpè factitârint: Quòd, cùm in Ecclesia Antiochena divisiones in Episcopatu ortæ fuissent, non solùm Sedes Apostolica consultata fuerit, verùm quòd Flavianus ad hoc, ut tanquam illius Sedis Antistes agnosceretur, ad eam recurrere, illiusque gratiam implorare debuerit, quòdque ab ea litteras communionis receperit. Quòd etiam, cùm Imperator Theodosius Nectarium in Sedis Constantinopolitanæ Episcopum eligi curâisset, huius electionis litteras confirmatorias à Romano Pontifice solemniter ob id ad eum missâ Legatione pepererit: & denique, quòd sub Pontificatu Innocentij Orientis Episcopi, qui à S. Sede ratione Divi Chrysostomi defecerant, Deputationem Romanam miserint ad pacem ab ipso postulandam, eamque obtinuerint. Hæc Bonifacius Papa.

Si horum Summorum Pontificum testimonia occulta & incognita mansissent, nec nisi sequentium sæculorum serie primùm prodissent, forsitan quis suspicari posset, quòd suis Successoribus ad Pri-

vilegia, quæ nullatenus ad ipsos spectarent, sibi arroganda titulos erigere voluerint. At Epistolæ sunt integris Regionibus scriptæ, & ad cunctos Episcopos directæ, in quibus dicti Romani Pontifices ipsosmet Episcopos eorum, quæ ad ipsos exarabant, notorietatis testes esse jubebant. Epistolæ, inquam, sunt, quæ semper cum omni reverentia susceptæ fuerunt, quibus nullus unquam contradixit, seu quoad ea, quæ in se continebant, vel minimum dubij indicium dedit. Audebitne ergo hæc nostrâ ætate quis absque ingenti temeritate, iis se opponere, quæ primis Ecclesiæ sæculis tamquam indubitata habitæ semper fuere.

Divus Augustinus pro principio statuit, (a) quòd Ecclesia nullum errorem unquam proferat, nullum approbet, nec si quis proferatur, super eo taceat. *Ecclesia Dei, quæ sunt contra fidem, vel bonam vitam, nec approbat, nec tacet, nec facit.* Quòd si igitur hæc Summorum Pontificum doctrina quidquam erroneum aut falsum continuisset, prout Gallia pars moderno tempore contendere audet; quî fieri potuisset, ut tam perspicaci sæculo, quale fuit illud, quò S. Augustinus floruit, universus orbis obmutesceret, nullusque Episcopus, nullus Doctòr, nullusque Scriptor adversus hanc Doctrinam reclamaret? quî fieri potuisset, ut spatio mille ferme annorum nemo inveniretur, qui ei contradicere ausus esset, quin potiùs universus Catholicus Orbis in ejus Confirmationem conspirârit; prout factum est, nòsque sequentibus declarabimus?

Ordinis ratio quidem postularet, ut hîc de Bo-

(a) *Epist. ad Rom. 119.*



nificij Successoribus, qui sæculò etiam quintò rebus  
Ecclesiæ præfuerunt, sermonem tererem, at cum  
præfens articulus quàm maximè prolixus jam sit,  
aliundèque desuper occasione videlicet Concilio-  
rum Ephesini & Calcedonensis loqui magis con-  
gruat, id modico temporis intervallo differam, ut  
quid super eandem materiam senserint priorum Ec-  
clesiæ sæculorum Patres & Doctores, interim refe-  
tam.

Non possum tamen, quin, priusquam ad istud  
examen transeam, adnotem, quousque quarto &  
quinto sæculis Jurisdictio Summorum Pontificum  
in universa Ecclesia se extenderit.

Sciendum igitur est, quòd memoratis sæculis  
Summi Pontifices sibi causarum majorum, id est, ali-  
cujus momenti rerum, præsertim earum, quæ Fidem  
respiciebant, cognitionem reservabant. „ Si  
„ Majores causæ (inquit D. Innocentius (a) scribens  
cuidam Galliæ Episcopo) „ in medium fuerint de-  
„ volutæ, ad Sedem Apostolicam, sicut Synodus  
„ statuit, & beata consuetudo exigit, post judicium  
„ Episcopale referantur.

Quod verò attinebat ad minoris momenti cau-  
sas contentionesque in Ecclesijs particularibus emer-  
gentes, easdem Vicarijs, quos in diversis Provincijs  
ac Regionibus præficiant, dijudicandas relinque-  
bant. Hujusmodi Vicarios habebant in Gallijs, in  
Hispania, in Sicilia. Quod verò ad plures Oriën-  
tis partes, unum habebant in Macedonia Episcopum  
nempe Thessalonicensem, cujus Jurisdictio se ex-  
tendebat in Achajam, Thessaliam, in Epirum no-  
vam, & veterem, in Cretæ Insulam, Daciam, Mos-  
sam.

(a) *Ad vic. Rotom.*

fiam, Dardaniam, aliasque Ecclesias. Sequentibus temporibus Romani Pontifices huiusmodi Vicariis etiam habuerunt in Africa, prout habetur ex Epistolis Divi Gregorii. In omnibus hisce Regionibus ac Provinciis Summi Pontifices per suos Vicarios immediatam exercebant jurisdictionem; nam absque horum Vicariorum consensu nullus poterat in Episcopum consecrari; Insuper isti Vicarij de omnibus causis, quas Romam deferri necesse non erat, iudicabant, Synodos cogebant, quando id opportunum censebant; Præcedentiam, quæ Primatibus debetur, habebant, imò inter Primates primi ac præcipui erant.

## CAPUT V.

Qualem ideam Patres Græci aliique Authores Ecclesiastici primis quinque Sæculis de Auctoritate Summorum Pontificum in materia fidei habuerint,

**A** famoso Sancti Irenæi illustris illius Galliarum Martyris testimonio hunc articulum incipimus. Cùm enim natione Græcus fuerit, communiter Græcis Patribus adnumeratur, & eò magis quòd Græcâ Linguâ scripserit. Sanctus hic Doctor adversus Hæreses, quæ ad sua usque tempora Ecclesiam turbârant, præcipuè autem adversus Valentianianos scribens, Novatores istos ad antiquam Ecclesiæ traditionem in Apostolicis Ecclesijs absque ulla variatione hætenùs conservatam revocat.



Ecclesiæ Romanæ traditioni tanquam principali præcipuè adhæret, sicque de illa dislerit : „ Quoniam longum est . . . omnium Ecclesiarum numerare Successiones maximæ & antiquissimæ, & omnibus cognita à duobus Apostolis Petro & Paulo Romæ fundatæ & constitutæ Ecclesiæ, eam, quam habet ab Apostolis traditionem, & annuntiatam hominibus Fidem per Successiones Episcoporum pervenientem usque ad nos indicantes confundimus omnes eos, qui quoque modo vel per sui placentiam malam, vel vanam gloriam, vel cæcitatem & malam sententiam, præterquam oportet, colligunt. Ad hanc enim Ecclesiam propter potentiorē ( vel secundum novam editionem, *potiorem* ) principalitatem necesse est omnem convenire Ecclesiam, hoc est, eos, qui sunt undique fideles, in qua semper ab his, qui sunt undique fideles, conservata est ea, quæ est ab Apostolis traditio.

Tria in isto S. Irenæi loco notanda veniunt.

1. Quòd tempore S. Irenæi Catholici per Romanæ Ecclesiæ traditionem, quæ ab Apostolorum tempore de Episcopo in Episcopum transierat, Hæreticos confundere solebant, novitatisque convincere.
2. Quòd in ista Ecclesia ab omnibus totius orbis fidelibus semper conservata fuerit Apostolorum traditio.
3. Quòd omnes totius mundi fideles tenentur istius Ecclesiæ ( tanquam quæ cæteris prælata sit ) Fidei adhære. Quòd si Successores SS. Petri & Pauli in suis decisionibus errori obnoxij essent, profectò Hæretici argumento ab istius Ecclesiæ traditione petito non amplius convinci possent, nec

amplius dici posset, quod per hanc traditionem vera Fides in mentibus totius orbis Christiani fidelium conservetur; nec denique dici posset, quod hujus Ecclesie Prærogativæ omnes in toto orbe Christianos, ut Fide ipsi uniantur, obligent. Oporteret ergo secundum Doctrinam Sancti Irenæi fateri, quod D. Petri Successores hujus Sancti Apostoli traditionem deserere, aut in fide errare non possint.

Non arbitror ullum reperiri Catholicum, qui ad eludendam hujus textus vim cum ultimorum sæculorum Hæreticis dicat, quod quidem hoc quædrarit pro tempore S. Irenæi, quodque Ecclesia Romana ad ipsius usque tempora Fidem puram integramque servaverit, à qua postmodum degeneravit præterquam enim, quod Gnostici id ipsum de D. Petri Successoribus asserere potuissent, quin tamen illud probare valuissent; incassum quis Romanam Ecclesiam à temporibus S. Irenæi Fidem mutasse probare conaretur.

Anonymus quidam, qui ante aliquot annos omne venenum, quod vel unquam Hæretici adversus Summos Pontifices evomere, corrasit, tribusque exiguis voluminibus, quæ lucis publicæ fecit, conclusit, ab hoc textu se liberare arbitratur tribuendo videlicet Principatum, non Ecclesie Romanæ, sed ipsi Urbi propter Imperatores. Cuperet, ut cum S. Irenæus dicit, *neesse est omnem convenire Ecclesiam*, id ita intelligeretur, quod scilicet totus mundus Romæ quædam negotia tractanda haberet, quodque illò omnes homines se conferebant propter Imperatores. At istud effugium, quod Anonymus ab Hæreticis, sicut & alia multa mutavit



vit, omnino vanum est. Omisso enim, quod S. Irenæus de Ecclesia non de Urbe Romana loquitur; sensus Anonymi supponeret S. Irenæum voluisse, ut omnes totius orbis fideles nemine excepto Romanam se conferrent, ut ibi illius Ecclesiæ traditionem acciperent; at hoc ita ridiculum est, quàm quod magis. Salmasius quantumvis Hæreticus, sincerior tamen meliorisque Fidei fuit; fatetur quippe, quod hic textus de Fide Summorum Pontificum intelligi debeat. Sic enim S. Irenæi verba explicat: (a) *Necesse est omnem Ecclesiam convenire & concordare in rebus Fidei ac Doctrina cum Romana Ecclesia.*

Origenes in Epistolam ad Romanos scribens, (b) asserit, quod cum Salvator noster D. Petrum totius suæ Ecclesiæ Pastorem supremam videlicet potestatem *Summam rerum* illi tribuendo constituit, solummodo de ejus amore ipsum interrogabit.

Nam quamvis locus iste non nisi indirectè Infallibilitatem probet, tamen ex eo manifestum est, quod antiquiores Patres textum Sancti Joannis: *Pasce oves meas*, specialiter de Divo Petro explicarint.

Idem de S. Basilio dicendum est: (c) „ Beatus Petrus (inquit) „ qui omnibus quidem Discipulis prælatus, solus verò, qui majus omnibus testimonium habuit, & Beatus declaratus, cui claves Regni Cælorum creditæ sunt.

R. D. P. Petitdidier de Inf. Pont. D Ve-

(a) de primat. Papæ. c. 5. (b) l. 5. (c) Hom. 8. in Exam. & in Esa. c. 7. & Hom. de Judicio.

Verum magis ad propositum nostrum facit, (a) quod alibi refert idem Sanctus Doctor, agens enim de Eustatio Sebaste Episcopo, qui ob perverfa sua Dogmata Sede sua pulsus fuerat, narrat, quod cum dictus Eustatius Romam ad Papam confugisset, Epistolam inde retulerit, vi cuius Sedi suae restituebatur, cui statim Tyanæa Synodus detulit, quamvis ignotum ei esset, de quibus à Romano Pontifice interrogatus fuisset, aut quid ipse respondisset. Ex his enim satis aperte agnoscit Basilius, Romanum Pontificem in Cappadocia, sicut & alibi, tanquam supremum Fidei Judicem, centrumque Catholicitatis habitum fuisse. „ Quæ verò (inquit) „ sint illi à „ Beatissimo Episcopo Liberio proposita, & ad quæ „ consenserit, nobis clam est: nisi quod Epistolam „ attulit, per quam restitueretur. Eam ubi Tyanæ „ Synodo exhibuit, in suum locum restitutus „ est.

Eusebius Cæsariensis (b) vel alius antiquus Author, qui sub ipsius nomine circumfertur, de Principe Apostolorum ait; quod sit *verè beata petra in qua & sumus positi.*

Sanctus Cyrillus Hierosolymitanus dicit, quod Divus Petrus supra ceteros Apostolos longè eminentior, *ἡ κεφαλή τῶν ἀποστόλων*, eorumque caput fuerit, & *προκαθητὴ τῶν ἀποστόλων*; insuper addit, quod ipse clavibus Regni Cælorum gesserit.

Sanctus Gregorius Nazianzenus Divum Petrum *Ecclesie columnam* nominat. (c) Item, „ Vides (inquit) (d) „ quemadmodum ex Christi Discipulis

(a) Ep. 74. (b) Serm. in non veni pacem mittere. (c) or. 7. (d) or. 26.



lis magnis utique omnibus & excelsis atque elevatione dignis hic petra vocetur, atque Ecclesiae fundamenta in Fidem suam accipiat.

Petrus ergo juxta hunc S. Doctorem Ecclesiae columen, Fideique immobile fundamentum constitutus est. Videamus modò, num hoc Privilegium ad hujus Apostoli Successores pertransiisse arbitretur. Id sanè agnoscit in Carmine, quò de Roma tam veteri, quàm nova agit. *Fides (inquit) vetustè (Romæ) recta erat jam antiquitus, & certà persistat nunc, item nexu pio quodcumque labens sol de vinciens; ut universi Præsidem mundi decet, totam colit qui Numinis concordiam.*

Sanctus Joannes Chrysostomus docet, quòd D. Petrus constitutus sit Vertex & Coryphaeus Collegij Apostolici, quòd ipsi claves Regni Cælorum à Salvatore traditæ fuerint, atque ab eo Fide ad regendam Ecclesiam immobili imbutus fuerit. (a) „ Quid igitur (inquit) „ Petrus omnium Apostolorum „ os, vertex consortij totius. Et paulo post: „ Quid igitur Christus? (ait) „ tu es Simon Filius „ Jonæ, tu vocaberis Cephas. Nam quia Patrem „ meum prædicasti, ego etiam illum nomino, qui „ te genuit: ac si diceret: quemadmodum tu „ Jonæ filius es, sic ego Patris mei filius sum. . . & ego „ dico tibi, quia tu es Petrus, & super hanc petram „ ædificabo Ecclesiam meam. Item: „ Hic aperte prædixit magnam eorum, qui credituri & „ erant, & sunt multitudinem fore, & sublimiora „ sapere ipsum fecit, & Ecclesiae Pastorem constituit. Ex his habetur, quòd juxta hunc Sanctum

D 2

Do

(a) *Hom. 55. in Matth.*

Doctorem Pastorale munus sublimiorque Sapiencia ad Petri Successores transire debuerit.

Idem Sanctus de Salvatore nostro differens hoc addit : „ Animadvertis , quo pacto etiam ipse ad „ altiore de se opinionem Petrum adduxit , & „ his duabus pollicitationibus filium Dei revelat & „ ostendit. Nam quæ Deus concedere solus potest , „ test, peccatorum scilicet remissionem , & ut Ecclesia „ sia tot tantisque fluctibus impetû irumpentibus „ immobilis maneat , cujus Pastor & Caput Piscator „ tor homo atque ignobilis , terrarum orbe relictus „ stante adamantis naturam firmitate superet. Idem „ iterum Sanctus Divum Petrum Jeremia comparans : „ Ipsum (Jeremiam nempe inquit) „ quidem „ dem genti uni Pater, hunc autem (Petrum scilicet) „ universo terrarum Orbi Christus præposuit. . . . „ Pater quidem ei revelationem Filij sui dedit ; „ Filius autem partim, ut tam Patris, quam Filij sui revelationem „ ubique terrarum posset seminare „ partim & quamvis homo esset mortalis , cælestis „ tamen potestate polleret, & claves haberet Regni „ Cælorum. Ita Petrus Ecclesiam per universum „ orbem amplificatam , cælo etiam ipso validior „ rem monstravit : Transibunt enim, inquit , Cæli „ lum & terra, verba autem mea non transibunt.

Idem Sanctus in quodam Sermone de SS. Petro & Paulo agens , (a) de S. Petro ait ; quod sic *Splendor totius mundi, columba castissima, Apostolorum Doctor, firma Fidei Petra, semilis Ecclesie sapientia.* Denique alibi dicit ; quod Petrus sit Princeps Corporis Apostolici, Os Discipulorum,

(a) Serm. 1. de debis. decem mille Talent.



columna Ecclesiæ, ac Fidei firmamentum, totius terrarum Orbis Piscator, qui homines ex erroris abyſſo, ut eos in Cœlum eveheret, extraxerit, Quis autem non statim videat, quòd hæc omnia effectum suum consequi non possint, nisi ad Divi Petri successores transferint?

Verùm id adhuc clariùs ex iis habetur, quæ in alio sermone de Beato Petro dicit: (a) „ Christus (inquit) „ Petrum à virtute sic vocavit, & in ejus „ nomine firmitatis Fidei argumentum & indicium „ collocavit, ut appellatione suâ perpetuò tan- „ quam magistrâ quâdam ejusmodi firmitatis utatur.

Sanctus Cyrillus Alexandrinus de interrogatione Salvatoris Matth. 16. differens, ait, (b) quòd Divus Petrus, cùm eidem Salvatori dixisset, quòd esset Christus Filius Dei vivi, statim his verbis mercedem suam receperit: *Beatus es Simon Bar-Jona &c.* „ Scienter (inquit) clamabat dicens: tu „ es Christus Filius Dei vivi. Jam verò de illo sententiæ remunerationem non multò post reportavit, Christo dicente: *Beatus es Simon Bar-Jona, quia caro & sanguis non revelavit tibi, sed Pater meus, qui in Cœlis est; & ego dico tibi, quia tu es Petrus, & super hanc Petram ædificabo Ecclesiam meam, & portæ inferi non prævalebunt adversus eam. Per annotationem nihil aliud quàm inconcussam & firmissimam Discipuli Fidem vocavit, in qua Ecclesia Christi ita fundata & firmata esset, ut non laberetur, & esset inexpugnabilis inferorum portis in perpetuum manens.*

D 3

Theo-

(a) In illa verba Paulus vocatur. (b) Dial. de Trin.

Theodoretus, qui in suis Commentarijs verba Salvatoris ad Petrum eodem, quo Divus Chrysostrmus modo explicat, ita ad quemdam Ecclesiæ Romanæ Presbyterum scribit : (a) „ Oro Sanctitatem tuam, Sanctissimo Archiepiscopo persuadeat, ut Apostolicâ autoritate utatur, & ad Concilium vestrum advolare præcipiat, habet enim Sanctissima illa Sedes Ecclesiarum, quæ in toto sunt orbis, Principatum multis nominibus: usque hoc ante omnia, quòd ab Hæretica tabe immunus mansit, nec ullus contraria sentiens in illa seditione, sed Apostolicam gratiam integram servavit.

Flavianus Episcopus Constantinopolitanus in Epistola ad Divum Leonem Papam sic de iis, quos Eutyches Hæreticus eidem Summo Pontifici scripsit, perferat, loquitur : „ Libellos vobis direxit plenos fallaciâ atque calliditate, dicens iudicij temporibus libellos se dedisse appellationis & nobis & hinc convenienti Sancto Concilio, & appellasse vestram Sanctitatem; quod nequaquam ab eo factum est, sed etiam in hac parte mentitus est tantumquam per fallaciam mendacij subrepere se Sanctis auribus vestris putans. Hæc quoad ea, quæ appellationem concernunt; nunc etiam alteram Epistolæ partem audiamus. „ Propriam faciendam causam & Ecclesiasticam Disciplinam simul decernere damnationem adversus eum regulariter factam, & per propria scripta dignare. Confessione autem & pijsissimi Imperatoris Fidem, Catechista enim eger solo vestro solatio & defensione, quibus debeatis consensu proprio ad tranquillitatem & pacem cuncta perducere. Sic enim hæresis, quæ

(a) Epist. 116. ad Romanos.



» surrexit, & turbæ, quæ per eum factæ sunt, facil-  
» limè destruentur, Deo cooperante per vestras  
» Sanctissimas litteras. Removebitur autem &  
» Concilium, quod fieri divulgatur, quatenus ne-  
» quaquam ubi Sanctissimæ turbentur Ecclesiæ.

Ex hoc integro Flaviani loco patet 1. Quòd  
tam in Oriente, quàm in Occidente etiam durante  
Synodo aliquâ & ante illius sententiam ad Papam  
appellare licitum fuerit. 2. Quòd talis appellatio  
Synodi iudicium suspenderit; quamvis enim id Fla-  
vianus expressè non dicat, illud tamen implicite  
saltem & modò æquipollenti concedere videtur. 3.  
Quòd, cùm Papa Synodum aliquam particularem  
firmabat, iudicium ipsius supremum fuerit, nec am-  
plius quoad hoc aliam Synodum convocari opus  
fuerit.

Addamus hîc insuper, quòd, cùm Concilium  
quoddam pronuntiasset, ac aliquem damnasset, is  
nihilominus ad Papam appellare adhuc potuerit;  
Flavianus enim, cùm ab illegitimo Ephesino Con-  
cilio se damnatum conspexisset, ab eo ad Divum  
Leonem Papam appellavit, hæcque appellatio tan-  
quam legitima atque secundum Canones facta ha-  
bita fuit; prout ex Epistola Valentiniani Imperato-  
ris ad Theodosium juniorem constat; Divus item  
Leo hujus Concilij nullam rationem habuit, verùm  
illud tanquam atrocium quoddam rejecit, Theo-  
dosiumque interpellavit, quatenus omnia suspende-  
ret, donec per aliud Concilium Orientis turbæ se-  
datae essent.

Sozomenus in sua Ecclesiastica Historia (a) agens  
de magna illa contentione, quæ quoad Divinitatem

S. Spiritus in Oriente suscitata fuerat, rem ita prosequitur: „ Episcopus Romanus de ea contentione certior factus, scripsit ad Ecclesias Orientis litteras, ut una cum Sacerdotibus Occidentis Trinitatem & consubstantialem esse, & gloria æqualem existimarent. Quo facto singuli rebus ab Ecclesia Romana semel iudicatis acquieverunt, & controversia finem habere visa est.

Hæc sunt præcipua Græcorum Patrum, quos primis quinque Ecclesiæ sæculis floruisse Historiæ memoriâ tenemus, pro Summorum Pontificum Infallibilitate testimonia; quibus tamen alia addam, cum scilicet de Concilij sermo mihi erit.

Obijcere hîc fortè quis posset, quòd Patrum testimonia, quæ de Prærogativis D. Petri disserens adduxi, de illius Successoribus explicari aut intelligi non debeant, sicque ex eo, quòd Salvator noster Divum Petrum Fidei Basim ac firmamentum constituerit, minimè sequatur ejus Infallibilitatem ad ipsius pertransisse Successores. Verùm eos, qui hoc obijciunt, peramanter rogo, ut attendere velint, quòd secundùm Patres hæc Prærogativa Divo Petro una cum Primatu Ecclesiæ, & ut illius Capiti tradita fuerint, atque quòd cum Patres illum fundamentum, basim, columen Ecclesiæ vocant, ipsùmque immobilem ac inconcussam Fidem recepisse prædicant, hæc omnia attributa duntaxat sint, quæ qualitatem, quâ tanquam sup̄ emum Ecclesiæ Caput præditum erat, sequuntur. Cùm igitur nemo Catholicorum unquam dubitârit, quin hæc supremi Capitis qualitas ad omnes Divi Petri Successores pertransierit, inde sequitur, quòd attributa, quæ Patres Divo Petro in dicta qualitate Ecclesiæ Capitis & Pasto-



ris tribuerunt, ad ipsius etiam pertransierint Succel-  
lores, prout patet ex Sozomeni, & Flaviani testimo-  
niis, quòd id effectivè in Oriente æquè ac in Occi-  
dente agnitum fuerit.

## CAPUT VI.

Qualem ideam Patres Latini quin-  
que primorum sæculorum de autoritate  
Papæ in materia Fidei habuerint.

**H**unc articulum à contentione illa, quæ ratione  
Baptismi Hæreticorum Sanctum Cyprianum  
inter & Sanctum Stephanum Papam sub finem sui  
Pontificatûs intercessit, ordiri oportet: Cùm enim  
hic Sanctus Carthaginensis Episcopus, iis, quæ ipsi  
desuper Romanus Pontifex præscripserat, se submit-  
tere noluerit; Hinc, qui hodie Summorum Ponti-  
ficum Infallibilitatem impugnant, in suæ opinionis  
patrocinium istud hujus Sancti Martyris exemplum  
præprimis adducunt. Nam si, inquiunt, tempore  
Sancti Cypriani Romani Pontifices Infallibiles cre-  
diti fuissent, S. Cyprianus Africæque Episcopi, qui  
Concilijs, quæ in Controversia Baptismi Hæretico-  
rum celebrata fuerunt, interfuere, se utique Papæ  
non opposuissent, nec contrarium ei, quod Step-  
hanus statuerat, determinassent: oportet ergo, ut illâ  
ætate Romani Pontifices in suis decisionibus non  
crederentur Infallibiles. En objectionem, quan-  
tum arbitror, clarè expositam; ei ergo in præsen-  
tiarum respondendum est.

Priùs tamen suppono tanquam principium, quòd S. Cyprianus ejùsque adhærentes, prout quoad hoc inter omnes convenit, in errore fuerint. Hoc itaque supposito

Respondeo I. Nihil frequentius esse, quàm quòd illi, qui semel in errorem quemdam lapsi sunt, putantque se eundem Autoritate Sacræ Scripturæ tueri posse, authoritati visibili, à qua damnantur, subdi renuant, sulti, ut ipsi autumant, sacrarum paginarum authoritate; cùm certum sit magis oportere obedire Deo quàm hominibus: Enimverò quis unquam dubitavit, quin Ecclesia Universalis quoad Dogmata Infallibilis sit, Conciliùque Oecumenici ex toto terrarum orbe convocati, atque ex Romano Pontifice, & Episcopis compositi Decisio inerrabilis sit? quis, inquam, Catholicorum id vel somnians in dubium unquam revocavit? & tamen certum est, quòd hâc viâ non omnes errores finem acceperint; nònne potius è contrario experientia docuit, quòd illi ipsi, qui hujusmodi Concilia plenis buccis appellarant, isque omnem submissionem spondebant, eisdem tum obedire reuerint, cùm se ab ipsis damnatos viderunt? & quis inde inferre audebit, quòd Concilia Oecumenica non sint Infallibilia? an quis ergo ita argumentari posset? Si quarto & quinto sæculis constitisset, quòd Concilia Oecumenica in suis decisionibus Infallibilia essent, tot & tanti Episcopi, qui erroribus Arij, Nestorij, Eutychetis adhæserunt, procul dubio Concilio Nicæno, Ephesino & Calcedonensi acquievisset; ergo utique tunc in Ecclesia hujusmodi Concilia, qualia hâc fuerunt, non credebantur Infallibilia? Quemadmodum dicitur: Si constitisset Summos Pontifices



ces esse Infalibiles, tunc utique S. Cyprianus S. Stephani decisioni acquievisset, non ergò tunc credebantur Infalibiles, consequenter nec tales sunt.

Sed quid opus est, dicet fortè aliquis, hìc D. Cyprianum confundere, atque Hæreticis Episcopis comparare? Ad hoc respondeo, me S. Cyprianum tanquam magnum Episcopum gloriosumque Christi Martyrem colere & venerari; at ideò tantum, quia in communione Ecclesiæ mortuus est, atque pro Christo Jesu sanguinem suum fudit, non verò ideò, quia D. Stephano Papæ se opposuit; nam omnibus denique accuratè perpensis in errore erat, & qui in Africa praxin ipsius postmodum secuti sunt, Hæretici facti sunt; nec enim majorem reverentiam habuerunt erga plenariæ Synodi illius (de qua S. Augustinus) definitionem, quàm Sanctus Cyprianus habuerit erga Summi Pontificis decisionem, Quòd si ergò tunc Concilia Oecumenica credebantur Infalibilia, dicant nobis adversarij, cur tot Africæ Episcopi post illud Concilium in sententia obstinati permanserint? An unquam D. Cyprianus dixit, quòd ideò se submittere nollet, quia Papa Infalibilis non esset; de cætero paratum se esse Decisioni Concilij Oecumenici acquiescere? profectò hujus nullum vestigium in ejus scriptis appareat. Meritò igitur contenderim comparisonem meam æquissimam esse, talémque, ut ex illa speciosum illud argumentum ab autoritate seu potiùs agendiratione S. Cypriani petatum evanescat.

Secunda Responsio, quâ huic objectioni occurro, quæque tam sancti viri pervicaciam quodammodo excusat, in hoc consistit, quòd pro certo Beatus Cyprianus quæstionem de Baptismo Hæretico-



rum non ut quid Fidem sed tantum ut Disciplinam spectans respexerit. Et cum praxis illa Analogia Fidei conformior ei videretur, iis, quæ ipsi à Papâ hæc in re præscribebantur, deferre noluit. Toti orbi notum est, quod, quamvis Fides immutabilis sit, ut ait Tertullianus, tamen quæ disciplinam spectant, diversa in diversis Ecclesijs esse queant; quodque, ut dicit D. Hieronymus, quævis Ecclesia in hocce rerum genere in suo sensu abundare possit. Hæc autem praxis, jam antequam ipse S. Cyprianus ad Episcopatum evectus, imò fortè, antequam natus fuisset, in ejus Ecclesia stabilita fuerat, eamque rectam & S. Scripturæ contrariâ conformiorem arbitrabatur; inde factum est, ut censeret se auctoritati Summi Pontificis cedere non teneri. Constat illum malè egisse, Sanctusque Augustinus, qui omnem conatum adhibuit, ut ipsius errorem minueret, nunquam tamen illum omnino à peccato excusavit.

Quòd autem hic sanctus Vir quæstionem, de qua tunc agebatur, non aliter quàm ut rem Disciplinæ respexerit, modus, quo in capite sui Concilij mentem suam desuper aperit, invictum nobis suppeditat argumentum. Propositâ igitur ibidem dictâ Quæstione pergit in hæc verba: „ Superest, ut „ de hac ipsâ re singuli quid sentiamus, proferamus, neminem judicantes, aut à jure communicationis aliquem, si adversum senserit, removens. Neque enim quisquam nostrum Episcopum se se Episcoporum constituit, aut Tyrannico terrore ad obsequendi necessitatem Collegas suos adigit. Quando habeat omnis Episcopus pro licentia libertatis & potestatis suæ arbitrium proprium, „ tam-



in tamque judicari ab alio non possit, quàm nec ipse  
potest alterum judicare, sed expectemus universi  
judicium Domini nostri Jesu Christi, qui unus &  
solus habet potestatem, & præponendi nos in Ec-  
clesiæ suæ gubernatione, & de actu nostro judi-  
candi.

Vix verbum in hoc toto S. Cypriani alloquio  
est, quod non feriat, ac inconcusso prober, quòd se-  
cundum hunc sanctum Episcopum, non nisi de a-  
liquo disciplinæ capite quæstio agitata fuerit. Si  
enim de quodam Fidei articulo tunc agi credidisset,  
an 1. dicere potuisset, quòd nec ipse, nec sui Col-  
legæ Doctrinam contrariam damnare, aut eos, qui  
illam tuerentur, à communione excludere intende-  
rent? an non apertum est, quòd cum de Fide rei  
cardo vertitur, impossibile sit, vel unum definire ar-  
ticulum, quin extemplò ii omnes, qui contrarium  
senserint, damnentur ac excommunicentur? an non  
ipse D. Cyprianus post Cornelij Papæ decisionem  
tali modo erga Novatianos se gessit? & an non ex  
eo etiamnum, quòd cum Hæreticis communicare  
fas non sit, ipsorum usque Baptismum rejiciendum  
esse contendebat? 2. Liberumne est cuilibet E-  
piscopo, cum de Fide agitur, quidquid lubuerit am-  
plecti ac credere? nec à quoquam judicari, aut da-  
mnari, nec ipse vicissim quemquam judicare aut da-  
mnare poterit? 3. Verumne est, quòd in materia  
Fidei quivis Episcopus nullum alium Judicem ha-  
beat præter solum Christum? si hoc est, tunc nullus  
Episcopus ab universa etiam Ecclesia in unum Cor-  
pus coacta judicari poterit; at verò certum est hu-  
jus sententiæ nunquam fuisse S. Cyprianum. Ma-  
jor ergò tanquam constans & indubitatum, quòd S.  
Cy-

Cyprianus quaestionem de Baptismo Hæreticorum pure putè ut quoddam Disciplinæ punctum respexit. Et sic validum illud ac magnum adversariorum argumentum in fumum abire cogitur.

Sed ipsa S. Cypriani opera tantisper volvamus inquiramusque, quid de Sede Apostolica, cum tranquillior, nec non Romanis Pontificibus conjunctior esset, senserit. Verùm antequàm hîc singula referantur, non abs re erit quoad primùm mox adductum D. Cypriani locum notasse, quòd medio tertij sæculi æquè ac temporibus Tertulliani Romani Pontifices se Episcoporum Episcopos esse, jusque habere cæteros ad mandatorum suorum observantiam cogendi prætenderint. Veniamus modò ad hujus Patris in favorem Romanorum Pontificum testimonia.

Famosissimus hujus S. Patris locus est ille, qui ex libro de Unitate Ecclesiæ adducitur: Sic ergo ibi habet S. Cyprianus: „ Loquitur Dominus ad „ Petrum: & ego dico tibi, quia tu es Petrus &c. „ Et iterum eidem post resurrectionem suam dicit: „ Pasce oves meas. Super illum unum ædificat „ Ecclesiam suam, & illi pascendas mandat oves „ suas. Et quamvis omnibus post resurrectionem „ suam parem potestatem tribuat, & dicat, sicut mihi „ sit me Pater, ego mitto vos. . . . Tamen ut unitatem manifestaret, unam Cathedram constituit, „ & unitatis ejusdem originem ab uno incipientem, suâ autoritate disposuit. ( Et inferius ) „ Exordium ab unitate proficiscitur, ut una Christi „ Ecclesia, & Cathedra una monstretur. . . . „ Qui Ecclesiæ renititur & resistit, qui Cathedram „ Petri, super quam fundata est Ecclesia, deserit, in



3, Ecclesia esse confidit ? En iterum similem fer-  
mè locum : (a) „ Deus unus est, & Christus unus,  
„ & Ecclesia una, super Petrum Domini voce fun-  
„ data. Aliud altare constitui, aut Sacerdotium  
„ novum fieri, præter unum altare, & unum Sacer-  
„ dotium non potest.

Ex his S. Cypriani textibus liquet 1. Quòd  
hic S. Doctor istos Evangelij textus; *Tu es Pe-*  
*trus &c.* & *Pasce oves meas* de Persona  
Divi Petri explicârit ac exposuerit. 2. Quòd præ-  
tenderit, quòd per hoc Salvator noster peculiari  
modò supra D. Petrum Ecclesiam suam fundârit,  
cunctâsque oves suas, id est, universam Ecclesiam  
curis suis commiserit. 3. Quòd ipsum illiusque  
Successores Unitatis Catholicæ centrum constitue-  
rit. 4. Quòd secundùm ipsum idem fuerit à Ca-  
thedra Divi Petri abscedere, ac Ecclesiæ obfistere,  
aut ab ea se separare. Nunc autem dicat mihi,  
quæso, quivis sinceræ Fidei vir, num ergo D. Cy-  
prianus eos Cathedræ, id est, Successoribus Divi Pe-  
tri unitos crediderit, qui non eandem cum his Suc-  
cessoribus Fidem tenuerunt ? Certum est enim, quòd  
primum ac essentialissimum unitatis vinculum sit Fi-  
dei unitas. Divus ergo Cyprianus credebatur Fidei  
veritatem ab hac unitatis Cathedra inseparabilem  
esse : Quod etiamnum in alia quadam suarum Epi-  
stolarum asserit : Nam de Fidelissimo Diacono ip-  
siusque adherentibus, qui schisma cum eo fecerant,  
arque sibi Ecclesiæ Romanæ communionem procura-  
re conabantur, agens : (b) „ Navigare audent  
(inquit) „ & ad Petri Cathedram atque Ecclesiam  
„ principalem, unde dignitas Sacerdotalis exorta  
est,

(a) Ep. 39. (b) Ep. 55.



„ est, à Schismaticis & profanis litteras ferre: ne  
 „ cogitare eos esse Romanos, quorum Fides Apo-  
 „ stolo prædicante laudata est, ad quos perfidia ha-  
 „ bere non possit accessum. Ergone Fides Rom-  
 „ nae Sedis incorruptibilis esset, si illam mutare possent  
 „ Romani Pontifices, aliàmque docere, quàm quae  
 „ ipsis ab Apostolorum Principe consignata est.  
 (a) Idem Sanctus in sua ad Antonianum Epistola  
 „ expressè notat, quòd hic Episcopus ipsum rogasset  
 „ ut illius litteras ad Cornelium Papam transmitteret  
 „ quatenus exinde Papa penitus ac pro certo sciret  
 „ quòd Antonianus illi, id est, Ecclesiae Catholicae  
 „ communione unitus esset. Interim tamen si illi  
 „ qui contrariam sectantur opinionem, credere vel-  
 „ mus, potest quis in eadem Fide Summo Pontifici  
 „ niri, quin Fidem Catholicam profiteatur. Nam  
 „ quod benè notandum est, agebatur tunc de Fide ho-  
 „ jus Episcopi, qui in suspensionem adductus fuerat  
 „ quasi cum Novatianis sentiret. „ Scripsisti (in qua  
 „ ad illum D. Cyprianus) „ etiam, ut exemplum e-  
 „ rum litterarum ad Cornelium Collegam nostrum  
 „ transmitterem, ut depositam omni sollicitudine  
 „ iam sciret te secum, hoc est, cum Ecclesia Catho-  
 „ ca communicare. Idem Sanctus (b) in alia Episto-  
 „ stola Ecclesiam Romanam *Radicem & Matricem*  
 „ Ecclesiae Catholicae nuncupat.

Quid denique de Potestate Romanorum Pon-  
 „ tificum in Ecclesia, præcipuè autem cum de Fide  
 „ gebatur, S. Cyprianus senserit, ipsa ejus ad Stephe-  
 „ num Papam (c) Epistola satis apertè etiamnum de-  
 „ monstrat. In hac Epistola ipsum certiore rem  
 „ dit, quòd comperisset Marcianum Arelatensem Ep-  
 „ sco-

(a) Ep. 52. (b) Ep. 45. (c) Ep. 67.



scopum in Hæresim Novatianorum prolapsum esse, rogatque, ut illum excommunicet, atque tam ad Provinciam Salyorum (ad Episcopos) quàm ad Arelatensem Ecclesiam litteras dirigat, imperetque, ut alium Episcopum, qui hanc Ecclesiam gubernet, deligant. „ Dirigantur (inquit) in Provinciam & ad „ Plebem Arelatæ consistentem à te litteræ, quibus „ absento Marciano alius in locum ejus substitua- „ tur, & Grex Christi, qui in hodiernum ab illo dis- „ sipatus & vulneratus contemnitur, colligatur.

Doctor Launojus, cui hæc Epistola varijs ex- rationibus incommodum creabat, omnem lapidem movit, ut eam supposititiam esse persuaderet. Sed in hoc apud omnes Eruditos malè audiit, ac explosus est. (a) Dominus Dupinus illius naturalem sensum in alienum detorserat, sed ipsi demonstratum est, glossas suas malè fundatas esse, nullaque ratione propugnari posse

À Sancto Cypriano Optatus separari non debet, utpote, qui præterquam, quòd ex eadem Regione Originem trahat, insuper eodem, quò hic Sanctus Martyr, modò de Cathedra S. Petri differat: Sic ergo loquitur: (b) „ Igitur negare non po- „ tes, scire te in Urbè Româ Petro primo Cathe- „ dram Episcopalem esse collocatam, in qua sede- „ rit omnium Apostolorum Caput Petrus: unde „ & Cephas appellatus est, in qua una Cathedra u- „ nitas ab omnibus servaretur, ne singuli Apostoli „ singulas sibi quisque defenderent, ut jam Schis- „ maticus & peccator esset, qui contra singularem „ Cathedram alteram collocaret. Ergo Cathe-

R. D. P. Petitdidier de Inf. Pont. E „ dra

(a) Remarq. tom. 1. 4. de S. Cyprien. (b) Cont. Armen. l. 2.

„ dra unica, quæ prima est de dotibus, sedit prior  
 „ Petrus, cui successit Linus &c. Liberio Damiani  
 „ sus hodie qui noster est socius, cumq; nobis totius  
 „ orbis, commercio formatarum, in una communio-  
 „ nis societate concordat. Et in alio ejusdem or-  
 „ peris loco sic adhuc loquitur : „ Claves legimus ac-  
 „ cepisse Petrum Principem scilicet nostrum, cui  
 „ Christo dictum est : Tibi dabo claves Regni Cæ-  
 „ lorum, & portæ inferorum non vincunt eas.  
 „ Unde ergo est, quod claves Regni vobis usurpatis  
 „ contenditis, qui contra Cathedram Petri vestras  
 „ præsumptionibus & audacijs sacrilegio militatis.

Ex his Optati locis facilè habetur, 1. Quòd  
 Primatum D. Petri ex his Christi verbis *Tu es Petrus*  
*et c.* eruat. 2. Quòd doceat Cathedram  
 Divi Petri in Ecclesia unicam esse, si enim ceteri  
 Apostoli peculiare non habuerunt, tunc à fortiori  
 nec illorum Successores hujusmodi habere poterunt.  
 3. Quòd D. Petrus Apostolorum, id est, totius  
 Ecclesiæ Caput & Princeps sit, quòdque ejus  
 Successores iisdem Prærogativis gaudeant. 4.  
 Quòd claves, quas D. Petrus pro se suisque Succes-  
 soribus accepit, nulli errori obnoxie sint. 5.  
*Porta inferorum non vincunt eas.* 6.  
 Quòd hæ claves in Ecclesia Romana conserventur,  
 quòdque non nisi ab ea sola recipiantur, utpote  
 cum omnes illi, qui ab ea per communionem &  
 obedientiam non dependent, eas habere minime  
 possint. Id ipsum expressius habet adhuc alibi,  
 ubi : (a) „ Beatus (inquit) Petrus. . . & præ-  
 „ fecit



„ferri omnibus Apostolis meruit, & claves Regni  
„Cælorum cæteris communicandas solus accepit.  
Quòd si igitur Successores D. Petri Capita ac Prin-  
cipes Ecclesiæ sunt, tunc profectò ad eos spectabit  
Ecclesiæ gubernare; quòd si quoque Claves eò-  
rum nulli unquam errori subjici possunt, tunc neque  
in hujusmodi Regimine errare poterunt, præter-  
quam quòd meritò dici possit, Salvatorem nostrum  
sua Ecclesiæ de tali Capite utique providere noluis-  
se, quod Corpus in præceptis agendi capax esset.  
Longè aberat Optatus, ut de Infalibilitate Summi  
Pontificis in Materia Dogmatica dubitaret, quin  
potius ei supremam de causis etiam personalibus ju-  
dicandi potestatem tribuat: de sententia enim à  
Melchiade in favorem Cæciliani lata differens per  
illam processum finitum fuisse asserit: (a) „ Cæci-  
„ lianus (inquit) „ omnium supra memoratorum  
„ sententijs innocens est pronuntiatus, etiam Mel-  
„ chiadis sententiâ, quâ judicium clausum est.  
Quod in idem recidit ac id, quod hac de re S. Au-  
gustinus habet; (b) Quòd, scilicet, post judicium  
Melchiadis Constantinus congregari fecerit Syno-  
dum Arelatensem, non quòd id necessitas exposce-  
ret, sed solummodò, ut Donatistarum impudentia  
arceretur. „ Dedit ille ( inquit ) aliud Arelaten-  
„ se judicium: non quia jam necesse erat, sed eo-  
„ rum perversitatibus cedens, & omni modo cu-  
„ piens tantam impudentiam cohibere.

Sanctus Ambrosius nomine Synodi Aquilejen-  
sis adversus Antipapam Ursicinum vel Ursinum Im-  
peratoribus Grätiano, Valentiniano & Theodosio

(a) l. 1. (b) olim Ep. 162.

scribens, Ecclesiam Romanam Caput Imperii Romani nuncupat : (a) „ Totius orbis (inquit) Romani Caput Romanam Ecclesiam atque illam Sanctam Apostolorum Fidem, ne turbari sineret obsecranda fuit clementia vestra. Inde enim in omnes veneranda communionis jura dimittant. In suis item ad Gratianum Imperatorem de Fide libris, de duabus Jesu Christi naturis, secundum quarum unam orat, secundum alteram verum præcipit, agens : (b) „ Ut scias (inquit), „ secundum hominem rogat, Divinitate imperat, habes in Evangelio, quia Petro dixit : ego rogo pro te, ut non deficiat Fides tua. Eidem autem supra dicenti : tu es Christus Filius Dei vivi respondit : Tu es Petrus & super hanc Petram ædificabo Ecclesiam meam, & tibi dabo claves Regni Cælorum. Ergo quia propriam auctoritatem te regnum dabat, hujus Fidem firmare non poterat, quem cum Petram dicit, firmamentum Ecclesie indicavit ? Idem Sanctus in Commentario in Evangelium Lucae exponens illud, quod ibidem habetur de Navicula Petri, quam Christus ad instruendos populos ascenderat, demonstrat hanc Naviculam fuisse figuram & Typum Ecclesie à Petro gubernatæ, atque ad illum solum spectare difficultes de Fide quæstiones decidere. „ Ergo (inquit) „ quia S. Mattheus illa prælibaverat, S. Lucas cas eam sibi navim, in qua Petrus piscaretur, legit. Non turbatur ista, quæ Petrum habet, multa illic Discipulorum merita navigabant, tamen eam adhuc perfidia Proditoris agitabat. „ utraque Petrus ; sed qui suis meritis firmus esse

(a) Ep. II. (b) l. 4. c. 5.



turbatur alienis. . . . Ergo non turbatur hæc na-  
vis, in qua prudentia navigat, abest perfidia, fides  
aspirat. Quemadmodum enim turbari poterat,  
cui præerat is, in quo Ecclesiæ firmitas est?  
illic ergo turbatio, ubi modica fides; hinc securi-  
tas, ubi perfecta dilectio. Denique ceteris alijs im-  
peratur, ut laxent retia sua, soli tamen Petro duci-  
tur: duc in altum, hoc est, in profundum Di-  
sputationum. Quid enim tam altum, quam al-  
titudinem divitiarum videre, scire Dei Filium, &  
professionem Divinæ generationis assumere!  
In hoc altum Disputationis Ecclesia à Petro duci-  
tur. . . . Quæ sunt autem Apostolorum, quæ  
jubentur laxari retia, nisi verborum complexio-  
nes, & quasi quidam orationis sinus, & Disputa-  
tionum recessus, qui hos, quos cœperint, non a-  
mittant? Denique scribens in Psalmum 40.  
postquam dixerat, quod D. Petrus Salvatorem usque  
ad domum Caiphæ secutus fuisset; hæc addit: „ Ip-  
se est Petrus, cui dixit: Tu es Petrus, & super  
hanc Petram ædificabo Ecclesiam meam. Ubi  
ergo Petrus, ibi Ecclesia; ubi Ecclesia, ibi nul-  
la mors, sed vita æterna. Et idè addidit: Et  
Portæ inferi non prævalebunt ei: & tibi dabo  
claves Regni Cœlorum. Beatus Petrus, cui non  
inferorum Porta prævaluit, non Cœli porta se  
clausit, sed è contrario destruxit inferni vestibula,  
patere fecit Cœlestia. In terris itaque positus,  
Cœlum aperuit, Inferos clausit.

Ex his S. Ambrosii locis apparet, 1. Quòd  
Ecclesia Romana sit Caput Romani Imperij. 2.  
Quòd ab eadem Ecclesia omnes totius orbis Episco-  
pi quoad communionem Catholicam tanquam à

scaturigine Fidei semper dependerint. 3. Quòd  
 D. Ambrosius D. Petri Primatum super ista verba  
*Tu es Petrus &c.* fundarit, quòdque Salva-  
 tor eidem *Petri* nomen imponendo indicare volue-  
 rit, quòd ipsum tanquam fundamentum & basim Fi-  
 dei constitueret. 4. Quòd Navicula Petri  
 ( *Ecclesia Typus* ) nullis unquam agitetur tem-  
 pestatibus, aut si agitur, tunc id solùm ob aliorum  
 periculum fiat. 5. Quòd ab hac Navicula omnis  
 perfidia amandata sit, eamque Fides ubique ducat.  
 6. Quòd ratio, cur nunquam agitetur, sit, quia  
 qui ei præest, est fundamentum ac basis Fidei. 7.  
 Quòd ibi duntaxat agitatio inveniatur, ubi Fides  
 tenuis est, in hac verò Petri Navicula omnis semper  
 securitas sit. 8. Quòd alijs Apostolis, ut retia sua  
 jacerent, soli autem Petro, ut in altum maris, id est,  
 in profundas Fidei quæstiones Cymbam duceret, di-  
 ctum sit. 9. Quòd, ubicunque Petrus est, ibi etiam  
 Ecclesia necnon absque ullo mortis periculo vita æ-  
 terna sit, utpote cùm ille ipse sit, qui de Inferno tri-  
 umphat, Cælumque referat.

Liquidò constat, quòd hæ omnes D. Ambrosij  
 expressiones æquè de Petri Successoribus, ac de pro-  
 pria illius persona intelligi debeant. Enimverò  
 cùm e. g. dicit, quòd, *ubi Petrus est, ibi etiam Ec-  
 clesia inveniatur*, profectò certum est, quòd hic  
 non loquatur de persona hujus Apostoli, quippe  
 qui jam ante trecentos, & quòd excurrebat annos, æ-  
 vivis excesserat; verùm de Petri Successore, in quo  
 Divus Petrus per suam Fidem semper adhuc vive-  
 bat, & ad quem ejusdem D. Petri Prærogativæ Jure  
 Successionis devolutæ fuerant. Ex quo ergo con-  
 cludi



cludi debet, quòd, cùm ibi Ecclesia esse non possit, ubi Fides non est, Petri Successores ut Ecclesie Capita hujusque Principis Apostolorum Successores in errorem prolabi haud possint. Inde, inquam, concludere necessum est, quòd sint Fidei fundamentum ac basis, talémque Fidem profiteantur, quæ nunquam concuti aut labefactari potest, sed quam omnimoda ac integra certitudo semper comitatur. Concludi debet ulterius, quòd ipsis solis Christus Dominus demandarit, ut Ecclesie Naviculam in profundas Fidei quæstiones ducerent. Concludere adhuc oportet, quòd Papa sit Caput totius orbis Christiani. Concludere tandem cogimur, quòd, cùm universa Ecclesia, ut vera sit Ecclesia, illi uniri debeat, non alienam à sua profiteri Fidem debeat; eo quòd, ut jam adnotavimus, hujus unionis præcipuus nodus ac præcipuum vinculum Fides sit.

*Una Fides, unum Baptisma.*

Sed priusquam hunc Sanctum Ecclesie Doctorem deseramus, referenda adhuc sunt ea, quæ nomine Capuanæ Synodi Theophilo Alexandrino scribit; Hanc illi tradebat provinciam, ut pacem, sin Ecclesia Antiochena, quam diuturnum schisma turbabat, restitueret. At verò Concilij placitum esse dicit, ut omnia ad Episcopum Romanum referrentur, nec quidquam, quod eidem displicere posset, statuere præsumeret Theophilus: „ Sanè (inquit) referendum arbitramur ad Sanctum Fratrem nostrum Romanæ Sacerdotem Ecclesie: Quoniam præsumimus ea te judicaturum, quæ etiam illi displicere nequeant. Ita enim erit consultum sententiæ: ita pacis & quietis securitas, si id vestro statuatur consilio, quod communioni nostræ

„ diffensionem non afferat; ut nos quoque acce-  
 „ ptâ vestrorum serie statutorum: cum id gestum  
 „ esse cognoverimus, quòd Ecclesia Romana haud  
 „ dubiè probaverit, lati fructum hujusmodi exami-  
 „ minis adipiscamur.

Veniamus ad D. Hieronymum; Sanctus hic  
 Doctor, cui Doctrina tam Orientalis quam Occi-  
 dentalis Ecclesiæ apprime nota erat, nec minimum  
 titubabat in agnoscenda Sanctæ Sedis in persona  
 Papæ Infallibilitate; sic enim ad Damasum Papam  
 scribit: (a) „ Quoniam vetusto Oriens inter se  
 „ populorum furore collisus, indiscissam Domini  
 „ tunicam desuper textam minutatim per frustra di-  
 „ scerpit, & Christi vineam exterminant vulpes...  
 „ Idcò mihi Cathedram Petri & Fidem Apostolico  
 „ ore laudatam censui consulendam, inde nunc  
 „ meæ animæ postulans cibum, unde olim Christi  
 „ vestimenta suscepi. Neque verò tanta vastitas  
 „ elementi liquentis, & interjacens longitudo ter-  
 „ rarum me à pretiosa Margarithæ potuit inquisi-  
 „ tione prohibere. Ubicunque fuerit corpus, ibi  
 „ congregabuntur & Aquilæ... Apud vos so-  
 „ los incorrupta servatur Patrum hæreditas...  
 „ Vos estis lux mundi, vos sal terræ &c. ... Ego  
 „ nullum primum, nisi Christum sequens, Beati-  
 „ tudini tuæ, id est, Cathedræ Petri communione  
 „ confocior. Super illam Petram edificatam Ec-  
 „ clesiam scio. Quicumque extra hanc domum  
 „ agnum comederit, profanus est. Si quis in Noë  
 „ Arca non fuerit, peribit regnante diluvio...  
 „ Decernite, si placet, & non timeo tres Hyposta-  
 „ ses dicere,

Hæc

(a) *Epist. ad Damas.*



Hæc S. Hieronymi verba nullo indigent Com-  
mentario, in illis quippe omnia ad sequendam Papæ  
decisionem tanquam regulam infallibilem, etiam  
contra propriam opinionem, disposita inveniuntur.  
Enimverò persuasum sibi omninò habebat, nullum  
ab hac regula discedere posse, quin ad proprium  
rueret interitum; quemadmodum ii, qui in Arca  
Noë erant, ab ea pedem referre non potuissent, quin  
se Diluvij aquis submergi cernerent, iiq̄ue, qui in ea  
non erant, certò submergebantur.

Idem Sanctus adversùs Jovinianum scribens  
dicit, quòd D. Petrus inter Apostolos ut fundamen-  
tum Ecclesiæ selectus fuerit; *Ut Capite constituto*  
*Schismatis tolleretur occasio.* Et in Epistola ad  
Theophilum Alexandrinum: „ Scito (inquit) ni-  
hil esse nobis antiquius, quàm Christi jura serva-  
re sempèrque meminisse Romanam Fidem Apo-  
stolico ore laudatam, cujus se esse participem  
Alexandrina Ecclesia gloriatur. Et denique in  
Epistola ad Pammachium: „ Quisquis es (inquit)  
asseritor novorum Dogmatum, quæso te, ut par-  
cas Romanis auribus, & parcas Fidei, quæ Apo-  
stoli voce laudata est. Cur profers in medium,  
quod Petrus & Paulus edere noluerunt? En er-  
go Fidem SS. Petri & Pauli semper ex integro in  
Ecclesia Romana conservatam.

Nec minùs Summorum Pontificum Infallibi-  
lilitatem S. Augustinus præclarum illud Ecclesiæ  
sydus, quàm cæteri sui sæculi Patres agnovit. Ve-  
rum quia ii, qui contrariam sectantur opinionem, ex  
ejus Doctrina non exiguum subsidium capere se au-  
tumant, operæ pretium erit, priusquàm ea, quæ in

favorem Summorum Pontificum protulit, referatur, quæ ex illo pro contraria sententia adducuntur, destruere.

Objiciunt ergo Adversarij, quòd hic S. Doctor nunquam crediderit, quòd Summus Pontifex in materia fidei infallibilis Judex sit, eo quòd adversus Donatistas disputans atque de S. Cypriano sermonem faciens, dicat, quòd hic sanctus Carthaginensis Episcopus non putaverit se sententiæ Stephani Papæ deferre teneri, eo quòd rationes illæ, quæ ipsum in sua praxi retinebant, nondum dilutæ, ac solutæ sibi viderentur, nec desuper quidquam adhuc à Concilio plenario definitum esset, Arbitratur ergo, quòd à Papa ad Concilium Generale, tanquam ad authoritatem superiorem, & per consequens solam infallibilem, appellare fas esset.

Aliud adhuc argumentum ex eo deducunt adversarij, quòd idem S. Augustinus adversus eosdem Donatistas ratione Cæciliani disputans dicat, quòd, si post Melchiadis Papæ, ipsiusque Collegarum judicium Cæciliani inimici arbitrarentur se injustè damnatos fuisse, ad Concilium Generale, ubi causæ examen renovaretur, recursum habere possent. Ex quo eandem consequentiam adversus Papam in favorem Concilij deducant.

Antequam his difficultatibus respondeam, percommodum mihi videtur, ea, quæ de Concilijs Oecumenicis dicit S. Augustinus, (a) referre; Quòd nempe ipsorum judicia reformari, ac corrigi possint per Concilia posteriora, cum nempe detegitur, quod priùs occultum erat. Si hic S. Doctor id de Papæ judiciis asseruisset, quantum bone

(a) l. 1. de Bapt.



Deus triumphum canerent ii, quos hęc impugnamus, quique ad extollenda supra Summos Pontifices Concilia omnes vires, exerunt ! Verum nihil tale in D. Augustino de Summis Pontificibus invenient. Sic igitur de eiusmodi Concilijs disserit : „ Ipla Concilia, quæ per singulas Regiones vel Provincias „ fiunt, plenariorum Conciliorum authoritati, quæ „ fiunt ex universo orbe Christiano, sine ullis ambagibus cedere : ipsaque plenaria sæpè priora posterioribus emendari, cum aliquo experimento rerum, aperitur, quod clausum erat, & cognoscitur, quod latebat, sine ullo typho sacrilegæ superbix, sine ulla inflata cervice arrogantix, sine ulla contentione lividæ invidiæ, cum sancta humilitate, cum pace Catholica, cum Charitate Christiana. Viderint modò illi, qui Decisiones Conciliorum Summorum Pontificum Decisionibus præferunt, quisnam sensus huic loco tribuendus sit, quatenus cum iis, quæ tum de plenario Concilio, tum Ecclesiæ Doctrina pluribus locis, dicit S. Augustinus, conciliari possit. Ego interim ad propositas Difficultates accedo.

Primæ igitur objectioni respondeo, Divum Augustinum, qui S. Cypriani opinionem, quoad Quæstionem de Baptismo perfectè exploratam habebat, minimè latuisse, quòd Sanctus iste Controversiam de Baptismo Hæreticorum non aliter quàm ut punctum Disciplinæ respexerit. Nunquam probare quis poterit, quòd Stephanus Papa illam tanquam articulum Fidei deciderit, quin potius ex pluribus locis contrarium eluceat. I. Quia S. Cyprianus Episcopi que Africani, qui ejusdem cum illo opinionis erant, hanc quæstionem ita, ut quid  
sci

scilicet merè Disciplinam spectans, sumpserunt. 2. Ex terminis, quibus quoad praxin, quæ ab aliquo jam tempore in Diœcesi Carthaginensi vigeat, usus est D. Stephanus: *Nihil innovetur, nisi quod traditum est.* 3. Quia ipsi Episcopi Africæ, qui post S. Cyprianum in eadem Hæreticos rebaptizandi praxi perstiterunt, in communione Ecclesiæ permanserunt, nec ut schismatici habiti sunt, nisi postquam Decisioni plenarij Concilij se subdere renuerunt. 4. Quia S. Augustinus expressè notat, quòd ante plenarij Concilij hæc super re Decisionem cuique licitum fuerit, S. Cypriani praxin sequi absque ulla Charitatis amissione. dummodo per id Pax Ecclesiæ non turbaretur: (a), „ De Baptismi ergo quæstione (inquit) „ quantum arbitror, satis disserui, & quia „ hoc manifestissimum schisma est, quod Donatistarum nomine nuncupatur, restat, ut de Baptismo „ sine piè credamus, quod Univerſa Ecclesiæ à sacrilegio schismatis remota custodit. In qua tamen si aliud alij, & aliud alij adhuc de ista quæstione salvâ pace sentirent, donec univèrsali Concilio unum aliquid eliquatum, sincerumque placuisset, humanæ infirmitatis errorem cooperiret charitas unitatis, sicut scriptum est; Quia Charitas cooperit multitudinem peccatorum. Quæ enim absente cætera inaniter habentur, eadem præſente quædam venialiter non habentur.

Hoc supposito, dico paradoxum haud esse, vel in minimo Summorum Pontificum in rebus Fidei Infallibilitatem non tangere, quòd S. Augustinus auferat, etiam post D. Stephani sententiam plenarij

Cor.

(a) l. i. de Bapt. cont. Donat. c. 18.



Concilij decisionem adhuc superfuisse expectandam ; Et quidem hujus rationes jam supra , ubi scilicet de S. Cypriano agebam , expendi. Nec verò in materia Disciplina perampla , ac magna quaedam Ecclesia teneretur praxin à longo tempore apud se stabilitam , deserere , ut iis , quæ Romæ præctantur , se conformet , donec in Concilio Generali Universa Ecclesia Romanæ praxin adoptarit , eamque cæteris particularibus Ecclesijs observandam præscriperit. Quod tamen non agit , nisi in urgentissimis gravissimisque occasionibus. Non ignoro , quòd in similibus Summorum Pontificum Victoris & Stephani casibus , absolutè loquendo , iidem auctoritate suà uti potuissent. Verùm cum in Victoris casu , ipsi expositum fuisset , quòd exinde magnas turbas in Ecclesia imò fortè schisma quoddam causaturus esset , necnon id ipsum respectù Stephani factum fuisset , aut ipsemet visò illò magnò Africanorum Episcoporum Divo Cypriano junctorum numero , idem prævidisset , uterque à censuris abstinere , atque ad duas Ecclesias reducendas commodiorem ac favorabiliorem expectavere occasionem. Hæc quoad Paschæ celebrationem se obtulit in Concilio Nicæno , cum enim istud Concilium idem , quod Victor Papa , decrevisset , atque per hoc Ecclesiæ Romanæ Disciplinam tanquam toti Ecclesiæ propriam adoptasset , qui Concilij Decreto rebelles extiterunt , tanquam schismatici habiti sunt. Cùmque Concilium illud Oecumenicum , de quo S. Augustinus , idem quoad Baptismum Hæreticorum fecisset ; qui se huic Generali Disciplina per istud Concilium stabilitæ conformare renuerunt , pariter ut schismatici rejecti sunt.

Quod

Quòd alteram objectionem ex Cæciliani negotio desumptam attinet, vel ex eo, quòd tunc de causa quadam personali tantùm ageretur, resolutum facilis est. Equidem jam dudum inter omnes convenit, quòd hujusmodi causæ revisioni subjectæ sint. Nec tamen ideò S. Augustinus causam Cæciliani plenario Concilio subjici oportuisse arbitratus est, cum dixit: (a) „ Ecce putemus illos Episcopos,  
 „ qui Romæ judicârunt, non bonos Judices fuisse;  
 „ restabat adhuc plenarium totius Ecclesiæ Concilium, ubi etiam cum ipsis Judicibus causa posset  
 „ agitari; ut si malè judicâsse convicti essent, eorum  
 „ sententia solveretur. Sanctus hic Doctor istud nonnisi *ad duritiam cordis* loquitur, quippe cum ipsi res intercederet cum obstinatis, qui se iudicio Melchiadis Papæ subjicere nolébant. Nam eodem loco fatetur, id necessarium non fuisse, Constantinumque ideo duntaxat Arelatense Concilium cogi fecisse, ut nempe Cæciliani inimicorum impudentia cohiberetur. „ Dedit ille (inquit) aliud  
 „ Arelatense iudicium (aliorum scilicet Episcoporum)  
 „ rum) non quia jam necesse erat, sed eorum perversitatibus cedens, & omnino cupiens tantam  
 „ impudentiam cohibere.

His sublaris difficultatibus examinemus modò, quæ de Decisionibus Summorum Pontificum in materia Fidei S. Augustini mens fuerit. Audacter asserere quis potest, quòd, si arma D. Augustini ab authoritate exteriori petita adversùs Pelagianos invicta fuère, Summorum Pontificum in materia Fidei Decisio supremum quoddam iudicium sit, vel secus, quòd argumentum, quòd ex damnatione per

Sura

(a) Ep. olim 162



Summos Pontifices Innocentium, & Zosimum facta deducit, pessima sit probatio, fasque non fuerit appellationi ab Episcopis Pelagianis ad futurum Oecumenicum Concilium interjectæ non deferre. Nam denique si verum est, quod omnis appellatio ad Judicem superiorem, suspensiva sit, atque tunc temporis Concilium tanquam ipsò Papa superius habitum fuerit, cur ergo nulla ad ipsorum appellationem facta fuit reflexio? cur non obstante & post ipsammet appellationem sedibus suis ejecti, ac in exilium amandati fuerunt?

Sic igitur D. Augustinus in quodam sermone de Pelagianis disserit: (a) „ Rursus ubi tales in-  
» veneritis, occultare nolite, redarguite contradi-  
» centes, & resistentes ad nos perducite. Jam e-  
» nira de hac causa duo Concilia missa sunt ad Se-  
» dem Apostolicam. Inde etiam rescripta vene-  
» runt, causa finita est, utinam aliquando error fi-  
» niatur. Quæro nunc, quomodo S. Augustinus  
post judicium Romanum causam finitam esse dicere  
potuisset, si illud judicium supremum esse non ratus  
fuisset? necdum enim lis quævis finita est, quando  
ab eo, qui sententiam tulit, ad superius Tribunal  
appellari fas est; Atqui secundum D. Augustinum  
per duo illa rescripta Româ allata causa finita erat;  
ergo secundum D. Augustinum non dabatur Tri-  
bunal superius, ad quod recurrere licitum foret.

Anonymus quidam Author, qui ultimis hisce temporibus super isto D. Augustini loco Dissertationem edidit, omnem conatum adhibuit, ut ostenderet, quòd ex hoc textu non possit inferri S. Sedis judicium pro ultimato haberi debere. Ait enim, quòd

(a) *Serm. 2. de Verb. Apost.*

quòd secundùm mentem hujus Sancti Doctoris verba hæc: *Causa finita est*; non sint principium quoddam universale, quod omnis generis casibus applicari possit. At verò cur hoc? Ideo, inquit, quia hic sanctus Doctor in negotio D. Cypriani aliter locutus est. Id ego concesserim, ibi quippe de re prorsus ab hac diversa agebatur, prout jam supra demonstravi. Ideo etiam, pergit ulterius, quia Pelagiani jam in multis alijs Concilijs damnati fuerant. Verùm vel illa Concilia Chymerica sunt, ut illud Theodori Mopsuesteni; aut Pelagio faventia; ut Conventus Hierosolymitanus, Conciliùmque Diospolitanum, aut citato Sancti Augustini Sermoni posteriora, ut Antiochenum sub Theodoto. Addeoque hæc allegationes extra Chorum saltant. Augustinus non nisi de duabus Synodis à S. Sede confirmatis loquitur, contenditque, quòd causa finita sit per Decisionem Summorum Pontificum. Et hoc est, ad quod responderi debet. Sed Pelagiani (inquit ulterius hic author) ubique terrarum rejecti erant; hoc quidem verum est, post damnationem à S. Sede emanatam; priùs verò Pelagium protegebant Episcopi Hierosolymitani; Cælestiusque, quamvis in Africa jam damnatus fuisset, nihilominus in Oriente Presbyter ordinatus est. Sed, inquit adhuc Anonymus, omnes totius orbis Episcopi illos damnarunt. Hoc iterum verum est; postquam scilicet Zosimus Papa Decretalem suam ad subscribendum iis transmiserat, quod omni ex parte absque ulla difficultate executi, eamque tamquam supremum quoddam judicium reveriti sunt; Decem & octo Episcopi subscribere renuerunt, quæ propter Sedibus suis ejecti fuerunt. Sed secundùm



Authorem nostrum Pelagij errores in omnium oculos saliebant: *Aperta proluvia.* Hoc quidem tenet quoad articulum de peccato Originali, sed quoad ea, quæ bina Concilia Canonibus suis de gratia definierunt, non ita verum est; cum ipse D. Augustinus non unô locô fateatur, (a) quæstionem de gratia tantis implicitam esse difficultatibus, ut cum gratia stabilitur, liberum negari arbitrium videatur, cumque liberum arbitrium propugnatur, gratia negari videatur.

Verum, inquit denique Anonymus noster, si D. Augustinus ex his verbis: *Causa finita est*: generale quoddam principium deducere voluisset, an solummodò bis in cunctis suis operibus hanc loquendi formulam adhibuisset? At, & quamvis semel tantummodò ita locutus fuisset, an propterea probatio minùs convincens evaderet? Sed & istud verum non est, quòd tantùm bis hac de re locutus fuerit: Nam præter locum, de quo nunc agitur, desuper etiam Epistola 157. loquitur, ubi: *Hæresis* (inquit) „ novæ authores, vel certè acerrimi, notissimique suasores, cum Pelagius & Cælestius extitissent, Conciliorum Episcopaliū vigilantia, in adjutorio Salvatoris, qui suam tuetur Ecclesiam, etiam à duobus Venerabilibus Antistitibus Apostolicæ Sedis Papâ Innocentiô & Papâ Zosimô, nisi correcti etiam egerint pœnitentiam, toto orbe Christiano damnati sunt. Ecce jam duo loca; alia adhuc adducimus. (b) „ Puto tibi (inquit alibi) „ eam partem Orbis sufficere debere, in qua primum Apostolorum suorum voluit Domi-

R. D. P. Peritdidier de Inf. Pont. F nus

(a) De grat. & lib. arb. c. 1. (b) lib. 1. cons. Jul.

„ nus gloriosissimo Martyrio coronare. Cui Ec-  
 „ clesie præsentem Beatum Innocentium si audie-  
 „ re voluisses (Julianum Hæreticum alloquitur) jam  
 „ tunc periculosam juventutem tuam Pelagianis læ-  
 „ queis exuisses. Quid enim potuit vir ille Sanctus  
 „ Africanis respondere Concilijs, quàm quod anti-  
 „ quitus Apostolica Sedes, & Romana, cum cæce-  
 „ ris tenet perseveranter Ecclesia. Nota hîc per  
 „ transeuntiam, quòd secundum D. Augustinum Ro-  
 „ mani Pontifices Occidentali Ecclesie præsidebant.  
*Cui Ecclesie præsentem.*

In ultimo adversus Julianum opere: (a)  
 „ Vestra (inquit) apud competens Judicium com-  
 „ munium Episcoporum modò causa finita est;  
 „ Nec amplius vobiscum agendum est, quantum  
 „ ad jus examinis pertinet, nisi ut probatam de hac  
 „ re sententiam cum pace sequamini. Quod si  
 „ nolueritis, à turbulenta, vel invidiosa inquiete-  
 „ dine cohibeamini.

Ut denique palàm fiat, quòd secundum D. Au-  
 „ gustinum sententia per Summos Pontifices lata om-  
 „ ne aliud excludat examen, ea adhuc referre placet,  
 „ quæ in eodem Opere Juliano inculcat: (b)  
 „ Quid adhuc queritis examen (inquit) quod apud  
 „ Apostolicam Sedem jam factum est? Quod deni-  
 „ que jam factum est in Episcopali judicio Palesti-  
 „ no. Ergo Hæresis ab Episcopis jam non est exa-  
 „ minanda, sed coercenda est Potestatibus Christia-  
 „ nis. Juxta D. Augustinum igitur, postquam  
 „ Sedes Apostolica semel quid examinauit ac dijudica-  
 „ vit, negotiumque quoddam in hoc Tribunali tracta-  
 „ tum fuit, actum est, causaque finita, nulla amplius  
 „ Epi-

(a) l. 1. n. 9. (b) l. 2.



Episcoporum discussio admittitur, res jam in ultima Instantia dijudicata est, nec aliud superest, quàm ut Potestates sæculares ad reprimendos puniendosque inquietos Spiritus novis discussionibus Ecclesiam turbare molientes implerentur.

Et hæc est sat ampla, nî fallor, illius S. Augustini termini *Causa finita est* explicatio menti hujus S. Doctoris longè utique conformior, cùm ab ipso met D. Augustino de prompta sit, quàm ea, quam ipsi memorata Dissertationis Author tribuit. Ait quidem dictus Author, quòd tunc solummodò de duobus Fidei articulis ab Univerſa Ecclesia explicitè jam creditis cum Pelagio agebatur. Si hoc ita esset, tunc frustrà sanè ac intempestivè calamum D. Augustinus fatigasset. Quare ergo tot Opera & volumina adversùs hos Hæreticos edidit? Cur viginti integros annos illis impugnandis consumpsit? Et cur, postquam illos etiamnum jam profligaverat, eruditissimi ac sanctissimi Galliarum viri centum adhuc annis decertârunt, omnémque lapidem moverunt conatúmque adhibuerunt, ut saltem partem horum profligatorum Dogmatum iterum erigerent? Quis non videt, quàm ridiculum hîc consilium Anonymus noster inierit? Notandum etiam venit, quòd Summi Pontifices D. Leo & Gelasius longè post obitum D. Augustini Episcopos, ut sollicitè adversùs hosce Hæreticos vigilarent, adhortati sint, significâruntque, eorum Hæresin ita subtilem esse, ut, si vel modicum quid illius sectatoribus concederetur, illico iterum cristas erigeret.

Sed à D. Augustino discedendum non est, quin priùs aliqua adhuc loca in favorem S. Sedis ex eo

adduxerimus. Agens igitur de Cæciliano : (a)  
 „ Poterat ( inquit ) , non curare conspirantem  
 „ multitudinem inimicorum, cum se videret & Ro-  
 „ manæ Ecclesiæ, in qua semper Apostolicæ Cathæ-  
 „ dræ viguit Principatus , & cæteris terris unde E-  
 „ vangeliū ad ipsam Africam venit, per commu-  
 „ nicatorias litteras esse conjunctum. In alio item  
 „ opere, ubi contra Petilianum disputat ; cum hic E-  
 „ piscopus Donatista dixisset, quòd illa Cathædra, quam  
 „ se possidere Episcopi Catholici jactitabant, esset pes-  
 „ tilentiæ Cathædra, ipsi in hæc verba responderet D.  
 „ Augustinus : (b) „ Verumtamen si omnes per totū  
 „ orbem tales essent, quales vanissimè criminæ-  
 „ ris, Cathædra tibi quid fecit Ecclesiæ Romanæ, in  
 „ qua Petrus sedit, & in qua hodie Anastasius sedet,  
 „ vel Ecclesiæ Hierosolymitanæ, in qua Jacobus se-  
 „ dit, & in qua hodie Joannes sedet, quibus nos in  
 „ Catholica unitate connectimur, & à quibus vos  
 „ nefario furore separastis ? Quare appellas Cathæ-  
 „ dram pestilentiæ, Cathædram Apostolicam ? . . .  
 „ Hæc si cogitaretis non propter homines, quos in-  
 „ famatis, blasphemaretis Cathædram Apostoli-  
 „ cam, cui non communicatis.

Denique S. Augustinus, exemplò Optati & S.  
 Irenæi, Hæreses, quæ suâ ætate Ecclesiam vexabant,  
 impugnans, ad Successionem Summorum Pontifi-  
 cum in Sede D. Petri confugit, eorūque enume-  
 rationem ab hoc Apostolo usque ad Papam Anasta-  
 sium, qui tunc temporis Ecclesiæ gubernacula tene-  
 bat, complectitur. Ad quid autem taliter egisse  
 hos Patres censebimus ? nisi ut nobis palàm face-  
 rent, quòd Fides D. Petri in ipsius Successoribus sent-



per adhuc vivida subsistat. Idem etiam S. Doctor  
adversus Manichæos scribens hanc Summorum Pon-  
tificum in Cathedra D. Petri successionem moti-  
vis, quæ ipsam Ecclesiæ Catholicæ adstringebant,  
annumerat : (a) „ Tenet me (inquit) in Ecclesiæ  
„ gremio ab ipsa Sede Petri Apostoli, cui pascendas  
„ oves suas post resurrectionem Dominus commen-  
„ davit, usque ad præsentem Episcopatum Successio  
„ Sacerdotum. Nisi enim pro certo habuisset Fi-  
„ dem Beati Petri in omnibus Summis Pontificibus  
„ inseparabiliter manere ; quid, quæso, debilius esse  
„ potuisset, quàm hoc motivum ? Idem etiam mo-  
„ tivum præfatus S. Doctor adversus Donatistas ad-  
„ ducens : (b) „ Numerate (inquit) „ Sacerdotes  
„ vel ab ipsa Sede Petri, & in ordine illo Patrum,  
„ quis cui successit, videte, ipsa est Petra, quam non  
„ vincunt superbæ inferorum portæ.

A Divo Augustino Possidius separandus non est ;  
(c) Hic Episcopus in vita dicti S. Augustini loquens  
de Pelagio & Cœlestio, Summorum Pontificum In-  
nocentij ac Zosimi adversus hos Hæreticos senten-  
tiam, Ecclesiæ Catholicæ iudicium nuncupat :  
„ Illi (inquit) tantæ Sedis Antistites (Innocentius  
„ nempe & Zosimus) suis diversis temporibus eos-  
„ dem notantes, æquè à membris Ecclesiæ præci-  
„ dentes, datis litteris ad Africanos Orientis & Oc-  
„ cidentis Ecclesias eos anathematizandos & devi-  
„ tandos ab omnibus Catholicis censuerunt : Et  
„ hoc tale de illis Ecclesiæ Catholicæ probatum ju-  
„ dicium, etiam piissimus Imperator Honorius au-  
„ diens, ac sequens, suis eos Legibus damnatos in-

F 3

ter

(a) *Cont. Epist. fund. c. 4.* (b) *in psal. conc. part.*  
*Dono. (c) c. 18.*

„ ter Hæreticos haberi debere constituit. Hæ  
 „ Possidius in vita S. Augustini &c.

Sanctus Prosper fidelis ille D. Augustini Discipu-  
 lus, ubi de Ecclesia Romana, aut potius Summis  
 Pontificibus, agit, sui Magistri vestigiis semper in-  
 hæret. Loquens enim in suo Poëmate de Dam-  
 natione Pelagij & ejus adhærentium, hoc encomio  
 Romanos decorat Pontifices, quòd nempe primi  
 sententiam tulerint, non quidem, quasi Concilia  
 Africana non præcesserint, sed quòd præcipuam  
 suam Authoritatem à Damnatione per S. Sedem se-  
 cta acceperint. Sic ergo loquitur:

- - Pestem subeuntem prima recidit

Sedes Roma Petri, quæ principalis honoris

Facta Caput mundo quidquid non possidet ar-  
 mis,

Relligione tenet, - - -

Et inferius:

Tu causam Fidei, flagrantius Africa nostra  
 Exequeris, tecumque suum jungente vigorem  
 Juris Apostolici solio fera viscera belli  
 Conficis, & lato prosternis limite victos.  
 Convenere tui de cunctis Urbibus Almi  
 Pontifices, geminòque senum celeberrima Coetus  
 Decernis, quòd Roma probet, quòd Regna se-  
 quantur.

Addenda sunt hïc ea, quæ idem Sanctus adver-  
 sùs Cassianum scribens habet: (a) „ Non ergo  
 (inquit) „ cum istis novâ acie dimicandum est, nec  
 „ quasi contra novos hostes specialia sunt ineunda  
 „ certamina. Tunc istorum machinæ fractæ sunt,  
 „ tunc in superbix suæ socijs ac Principibus cor-  
 rue-

(a) de Ingr. c. 1. & 3.



ruerunt, quando B. M. Innocentius nefandi erro-  
ris Capita Apostolico mucrone percussit: quan-  
do Pelagium ad proferendam in se suosque sen-  
tentiam Palestinorum Synodus coarctavit; quan-  
do Africanorum Conciliorum decretis, Beatæ  
recordationis Papa Zosimus sententiæ suæ robur  
adnexuit, & ad impiorum detruncationem, gla-  
do Petri dexteris omnium armavit Antistitum;  
quando Sanctæ memoriæ Papa Bonifacius piissi-  
morum Imperatorum Catholicâ devotione gau-  
debat, & contra inimicos gratiæ Dei non solum  
Apostolicis, sed etiam Regijs utebatur Edictis...  
Uide & Venerabilis memoriæ Pontifex Cœlesti-  
nus... sciens damnatis non examen iudicii, sed  
solum pœnitentiæ remedium esse præstandum,  
Cælestium quasi non discussio negotio audien-  
tiar postulantiem, totius Italiæ finibus iussit ex-  
trui: aded & Prædecessorum suorum statuta, &  
Decreta Synodalia inviolabiliter servanda cense-  
bat ut, quod semel meruerat abscindi, nequa-  
quam admitteret retractari.

Et tota hac S. Prosperi Doctrina liquet 1.  
Quòd eundem ipsum Papa sit Caput totius orbis  
Christini. 2. Quòd illius sit Monarcha quoad  
spirituæ: *Quidquid non possidet armis, Reli-  
gione tenet.* 3. Quòd vi sententiæ à Summis  
Pontificibus latæ ac post eandem totius orbis Epi-  
scopi Paganos damnarint. *Apostolico mucrone  
percussit. Gladio Petri dexteris omnium arma-  
vit Antistitum.* 4. Quòd, cum Summi Pontifi-  
ces semiquid definiuerunt, illorum iudicium in du-  
bium

bium vocare non ampliùs licitum sit. Ex quibus  
facile est Conclusionem deducere.

Cassianus in suo tractatu de Incarnatione ita  
de D. Petro loquitur : (a) „ Interrogemus im-  
„ mum illum & inter Magistros Magistrum , qui  
„ Romanæ Ecclesiæ gubernaculum regens , sicut  
„ Fidei habuit , ita & Sacerdotij Principatum.  
Nullus unquam dubitavit , quin ea , quæ Divus Pe-  
trus tanquam Romanus Episcopus habuit , ad ipsius  
Successores transferint. Si ergo secundùm Cassia-  
num tam Principatum Fidei quàm Sacerdotij habuit,  
eundem ipsius Successoribus disputare nemo potest.

Divus Petrus Chrysologus in Epistola ad Euti-  
chen, sic eum alloquitur : (b) „ In omnibu hor-  
„ tamur te, ut his , quæ à Beato Papa Romæ Ur-  
„ bis scripta sunt, obedienter attendas. Quoniam  
„ B. Petrus , qui in propria Sede vivit & præsi-  
„ det, præstat quærentibus veritatem. Nos enim  
„ pro studio pacis & Fidei, extra consensus Ro-  
„ manæ Civitatis Episcopi Causas Fidei audire non  
„ possumus.

Gennadius de Innocentio Papa differens : (c)  
„ Innocentius (inquit) „ Urbis Romæ Episcopus  
„ scripsit Decretum Occidentalium & Oienta-  
„ lium Ecclesiarum adversùs Pelagianos atum.  
„ Quod postea Successor ejus latiùs promulavit.

Quòd si denique liceat ab ipsis Ecclesiæ hosti-  
bus testimonia petere, illud, quod ipse Hæriarcha  
Pelagius reddidit, afferemus. Antequam nim à  
S. Sede demnatus fuisset, Fidei Professionem Papæ  
obtulit, quam his verbis finiit : „ Hæc Fies est ,

Pa-

(a) l. 3. c. 12. (b) p. 1. Conc. Calced. (c) In Ca-  
talogo.



» Papa Beatissime, quam in Ecclesia Catholica di-  
» dicimus, quamque semper tenuimus & tenemus.  
» In qua si minùs peritè aut parùm cautè, aliquid  
» fortasè positum est, emendari cupimus à te, qui  
» Petri & Fidem & Sedem tenes. Sin autem hæc  
» nostra Confessio Apostolatùs tui iudicio compro-  
» batur, quicumque me maculare voluerit, se im-  
» peritum vel malevolum, vel etiam non Catholi-  
» cum, non me Hæreticum comprobabit.

## CAPUT VII.

### Testimonia Romanorum Pontifi- cum super Privilegiis Sanctæ Sedis.

Qui Doctrinæ, quam propugno, adversantur, agrè ferunt, cum ad stabilienda Romanæ Sedis Privilegia ipsos Summos Pontifices adduci cernunt; Testes eos esse ajunt, quorum testimonium, utpote in propria causa & ad proprium favorem, suspectum esse debeat. Sed I. nonne antiquum omnium totius orbis Episcoporum testimonium recipitur, cum monumentis publicis sibi competentia jura expresserunt, nemòque fuit, qui ea illis disputaret, aut se iis opposuerit? Idem de Regibus, Principibus aliisque dicendum. Qua igitur ratione quis contendere potest, quòd Summi Pontifices deterioris conditionis sint, quàm alii, quòdque testimonium de suæ Sedis Privilegiis, quod eâ, quâ floruerunt, ætate maximè publicum fuit, cuique nemo unquam contradixit, aut obstitit, deterioris conditio-  
nis

nis sit, quàm illa, de quibus primùm disserui ? 2.  
 Plerique horum Summorum Pontificum fuerunt  
 Viri non modò ob dignitatem atque scientiam, verò  
 & probitatem omni veneratione digni, nec  
 pauci sunt ex eis, quos Ecclesia tanquam Sanctos  
 colit ac veneratur. Nullus ergo hìc suspitioni lo-  
 cus esse debet, quasi adeò præstantes viri, eò se su-  
 perbiâ & ambitione abripi siverint, ut non puderet  
 sibi ipsismet Prærogativas ac Privilegia attribuire,  
 quæ sibi minimè deberi scirent, nec ipsa traditio in  
 eis agnosceret. Unde ipsorum testimonia non  
 minoris ponderis esse debent, quàm aliorum Ecclesiæ  
 Patrum. Ad validius ergo sententiæ nostræ argu-  
 mentum, quâ potero, brevitate eadem referam.

Multa jam de D. Innocentio Papa delibavimus,  
 sed ut seriem Summorum Pontificum ordine reser-  
 vamus, unicum locum adhuc ex illo hìc adduce-  
 mus. Sic ergo Epistolam ad quemdam Episcopum,  
 qui illum consuluerat, orditur : (a) „ Mirari non  
 „ possumus Dilectionem tuam sequi Instituta Ma-  
 „ jorum, omniâque, quæ possunt aliquam recipere  
 „ dubitationem, ad nos quasi ad Caput, æquè ad  
 „ apicem Episcopatus referre, ut consulta videlicet  
 „ Sedes Apostolica, ex ipsis rebus dubiis certum  
 „ aliquid faciendûmque pronuntiet.

Cælestinus Papa hujus nominis primus litteris  
 D. Cyrilli Alexandrini, & ipsiusmet Nestorii, Hære-  
 sin, in quam hic Constantinopolitanus Episcopus  
 lapsus fuerat, edoctus, adversùs ipsum sententiam tu-  
 lit, in qua inter alia sic eum alloquitur : (b) „ A-  
 „ pertè igitur hanc nostram scias esse sententiam,  
 „ ut nisi de Christo Deo nostro ea prædices, quæ  
 Ro-

(a) Ep. ad Felic. (b) Tom. 3. Concil. p. 361.



„ Romana & Alexandrina, & Universalis Ecclesia  
„ tenet. . . . Et hanc perfidam novitatem, quæ hoc,  
„ quod Venerabilis Scriptura conjungit, nititur se-  
„ parare, intra decimum diem à primo innolescen-  
„ tis tibi hujus conventionis die numerandum aper-  
„ tã & scriptã confessione damnaveris, ab Univer-  
„ salis te Ecclesiæ Catholicæ communiõne deje-  
„ ctum. Quam formam judicii. . . ad Sanctum  
„ Confacerdotem meum Alexandrinæ Urbis Anti-  
„ stitem. . . destinavimus, ut agat vice nostrã, qua-  
„ tenus statutum nostrum & tibi & universis Fra-  
„ tribus innotescat; quia omnes debent nosse, quod  
„ agitur, quoties omnium causa tractatur.

En sententiam à Papa super aliquo Fidei pun-  
cto in forma latam, & ad Universam Ecclesiam pro  
ejusdem observatione directam, vi cujus Constanti-  
nopolitanus Episcopus, nisi intra decem dierum spa-  
tium post significationem errores suos retractet, da-  
mnatur ac excommunicatur. Ex quo utique cla-  
ret, quòd Cœlestinus hinc tanquam supremus Judex  
agat, cujus judicium nulli reformationi subjectum  
est. Verum quidem est, quòd ad preces Sancti Cy-  
rilli Papa consenserit, ut suæ sententiæ insinuatio  
tantisper suspenderetur, sub spe, quòd Nestorius ad  
se ipsum rediturus esset. At verò cum Nestorius in  
suo errore obstinatus permanisset, trinam Canoni-  
cam monitionem (a) ipsi nomine Cœlestini Papæ fe-  
cit Divus Cyrillus.

Cum interim hoc negotium ingentes motus  
ac turbas in Oriente excitaret, Nestoriusque ab Im-  
peratore Theodosio protectionem impetrasset, di-  
ctus Imperator Concilium Ephesi cogi curavit, quod  
per

(a) *ibid.* p. 412.

per modum executionis sententiæ à Cœlestino latæ Nestorium damnavit, & anathematizavit, prout suo loco dicemus.

Sixtus Papa D. Cœlestini Successor (a) Joanni Antiocheno post hujus Patriarchæ atque Orientalium cum S. Cyrillo reconciliationem scribens, hisce cum alloquitur : „ Hæc Sanctitatem tuam volumus prædicare, quæ scribis. Expertus es negotij præsentis eventu, quid sit sentire nobiscum. „ Beatus Petrus Apostolus in Successoribus suis, quod accepit, hoc tradidit. Quis ab ejus se velit separare Doctrina, quem ipse inter Apostolos primum Magister edocuit ? Non hunc auditus per alterum, non sermo lectus instruxit, doctus est cum aliis ore Doctoris : non scripturæ, non scriptorum passus est Quæstionem : absolutam, & simplicem Fidem, & quæ Controversiam non haberet, accepit. Evidens est hunc Pontificem non dubitasse Sanctum Petrum Doctrinam suam Successoribus suis transmisisse, horumque Doctrinam non magis errori esse obnoxiam ac ipsamet Divi Petri Doctrina.

Nihil hæc de D. Leone dicam, occasionem quippe de eo loquendi nanciscar, cum ad Concilia pervenero.

Ad Gelasium Papam ergo transeo ; sic porro ad Orientis Episcopos scribens loquitur : (b) „ Quomolibet sententiis Pontificum ligata, B. Petri Sedes jus habet resolvendi, utpote quod de omni Ecclesiâ jus habeat judicandi, neque cuiquam de ejus liceat appellare judicio. Siquidem ad illam

(a) *ibid.* p. 1261. (b) *Ep. ad Ep. David.* & *Ep. ad Faust.*



» de qualibet mundi parte Canones appellari vo-  
» luerunt, ab illa autem nemo sit appellare per-  
» missus. Sic iterum de quibusdam Orientalibus  
Episcopis agens, qui Romanos Pontifices nimij su-  
percilij arguebant, Acacii à sua, hoc est, Apostolica  
Sede aliàs damnati memoriam purgare detrectave-  
rant, in eos insurgit : „ Ineptias itaque suas sibi  
» servant (ait) „ n̄ resipiscant potiùs cogitantes  
» Christi vocem non esse superfluum, quæ Confes-  
» sioni Beati Petri Apostoli inferni portas nunquam  
» prævalituras asseruit. Quapropter non veremur,  
» ne Apostolica sententia resolvatur, quam & vox  
» Christi, & Majorum traditio, & Canonum fulcit  
» authoritas, ut totam potiùs Ecclesiam semper ipsa  
» dijudicet. Plura adhuc loca ad stabiliendam Su-  
» perioritatem Summorum Pontificum supra Conci-  
» lia hic adducere possem, verum præterquam quòd id  
nimis prolixum foret, de eo insuper loquendi redi-  
bit occasio, ubi scilicet de Concilijs tractabo.

Agatho in Epistola ad Imperatorem pro convo-  
catione sextæ Oecumenicæ Synodi sic loquitur :  
» Petrus spirituales oves Ecclesiæ ab ipso Redem-  
» ptore omnium ternâ commendatione pascendas  
» suscepit. Cujus adnitente præsidio hæc Aposto-  
» lica ejus Ecclesiæ, nunquam à via veritatis in  
» qualibet erroris parte deflexa est : cujus autho-  
» ritatem utpote Apostolorum omnium Principis  
» semper omnis Catholica Ecclesiæ, & Universales  
» Synodi fideliter amplectentes in cunctis secutæ  
» sunt. Ex hoc textu liquet, quòd secundum A-  
» gathonem Papam D. Petrus suos Successores ab om-  
» ni errore semper præservaverit, quòdque Universæ  
» Ecclesiæ illorum Doctrinam tanquam ipsimet D. Pe-  
tro

tro propriam semper amplexa ac secuta sit. Quis proin asserere auserit, quòd D. Petrus in materia Dogmatica fuerit aut sit errori obnoxius? Eadem repetit idem Agathò in Epistola ad Concilium.

Certè prætereundus non est, quem ferè oblitus eram, Divus Gregorius Magnus, cujus tum humilitas tum modestia, quæ passim in ejus micat operibus, suspicari non sinit, eum ultra limites Sanctam Sedem extollere voluisse; Ille, inquam, Gregorius, qui nomen Universalis Episcopi, tanquam blasphemiam nomen, semper respuit. Itaque hic Summus Pontifex de authoritate Sanctæ Sedis in materiis Fidei non aliter, quàm sui Prædecessores loquitur, tuæque Ecclesiæ Privilegia ab ipsa etiamnum Christi Domini authoritate depromit. Sic enim loquitur: (a) „ Cunctis Evangelium scientibus liquet, „ quòd Sancto & omnium Apostolorum Petro „ Principi Apostolo, totius Ecclesiæ cura commissæ est: ipsi quippe dicitur: Petre amas me? pascere oves meas: Ecce Sathanas expetivit vos, ut cribraret vos sicut triticum. Ego autem oravi pro te, ut non deficiat Fides tua; & tu aliquando conversus confirma fratres tuos. Tu es Petrus, & super hanc Petram ædificabo Ecclesiam meam, & portæ inferi non prævalebunt adversus eam. Et tibi dabo claves Regni Cælorum, & quodcumque solveris super terram, erit solutum & in Cælo, & quodcumque ligaveris super terram, erit ligatum & in Cælis. Ecce claves Regni Cælestis accepit, potestas ei ligandi atque solvendi tribuitur, cura ei totius Ecclesiæ, & Principatus tribuitur, & tamen Universalis Apostolus non vocatur:

(a) L. 4. Ep. 20. p. 748.



n catur : & Vir Sanctissimus Joannes Confacerdos  
n meus, vocari Universalis Episcopus conatur. (a)  
Er in quadam Epistola ad Vigilium Arelatensem E-  
piscopum, in qua ipsum suum Vicarium in Galliis  
constituebat, hæc ipsi quoad difficultates, quæ fortè  
occurrerent, injungit : „ Si qua verò (inquit), „ in-  
n quisitio de Fide, vel fortasse aliarum rerum inter  
n Episcopos causa emerferit, quæ discerni diffici-  
n lius possit, collectis duodecim Episcopis ventile-  
n tur atque decidatur. Si autem decidi nequive-  
n rit, discusâ veritate ad nostrum judicium refera-  
n tur. Et in sequenti Epistola, quæ ad omnes Re-  
gni Childeberti Episcopos directa est, significat ipsis,  
quòd Vigilium Vicarium suum constituerit ad au-  
thoritative terminandas Controversias ac Lites, quæ  
inter Episcopos oriri possent. „ Si quam verò  
n contentionem, (inquit) „ quod longè faciat  
n Divina potentia, de Fidei causa evenire contige-  
n rit, aut negotium emerferit, cujus vehemens sit  
n fortè dubietas, & pro sui magnitudine judicio Se-  
n dis Apostolicæ indigeat : examinatâ diligentius  
n veritate, relatione suâ ad nostram studeat perdu-  
n cere notionem : quatenus à nobis valeat congruâ  
n sine dubio sententiâ terminari.

In alia item Epistola, (b) quam ad Eulogium  
Patriarcham Alexandrinum scripsit : „ Quis ne-  
n sciat (inquit) „ Sanctam Ecclesiam in Apostolo-  
n rum Principis soliditate firmatam, qui firmita-  
n tem mentis traxit in nomine, ut Petrus à Petra  
n vocaretur ? cui veritatis voce dicitur ; Tibi da-  
n bo Claves Regni Cœlorum : cui rursus dicitur :  
Et

(a) l. 5. Ep. 53. p. 783. (b) l. 7. Ep. 40. p. 889.

„ Et tu aliquando conversus confirma fratres tuos;  
 „ iterumque: Simon Joannis amas me? Pasce o-  
 „ ves meas. Itaque cum multi sint Apostoli, pro  
 „ ipso tamen Principatu, sola Apostolorum Prin-  
 „ cipis Sedes in autoritate convaluit, quæ in tri-  
 „ bus locis unius est.

Ex his D. Gregorii locis patet **I.** Quod tres illi famosi, quos adducit, Evangelii textus intelligi debeant de Primatu D. Petri, utpote cui Christus suæ Ecclesiæ Regimen commisit, quodque hi, qui contrarium tenent, Evangelium non intelligant: *Omnibus scientibus Evangelium liquet.* **2.** Quod hæc D. Petri Prærogativæ ad ipsius Successores pertransierint, eo quod dicat, quod super ipsum stabilita sit Ecclesia. **3.** Quod de Infallibilitate horum D. Petri Successorum in Quæstionibus Fidei nullatenus dubitavit, cum præcipiat, ut difficiliore super hac materia quæstiones, quas Episcopi in unum congregati decidere non potuerint, ad eum modò certò omnisque dubii experte per ultimum quoddam iudicium ultimò ab ipso decidendæ referantur. *Quatenus à nobis valeat congrua sine dubio sententia terminari.*

Ipsismet hujus Magni Papæ verbis usus est Joannes Papa Octavus in Epistola, sicut hæc D. Gregorij, ad quemdam etiam Arelatensem Episcopum directæ.

Sed & idem Joannes Papa non minùs clarè se explicat in quadam alia ad Bulgarorum Regem Epistola: „ Sanctam Romanam Ecclesiam (inquit ibidem) „ B. Petrus in hac Fide fundatam proprio „ sanguine cum Paulo Domino Deo consecravit & do-



» dedicavit &c. Sicut aqua non potest alibi tam  
» munda & limpida quemadmodum in fonte, unde  
» originem pettrahit, inveniri: ita & Fides nun-  
» quam omninò poterit alibi tam pura & tam niti-  
» da reperiri, sicut in Ecclesiæ nostræ Vivario, ubi  
» tam . . . ille Polorum Claviger uberim & pu-  
» rissimè congregavit, qui ex ipso fonte vivo hanc  
» cœlitùs hausit, & limpidissimam consecrandam  
» mandavit.

Oporteret potioreni Nicolai Primi Epistolarum  
partem describere, si ea omnia, quæ in favorem S.  
Sedis illiusque in Ecclesia potestatis scribit, referre  
vellemus. Cùm enim ipsi cum Photio, qui primus  
Græcos adversùs Ecclesiam Romanam excitavit, ac  
rebellare fecit, negotium intercesserit, coactus fuit  
sapiùs de hujus Ecclesiæ Prærogativis sermonem te-  
rere, sive cùm ad ipsummet Photium, sive ad Mi-  
chaëlem Imperatorem scriberet. Non modò igitur  
sua Sedis Infalibilitatem propugnat, verùm etiam  
expressè asserit, quòd Ecclesia Romana sit supra om-  
nia Concilia, quòdque horum Decisiones in Legem  
non transeant, nisi in quantum à Romanis Pontifici-  
bus confirmatæ sunt. (a) » Non ergo dicatis (in-  
quit ad Imperatorem) » non eguisse vos in causa  
» pietatis Romanæ Ecclesiæ, quæ collecta Concilii  
» suâ autoritate confirmat, suâ moderatione cu-  
» stodit. Unde quædam eorum, quia consensum  
» Romani Pontificis non habuerunt, valetudinem  
» perdidit. Id postmodum exemplò Concilii  
» Ephesini secundi, in quo omnes, qui ei interfue-  
» rant, Episcopi ipsique Patriarchæ errorem definie-  
» rant, nec non exemplo Iconoclastarum Conciliabu-



li probat. „ Quoniam (ait) „ cum secundum  
 „ Canones, ubi est major autoritas, judicium inferiorum sit deferendum ad dissolvendum scilicet, vel ad roborandum: patet profecto Sedis Apostolicae, cujus autoritate major non est, judicium à nemine fore retractandum, neque cuiquam de ejus liceat judicare judicio. Siquidem ad illam de qualibet mundi parte Canones appellari voluerunt, ab illa autem nemo sit appellare permissus. Juxta quod & Bonifacius & Gregorius Sanctissimi Praesules, non suis ad inventionibus, sed Ecclesiae Romanae consuetudinem non ignorantes dicunt. Supervacaneum foret plura ex eodem Papa referre.

Leo Nonus in Epistola ad Michaëlem Carularium Patriarcham Constantinopolitanum adducto famoso illo S. Lucae textu: *Ego autem rogavi pro te, ut non deficiat Fides tua* &c. Sic pergit: „ Erit ergo quisquam tantae demeritiae, qui orationem illius, cujus velle est posse, aut deat in aliquo vacuum putare? Nonne à Sede Principis Apostolorum, Romana videlicet Ecclesia, tam per eundem Petrum, quam per suos Successores, convicta atque expugnata sunt omnium Haereticorum commenta, & Fratrum corda in Fide Petri, quae hactenus non defecit, neque in finem deficiet, sunt confirmata?

Qui Romanorum Pontificum Infallibilitatem impugnant, omnem conatum adhibent ad eludenda testimonia, quae ex praefatis Romanis Pontificibus adducuntur. Modò dicunt, quòd testimonium reddant in propria causa: modò quòd per verbum



*Ecclesia* Univerſa intelligi debeat Catholica Eccleſia : modò quòd hæc testimonia tantùm loquantur de Romana Eccleſia, non verò de Summis Pontificibus. Sed vanas has cavillationes diluere per facile eſt. Primæ jam reſpondi, aliæ duæ autem longè contemptibiliores ſunt: hinc enim ex ipſis Romanorum Pontificum verbis claret, quòd non niſi de Sede ac Eccleſia Romana loquantur, non verò de tota ſeu Univerſa Eccleſia; illinc verò non minùs apertum eſt, quòd per Eccleſiam Romanam ipſos Beati Petri in hujus Eccleſiæ Sede Succeſſores deſignent. An non enim oppidò ridiculum foret huic Eccleſiæ Infallibilitatem concedere, iis interim, qui illius ſunt Capita, hocce privilegium adimere? Quòd ſi Eccleſia Romana Infallibilitate gaudet, id ſanè aliter intelligi aut eſſe non poteſt, quàm ſi in iis duntaxat, qui eam gubernant, & ex quorum ore loquitur, ac definit, reperiri dicatur. Infallitas, quam Romani Pontifices ſuæ Eccleſiæ tribuunt, fundata eſt ſuper promiſſiones Salvatoris D Petro factas, Privilegiâque, quæ ipſi pro ſe & ſuis Succeſſoribus conceſſit. Conſequenter, ſi Fidei Infallibilitas unum ex his Privilegijs eſt, tunc hujus Apoſtoli Succeſſores, ii ſunt, qui eâdem gaudent,

Superfluum ac inutile vel maximè foret, plura testimonia ex Summis Pontificibus deprompta referre, cum ii ipſi, quos oppugnamus, facile conveniant, Gregorium Septimum Romanorum Pontificum Infallibilitatem propugnâſſe, hancque opinionem poſtmodum ad ejus pertraſſiſſe Succeſſores. Verùm quia Doctòr Launojus contendit, quòd certi quidam Romani Pontifices in præſentis Quæſtionis

stionis circumstantiis se ipsos fallibiles, Oecumenicisque Conciliis inferiores altrò agnoverint, atque ad hoc Innocentii tertii quandam Epistolam adducat, in qua Innocentius se apud Regem excusat, quòd ipsi dispensationem aliquam, quæ juri naturali repugnabat, nisi autoritate Concilii Oecumenici impetiri non posset, cum tamen probè nosset, nec id Concilium Oecumenicum posse. Hac igitur ratione operæ pretium esse videtur demonstrare, quæ hujus Summi Pontificis circa Infallibilitatem Romanorum Pontificum mens fuerit. Plura quidem desuper ex illo adducere possem testimonia; at unicum sufficiet; Depromptum est ex Epistola quadam ad Patriarcham Constantinopolitanum scripta, (2) in qua disserens de Primatu, quem Romana Ecclesia à D. Petro accepit & habet, sic eum alloquitur: „ Pro eo Dominus orâsse fatetur, inquit in articulo Passionis; Ego rogavi pro te, ut non deficiat Fides tua. Et tu aliquando conversus confirma fratres tuos. Ex hoc innuens manifestè, quòd Successores ejus à Fide Catholica nullo unquam tempore deviarent, sed revocarent magis alios, & confirmarent etiam hæsitantes, per hoc sic ei alios confirmandi potestatem indulgens, ut aliis necessitatem imponeret obsequendi.

Tempus est, ut præsentì Capiti finem imponam, non possum tamen, quin priùs id, quod veritas ab ore famosi cujusdam nostræ ætatis Doctoris, (b) qui Doctrinæ, quam tueor, è Diametro oppositum esse videtur, extorrit, pro coronide referam. Hic ergo

(a) l. 3. edit. Baluz. pp. 209.  
Hist. Eccl. l. 63. n. 12.

(b) D. Fleury



ergo Author de quodam scripto loquens; cui titulus est: *Dictatura Gregorij Septimi*: quod hujus Papæ partum esse non credit, ait, quòd ex viginti septem articulis, quibus comprehenditur, quidam veri sint, quidam autem falsi; Veris adnumerat sequentes: *Quòd Ecclesia Romana à solo Christo fundata fuerit*: *Quòd majores cause ad illam referri debeant*: *Quòd Ecclesia Romana nunquam errârit, nec pro Catholico habendus sit, qui huic Ecclesie non conjungitur.* At si hic ultimus articulus verus est, per necessariam consequentiam sequitur, quòd Ecclesia Romana sit Infallibilis, si enim Infallibilis non esset, posset quisvis esse Catholicus, qui tamen cum Ecclesia Romana non concordaret. Hic ultimus articulus sequitur etiam ex præcedenti, quia, si Ecclesia Romana nunquam erravit, sequitur, quòd omnis ille Christianus, qui ei Fide non conjungitur, Catholicus non sit.

## CAPUT VIII.

Quid Concilia Oecumenica aliâque  
de Authoritate Summorum Pontificum  
in materia Fidei censuerint.

Et

Quomodo Romani Pontifices se gesserint respectu Conciliorum Oecumenicorum.

**P**AUCA admodum habemus, quæ quoad Romanos Pontifices ex Concilio Nicæno adducamus,

mus, eo quòd monumenta ea nobis desint, quibus agnoscere possimus, quæ pars in hoc Concilio fuerit Sylvestri Papæ; & ea, quæ supersunt, pro authenticis haberi haud possint. Id unum scimus, quòd referente Concilio sextò Generali Nicænum à Papa Sylvestro, & Imperatore Constantino coactum fuerit. Certum est aliunde, quòd hic Pontifex illuc suos Legatos cum instructionibus, quæ ampliùs non supersunt, miserit. Dubitari vix potest, quin Osius Corduensis Episcopus unus ex istis Legatis fuerit. Cum enim Ariani apud D. Athanasium asserant, quòd hic ille fuerit, qui Nicææ præsedet, non videtur, quâ ratione hujusmodi honor simplici cuidam Orientalibus incognitæ Civitatis Episcopo delatus fuisset, nisi hunc locum nomine Romani Episcopi occupasset, prout in Concilio Sardicensi fecit. Tradit insuper D. Athanasius, (a) quòd Concilium à Dionysio Papa & Dionysio Alexandrino vocem *Consubstantialis*, quæ postmodum tantam molestiam Ariani creavit, mutuârit.

Ampliores materiam nobis suppeditat Concilium Sardicense. Nam 1. ibidem invenimus Papam vocari Caput Ecclesiæ, (b) utpote, qui Petri Sedem teneat; quòd ipsius intersit de omnibus informationem sumere; quòd diversarum Provinciarum Episcopi teneantur ipsum de omnibus, quæ agitantur, reddere certiores. „ Hoc enim (inquit istud Concilium) „ optimum & congruentissimum esse videbitur, si ad Caput, id est, ad Petri „ Apostoli Sedem, de singulis quibuscunque Provinciis Domini referant Sacerdotes. 2. In signum honoris Divo Petro in persona suorum Succel-

(a) De senten. Dionys. (b) Ep. Syn.



cessorum debiti præscribit; (a) quòd si quis Episcopus in aliquo Episcoporum Conventu damnatus fuerit, sibi providere possit per appellationem ad S. Sedem, quòdque Papa novos Judices tum nominare debeat, qui causam examinent, quam ad vicina Provincie Episcopos remittere poterit, imò etiam si id consultum duxerit, illuc ex sua parte Commissarios, qui unà cum Episcopis judicent, specialem eis tribuendo potestatem ipsius nomine judicandi, aut denique negotium finiendi, prout nempe ipsius prudentia ei faciendum suggererit, mittere poterit.

„ Petri memoriam (sunt verba Concilii) ,, honoramus, ut ab iis, qui judicaverunt, scribatur Julio Romanorum Episcopo, & per propinquos Provincie Episcopos, si opus sit, iudicium renovetur, & Cognitores ipse præbeat. . . . Si quis autem postulet suum negotium rursus audiri, & ad suam supplicationem Romanorum Episcopum judicare visum fuerit, ut à proprio latere Presbyteros mittat, & sit in potestate ipsius, quòdcunque rectè habere probaverit; & si decreverit oportere eos mitti, qui cum Episcopis sint iudicaturi, habentes auctoritatem ejus, à quo missi sunt; & hoc ponendum est. 3.º

decernit, quòd, si quis Episcopus, qui iudicio suorum Confratrum depositus fuerit, palàm testificetur, quòd sibi adversus eorum iudicium providere per viam appellationis velit, ipsi Successor substitui non possit, donec Episcopus Romanus finalem desuper sententiam tulerit. „ Si quis Episcopus fuerit depositus iudicio Episcoporum, qui sunt in vicina, „ & dicat rursus sibi defensionis negotium competere, non priùs in Cathedram alius substituat, „ quam

„ quàm Romanus Episcopus causâ cognitâ senten-  
 „ tiam tulerit.

Synodus Ephesina , (a) cui S. Cyrillus Ale-  
 xandrinus nomine & ut Locum tenens Cœlestini Pa-  
 pæ præfedit, postquam Nestorii scripta examinâisset,  
 deprehendissetque in eis impietatem contineri ac  
 doceri, declarat se adstringi ad ferendam adversùs ip-  
 sum depositionis sententiam impellentibus ad id  
 tam Sacris Canonibus quàm Cœlestini Romani Epi-  
 scopi litteris, ex quibus utique patet, non dubitâsse  
 hujus Concilij Patres, se teneri obedire Papæ man-  
 datis, illiusque litteras pari cum Sacris Canonibus  
 passu ambulare. Verba ipsius Synodi adducimus :

(b) „ Deprehendentes . . . illum impiè sentire &  
 „ prædicare : coacti per Sacros Canones, & Episto-  
 „ lam Sanctissimi Patris nostri, & Comministri Cœ-  
 „ lestini Romanæ Ecclesiæ Episcopi, lachrymis sub-  
 „ inde perfusi ad lugubrem hanc contra eum sen-  
 „ tentiam necessariò venimus.

Insuper ex eadem Synodo habetur, quòd  
 Philippus Presbyter & Episcopi Arcadius & Proje-  
 ctus Papæ Legati, cum primùm post Nestorii dam-  
 nationem ad Concilium venissent, petierint, ut ipsis  
 acta prælegerentur : „ Ut ( inquit Philippus )  
 „ sequentes formulam Sanctissimi Papæ Cœlestini,  
 „ qui hanc curam nobis commisit, & vestræ etiam  
 „ Sanctitatis judicia vestra confirmare possimus.

Postea, lectis que actis sic pergit Philippus  
 Presbyter : „ Nulli dubium, imò sæculis omnibus  
 „ notum est, quòd Sanctus Beatissimùsque Apосто-  
 „ lorum Princeps & Caput, Fideique columna, &  
 „ Ecclesiæ Catholicæ fundamentum, à Domino no-

stro



»stro JESU Christo Salvatore humani generis ac Re-  
» demptore, Claves Regni accepit, solvendique ac  
» ligandi peccata potestas ipsi data est, qui ad hoc  
» usque tempus & semper in suis Successoribus vi-  
» vit, & judicium exercet. Hujus itaque secundum  
» ordinem Successor & Locumtenens Sanctus Bea-  
» tissimusque Papa noster Cælestinus Episcopus  
» nos, ipsius præsentiam supplentes, ad hanc San-  
» ctam Synodum misit &c. Deinde ipse aliique  
» Legati sententiam adversus Nestorium latam con-  
» firmant, & ad petitionem Concilii in hujus Con-  
» firmationis argumentum illius acta subscribunt. (a)  
» Sancta Synodus dixit: Cùm Arcadius & Proje-  
» ctus Reverendissimi Religiosissimique Episcopi  
» & Legati, & Philippus Presbyter Apostolicæ Se-  
» dis Legatus, consentanea sint locuti, conse-  
» quens est, ut promissis satisficientes, etiam sub-  
» scribendo acta confirmet, proinde actorum  
» Commentarii ipsis adhibeantur. Hæc sunt, quæ  
» in hac Oecumenica Synodo actitata sunt. Nec  
» clariùs Infallibilitas Romanorum Pontificum stabi-  
» liri potest, quàm Philippus Presbyter in suo alloquio  
» stabilierit. Si enim D. Petrus in suis Successoribus  
» semper vivit, ac virtute potestatis & Privilegiorum  
» à Christo Domino acceptorum judicium exercet, si  
» semper est columna Fidei & Ecclesiæ Catholicæ fun-  
» damentum, nemo dubitare potest, quin judicia, quæ  
» per suos Successores exercet, infallibilia sint. Lon-  
» gè autem absuit, ut huic Philippi Presbyteri allocu-  
» tioni quisquam hujus Synodi Episcoporum contra-  
» diceret, quin potiùs ab omnibus ingenti cum ap-  
» plausu recepta fuerit. Et certè longè ab eorum

G s

mente

(a) p. 630

mente erat, ut contradicerent; quandoquidem Philippus nihil protulerat, quod non ab omnibus sacculis, id est, ab Ecclesiæ incunabulis notum esset. Erubescant igitur moderni Theologi, quod in Controversiam adducere audeant id, quod primis Ecclesiæ sæculis tanquam omninò manifestum minimeque dubium habitum fuit.

Id insuper hîc notandum venit, quod videlicet hujus Concilii Patres Epistolam ad Cœlestinum Papam directam, in qua ei in suo Conventu aceratorum rationem reddebant, hisce concluderint:

„ Perlectis in Sancta Synodo Commentariis actorum in depositione impiorum Pelagianorum, & Cœlestianorum, Cœlestii, Pelagii, Juliani, Perfidii, Flori, Marcellini, Orentii & eadem cum illis sentientium, quæ à tua pietate de ipsis decreta & constituta sunt, judicavimus nos ea solidaque permanere debere. Ex quo patet, quod istud Generale Concilium absque ullo novo examine horum Hæreticorum damnationi à Summis Pontificibus factæ subscripserit.

Verùm antequam hocce Concilium deseramus, anticipanda est difficultas, quæ ex eo formari posset, quod nempe cum Papa Cœlestinus adversus Nestorium, nisi intra decem dierum spatium respiscere, erroremque retractaret, sententiam pronuntiasset, nec ipse Nestorius errorem retractasset, Papæ tamen sententia executioni mandata non fuerit. Non abs re igitur erit notasse, quod, cum desuper S. Cyrillus ad Cœlestinum litteras dedisset, Summus hic Pontifex annuerit, ut sententiæ suæ executione tamdiu suspenderetur, quamdiu spes aliqua affulgeret hunc Episcopum ad Fidem Orthodoxam reducendi.



Phis lar  
s lar  
flet  
Con  
Ec  
ini  
icet  
Pa  
tor  
t ;  
to  
&  
rfi  
llis  
&  
que  
ud  
o-  
ci  
a-  
ari  
is  
fi-  
or  
a  
er  
is  
o  
-  
.  
cendi. Binæ istæ Epistolæ extant in actis Con-  
cili.

Notandum denique est, quòd in instructione,  
(a) quam suis Legatis Cœlestinus dederat, ipsis ex-  
presse ac specialiter mandârit, ut quoad ea, quæ ille  
definierat, nullam contentionem admitterent, eos-  
que damnarent, qui lites desuper movere ausuri es-  
sent. *Ad disceptationem (inquit) si fuerit deven-*  
*tum, vos de eorum sententiis dijudicare debetis,*  
*non subire certamen.* Ex quo liquet, quòd dictus  
Papa suos Legatos non idèò ad Synodum miserit, ut  
ibi, quid credendum foret, addicerent, atque se iis,  
quæ ibidem Episcopi definituri essent, submitterent,  
verùm, ut, quod ipse jam definierat, à Concilio re-  
ciperetur.

Hic omitterem quidquam de Secundo Con-  
cilio Ephesino, quod nonnisi Dioscori Patriarchæ Ale-  
xandrini Latrocinium fuit, dicere, nisi operæ pre-  
tium esset notâsse, quòd D. Leo Papa solus ille fue-  
rit, qui temeritatem ac impietatem Dioscori coer-  
cuit, inutilémque reddidit. Enimverò nedum suf-  
ficere arbitratus est, quòd se viriliter adversùs illud  
Conciliabulum declarârit, illudque reprobârit,  
quamvis eidem tres Orientis Patriarchæ subscripsis-  
sent; sed insuper totis viribus tum apud Impera-  
torem Theodosium, tum Pulcheriam egit, quate-  
nus liberum Conciliam cogi permitterent, per quod  
turbæ, quas istud Conciliabulum in Oriente suscitâ-  
rat, sedarentur. Imò ad hoc Imperatoris Honorii,  
ac Imperatricum apud Theodosium ejusque soro-  
rem commendationem adhibuit. Sed quia Hono-  
rili

(a) *Collect. apud Christ. Lupum, s. 236,*

rii Imperatoris Epistola ad propositum meum multum facit, mearum partium esse arbitror, quædam ex ea hic adducere. Sic ergo de Romano Episcopo differens loquitur: „ Nostris diebus servare debemus venerationem, quæ dignitati B. Petri debetur: quatenus Beatissimus Romanæ Civitatis Episcopus, cui Principatum Sacerdotii super omnes antiquitus contulit, locum habeat ac facultatem de Fide & Sacerdotibus judicare, Domine Sanctissime Pater ac venerabilis Imperator. Et inferius postulat: „ Ut prædictus Sacerdos (Sanctus Leo Papa) „ congregatis ex omni orbe etiam „ reliquis Sacerdotibus intra Italiam omni præiudicio submoto, à principio omnem causam (Eutyctetis) „ quæ vertitur, sollicitâ probatione cognoscens sententiam ferat, quam Fides & Verbum Divinum expostulat. Sic Imperatores sicut & alii de Episcopis Romanis eorumque de Fide etiam in Occumenica Synodo iudicandi potestate loquebantur.

Veniamus modò ad Calcedonensè Concilium. Primum, quod notandum occurrit, est illud; quòd secundum D. Gregorium Magnum pluribus suarum epistolarum locis, hoc Concilium Episcopis Romanis titulum *Universalium Episcoporum* obtulerit, quò tamen uti Romani Pontifices noluerunt, ne exinde cæteros Episcopos de sua dignitate dejicere aut exauthorare velle viderentur. Apprimè certum est, quòd non præposterò hòc sensù dictum Concilium Romanis Pontificibus titulum Universalis Episcopi tribuebat, sed ad significandum duntaxat, quòd omnes Episcopos antecellerent, atque



Generalem quandam inspectionem super totam haberent Ecclesiam.

Secundum, quod occurrit, est, quòd idem Sanctus Leo numeroſo huic Episcoporum Cœtui scribens, procul abſit ab eo, ut declaret ſe in iis, quæ circa Fidem definituri eſſent, ſubſcribere paratus eſſet, prout noſtra ætate ad id Romanos Pontifices teneri contenditur; quin econtra illis ipſemet legem conſtituat, quæ que ipſis agenda ſunt, præſcribat. (a)

» Nunc (inquit) » in Vicariis meis adſum, qui dum in Fidei prædicatione non deſum; ut, qui non poteſtis ignorare, quid ex antiqua traditione credamus, nõ poſſitis dubitare, quid cupiamus. Unde Fratres Chariffimi rejectâ penitus audaciâ diſputandi contra Fidem Divinitus inſpiratam, vana errantium infidelitas conquieſcat. Non liceat defendi, quod non licet credi, cum ſecundum Evangelicas authoritates, ſecundum Propheticas voces, Apoſtolicam Doctrinam pleniſſimè & lucidiſſimè per litteras, quas ad B. memoriæ Flavianum Episcopum miſimus, fuerit declaratum, quæ ſit de Sacramento Incarnationis Domini noſtri Jeſu Chriſti pia & ſincera Confefſio. Ecce quomodo D. Leo hujus Concilii Patribus legem præſcribat.

Tertiò. Notandum venit, quòd, quamprimùm Synodus Calcedonenſis formata fuit, Paſchaſinus unus ex D. Leonis Legatis declarârît, quòd hujus S. Pontificis omnium Eccleſiarum Capitis mandatum præ manibus haberet, per quòd ſtatuerat, ne Dioſcorus Archiepiſcopus Alexandrinus in Concilio ſederet, aut ſi ſecus, ipſius Legati à Concilio diſcederent:

ad

(a) *Ep. ad Conc. Calced.*

ad quæ cum Magistratus seu Judices, qui nomine Imperatoris Concilio intererant, institissent, ut ergo palàm fieret, in quo hic Episcopus hanc degradationem meritus fuisset, Lucentius etiam Divi Leonis Legatus respondit, necessum fore, ut iudicii sui rationem redderet, eo quòd, cum nullatenus ad ipsum spectaret, potestatem iudicandi sibi arrogasset, atque absque autoritate aut licentia Sedis Apostolicæ, quod tamen nec unquam factum fuisset, nec licuisset, Synodum cogere præsumpisset. (a) „ Beatissimi (sunt verba Lucentii) atque Apostolici viri Papæ Urbis Romæ, quæ est Caput omnium Ecclesiarum, præcepta habemus præ manibus, quibus præcipere dignatus est ejus Apostolatus, ut Diocorus Alexandrinorum Episcopus non secedat in Concilio, sed audiendus intromittatur. Hoc nos observare necesse est, si ergo præcipit vestra Magnificentia, aut ille egrediatur, aut nos eximus. . . . (Ad quæ) „ Gloriosissimi Judices dixerunt. . . . Causa, quæ objicitur, specialiter manifestetur, Lucentius. . . . dixit: Iudicii sui necesse est eum dare rationem, quia cum personam iudicandi non haberet, præsumpsit, & Synodum ausus est facere sine autoritate Sedis Apostolicæ, quod nunquam licuit, nunquam factum est.

Quartò venit notandum, quòd, cum actione secundà Magistratus seu Judices ab Imperatore delegati petissent, ut secundum normam Conciliorum Nicæni & Constantinopolitani præcisè de Fide tractaretur, cunctique Concilij Patres se nec latum unquam à dictorum Conciliorum Fide discessuros respon-



spondissent, Cecropius Sebaſte Episcopus addiderit; quòd Formula Fidei quoad Incarnationem à Sanctissimo Romano Episcopo edita fuisset, quòd Concilium eam sequeretur, hujusque Romani Pontificis Epistolæ omnes Episcopi subscripſissent. Ad quæ continuò reliqui Episcopi clamant: se eadem omnes dicere, hancque expositionem sufficere, nec aliam fieri licitum esse, (a) ,, Cecropius Reverendissimus Episcopus Sebaſtenopolitanus dixit: ,, emerſerunt, quæ ad Eutychem pertinebant, & ,, super iis forma data est à Sanctissimo Archiepiscopo Romanæ Urbis, & sequimur eum, & Epistolæ omnes subscripsimus. Reverendissimi Episcopi clamaverunt: ista omnes dicimus, sufficiunt, quæ exposita sunt, alteram expositionem non licet fieri. Patet hinc utique, quòd Calcedonense Concilium nullâ prorsus factâ mentione Constantinopolitani sub Flaviano habiti, in quo Eutyches damnatus fuerat, soli S. Leonis Decisioni adhereret.

Quinta observatio modum spectat, quòd Dioscorus in hoc Concilio damnatus fuit. (b) Recensitis igitur ibidem attentatis ab isto Archiepiscopo in Pseudo-Ephesina Synodo perpetratis, sic ultèrius declarant Calcedonenses Episcopi: ,, Sed tamen talibus ab eo audacter commissis deliberabamus, ut de priore sua pessima actione aliqua ei præstaretur Clementia.... Sed quoniam secundis excessibus priorem iniquitatem valde transcendit, præsumpsit enim & excommunicationem dictare adversus Sanctissimum & Beatissimum Archiepiscopum magnæ Romæ Leonem....

Unde

(a) Act. 2. p. 337. (b) Act. 3. p. 426.



„ Unde Sanctissimus & Beatissimus Archiepiscopus  
 „ pus magnæ & senioris Romæ Leo per nos & per  
 „ præsentem S. Synodum unâ cum ter Beatissimo,  
 „ & omni laude dignissimo B. Petro Apostolo, qui  
 „ est Petra, & crepido Catholicæ Ecclesiæ, ut rectæ  
 „ Fidei fundamentum, nudavit eum tam Episcopa-  
 „ tûs dignitate, quàm etiam & ab omni Sacerdota-  
 „ li alienavit ministerio. Ex isto alijsque Ecclesia-  
 „ sticis monumentis habetur apertè, quòd omnia, quæ  
 „ à Romanis Pontificibus fiebant, D. Petro tanquam  
 „ suos Successores dirigenti semper attributa fuerint.  
 „ Et insuper, quòd Ecclesia Romana sub hujus Apo-  
 „ stoli nòmine basis ac fundamentum Fidei Catholicæ  
 „ nuncupetur. Sed præfens Concilii locus iis omni-  
 „ no silentium imponere debet, qui in id, quòd se-  
 „ quentibus sæculis, *Sacro approbante Concilio*,  
 „ Summi Pontifices definierint, glossantur. Liben-  
 „ ter enim scire cuperem, quantum inter se differant  
 „ asserere, quòd Papa absens per Concilium definiat,  
 „ & dicere, quòd Papa præfens approbante Concilio  
 „ pronuntiet.

Sexta observatio est, quòd cùm tredecim Ægy-  
 „ ptiorum Episcopi ad Concilium recipi postulassent,  
 „ quamvis etiam ad Concilii requisitionem Eurychem  
 „ unâ cum suis adhærentibus anathematizassent,  
 „ Concilio tamen rejecti fuerint, eo quòd Epistolæ S.  
 „ Leonis, nisi eos præeunte agmènque ducente Pa-  
 „ triarcha Alexandrino, subscribere renuerint, quòd  
 „ tanquam dolum quemdam interpretati Concilii Pa-  
 „ tres clamavêre, quòd, quicumque subscribere nol-  
 „ let, Hæreticus esset: (a) „ Omnes Reverendissi-  
 „ mi Episcopi clamaverunt: Subscribant Epistolæ  
 „ Leonis,

(a) *Act. 4. p. 534.*



Leonis, qui non ei subscribit, Hæreticus est. Et inferius : (a) „ Reverendissimi Episcopi clamaverunt, ut Leo sic credimus ; qui contradicunt, Eutychianistæ sunt, Leo rectè exposuit. Magnificentissimi & Gloriosissimi Iudices dixerunt : ergo addite iudicio secundum iudicium Sanctissimi Patris nostri Leonis, duas esse naturas unitas in Christo inconvertibiliter, & inseparabiliter, & inconfusè.

Septima observatio est ; quòd, postquam Concilium Nicænæ & Constantinopolitanæ Synodorum de Divinis personis Fidem amplexum fuisset, Epistolas S. Cyrilli ad Nestorium de Incarnatione etiam adoptavit, eisque D. Leonis epistolam adjunxit his verbis ; (b) „ Quibus etiam (Concilium) „ & Epistolam magnæ & senioris Urbis Romæ Præsulis Beatissimi & Sanctissimi Archiepiscopi Leonis, quæ scripta est ad sanctæ memoriæ Archiepiscopum Flavianum ad perimendam Eutychis malam intelligentiam, utpote & magni illius Petri Confessioni congruentem, & communem quamdam columnam existentem adversùs perversè sentientes, ad confirmationem rectorum Dogmatum congruenter aptavit.

Octava observatio est ; quòd, quamvis Conciliabulum Ephesinum à Calcedonenfi rejectum ac reprobatum fuerit, nihilominus ordinatio Maximi Antiocheni in eo facta ratihabita fuerit hæc solâ ratione, quòd D. Leo eum in suam communionem recipiendo in Episcopatu Antiocheno illum confirmavit. Ex quo liquet, quanta tunc etiam in Oriente Romanæ Ecclesiæ autoritas, quanta observan-

R. D. P. Petitdidier de Inf. Pont. H tia

(a) p. 558. (b) *Act.* 5. p. 565.

ria erga illud omne, quod ipsius autoritate fulcie-  
batur, habita fuerit : (a) „ Anatolius. . . dixit  
„ igitur definimus nihil horum valere, quæ in illa.  
(Ephesina Pseudo-Synodo) „ sunt confecta, nisi  
„ illud circa Sanctissimum Maximum magnæ An-  
„ tiochenæ Civitatis Episcopum : quoniam &  
„ Sanctissimus Leo Romanus Archiepiscopus in  
„ Communionem eum recipiens, præesse eum An-  
„ tiochensem iudicavit Ecclesiæ. Quam formam  
„ sequens, & ipse approbavit, & præsens omne San-  
„ ctum Concilium.

Nona denique observatio in eo consistit, quod  
D. Leo finitò Conciliò, omnibus, qui ei interfue-  
rant, Episcopis scribens declaret, quod Concilium  
unicè quoad ea, quæ Fidem concernunt, approbet,  
ob quam solummodò causam videlicet de consensu  
Sedis Apostolicæ coactum fuerat ; irritum autem &  
nullum id omne pronuntiet, quod in præjudicium  
Nicanorum Canonum in eo actitatum fuerat  
„ Fraternalis (inquit) „ unitas, & omnium fidelium  
„ corda cognoscant, me non solum per fratres, qui  
„ vicem meam executi sunt, sed per approbationem  
„ gestorū Synodaliū propriam vobiscum iniuste  
„ sententiam, in sola videlicet Fidei causa . . . pro-  
„ pter quam Generale Concilium, & ex præcepto  
„ Christianorum Principum, & ex consensu Apo-  
„ stolicæ Sedis placuit congregari. . . . Infirmum  
„ & irritum erit, quicquid à predictorū Patrum  
„ Canonibus discrepavit.

Ad ea, quæ modò retuli, attendant velim illi,  
qui Summos Pontifices Conciliis submitunt. Ex  
una parte Leo Papa Pseudosynodum Ephesinam an-  
nullat,

(a) *Act.* 10. p. 671.



nullat, & tamen in ea excipit Maximi Ordinationem; ex altera verò Concilium Calcedonense approbat, & in eo evectionem Anatolii Constantinopolitani excipit. Quid aliud hoc est, nisi absolutum in Concilia exercere iudicium? Quòd si quis dicat, quòd hujus Papæ declarationibus non obstantibus nihilominus Orientales Episcopum Constantinopolitanum pro Patriarcha agnoverint: omisso, quòd Nicolaus Papa asseveret, Imperatorem & Anatolium submississimas desuper huic Papæ exarasse litteras, sufficit, quòd totus Occidentis illic in hoc iudicium sit secutus.

Verùm antequam Calcedonense Concilium deseramus, respondere oportet prætenso illi Epistolæ S. Leonis in hocce Concilio facto examini. Sic ergo argumentantur adversarii. Si Concilium Calcedonense Summos Pontifices Infallibiles credidisset, non utique Epistolam S. Leonis ad Flavianum, priusquam illam acceptaret, ad examen vocasset; Atqui illam ad examen vocavit; Ergo Episcopi ibidem congregati non credebant Summos Pontifices esse Infallibiles. En objectionem.

Ad quam Respondeo 1. Quòd verum non sit, quòd Synodus, quæ ex plus quàm quingentis Episcopis composita erat, hanc Epistolam, antequam eam acceptarit, examini subjecerit; eo quòd, prout jam vidimus, quamprimùm de Fide tractari cœptum fuit, Universum Concilium exclamavit, eandem plenè expositam esse in Leonis Papæ Epistola, eique omnes subscripsisse. Non ergo Concilio adscribi debet, quòd ad summum nonnisi exiguo hujus Synodi Episcoporum numero convenire potest. 2. Et si etiamnum supponeremus, valde exiguum hujus



Synodi Episcoporum numerum Ecclesiæ Traditionem super Prærogativas S. Sedis ignorasse, ac consequenter de Doctrina iis contenta dubitasse, quid hoc officeret contra plusquam quingentos Episcopos, qui de iis optimè instructi erant, easque suâ agendi ratione approbabant ac agnoscebant? 3. Ad hoc, ut quis dicere posset, horum paucorum Episcoporum dubium Infallibilitati Summorum Pontificum quoddammodò obesse, necessum foret, ut dubium illud de aliquo puncto in suo vero ac nativo sensu intellecto circa hujus Epistolæ Doctrinam versatum fuisset; si enim illorum dubium in eo duntaxat consistit, quòd nempe verum hujus Epistolæ sensum non intelligerent, quò explicatò, illi se demùm, prout alii submiserint, quale præjudicium id Infallibilitatis Doctrinæ asserre potest? an ergo licitum non erit petere instructionem super eo, quod quis non intelligit? at verò certum est, quòd dubium horum paucorum Episcoporum in eo solummodò fundatum fuerit, quòd scilicet hujus Epistolæ sensum non satis benè comprehenderent propter linguæ differentiam, in qua scripta erat. „ Factum est autem „ nobis (inquiunt) certum de Epistola missa ab ipsius Beatitudine à Sanctissimis Episcopis Patrice, sive & Lucentio, qui locum continent Apostolicæ Sedis, qui nobis dilucidaverunt, quæ linguæ obscuritas subnotabat. 4. Notandum est, quòd hæc dubia non in pleno duntaxat Concilio dilucidata fuerint, sed tantùm in particulari quodam colloquio cum Legatis Sanctæ Sedis Episcopoque Anatolio habito, qui cum verum Epistolæ sensum ipsis exposuissent, ac inculcassent, plenè ac omnimodè iisdem etiam satisfecerunt.



Sed, dicit fortè aliquis, hi Episcopi aliquid in hac Epistola contineri arbitrabantur, ex quo ratione quarundam vocum ii, qui personam Christi dividebant, fulcimentum sibi adsciscere possent: „ Aliqua autem ( inquit ) „ nobis ex ipsa obstiterunt verba, ut partitionem & separationem aliquam demonstrantia sic volentibus sapere. Hoc quidem verum est. Sed ex hoc ipso infero, quòd hi Episcopi nil nisi Orthodoxum in Epistola D. Leonis invenerint, verum solummodò timuerint, quamvis immeritò, ne Nestoriani quibusdam hujus Epistolæ verbis abuterentur. Quòd si hoc sufficeret ad concludendum hos Episcopos non agnovisse Papam esse Infallibilem, aut illum habuisse fallibilem, idem profectò de Conciliis Oecumenicis dici posset. Quoties enim in Concilio Tridentino accidit, ut cum Definitiones penitus jam confectæ ac in chartam conjectæ essent, quidam Episcopi, veriti, ne aliqui iis abuterentur, effecerint, quatenus iis quædam verba adderentur, quædam autem rescinderentur, prout videre est in historia hujus Concilii? Dicetne exinde aliquis hos Episcopos Concilia Oecumenica Infallibilia non censuisse? an non in hujuscemodi Conventibus cuique licitum semper est, sua dubia proponere, atque super iis, quæ non intelligit, elucidationem petere? Et verò quid in causa fuit, ut Symbolo Nicæno vox *Consubstantialis* adderetur? An non quorundem Episcoporum monitio? qui confecto jam Symbolo animadvertunt, quòd hac voce omissa, Ariani integrum Symbolum secundum omnes suos articulos admissuri essent, quin tamen errores suos deponerent? Quamvis igitur quidam termini in Epistola D. Leonis ad-



dendi aut mutandi fuissent ( quod nihilominus factum non est ) id nullum præjudicium Romanorum Pontificum Infallibilitati afferret, quemadmodum Conciliorum authoritati nullum afferret.

Quis præterea ignorat, quòd Synodus Constantinopolitana huic Nicæno Symbolo plura addiderit tam quoad Incarnationem, quàm Divinitatem Spiritûs, quin propterea Symbolum Nicænum aut erroris aut insufficientiæ argui possit?

Verùm etsi contra Actorum tenorem supponeremus, quòd Concilium Calcedonense super Doctrina in S. Leonis Epistola contenta verum formatum sit, an tale dubium, cùm constet malè fundatum fuisse, ad Infallibilitatem Romanorum Pontificum in dubium revocandam aptius foret, quàm dubium de voce *Consubstantialis* in Concilio Nicæno formatum, ad Infallibilitatem Conciliorum Oecumenicorum in dubium revocandam? Historia quippe memoriâ proditum est, quòd ibidem quidam Episcopi arbitrati sint hoc termino errori Pauli Samosatani januam iterum pandi posse, qui nihilominus acceptâ illius vocis clariori notitiâ absque ulla cunctatione subscripserunt. An non eadem ratione dici possèt, hos Episcopos Oecumenica Concilia Infallibilia non credidisse, quâ diceretur, quòd illi de quibus in Concilio Calcedonensi mentio fit, non crediderint Papam esse Infallibilem, si verum esset, quod tamen non est, quòd hi Episcopi super Doctrina Sancti Leonis dubium aliquod habuerint, quòd malè fundatum esse ipsis postea demonstratum esset.

En, quantum arbitror, plus quàm sufficientem enodationem ac elucidationem prætenso illius S. Leo-



Leonis Epistolæ examinis, ob quod ab aliquot jam annis tantus strepitus ad concludendum Romanos Pontifices non esse Infallibiles excitatus est. Sed de hoc sequentibus plura.

Concilium Constantinopolitanum (a) sub Menna Patriarcha agens de contemptu, quo Antymus Calcedonense Concilium Divique Leonis Epistolæ prosequabatur, sic de Leone loquitur: „ Qui fuit illuminator & Columna Ecclesiæ, quique firmavit fideles, ut ambularent in recta semita.

Idem Concilium narrat & approbat, (b) quòd Agapetus Papa, cùm Constantinopolim appulisset, ibidem Antymum deposuerit, atque hujus Civitatis Sede expulerit; in qua hoc solo se tuitus erat, quòd Imperatori promississet se ea omnia expleturum, quæ Romanus Pontifex mandaret; dedissetque ad alios Patriarchas litteras, quibus se Apostolicæ Sedi per omnia consentire obtestabatur. „ Apud ejus Sententiam (sunt verba Concilii) „ fraudulentis rationibus usus promissit se omnia facturum, quæ cunque Summus Pontifex Magnæ Sedis Apostolicæ decerneret. Et ad Sanctissimos Patriarchas scripsit, se sequi per omnia Apostolicam Sedem. Notandum autem est, quòd, cùm Antymus ita loquebatur, non de ejus agendi aut vivendi ratione ageretur, sed de ejus Fide, quam ut exponeret, ab Imperatore urgebatur. Secundùm mentem ergo Imperatoris ac Orientis Patriarcharum submissio omnibus iis, quæ ab Episcopo Romano definita erant, infallibile Catholicitatis argumentum erat. Idem Concilium Antymum damnando profitetur se id solum sequi, quod post examinatam causam Agapetus

H 4

Papæ

(a) *Act.* 1. p. 39. (b) *Act.* 4. p. 87.

Papa determinârat. Et Menas Patriarcha suo fidei fragio Concilii sententiam confirmans testatur se id facere intuitu eorum, quæ Agapetus jam definitur, &c. „ Respicentes ( inquit ) „ ad ea, quæ „ placuerunt nuper Sanctæ memoriæ Agapeto Papæ „ Antiquæ Romæ. Et declarans, quod nihil aliud agat, quam quod Sedi Apostolicæ obtemperet, addit quod omnes eos, qui in hujus Sedis communione sunt, recipiat, eos autem damnet, quos hæc Sedit damnavit. „ Nos enim, sicut vestra Charitas non „ vit, Apostolicam Sedem sequimur, & obedimus „ & ipsius Communicatores Communicatores habebimus, & condemnatos ab ipsa & nos condemnamus. Sic Patriarchæ & Episcopi Orientis sæculo sexto de Summis Pontificibus censebant ac loquebantur.

Nullam hîc mentionem faceremus de quinto Concilio Oecumenico, vel ex eo, quod secundum D. Gregorium Magnum non ob Fidei negotia, sed solummodo ratione certarum personarum, Theodori Mopsuesteni videlicet, Ibas, & Theodoretii convocatum fuerit; ac cum ex eo adversarii in ea, quæ, cum de Concilio Calcedonensi ageremus, de Epistola Sancti Leonis ad Flavianum diximus, objectionem deducant; eidem respondere partium mearum esse arbitror. Sic igitur habet objectio: In hoc Concilio adductâ ex Synodo Calcedonensi Epistolâ S. Cyrilli ad Nestorium, in qua duodecim illa anathemata continentur, unâ & S. Leonis ad Flavianum Epistolâ, relatorque voto eorum, qui quoad hanc Epistolam primi opinati fuerant, Patres quinti Concilii addunt, quæ sequuntur: (a) „ Ex his,

(a) *Collat. 6. p. 54.*



his, quæ recitata sunt, manifestum factum est, quo-  
modo Sanctæ Synodi, ea, quæ apud eas profe-  
runtur, probare solent. Cum enim illi Sanctif-  
simi Viri, qui recitatas Epistolas scripserunt, sic  
splenduerunt, tamen Epistolarum earum com-  
probationem non simpliciter, nec sine inquisi-  
tione fecerunt, nisi per omnia cognovissent con-  
sonare eas expositioni & Doctrinæ Sanctorum  
Patrum, ad quam & Collatio facta est.

Respondeo illud à Patribus quintæ Synodi al-  
legatum, è quorum re multum intererat principium  
istud supponere, ut inde inferrent Epistolam Ibx à  
Synodo Calcedonensi non fuisse approbatam, ad  
meram facti quæstionem reduci, num videlicet Con-  
cilium Calcedonense Epistolam S. Leonis suspende-  
rit, donec examinata atque cum Sanctorum Patrum  
Doctrina collata fuerit, necne? Atqui jam demon-  
stravimus, quòd, quamprimùm Magistratus, seu Ju-  
dices ab Imperatore delegati, ut de Fide tractaretur,  
proposuissent, omnes Episcopi declararint, non alia  
decisione opus esse, quàm S. Leonis Epistolâ, quæ,  
quid credi oporteret, præscripserat, & quam omnes  
acceptassent. Quod ergo postmodùm quilibet E-  
piscopus de hujus Papæ Epistola asseruit, non debet  
dici acceptatio virtute & ad consequentiam critici  
cujusdam examinis facta: verùm solummodò magis  
expressa primæ eorum sententiæ declaratio ex in-  
tentione Eutylianistis super hac famosa Epistola  
semperiternum imponendi silentium facta. Nec e-  
nim quidquam aliud dicunt, quàm quòd hæc D.  
Leonis Epistola Fidei Nicani, Constantinopolitani  
& Ephesini Conciliorum conformis sit, quod qui-

dem prima fronte perspectum erat, quòdque ipsi statim initio animadverterant.

Notandum insuper est , 1. Quòd Anatolius qui primus loquitur, jam longo priùs tempore hanc Epistolam acceptârat, ac subsignârat; quippe quem S. Leo tanquam Episcopum Constantinopolitanum agnoscere noluerit, nisi hac conditione, ut scilicet ante omnia hanc Epistolam acceptaret eique subscriberet. 2. Quòd idem dicendum sit de Maximo Antiocheno; cùm enim à Pseudo-Synodo Ephesina in Sedem Antiochenam evectus fuisset, dubitari nullatenus potest, quin D. Leo, cui placuerat ejus ordinationem confirmare, ipsum etiam ad subscribendum compulerit. 3. Quòd in Votis Episcoporum quoad hanc Epistolam non agatur de discussionis alicujus examine, invictè ex eo probatur quòd Paschasinus & Lucentius S. Sedis Legati idem desuper dicant, quod cæteri: certum enim est, quòd hi Legati suum de hac Epistola judicium nunquam suspenderit, aut ante illius acceptationem, nisi Sanctorum Patrum Doctrinæ concordaret, discussissent.

Quando ergo Episcopi declarant, hanc Epistolam conformem esse Fidei primorum Conciliorum, aliud non dicunt, quàm quod nostra ætate plures fecerunt Episcopi, qui, quamvis Romanum Pontificem Infallibilem esse, sibi omninò persuasum haberent, nihilominus cùm Constitutionem *Unigeniti* acceptârunt, declarârunt, quòd Traditioni Ecclesie conformis esset. Quemadmodum enim ineptum foret dicere, quòd hi ultimi Bullam *Unigeniti* nonnisi per discussionis viam acceptâssent, suamque



acceptationem ante illius examen suspendissent, æquè sanè absurdum foret de Patribus Calcedonensibus similem velle formare discursum. Quòd si igitur Patres Quinti Concilii rem aliter sumpserunt, id ideo factum fuisse censendum est, quòd videlicet eò libentiùs hunc sensum amplexi sint, quò magis ac opportunius proposito, quòd de damnanda Ithæ Epistola, sub prætextu, quòd Calcedone sufficienter examinata non fuisset, conceperant, favebat.

Ut denique obstinatoribus satisfiat, hic addendum est, quòd Concilium Calcedonense in sua ad Martianum Imperatorem relatione expressè declararet; (a) „ Quòd in persona Romani Episcopi impenetrabilem in omni errore propugnatorem Deus providerit, qui veritatem in ultima evidentiâ posuerit. Quòd, si ipsius Epistolæ Patrum testimonia addiderint, id solummodò convincendum Eutychnistarum gratiâ factum fuerit, qui mortali odio hanc Epistolam prosequerentur; De cætero illum ( Divum nempe Leonem ) nec minimum quid in Doctrina innovasse. „ Confidere namque oportet vestram pietatem ( inquit ) quia nihil præter Fidem, quæ olim à Sanctis Patribus annunciata est, Venerabilis Pontifex Romanus innovavit, atque ut nulla his, qui Apostolicum Virum per invidiam lacerare nituntur, relinquatur occasio, consonantia Epistolæ ejus Sanctorum Patrum testimonia, ad certiore notitiam vestræ pietatis, ex multis pauca subdidimus. Si igitur aliqui hujus Calcedonensis Synodi Patres fuerunt, qui S. Leonis Epistolam, ut eandem cum Sanctis Patribus conferrent, discusserint;

(a) p. 820.

rint ; id unicè ideo factum est, ut nempe Eutyctianistis silentium imponerent, qui eam ferre non poterant. Nam, ut eodem loco Concilii Patres dicunt : „ Credentibus quidem sufficit ad utilitatem „ Fidei indiscussa perspectio ad confessionem „ Dogmatis devotos pertrahens animos. His autem, qui Doctrinam rectam pervertere moluntur, ad singula, quæ malè pariunt, oportet occurrere. Eodem intuitu, eadèmq; intentione D. Leo Proterio Episcopo Alexandrino scribens cupiebat, ut non modò sua Epistola, sed etiam illa Patrum testimonia, quæ ei addita fuerant, publicè legi faceret.

Modò Concilium Sextum Oecumenicum attingimus, in quo Honorius Papa unà cum Authoribus Hæresis Monotheliticæ damnatus fuit. Qui Romanorum Pontificum Infallibilitatem impugnant, ex hoc Concilio inferunt, vel Summos Pontifices non esse Infallibiles, vel saltem hujus Concilii Patres ipsòsque Romanos Pontifices, qui illud confirmarunt, tales haud censuisse. Ad resolvendam ac diluendam hanc objectionem non sufficeret Honorium à Monothelitarum Hæresi liberare, prout plures veteres Scriptores fecerunt, inter quos fuit S. Maximus Martyr, qui ipso Concilii Sexti tempore floruit, & hodieum adhuc faciunt omnes fèrmè Theologi, iique ipsi, qui Infallibilitatem impugnant, prout videre est in Thesibus Anno millesimo septingentesimo vigesimo tertio in Conventu Cleri Gallicani defensis ; id enim primam tantummodò objectionis partem solveret, sempèrque regeri posset, quòd saltem Concilium Sextum censuerit Romanos



Pontifices Hæresin aliquam invehere ac tueri possent.

Respondeo igitur, quòd hæc objectio nullatenus me respiciat, nec vel in minimo questionem, quam hic post Cardinalem Bellarminum, illòsque, qui Infalibilitatem propugnant, tracto, attingat. Ut ex ea contra me quidquam concludi possit, necessum foret, ut Honorii Epistola Decretalis fuisset ad Universam Ecclesiam directa, in qua Hæresis tanquam Articulus ab omnibus fidelibus credendus proposita fuisset. Verùm id non ita se habuit. Hæc enim Honorii Epistola nihil aliud fuit, quàm particulare quoddam Responsum alicui Episcopo Constantinopolitano factum, in quo Honorius in laqueum, quem ipsi Patriarcha ille tetenderat, incidit, approbando videlicet, ut unius aut binæ operationis in Christo Jesu vocabula supprimerentur. Questionem igitur, quam ego hic tracto, hæc objectio non concernit. Inter omnes convenit, quòd Papa, tanquam Doctor privatus non tantum errorem approbare, sed & in Hæresin prolabi sicque Hæreticus fieri possit; non verò cum tanquam Summus Pontifex articulum aliquem toti Ecclesiæ credendum proponit. In primo ergo sensu Patres Concilii Sexti, in sua damnatione Honorium Monothelitis miscuerunt.

Nec nobis quis dicat, quòd hæc Distinctio primum nunc, & à paucis diebus adinventata sit, ad molestiam videlicet, quam Infalibilitatis propugnatoribus objectiones ex quorundam Summorum Pontificum Epistolis Hæresim sapientibus desumptæ faecellunt, declinandam. Nam præterquam, quòd hæc distinctio in se ipsa rationalis sit, sufficit, quòd

Quæ-

Quæstio de Infallibilitate se tantùm teneat ex parte Decisionum Romanorum Pontificum toti Ecclesiæ propositarum, Damnatio autem à Concilio facta, in responsum unius Papæ cuidam privato Episcopo datum, solummodò cadat.

Præterea hæc distinctio nova non est, seu primùm nostris enata diebus, utpote quâ antè quadringentos jam annos universa Francica natio usa fuit in scripto quodam Clementi Quinto Papæ adversus Bonifacium oblato. Sic ergo natio Gallica in dicto scripto loquitur : (a) „ Non quæritur de Hæresi „ Papæ quondam ut Papæ, sed ut privatæ personæ, „ nec ut Papa potuit esse Hæreticus, sed ut privata „ persona. Nec unquam aliquis Papa ut Papa potuit esse Hæreticus. Et idè cùm de ejus mortui „ Hæresi quæritur, non habet congregari Concilium Generale. Estis enim vos Pater Sanctissime „ me Jesu Christi Vicarius, totum Corpus Ecclesiæ „ representans, qui Claves Regni Cælorum habetis : nec congregatum totum Generale Concilium sine vobis & nisi per vos posset cognoscere. Ita sæculo decimo quarto Gallia loquebatur.

Ex his, ut id per transennam tantùm dicam, apparet ineptia Authoris scripti cujusdam anno 1719. in quarto impressi; qui Author, ut probaret Romanos Pontifices non esse Infallibiles, allegat, quòd Galli Bonifacium Papam Octavum Hæresis accusarint, quòdque secundùm Dominum Fleury primùm decimo quinto sæculo Doctores cœperint de Infallibilitate Romanorum Pontificum loqui. Enimverò ex his verbis, quæ primùm retuli, satis abundè liquet, quòd jam initio decimi quarti sæculi

(a) *Hist. de Different.* p. 399. & 413.



firma constansque opinio fuerit, Summos Pontifices ut Summos Pontifices esse Infalibiles atque totum Ecclesiæ Corpus repræsentare, nec Concilia quidquam nisi cum illis ac per illos determinare posse, Adeoque prætensam illam Bonifacii Octavi Hæresim ipsis ultrò fatentibus Gallis illum nonnisi tanquam privatam personam, non verò ut Papam respexerit.

Ut igitur ad Concilium Sextum redeamus : firma probatio constansque argumentum, quòd, cum Honorium damnavit, eum non aliter quàm ut privatam personam particularémque Authorem respexerit, habetur ex eo, quòd Agatho Papa in Epistola ad Imperatorem Constantinum Pogonatum, in ipso Concilio relata illiusque actis inserta expressis verbis Infalibilitatem Summi Pontificis doceat, quòdque hujus Concilii Episcopi in sua ad Imperatorem relatione hanc Epistolam laudibus cumulârint, quin vel unus eorum contradixerit, aut ea, quæ Agatho de Infalibilitate Successorum D. Petri in illa expresserat, in dubium revocârnt. Sic igitur hic Papa Imperatorem alloquitur : „ Porrigere dignemini „ Clementissimam dexteram Apostolicæ Doctrinæ, „ quam Cooperator piorum Laborum vestrorum „ Beatus Petrus Apostolus tradidit, non ut sub modo condatur, sed tubâ clariùs in toto orbe prædicetur : quia ejus vera Confessio à Patre de Cælis est revelata, pro qua à Domino omnium Beatus esse pronuntiatus est Petrus, qui & spirituales oves Ecclesiæ ab ipso Redemptore omnium ternâ commendatione pascendas suscepit : cujus annitente præsidio hæc Apostolica ejus Ecclesia nunquam à via veritatis in qualibet erroris parte deflecta



„ flexa est, cujus authoritatem, utpote Apostolo-  
 „ rum Principis, semper omnis Catholica Ecclesia,  
 „ & Universales Synodi fideliter amplectentes in  
 „ cunctis secuta sunt, omnesque Venerabiles Patres  
 „ Apostolicam ejus Doctrinam amplexi, per quam  
 „ & probatissima Ecclesie Christi luminaria clarue-  
 „ runt, & Sancti quidem Doctores Orthodoxi ve-  
 „ nerati atque secuti sunt, Hæretici autem falsis cri-  
 „ minationibus ac derogationum odiis infecati.

Ex hoc loco patet 1. Quòd nullus unquam  
 Pontifex Summus in Fide errarit. 2. Quòd omnia  
 Concilia etiam Generalia Sedis Apostolicæ Do-  
 ctinam fideliter sequuta sint. 3. Quòd idem om-  
 nes Sancti Doctores præstiterint, quòdque ideo lo-  
 cùm in Ecclesia claruerint, quia tanquam fideles  
 Discipuli eandem amplexi fuerunt. 4. Quòd hæc  
 S. Sedis Prærogativæ Confessionis D. Petri, nec  
 non Authoritatis in hujus Confessionis præmium  
 super universam Ecclesiam traditæ effectus sint.

Verùm ne fortè quis eò mentem abducat, ut al-  
 serere non vereatur, Agathonem Papam de tempore  
 jam præterlapso, non autem de futuro tunc locutum  
 fuisse; ad destruendam hanc Chymericam præ-  
 tensionem nihil requiritur aliud, quàm ut ea addu-  
 cantur, quæ paulo post idem Agarbo subjungit: (a)  
 „ Hæc est enim (inquiens) „ veræ Fidei regula,  
 „ quam & in prosperis, & in adversis, vivaciter te-  
 „ nuit ac defendit hæc spiritualis Mater vestri trans-  
 „ quillissimi Imperii Apostolica Christi Ecclesia,  
 „ quæ per Dei omnipotentis gratiam à tramite A-  
 „ postolicæ Traditionis nunquam errasse probabitur,  
 „ nec Hæreticis novitatibus depravata succu-  
 buit,



buit, sed ut ab exordio Fidei Christianæ percepit  
ab authoribus suis Apostolorum Christi Principibus,  
illibata Fide tenus permanet, secundum ipsius  
Domini Salvatoris Divinam pollicitationem,  
quam suorum Discipulorum Principi in Sacris  
Evangeliiis fatus est, Petre, Petre, inquit, ecce  
Sathanas expetivit vos, sicut qui cribrat triticum;  
ego autem pro te rogavi, ut non deficiat Fides tua,  
& tu aliquando conversus, confirma fratres tuos.  
Consideret itaque vestra tranquilla Clementia,  
quoniam Dominus & Salvator omnium, cujus Fides est,  
qui Fidem Petri non defecturam promisit,  
confirmare eum fratres suos admonuit,  
quod Apostolicos Pontifices, meæ exiguitatis  
Prædecessores, confidenter fecisse semper,  
cunctis est cognitum; quorum & pusillitas  
mea, licet impar & minima, pro suscepto  
tamen Divinâ dignatione Ministerio, pedisequæ  
cupit existere.

Non video, quâ ratione quidquam expressius  
ad stabiliendam perpetuam Summorum Pontificum  
Infalibilitatem istò S. Agathonis testimoniò desiderari  
posset; Illud tamen cum applausu lectum ac  
receptum fuit in Concilio Sexto Oecumenico, eique  
dictum Concilium saltem per tacitum consensum  
acquievit, quod secundum omnes Catholicos  
Sanctique Augustini placitum sufficit. (1) *Ecclesia*  
(inquit hic Sanctus Doctor) *errores (contra Fidem)*  
*nec patitur, nec tacet, nec facit.*

Conformiter ad hanc Doctrinam & Fidem Agatho  
in memorata Epistola declarat, se suis Legatis in  
R. D. P. Petrididier de Inf. Pont. I man-

(a) l. 3. cont. Crosc.

mandatis dedisse, ut simpliciter Sedis Apostolicæ Firmamentum intumescerent cum expressa prohibitione, ne vel minimum illi adderent, vel mutarent. (a) „ Licentiam proinde eis (inquit) „ sive auctoritatem dedimus, apud tranquillissimum vestrum Imperium, dum iusserit ejus Clementia simpliciter satisfaciendi, in quantum eis duntaxat injunctum est, ut nihil profectò præsumant augere, minuire, vel mutare. Sed traditionem hujus Apostolicæ Sedis, ut à Prædecessoribus Apostolicis Pontificibus instituta est, sinceriter enarrare. Ex his apparet, quòd Summi Pontifices suos Legatos ad Oecumenica Concilia ideo miserint, ut ibidem videlicet Legem ferrent, non verò à Concilio acciperent; quod tamen Ideis, quas moderno tempore quidam Theologi sibi formant, nobisque obtrudere volunt, valde contrarium est. (b) Videri etiam potest Epistola Concilii Romani, in qua id ipsum, quod Agatho, hujus Concilii Episcopi repetunt, per quod satis apertè liquet, quòd Oriens & Occidens ad agnoscendas S. Sedis Prærogativas æqualiter tunc concurrerint. Unicum hinc Epistolæ hujus locum refero: Sic ergo inter alia loquuntur memorati concilii Romani Patres: (c) „ Nos autem licet Humillimi, summis viribus enitimur, ut Christiani vestri Imperii Respublica, in qua Beati Petri Apostolorum Principis Sedes fundata est, cujus auctoritatem omnes Christianæ nobiscum nationes venerantur & colunt, per ipsius Beati Petri reverentiam omnium gentium sublimior esse monstretur. Personas autem de nostræ humilitatis ordine prævidimus dirigere, ad vestræ Deo

(a) p. 634. (b) p. 380. (c) p. 685.



» protegendæ fortitudinis vestigia, quæ omnium  
» nostrum, id est, omnium per septentrionales vel  
» occidentales Regiones suggestionem, in qua & Apo-  
» stolicæ nostræ Fidei Confessionem prælibavimus,  
» afferre debeant, non tamen tanquam de incertis  
» contendere, sed ut certa, atque immutabilia com-  
» pendiosa definitione proferre.

Notandum etiam est, quod octavâ Sexti hujus  
Concilii actione, (a) ubi quilibet Episcopus mentem  
suam exponit, nihil aliud agant, quam ut quisque  
illorum in particulari declaret, quod illud sequatur,  
quod Agatho Papa quoad Quæstionem duarum vo-  
luntatum ac operationum Imperatori rescripserat :  
Sic inter alia loquitur Domitius Episcopus Prusia-  
dos : „ Suggestiones directas à Patre nostro Aga-  
» thone Sanctissimo Archiepiscopo Apostolicæ &  
» Principalis Sedis Romæ, ad à Deo coronatum &  
» mansuetissimum nostrum Dominum, & magnum  
» Victorem Imperatorem tanquam ex Spiritu San-  
» cto dictatas per os Sancti ac Beatissimi Principis  
» Apostolorum Petri, & digito prædicti ter Beatissi-  
» mi Agathonis scriptas suscipio & amplector, &  
» ita credo, ita sentio. In Sermone denique ac-  
» clamatorio ad Imperatorem, (b) sic universa Syno-  
» dus loquitur : „ Summus autem nobis concerta-  
» bar Apostolorum Princeps: illius enim imitato-  
» rem & Sedis Successorem habuimus fautorem, &  
» Divini Sacramenti mysterium illustrantem per lit-  
» teras. Confessionem tibi à Deo scriptam, illa  
» Romana antiqua Civitas obtulit, & Dogmatum  
» diem ab occidentis partibus exattulit, charta & a-

» tramentum videbatur, & per Agathonem Petrus  
» loquebatur.

Ut modò ad Concilium Nicænum secundum, quod Septimum Oecumenicum est, veniamus, non minus constat Legem in illo tulisse Papam Adrianum, ejusque Definitionem præscripsisse, cui Definitioni universa Græcana Ecclesia numero trecentorum quinquaginta Episcoporum acquievit. Nam  
1. hic Papa Imperatori Constantino ac Irene Imperatrici scribens, ante omnia postulat, ut in præsentia suorum Legatorum Pseudo-Synodo, quæ Sacras Imagines damnaverat, anathema diceretur, tam ob impietatem Decisionis ipsius, quam quia absque consensu Ecclesiæ Romanæ congregata fuerat: (a)  
» Inprimis(inquit) » Pseudosyllogum illud, quod  
» sine Apostolica Sede enormiter & irrationabiliter,  
» nequiterque contra Sanctorum Venerabilium Patrum traditionem de Sacris Imaginibus  
» actum est, anathematizetur, præsentibus missis  
» nostris.

2. Adrianus Papa in eadem Epistola, (b) postquam suæ Sedis Prærogativas super hæc Evangelii verba: *Tu es Petrus, & super hanc Petram &c.* stabilivit, asserit, per hæc verba S. Sedem super omnes totius orbis Ecclesias constitutam fuisse, Divinæque Petrum suum Principatum semper adhuc exercere. » Cujus Sedes(inquit) » in toto orbe terrarum Primatu fungens, Caput omnium Dei Ecclesiarum constituta est. Et quemadmodum » Beatus Petrus Apostolus per Domini præceptum » regens Ecclesiam nihilominus subsequenter &c. » tenuit semper, & retinet Principatum.

3. Quod

(a) p. 116. (b) p. 118.



3. Quòd ad Ecclesiam Romanam pertineat, cuncta Concilia sua autoritate confirmare.  
» Quod præceptum Universalis Ecclesiæ nullam  
» magis oportet exequi Sedem, quàm primam, quæ  
» unamquamque Synodum & suâ autoritate confirmat, & continuâ moderatione custodit.

4. In ejusdem Papæ Epistola ad Tarasium Patriarcham, postquam ab illo exegisset, ut Sedis Apostolicæ super universam Ecclesiam Principatum agnosceret, hujusque Ecclesiæ fidem ex intimo cordis reciperet : „ Cui si adharere cupit vestra Sanctitas, & nostræ Apostolicæ Sedis, quæ est Caput omnium Ecclesiarum Dei, Sacram & Orthodoxam formam incorruptè atque incontaminatè ex profundo cordis & sinceritate mentis custodire studet, ut revera Orthodoxa & Dei ultrix existens, Insuper vult, ut ante omnia suo nomine ab Imperatoribus postulet, quatenus Sacras Imagines restituant, aliàs se illius ordinationi haud consenturum esse : „ Si autem Sacras Imagines illis in partibus non restituerint, Consecrationem vestram recipere non audemus.

5. Lectis in Synodo Adriani tam ad Imperatorem quàm Patriarcham Tarasium litteris, hanc petitionem hujus Papæ Legati fecerunt : (a) „ Dicat nobis (inquiunt) „ Sanctissimus Patriarcha Tarasius Regiæ Civitatis, si consentiat litteris Sanctissimi Papæ Senioris Romæ Hadriani, an non ? Ad quæ Tarasius respondet, quòd, cùm Apostolus Paulus ad Romanos scribens dixerit, quòd ipsorum Fides annuntiata esset in universo mundo, hoc testimonium sequi necessarium sit, in-

„ consultéque agat , qui huic conatur resistere.  
 Cúmque iidem Papæ Legati etiam ab ipsa Synodo  
 quæsiissent, num & illa Hadriani litteras reciperet,  
 respondit illa, se eas recipere, sequi, ac admittere.  
 (a) „ Sancta Synodus dixit : Sequimur, suscipi-  
 „ mus & admittimus. Post quæ, cùm quilibet  
 Episcopus opinatus fuisset, non aliud cuncti effati  
 sunt, quàm quòd credant ac confiteantur id, quòd  
 S. Papa Adrianus in suis litteris docuit. Imò unus  
 ex illis apertè ac ingenuè declarat hasce Adriani Pa-  
 pæ litteras esse ultimum ac Divinum Orthodoxæ  
 Fidei terminum, (b) „ Joannes Episcopus Tauro-  
 „ mensis dixit : cùm veluti Divinus Orthodoxæ  
 „ terminus sint litteræ, quæ ab Hadriano Papa Se-  
 „ nioris Romæ ad piissimos Imperatores, nec non  
 „ ad Tarasium . . . missæ sunt, ita profiteor suscipi-  
 „ piens Sacras Iconas secundùm antiquam traditio-  
 „ nem Ecclesiæ Catholicæ. Quem ceteri omnes  
 dein *similiter* ( prout Concilium ipsum loquitur )  
 secuti sunt.

6. Tarasius in Epistola ad Episcopos Patriar-  
 chatuum Antiocheni & Alexandrini, trium Patriar-  
 charum ipsisque subditorum Episcoporum, qui sub  
 Infidelium Dominio erant, absentiam, quòd volun-  
 taria non fuisset, nullum Concilio præjudicium ab-  
 ferre asserit, eo quòd idem in Concilio sexto even-  
 nisset, à quo nihilominus veritas statuta ac definita  
 fuisset, eo quòd Apostolicus Papa Romanus Synodi  
 convocationi consensisset, atque in eâ per suos Le-  
 gatos præsedisset. (c) „ Sed nullum ex hoc San-  
 „ ctæ adhæsit Synodo præjudicium; neque vires  
 ha-

(a) p. 130. (b) p. 135. (c) p. 175.



» habuit prohibitio aliqua statuendi & manifesta  
» faciendi recta Dogmata pietatis, præcipuè cum  
» Sanctissimus & Apostolicus Papa Romanus con-  
» cordaverit, & in ea inventus per Apocryfarios  
» suos sit.

Qui Infalibilitatem Summorum Pontificum agnoscere renuunt, ex hoc Concilio eandem impugnandi ansam arripere conantur, sicque argumentantur; Postquam Adrianus Papa primus, qui hoc Concilium coegerat, eique per suos Legatos præfoderat, illud confirmasset, illius acta ad Franciæ ac Germaniæ Episcopos misit, ut etiam ab ipsis reciperetur. Hi Episcopi in Synodo Francofordiensi curante Carolo Magno congregati, non modò illud recipere noluerunt, sed prorsùs damnarunt: atqui, ajunt adversarii, non ita egissent, si Papam Infalibilem censuissent; ergo illum non censuerunt Infalibilem &c. En objectionem.

Sed molestum sanè esse debet iis, qui huic Summorum Pontificum privilegio adversantur, quòd nobis nonnisi homines, qui in errore fuerunt, objicere valeant. Modò quoad celebrationem Paschæ nobis objiciunt Polycratem Ephesiorum Episcopum; modò quoad Baptismum S. Cyprianum & Firmilianum; modò quoad gratiam Pelagianos; modò iterum quoad Pascha S. Columbanum, nunc autem Episcopos Concilii Francofordiensis. Hæ sunt illæ scaturigines, è quibus speciosa ac præclara scilicet sua adversùs Summorum Pontificum Infalibilitatem argumenta hauriunt adversarii.

Respondeo ergo Synodi Francofordiensis objectioni, quòd, si ad rigorem de mente hujus Synodi Patrum ratiocinari quis vellet, eadem imò potiori

ratione dicere posset, quòd Oecumenica Concilia non censuerint Infallibilia, quàm ut hanc adversus Summos Pontifices conclusionem deducerent. Notandum enim est 1. Quòd nullatenus de Papa locuti fuerint, & quòd nonnisi quoad Concilium mentem suam exposuerint, cujus Doctrinam, quam non capiebant ( utpote cùm illud criminarentur, quòd Sanctis Imaginibus eundem cum illo, qui Sanctissimæ Trinitati tribuitur, cultum præscripsisset ) damnârunt. Ergo censuerunt, inferre quis posset, quòd Concilium Oecumenicum in quadam Fidei definitione errare possit, & quidem enormiter. Eò planè objectio ex hoc Concilio eruta deduceret, quòd utique auctoritatem Conciliorum Oecumenicorum eversum iret. 2. Hi Episcopi insuper errabant in jure, eo quòd cultum Imaginibus per prostrationes, oscula, & incensationes exhibitum damnarent, quamvis illum respectu Crucis, Libri Evangeliorum, ac Sanctarum Reliquiarum nihilominus approbarent. Imò videbantur Imagines absolute rejicere, cùm, ut Libris Carolinis habetur, id neque in Veteri Testamento neque in Novo præcipi affirmarent.

Ad excusandos igitur hujus Synodi Patres dicendum est, eos credidisse Adrianum Papam, antequam Concilium Nicænum secundum confirmasset, illius acta, ut ab ipsis examinarentur, illis transmississe, & quia arbitrati fuerunt, inibi Idololatriam renovari, eo quòd Imaginibus cultus supremus tribueretur, ac præscriberetur; longè absuit, ut illud approbarent, quin potius omninò damnârint. Hanc ipsorum mentem ac dispositionem fuisse persusum facit, quòd Difficultates suas in opus quoddam



dam redegerint, quod *Librorum Carolinorum* nomine postmodum nuncupatum est, eo quòd Carolus Magnus illud ad Papam transmittendi provinciam in se susceperit, atque etiamnum de facto per Abbatem Engelbertum transmiserit.

Ut autem Adrianus Papa hocce opus recepit, statim Imperatori respondit, & quatenus intelligeret, quòd potius S. Sedi quàm erroneis, quibus hi libri scatebant, opinionibus adhzere teneretur, à stabilienda sctæ Sedis Authoritate initium sumit his verbis: „ Evangelium scientibus liquet, quòd voce Dominicâ sancto & omnium Apostolorum Principi Petro Claves Regni Cœlorum, & totius Ecclesiæ cura commissa est. Ipsi quippe dicitur: Petre amas me? Pasce oves meas. Ipsi dicitur: Ecce Sathanas expetivit cribrate vos sicut triticum, & ego pro te Petre rogavi, ut non deficiat Fides tua. Et tu aliquando conversus confirma fratres tuos. Ipsi dicitur: Tu es Petrus, & super hanc Petram ædificabo Ecclesiam meam, & Portæ inferi non prævalebunt adversùs eam: & tibi dabo claves Regni Cœlorum: & quodcunque ligaveris super terram, erit ligatum & in Cœlo: & quodcunque solveris super terram, erit solutum & in Cœlo. Ecce cura ei totius Ecclesiæ & Principatus committitur, & ipse vices suas, Vicariis suis Pontificibus relinquere dignoscitur Ecclesiæ curam gerendi. Inde ad opus, quod contra Concilium Nicænum fabricatum fuerat, gradum faciens, ei se respondere ait, non ut illum hominem defendat, sed ut antiquam Ecclesiæ Romanæ traditionem sequatur, atque suorum Prædecessorum Romanorum Pontificum Doctrinam

tueatur. „ Non quemlibet, absit, hominem  
 „ fidentes : sed olitanam sanctæ Catholicæ  
 „ postolicæ Romanæ Ecclesiæ tenentes, prædecessorum  
 „ Prædecessorum nostrorum sanctorum Pontificum  
 „ sequimur Doctrinam, rectæ Fidei traditionem  
 „ modis omnibus vindicantes.

In contextu dein Adrianus, postquam demon-  
 strasset, quòd ad damnandos Iconoclastas sui Præ-  
 decessores Concilia tenuissent, quòdque ipse, nisi  
 hæc Hæresis fuisset, convocati Nicæni Concilii  
 nullatenus consensisset : (a) „ Neque nos post  
 „ modum fieri annueremus, nisi pro tot millibus  
 „ animarum, quæ in Hæresi manentes, & quotidie  
 „ in eam deficientes, in laqueo periclitabantur Dia-  
 „ boli. Post hæc, inquam, hæc suam supremam  
 in Ecclesia auctoritatem demonstrat : (b) „ Et  
 „ idcirco nequaquam nos quispiam terminos Pre-  
 „ trum nostrorum transgredi facere valebit, neque  
 „ novitates vocum imponere : sed in ea orthodoxæ  
 „ Fide, quam suscepimus, manentes, & olitanam  
 „ traditionem amplectentes, Prædecessorum nos-  
 „ trorum sanctissimorum Pontificum ( Romanorum )  
 „ procul dubio veneramur & tenemus præ  
 „ sacris Imaginibus Concilia, nullum quemlibet  
 „ jam exinde contrarium sermonem suscipientes,  
 „ neque rationem reddentes.

Idem Papa postmodum ad Concilium Nicænum  
 regressum faciens illud ipso mandante coactum  
 fuisse asserit : „ Sic Synodum istam secundum or-  
 „ dinationem nostram fecerunt, & in pristino statu  
 „ sacras venerandas Imagines erexerunt. Quòd  
 Græci ibidem nihil aliud egerint, quàm quòd Fidem  
 quam



quam ipse eis præscripserat, professi sint. „ Et sicut  
de Imaginibus S. Gregorii sensum & nostrum  
continebatur : ita & ipsi in eadem Synodo de-  
finitionem confessi sunt, his osculum & honora-  
bilem salutationem reddidère. Quòd hac de  
causa istud Concilium receperit (id est) confirmàrit,  
ut per hoc inpediret, ne Græci, qui antea Sacras  
Imagines aboleverant, ad vomitum redirent :  
Et ideo ipsam suscepimus Synodum, nam si ipsam  
minimè recepissemus, & ad suum priorem vomitum  
fuissem reversi, quis pro tot millium anima-  
rum Christianorum interitu habuit reddere ratio-  
nem ante terribile Divini Judicis examen, nisi nos  
solummodò ? Et hæc sunt, quæ ratione Con-  
cilii Francofordiensis, à quo Oecumenica septima  
Synodus damnata fuerat, Carolinorumque Librorum  
gesta fuère.

Ab hoc tempore, quamvis Franciæ Episcopi a-  
liquanto adhuc tempore sub falso prætextu, quòd  
Adrianus sententiam mutasset, in hujus Concilii  
Nicæni rejectione persisterint, tamen postmodum  
se authoritati Summorum Pontificum subdiderunt,  
Imaginum cultum, prout definitus fuerat, recepe-  
runt, Nicænumque Concilium tam in Gallia quàm  
Germania sicut alibi pro Concilio Oecumenico ha-  
bitum & agnitum fuit. Ita ut objectio, quæ con-  
tra Infalibilitatem Summorum Pontificum ex Con-  
cilio Francofordiensi adducitur, potius è contrario  
pro ea faciat, eandemque probet ac demonstret.

Verùm antequam à Concilio Francofordiensi  
discedamus, partium mearum esse censeo, prius ad-  
notare, quòd, cum istud Concilium Elipando Ar-  
chiepiscopo Toletano Felicique Episcopo Urgellen-

si, qui Nestorii Hæresin renovabant, anathema  
 xisset, nec non eadem sententiâ omnes eos, qui  
 rum errorem sectarentur, perstrinxisset, jus rati-  
 ultimatò de rebus Fidei judicandi Summis Pontifici-  
 bus competere agnoverit: hæc quippe suæ Defini-  
 tioni ac sententiæ subjunxit: (a) „ Reservat-  
 „ per omnia juris Privilegio Summi Pontificis  
 „ mini & Patris nostri Hadriani primæ Sedis Be-  
 „ tissimi Papæ. Sic Concilium, quod se ipsam  
*Plenariam Synodum* nuncupabat, loquebatur.

Tandem ad octavum Oecumenicum Con-  
 cilium, quod quartum Constantinopolitanum est, per-  
 venimus: de hoc Concilio dici potest, quòd,  
 suprema Romanorum Pontificum potestas in aliis  
 Conciliis manifestata fuit, in isto singulari ac pec-  
 liari quodam modo effulserit, cum eâ solummodo  
 ratione coactum fuisse videatur, ut nempe late po-  
 Romanos Pontifices Nicolaum primum, & Adria-  
 num secundum contra Usurpatorem Photium, atque  
 in favorem legitimi Constantinopolitani Patriarchæ  
 Ignatii sententiæ executioni mandarentur. Totum  
 mihi describendum foret Concilium, si ea omnia re-  
 ferre vellem, quæ in eo S. Sedis Privilegia commem-  
 dant; mihi igitur sufficiet, quædam quoad præce-  
 pta ejusdem Concilii loca adnotasse.

1. Statim in ipso hujus Concilii exordio,  
 quamprimum Patriarcharum Orientalium Legati  
 Credentiales suas prodixerunt, S. Sedis Legati for-  
 mulare quoddam Romani Pontificis protulerunt, in  
 quo Photii damnatio, atque Patriarchæ Ignatii re-  
 stitutio continebatur, nec non ante omnia postula-  
 runt, ut omnes ac singuli Concilii Episcopi, hujus  
 for-



formularis apographum ipsi conscriberent, subsignarent, ac iterum eisdem Legatis redderent. Quod accuratè peractum fuit. In hoc autem formulari, præter ea, quæ modò retuli, Summus Pontifex Concilii Episcopis Infalibilitatem S. Sedis his terminis ob oculos ponit, ac demonstrat : (a) „ Quia non potest Domini nostri Iesu Christi prætermitti sententia dicentis : Tu es Petrus & super hanc Petram ædificabo Ecclesiam meam : hæc, quæ dicta sunt, rerum probantur eventibus, quia in Sede Apostolica immaculata est semper Catholica reservata Religio, & sancta celebrata Doctrina. Ab hujus ergo Fide atque Doctrina separari minimè cupientes, & Patrum & præcipuè sanctorum Sedis Apostolicæ Præfulum, sequentes in omnibus constituta, anathematizamus omnes Hæreses, simul cum Iconomachis.

En Infalibilitatem Summorum Pontificum in promissione Christi fundatam, in Concilio Oecumenico luculenter stabilitam, atque ab omnibus Catholicis Orientis Episcopis apprimè cognitam, Cavillentur post hæc super hæc S. Sedis Prærogativa adversarii, quantumcunque eis placuerit; nunquam tamen evertere ac destruere poterunt, quod à Generali Concilio stabilitum est, & de quo quilibet Episcopus in propria persona ac præsentia actuali professionem Fidei edidit; imò id ipsum sub eisdem formularis finem repetitur. Postquam enim Episcopi declarassent, quòd Patriarcham Ignatium reciperent ac venerarentur, prout ipsis à Sede Apostolica injunctum fuerat: hæc addunt: „ Quoniam, sicut prædiximus, sequentes in omnibus Apo-

„ Apostolicam Sedem, & observantes ejus omnia  
 „ constituta, speramus, ut in una Communionem  
 „ quam Sedes Apostolica prædicat, esse mereamur  
 „ in qua est integra, & vera Christianæ Religionis  
 „ soliditas, promittentes etiam sequestratos à Com-  
 „ munionem Ecclesiæ Catholicæ, id est, non com-  
 „ sentientes Sedi Apostolicæ, eorum nomina in  
 „ sacra recitanda non esse mysteria. Hanc autem  
 „ professionem meam ego ille Episcopus manu mea  
 „ scripsi, & tibi Sanctissimo, ac ter Beato, ac Coelesti  
 „ gelico nostro Summo Pontifici, & Universali Pa-  
 „ træ Hadriano, per Legatos tuos, . . . obtulimus  
 „ mense illo, die illo, Indictione quotâ.

Equidem verum est, quòd in Græcis hujus  
 Concilii exemplaribus, quæ habemus, hæc Fidei  
 professio decurtata ac truncata sit, potioraque, quæ  
 modò retulimus, in eis non inveniantur. Atque  
 fraude posteriorum Græcorum evenit; Nam Anastasius  
 Bibliothecarius, qui tunc Imperatoris Ludovici  
 vici secundi Constantinopoli Legati munus  
 fungebatur, quique ante S. Sedis Legatorum reditu  
 unum etiam hujus Concilii Græcum exemplar  
 manu attulit, illudque fideliter in Latinum, pro  
 adhuc hodie illud habemus, vertit; narrat, quòd  
 postquam Græci unusquisque in particulari forme  
 lari subscripsissent, illudque omnes Apostolicæ Se-  
 dis Legati reconfignâsse, quidam ex eis secreta  
 Patriarcham Ignatium ac Imperatorem Basilien-  
 adierunt, ipsosque admonuerunt, quòd malè egis-  
 sent Ecclesiam Constantinopolitanam Romanam  
 tam validè subjiciendo: „ Non benè factum fuit  
 „ se (sunt verba Anastasii), quòd Ecclesiam Const-  
 „ antinopolitanam tanta subjectione Romanam



subdi Ecclesiæ permiserint, ita ut hanc ei tanquam Dominæ ancillam tradiderint. Quibus permotus Imperator, ex ipsa Legatorum Domo, ipsis quidem ignorantibus ac absentibus, horum formularium partem auferri curavit. Quod cum Legati advertissent, desuper querelas suas ad Basilium deportarunt, ac postquam ipsi declarassent, se non audere sine istis instrumentis Romam reverti, omni temotâ dissimulatione asseruerunt, hoc furtum à nullo alio, quàm ab iis, quos ipsis Imperator ad Custodiam dederat, committi potuisse. Imperator Legatos, qui aliàs procul dubio Concilium abrupsissent, Romamque reversi essent, contristari ac irritare nolens ipsis isthæc formularia ad unum omnia reddi fecit, quæ cum Legati recepissent, Anastasio consignarunt, qui ea Romam asportavit, Papæque extradidit; & quia ab ipso Concilii, in quo hoc formulare refertur, versionem habemus, nullus dubitandi locus est, quin fidele, omnibusque iis, quæ in dicto Concilio actitata fuerunt, conforme sit. Cæterum istud formulare in nullo differt ab illo, quod à Græcis ipsoque Imperatore Constantinopolitano tempore Hormisdæ Papæ jam subsignatum fuerat, prout in sequentibus à nobis dicitur.

2. Actione secundâ (a) refertur definitio à Legatis Patriarchatum Antiocheni & Jerosolymitani facta Constantinopoli, in qua dicunt, quod, cum Acta Concilii Romani sub Nicolao Papa litterisque ejus Successoris Adriani præ manibus habeant, non arbitrentur, se diutiùs reddendæ Ecclesiæ tranquillitati moras necere debere, quapropter declarent, ac definiant, quod totus terrarum orbis, quoad

(a) p. 992.

quoad contentiones in Ecclesia Constantinopolitana motas, in omnibus obedire, atque se Definitionibus ac Decretis Beatissimi Papæ Nicolai submittere teneantur. „ Est igitur (inquiunt) „ à nobis „ editum & sancitum, de negotiis, quæ nunc motæ „ sunt, ut omnimodis obsequantur & obediant Definitionibus & Decretis Beatissimi Papæ Nicolai „ omnes homines. Quæ cum in Concilio publicè lecta fuissent, cuncti Episcopi ea se approbare professi sunt: *Sancta Synodus exclamavit: placet omnibus.*

3. Actione tertiâ, in qua Ignatii ad Nicolaum Papam Epistola refertur; postquam hic Patriarcha inter alia dixisset: quod ars ad curandos corporis morbos medium adinvenisset multiplicandi Medicorum numerum; sic ad Papam orationem convertit: „ Earum verò, quæ sunt in membris „ Christi, & Dei Salvatoris omnium nostrum Capitis & Sponsæ Catholicæ, & Apostolicæ Ecclesiæ, unum & singularem præcellentem & Catholicissimum medicum ipse Princeps summus, & fortissimus sermo, & ordinator & curator, & solus ex toto Magister Deus omnium produxit videlicet tuam fraternam Sanctitatem & paternam Almitatem: propter quæ dixit Petro magno & Summo Apostolorum: Tu es Petrus, & super hanc Petram ædificabo Ecclesiam meam. Et iterum: Tibi dabo Claves Regni Cælorum. Et quodcunque solveris super terram, erit solutum & in Cælis. Tales enim beatas voces non secundum quamdam utique sortem Apostolorum Principi solum circumscriptis & delimitis; sed



» per eum ad omnes, qui post illum secundum ip-  
» sum efficiendi erant Summi Pastores, & Divi-  
» nissimi Sacrique Pontifices senioris Romæ, trans-  
» misit; & ideo ab olim & prisco tempore in ex-  
» ortis Hæresibus & prævaricationibus eradicato-  
» res & peremptores malorum Zizaniorum, &  
» tabefactorum, & penitus insanabilium ægotan-  
» tium membrorum, multi multoties facti sunt, eo-  
» rum qui Sanctitatem, & Summam Paternitatem  
» tuam illic præcesserunt; Successores scilicet Prin-  
» cipis Apostolorum, & illius Zelum in Fide, quæ  
» secundum Christum est, imitantes; & nunc no-  
» stris temporibus Beatitudo tua dignè tractavit da-  
» tam sibi à Christo potestatem.

Ex his verbis à Concilio Generali adoptatis ea-  
dem prorsus, quæ in formulari, de quo superius  
mentionem feci, habentur. Nam 1. S. Sedis A-  
postolicæ Privilegia fundantur super promissiones  
Christi in famosis illis Evangelii textibus. 2. Hæ  
Promissiones factæ fuerunt Beato Petro pro se &  
suis in Ecclesia Romana Successoribus. 3. Per  
has promissiones Romani Pontifices modo pecu-  
liari & excellenti constituti sunt Medici Ecclesiæ.  
4. Ad hoc à Christo Catholicitatem in superlativo  
gradu receperunt. 5. Virtute harum promissio-  
num ac munerum, quæ receperunt, Hæreses suis  
temporibus suscitatas destruxerunt ac exterminâ-  
runt, quod vi potestatis sibi à Christo traditæ præ-  
stare semper continuant. Hisce profectò nihil ac-  
curatius pro stabilienda Infalibilitate Summorum  
Pontificum desiderari posse arbitror.

4. Cùm Magistratus, qui nomine Imperatoris  
Concilio intererant, petissent, ut Photii adherentes



intromitterentur, ad percipiendum, num iis, quæ  
 Concilium definiturum erat, se subdere vellent, Pa-  
 pæ Legati huic petitioni se opposuerunt, asserentes,  
 eos jam esse à Nicolao Papa damnatos, atque secun-  
 dum Canones iudicia Romanorum Pontificum ab-  
 rogari vel rescindi non posse; ad summum igitur  
 intromitti eos posse, ad Papæ videlicet sententiam  
 percipiendam. Quod acceptatum fuit, „ Nobis  
 (inquiunt Papæ Legati), „ non licet rescindere iudi-  
 „ cium Sacrorum Romanorum Pontificum; hoc e-  
 „ nim contrarium est Canonicis institutis, . . .  
 „ Verumtamen ut manifestiorem eis justam iudica-  
 „ tionem S. Romanæ Ecclesiæ faciamus, ingredian-  
 „ tur: & exaudiant legi Synodicas definitiones &  
 „ iudicia Beatissimi Papæ Nicolai, & certificentur  
 „ magis ac magis.

5. Eadem actione (a) referuntur Epistolæ duæ  
 Nicolai Papæ ad Imperatorem, quibus summè ap-  
 plauserunt, easque acceptarunt omnes Concilii Epi-  
 scopi. Sic autem primam orditur Nicolaus Episto-  
 lam: „ Principatum Divinæ Potestatis, quem o-  
 „ mnium Conditor electis suis Apostolis largitus  
 „ est, super solidam Fidem Principis Apostolorum,  
 „ Petri videlicet soliditatem constituens, ejus egre-  
 „ giam imò primam Sedem deliberavit, Nam vo-  
 „ ce Dominicâ ipsi dictum est: Tu es Petrus, &  
 „ super hanc Petram ædificabo Ecclesiam meam, &  
 „ Portæ Inferi non prævalebunt adversus eam.  
 „ Petrus denique à firmitate petræ, quæ Christus est,  
 „ structuram Universalis Ecclesiæ inconcussam, &  
 „ Fidei robore solidatam, ita precibus suis munito  
 „ non cessat, ut errantium vesaniam rectæ Fidei nor-  
 ma

(a) p. 1021.



» mà reformare festinet, nec non intrepidè eam  
» conlocians, reunire procuret, quatenus portæ In-  
» feri malignorum utique spirituum suggestiones,  
» atque Hæreticorum impetus non prævaleant  
» ejusdem Ecclesiæ unitatem refringere. Et inter-  
» tius ipsum Imperatorem alloquens: „ Adejus e-  
» tenim (Apostolicæ Traditionis) sicut ipsi scitis  
(inquit) „ integritatem observationis, multoties  
» Convenus fuerit SS. Patrum, à quibus & delibe-  
» ratum ac observatum extitit, qualiter absque Ro-  
» manæ Sedis, Romanique Pontificis consensu  
» nullius insurgentis deliberationis terminus dare-  
» tur.

En semper Sedem Apostolicam super Fidem  
Beati Petri divinitus fundatam, super Fidem, inquam,  
in hac Sede permanentem, quæ, cum semper recta  
ac firma sit, regula est, quâ Universa Catholica Ec-  
clesia in unitate conservatur, Inferorùmque por-  
tas, Hæreses nempe, vincit. Quæ denique talis &  
tanta est, ut absque hujus Sedis Episcoporum con-  
sensu nihil in Ecclesia determinari possit, prout ipsa  
Concilia sæpius falsa sunt & agnoverunt.

In altera verò Epistola ipsum Imperatorem lau-  
dat, quòd ad emergentia in Ecclesia Constantinopo-  
litana inconvenientia Ecclesiam Romanam omnium  
Ecclesiarum Caput &c. consulere voluerit: (a)  
» Dum aliqua (inquit) „ in Sancta Constantino-  
» politana Ecclesia ... inconvenientia provenerint,  
» hanc Sacram Catholicam & Apostolicam Caput  
» omnium Ecclesiarum, Romanam scilicet Eccle-  
» siam, quæ semper SS. Patrum sincerissimas autho-  
» ritates in omnibus suis actibus sequitur, consule-



„ re decrevit, ut ejus consulta, quæ Ecclesiasticis  
 „ conveniunt negotiis, agere curaverit; procul  
 „ dubio, quæ agenda aut ambigenda fuerint, irre-  
 „ tractabiliter cuncta disponere, ordinare atque  
 „ definire poterit. Ergo secundum Nicolaum Pa-  
 pam, quæ semel ab Ecclesia Romana determinata  
 fuerunt, in dubium ampliùs vocari non possunt.

In sequenti ad Phorium Epistola idem Papa sic  
 loquitur: (a) „ Et quia universitas credentium  
 „ ab hac Sancta Romana Ecclesia, quæ Caput est  
 „ omnium Ecclesiarum, Doctrinam inquirat, inter-  
 „ gritatem fidei depolcit. . . oportet nos, quibus  
 „ commissa est, sollicitos esse &c.

6. Actione sextâ, cùm Photii fautores con-  
 tendissent, quòd Ecclesiæ Romanæ judicia non es-  
 sent infallibilia, eo quòd multi, quos illa absolverat,  
 postmodum damnati fuerint, & vice versa, multi,  
 qui ab ea damnati fuerant, absoluti fuerint, idque  
 exemplis probare niterentur, Metrophanes Smyrnæ  
 Episcopus nomine Synodi respondet hæc, quæ de  
 Ecclesia Romana protulerant, falsa esse, demon-  
 strâtque, exempla ab ipsis allegata contrarium non  
 probare. „ Verùm & quod dixisti (inquit)  
 „ multos Romanorum Ecclesiâ justificante, damna-  
 „ tos arbitramur, & rursus damnante, justificatos  
 „ habemus, falsum est, & procul à veritate.

7. Actione septimâ (b) refertur Epistola  
 Nicolai Papæ ad universum Clerum, omnésque Pa-  
 triarchatûs Constantinopolitani Episcopos directa,  
 in qua inter alia sic ait: „ Quapropter sicut divi-  
 „ nitùs inspirata Sapiëntia vestra novit, cunctarum  
 „ Christi ovium curâ constringimur, cùm vices il-  
 lius



„ lius per abundantiam Cœlestis gratiæ geramus ,  
„ cui specialiter à Deo dicitur : *Pasce oves meas.*  
„ Et rursus : Et tu aliquando conversus confirma  
„ fratres tuos ; non potuimus dissimulare , aut  
„ negligere , quo minùs visitaremus oves dispersas  
„ & dissipatas , vel quo minùs confirmaremus in fi-  
„ de & bonis moribus fratres nostros & proxi-  
„ mos.

In eadem Epistola , postquam idem Summus Pontifex dixisset , oportere , ut ad Episcoporum adhortationem Imperator ea , quæ in favorem Photii facta fuerant , quod tamen hactenus præstare renue- rat , annullaret , hæc addit : „ Alioquin ut jam  
„ præfati sumus , sic Deo favente de cætero vigilabi-  
„ mus , & studiis , quibus possumus , insistemus , ut  
„ inter exanimis computentur , qui in auctoritatem  
„ Petri non consenserint , imò Dei hanc ordinantis  
„ in Petro non intellexerint : ita ut nec ista , quæ  
„ perniciosè compilata sunt , defendere , nec his si-  
„ milia , ut non dicam scripto tradere , vel in mente  
„ volvere quis ulterius audeat . Inobediens ergo  
„ D. Petro , imò Christo Domino est , qui Sum-  
„ mo Pontifici obedire , iisque , quæ ipse definierit ac  
„ ordinârit , obsequi renuit , consequenter mereatur , ut  
„ inter spiritualiter mortuos reputetur .

8. Denique in secundo Canone , qui in hac octava Synodo confectus fuit , dicitur , quòd ibi Summi Pontifices Nicolaus & Adrianus ut organa S. Spiritûs , quibus omnis obedientia debeatur , respiciantur . (a) „ Obedite Præpositis vestris & sub-  
„ jacete illis , ipsi enim pervigilant pro animabus ve-  
„ stris tanquam rationem reddituri , Paulus magnus

K ;

Apo-



„ Apostolus precipit. Itaque Beatissimum Papam  
 „ Nicolaum tanquam organum S. Spiritus habentem  
 „ tes, nec non & Sanctissimum Adrianum Papam  
 „ Successorem ejus, definimus atque sancimus etiam  
 „ omnia, quæ ab eis Synodicè per diversa tempora  
 „ exposita sunt & promulgata, tam pro defensione  
 „ & statu Constantinopolitanorum Ecclesiæ . . .  
 „ quàm etiam pro Photii . . . expulsionem servari  
 „ semper & custodiri. Concilium quoque sententiam  
 „ depositionis in Clericos, & excommunicationis in Laicos fert, qui his deferre renuerent.

Cùmque Photius eò temeritatis ac insolentiæ  
 devenisset, ut in Pseudo-Synodo sua Nicolaum Papam  
 damnaret, Concilium Oecumenicum vigesimo primo suo  
 Canone districtè inhihet, ne quisquam aliquid sinistri  
 aut injuriosi adversus Papam effutire præsumat,  
 nisi iisdem cum Dioscuro & Photio pœnis subdi  
 maluerit: „ Quisquis autem  
 „ tantâ jactantiâ & audaciâ ausus fuerit, ut secun-  
 „ dùm Photium vel Dioscorum in scriptis vel sine  
 „ scriptis injurias quasdam contra Sedem Petri A-  
 „ postolorum Principis moveat, æqualem & ean-  
 „ dem, quam illi, condemnationem recipiat. Canon  
 anathema jungit in illos, qui Potestatibus sæculi  
 fulti Papam, aut quemdam Patriarcham e sua Sede  
 expellere attentarent. Ultimato declarat, quòd si  
 deinceps difficultas aliqua aut dubium quoad  
 Sanctam Romanam Ecclesiam in quodam Concilio  
 Oecumenico suboriri contingeret, tunc id cum ea,  
 quæ huic Ecclesiæ debetur, veneratione ac reveren-  
 tia tractandum sit, indeque profectus faciendus, om-  
 ni tamen remotâ contra Summos Pontifices sententiam



tiam dicendi audaciâ. (a) „ Porro si Synodus Uni-  
versalis fuerit congregata, & facta fuerit etiam de  
Sancta Romanorum Ecclesia quavis ambiguitas  
& controversia ; oportet venerabiliter, & cum  
convenienti reverentia de proposita questione  
discutari, & resolutionem accipere, aut proficere,  
aut profectum facere, non tamen audacter senten-  
tiam dicere contra Summos senioris Romæ Pon-  
tifices.

Ad hunc hujus Oecumenici Concilii Ca-  
nonem advertant, qui ultimis hisce temporibus tam  
exigua cum reverentia de Summis Pontificibus lo-  
cuti sunt, atque perpendant, quàm pœnam meriti  
sint. Quòd si tanto, ut venditant, honore erga  
Concilia Generalia afficiuntur, cur eorundem Con-  
ciliorum in Summos Pontifices observantiam non  
etiam initantur ? & si hæc Concilia Summum Pon-  
tificem ob quamcunque causam damnare ipsi etiam  
toti in unum congregatæ Ecclesiæ temerarium esse  
crediderint, quid de simplicibus privatis homuncio-  
nibus sentiendum erit, quos insolentia eò abduxit,  
ut non modò Summos Pontifices damnare, verùm  
etiam Hæresis ultrò arguere contra Legis præcep-  
tum, quo dicitur ; *Principi populi tui non male-  
dices*, non erubescant ?

Exposita mente Conciliorum Oecumenico-  
rum de authoritate Romanorum Pontificum atque  
Beati Petri Successorum Prærogativis super ipsas  
Christi Domini promissiones fundatis, supervaca-  
neum ac valdè inutile foret, idem ex Conciliis par-  
ticularibus demonstrare ; qui enim authoritati Con-  
ciliorum Oecumenicorum, quæ universa Ecclesia

summâ semper veneratione profecuta est, deferentia  
 nuerent, quantò minùs authoritati Conciliorum  
 particularium cedere vellent. Sufficiet ergo mihi  
 hic ea, quæ Gallicum Turonense Concilium sæculo  
 sexto celebratum dicit, referre; sic ergo in uno suo-  
 rum Canonum loquitur: „ Quis Sacerdotum  
 „ contra Decreta talia, quæ à Sede Apostolica pro-  
 „ cesserunt, agere præsumat? vel quis, quo pe-  
 „ jus est, contra sententiam, quam Vas electionis  
 „ Paulus Apostolus Spiritu Sancto ministrante  
 „ promulgavit, aliud conscribere ullâ ratione præ-  
 „ sumat, cum dicat ipse per Spiritum Sanctum, qui  
 „ prædicaverit præter id, quod prædicavi, anathe-  
 „ ma sit? Et quorum Authorum valere possit  
 „ prædicatio, nisi quos Sedes Apostolica semper  
 „ aut intromisit, aut Apocryphos fecit, & Pares no-  
 „ stri semper hoc custodierunt, quod eorum præ-  
 „ cepit autoritas? Nos ergo sequentes quod vel  
 „ Apostolus Paulus vel Papa Innocentius statuit in  
 „ Canonibus nostris inferentes, statuamus obser-  
 „ vandum.

## CAPUT IX.

Quid Authores Ecclesiastici à Sæcu-  
 lo quinto usque ad Græcorum schisma de  
 Authoritate Summorum Pontificum in  
 materia Fidei senserint,

**I**nitium sumoj ab Ennodio Ecclesiæ Ticinensis  
 Diacono ac postea Episcopo, qui anno 501. A-  
 pologiam Concilii Romani ratione Synamachi Papæ  
 con-



convocati ac celebrati, edidit. Hic Episcopus, prout tota præstitit antiquitas, Prærogativas Sedis Apostolicæ ex promissionibus Salvatoris Beato Petro factis deducit, consequenter ad quas Episcopi hujus Apostoli Successores summâ veneratione ac reverentiâ semper protecuti sunt; quibus namque quidquid fidelium in toto terrarum orbe reperitur, in omnibus tanquam membra suo Capiti subijci necesse sit. (a) „ Dicas forsitan, (inquit) „ omnium „ animarum talis erit in illa disceptatione conditio. „ Replicabo, uni dictum, Tu es Petrus, & super „ hanc petram ædificabo Ecclesiam meam, & quæ- „ cunque solveris super terram, erunt soluta & in „ Cælo. Et rursus sanctorum vice Pontificum „ Dignitatem Sedis ejus factam toto orbe Venera- „ bilem, dum illi quidquid fidelium est, ubique sub- „ mittitur, dum totius Corporis Caput esse designa- „ tur. (b) Conformiter Concilio Romano con- „ tendit ac tenet, quòd nullum Concilium convocari „ possit absque Papæ consensu; ad id, quod ipsi „ objiciebatur, exinde sequi nempe, Synodos Provin- „ ciales, quæ annuatim cogebantur, nullas fore, eo „ quòd Papæ autoritas iis non interveniret; respon- „ det; quòd in ejusmodi Provincialibus Synodis nul- „ læ causæ majores, quæ absque participatione summi „ Pontificis conformiter sacris Canonibus terminari „ non possunt, tractentur: „ Legite insanissimi (in- „ quit) „ aliquando in illis præter Apostolici Apicis „ sanctionem aliquid constitutum, & non de mayo- „ ribus negotiis, ad collationem, si quid occurrit, „ præfatæ Sedis arbitrio fuisse reservatum.

Multi nostræ ætatis Critici exiguam istius En-

K. 5

nodū

(a) *Tom. 4. Conc. p. 1353.* (b) *p. 1352.*



nodii operis rationem ineundam esse censent, ve-  
 rum non eadem fuit antiquitatis sententia, nam Sy-  
 nodus, quæ anno 503. Romæ celebrata fuit, post-  
 quam sibi illud prælegi fecisset, à Symmacho postu-  
 lavit, ut Liber iste Conciliis infereretur, eandemque  
 deinceps ac Concilia, Summorumque Pontificum  
 Decreta auctoritatem haberet. (a) Ad quæ his-  
 e Symmachus respondit: „ Juxta vestram om-  
 „ nium fiat voluntatem, & ut judicatis, Apostolica  
 „ habeatur auctoritate, & inter Apostolica, quod  
 „ dicitis, interponatur Decreta, & sicut cætera A-  
 „ postolica, ab omnibus teneatur, Decreta. Ad  
 „ quæ omnes ter una voce responderunt dicentes:  
 „ ut fiat, rogamus.

Verum quia hujus Operis mentionem feci-  
 mus, operæ pretium est, ipsius Symmachi Papæ ne-  
 gotium ac causam paucis enarrare; ut, quanta fuerit  
 summorum Pontificum auctoritas, & quousque se-  
 reverentia ac observantia, quibus fideles eos prose-  
 quebantur, extenderint, appareat. Postquam An-  
 tipapa Laurentius Symmachum de enormibus cri-  
 minibus apud Theodoricum Regem supremam tum  
 potestate Italiæ res curantem, accusasset, Rex Epi-  
 scopis Regionis illius mandavit, ut Romam conve-  
 nirent, de hac causa cognituri, tranquillitatemque  
 in hac Urbe restitutori. Ad quæ Episcopi rescrip-  
 serunt Regi, quod ad ipsummet Symmachum spe-  
 ctaret Synodum convocare &c. (b) „ Memorati  
 „ Pontifices, quibus allegandi imminabat occasio  
 „ suggererunt illum, qui dicebatur impetitus, de-  
 „ buisse Synodum convocare, scientes quia ejus Se-  
 „ di primum Petri Apostoli meritum vel Principa-

(a) p. 1364. (b) p. 1362



tus, deinde secutâ jussione Domini Conciliorum  
Venerandorum autoritas ei singularem in Eccle-  
suis tribuit potestatem, nec antedictæ Sedis An-  
tistitem minorum subjacuisse judicio in proposi-  
tione simili facilè forma aliqua testaretur. Rex  
quantumlibet Arianus, non tamen aliter se in hoc  
negotio gessit, quàm si Catholicissimus Princeps  
fuisset, respondit namque se nonnisi ad Symmachi  
preces Synodum convocasse: quibus Episcopi ac-  
quieverunt. At quamvis jam in unum congregati  
essent, ulteriùs tamen progredi ausi non fuissent, ni-  
si ipsemet Papa ipsis declarasset, se ad hoc illis autho-  
ritatem tribuere. „ Dum in Venerabili collectio-  
ne sermo de incipiendo haberetur negotio, prout  
poscebat causæ tractatus, sanctus Papa Symma-  
chus Basilicam Julii, in qua Pontificum erat con-  
gregatio, ingressus est, & de evocatione synodali  
Clementissimo Regi gratias retulit, & rem desi-  
derii sui esse testatus est. Causa ergo de Sacerdo-  
tum animis, quæ de Concilio nondum firmato  
tristitiâ ministrabat, abscissa est. Autoritatè ordi-  
nis corrigendi, sicut poscebant Ecclesiastica statu-  
ta, in omnium, qui ibidem convenerant, Episco-  
porum præsentia se dare professus est. Cùm igitur  
consequenter ad hanc potestatem Episcopi, id, de  
quo agebatur, penitus examinassent, Symmachum  
coram hominibus innocentem declararunt, omnia  
Dei inscrutabili committentes judicio. (a) „ De-  
cernimus harum necessitatum vel Religionum  
consideratione adstricti, & cælesti inspiratione  
perpensis omnibus, quæ in causa erant, secreta, ut  
Symmachus Papa Sedis Apostolicæ Præsul, ab  
hu-

(a) p. 1325.



„ hujusmodi propositionibus impetitus, quantum  
 „ ad homines respicit (quia totum causis obstitentibus  
 „ superius designatis, contra arbitrio Divino  
 „ fuisse dimissum) sit immunis & liber, & Christiane  
 „ næ plebi sine aliqua de objectis oblatione, in omni-  
 „ nibus Ecclesiis suis ad jus Sedis suæ pertinentibus  
 „ tradat Divina mysteria.

Cùm interim rumor per Provincias resper-  
 fuisse, quòd Episcopi adversù: Symmachum proce-  
 dere vellent, illùmque judicare, tota exinde commo-  
 ta est Ecclesia, atque undique Romam delatæ litte-  
 ræ, quibus id impediretur. (a) „ Quidquid in eo-  
 „ dem negotio actum est, scriptis Romam ex di-  
 „ versis terrarum vel regionum partibus Dei profe-  
 „ cutione præventum est.

Inter alios Sanctus Avitus Episcopus Viennen-  
 sis, cùm hujus rei provinciam à Gallix Episcopis in  
 se suscepisset, desuper Senatui Romano Senator ipse  
 gravem exaravit Epistolam, in qua : (b) „ *Quam*  
 „ primùm (inquit) „ supplici prece posco, ne ce-  
 „ leberimo ordini vestro pagina hæc aliquod mo-  
 „ moveat, quasi ab uno directæ, fastidium, quoniam  
 „ à cunctis Gallicanis fratribus meis ad hoc ipsum,  
 „ non minùs per mandata, quàm per litteras one-  
 „ ratus, quæcunque à vobis omnes ambimus, unus  
 „ suggerenda suscepi. Postmodùm idem Sanctus  
 Avitus testatur omnes Gallicanos Episcopos in mag-  
 na inquietudine ac perplexitate versari, eo quòd  
 percepissent ipsorum Caput calumniis impetitum  
 fuisse. „ Dum de causa Romanæ Ecclesiæ anxii  
 „ nimis ac trepidi essemus, utpote nutare statum  
 „ nostrum in læssato Vertice sentientes : quos  
 omnes



omnes una criminatio utique sine invidia multitudinis percusserat, si statum Principis obruisset. Quod litteræ, quas de exitu Concilii Romani acceperant, illos concepto jam timore admodum liberarent, at, quod salvo honore, quo erga Italiæ Episcopos afficiuntur, ipsis videatur, quod illorum (Italiæ Episcoporum) interfuisset eundem (Symmachum Papam) consolari, si apud Regem accusatus fuisset; nec capere possent, qua ratione provinciam in se susceperint judicandi suum superiorem &c. (a) „ Ita non facillè datur intelligi, qua vel ratione vel lege ab inferioribus eminentior judicetur. Quod in hoc temerarium consilium inierint; sed quod ipsi met satis abundè comprehendissent, id ad se non pertinere, cum ipsis suffecerit Regi insinuasse, quod nihil eorum, de quibus Papa acculabatur, ipsis innotuerit, omniâque judicio Divino committant. Quod Synodus ipsa Venerabilis laudabili constitutione prospiciens causam, quam (quod salvâ ejus reverentiâ dictum sit) penè temerè susceperat inquirendam, divino potius servârit examini, perstringens tamen, prout breviter potuit, nihil vel sibi, vel gloriosissimo viro Theuderico Regi de his, quæ Papæ dicebantur objecta patuisse. Post quæ Senatam tanquam Senator & tanquam Episcopus rogat, ut non minorem Ecclesiæ quàm Imperii statûs rationem habere velit, nec minori amore in sua Ecclesia Sedem D. Petri, quàm suam Civitatem ut mundi apicem prosequatur. „ Quasi Senator ipse Romanus, quasi Christianus Episcopus obtestor. . . . ut in conspectu vestro non sit Ecclesiæ minor, quàm Reipublicæ status, . . . non minus



„ nùs diligatis in Ecclesia vestra Sedem Petri, quàm  
 „ in Civitate apicem mundi. Quòd ipsos roget,  
 ut recogitent hìc solius Romanæ Ecclesiæ negotium  
 duntaxat tractari : quòd, cùm de aliis Episcopis  
 res agitur, id, quod nutare videtur, denuò firmari  
 possit, at, quòd ubi semel Papa in dubium vocatus  
 fuerit, tunc demum Episcopatus ipse vacillare inci-  
 piat. „ Si profundo illo tractatùs vestri consilio  
 „ rem videtis, non ea tantummodò, quæ Romæ  
 „ geritur, causâ cogitanda est. In Sacerdotibus  
 „ cæteris potest, si quid fortè nutaverit, reformari;  
 „ at si Papa vobis vocatur in dubium, Episcopatus  
 „ jam videbitur, non Episcopus vacillare. Et ut in-  
 telligerent, quòd Summus Pontifex quodammodò  
 omnem Ecclesiæ Fidem in manibus, ut ita dicam,  
 teneret, hæc addit : „ Nostis benè, inter quas  
 „ Hæresum tempestates velut ventis circumstanti-  
 „ bus, fidei puppem ducamus. Si nobiscum hu-  
 „ jusmodi pericula formidatis, expedit, ut Guber-  
 „ natorem vestrum participato labore tueamini.  
 Tandem hisce concludit : „ Reddet rationem, qui  
 „ ovili Dominico præest, quâ commissam sibi ag-  
 „ norum curam administratione dispenseret; cæte-  
 „ rum non est Gregis Pastorem proprium terrere,  
 „ sed Judicis.

Hanc Sancti Aviti Epistolam paulò fusiùs ideo  
 profecutus sum, ut palatū facerem, quantâ hujus Sancti  
 viri ætate reverentiâ ac veneratione erga Sum-  
 mum Pontificem affecti fuerint omnes Galliæ Epi-  
 scopi, quantâque adversùs eum suscitata turbæ  
 ipsi molestiam, inquietudinèque creârint, quem  
 ut universalem Dominici Gregis Pastorem, qui que  
 Fidei Governacula teneret, suspiciebant. Hæc uti-  
 que



que ipsi è calamo Sancti Aviti, qui eorum mentem haud ignorare poterat, non excidissent, si Summos Pontifices hæreseos tempestatibus cedendi, aut in errorum scopulos impingendi capaces censuissent.

Cùm Possessor Episcopus Africanus, qui initio sexti sæculi Constantinopoli aderat, requisitus fuisset, ut super libris Fausti Reiensis Episcopi mentem suam exponeret, nec tamen illis, qui de hujus Authoris opinionibus disceptabant, satisfacere valuisset, ab Imperii Primoribus rogatus fuit, ut Hormisdam Papam consuleret, quatenus, quid desuper sentiendum esset, perciperetur. Sic verò dictus Episcopus suam ad Papam orditur Epistolam : (a) „ Decet  
„ & expedit ad Capitis recurrere medicamentum,  
„ quoties agitur de sanitate membrorum. Quis  
„ enim majorem circa subjectos sollicitudinem gerit, aut à quo magis est nutantis Fidei stabilitas ex-  
„ petenda, quàm ab ejus Prælide, cujus primus à  
„ Christo Rector audivit : Tu es Petrus, & super  
„ hanc Petram ædificabo Ecclesiam meam ? Hæc  
„ ergo Salvatoris nostri promissiones D. Petrum ejus-  
„ que Successores in Fide firmarunt, quatenus dubia  
„ quoad illam emergentia dilucidare atque cum certitudine  
„ decidere possint ; ad quid enim ad eos in  
„ dubiis recurretur, si illa responsa, quæ darent, in du-  
„ bium vocare quis posset ?

Ferrandus Diaconus fateretur, (b) quòd per confirmationem S. Sedis ipsa etiam Oecumenica Concilia Infallibilitatem suam obtineant : „ Ubi majores (inquit) „ reperiret in Ecclesia Judices ? „ ante se habens in Legatis suis Apostolicam Sedem, qua consentiente, quidquid illa definivit.

Sy-

(a) P. 1529. (b) Ep. ad Pelag. n. 6. § 7.



„ Synodus accepit robur invictum. Et inferius :  
 „ Universalia Concilia, præcipuè illa, quibus Ro-  
 „ manæ Ecclesiæ consensus accessit, secundæ autho-  
 „ ritatis locum post Canonicos libros tenent. Et  
 „ adhuc : „ Quæ finiuntur judicantibus Episcopis  
 „ sanctis, & ad Beati Petri memoriam perducta di-  
 „ ligentiùs examinantur, atque firmantur, sequen-  
 „ da sunt, tenenda sunt, amplectenda sunt ; in re-  
 „ tractatione sub qualibet pietatis occasione teneri  
 „ non debent.

In alia Epistola (a) de famosa illa propositione  
*Unus de Trinitate crucifixus est* differens, ita il-  
 lum, cui scribit, alloquitur : „ Loquantur desisti-  
 „ per hi, quibus Sacerdotii honos docendi autho-  
 „ ritatem tribuit, quod me attinet, ad discendum  
 „ paratus sum, nec docere quidquam præsumo :  
 „ interroga igitur, si quid veritatis cupis audire,  
 „ principaliter Sedis Apostolicæ Antistitem, cujus  
 „ sana Doctrina constat judicio veritatis, & fulcitur  
 „ munimine authoritatis. Et hi sunt duo supre-  
 „ jmæ in Fide Authoritatis Characteres, Doctrina vi-  
 „ delicet veritatis in judiciis, & authoritas, quæ hu-  
 „ usmodi judicia recipere facit.

Justinianus Imperator celebrioribus authori-  
 tatis summorum Pontificum in rebus Fidei meritò  
 sexti sæculi testibus adnumerari debet. Nam præ-  
 ter ea, quæ, cùm adhuc tantummodò Comes esset,  
 pro reconciliatione Orientalium Episcoporum cum  
 sancta Sede sub Hormisda Papa cum Imperatore Ju-  
 stino egit (de quibus sequentibus agam) cùm Con-  
 stantinopoli, in aliisque Provinciis graves discepta-  
 tiones exortæ fuissent, num de Fide esset, necne, quòd  
 unius

(a) Ep. ad sever.



unus de Trinitate crucifixus fuisset, pluribus ac frequentibus litteris apud Hormisdam Papam pro hujus quaestionis decisione institit eum pollicitatione, quòd ipsius Decisio omnes controversias sopitura esset. (a) „ Quòd si suscipiendum sit, paternâ provisione Reverentia Vestra cautissimo suo rescripto  
» quid sequi, quidve super hoc evitare debeamus,  
» nos certiorare dignetur. . . De hac intentione liberos nos properate reddere, & securos ; Hoc enim credimus esse Catholicum, quod vestro religioſo responſo nobis fuerit intimatum.

Cum autem Hormisdas Papa hujus quaestionis Decisionem usque ad suum obitum distulisset, eo quòd Legati, quos Constantinopoli habebat, timerent, ne ex parte eorum, qui quoad hanc quaestionem callidiores videbantur, virus lateret, Justinianus ad Imperii solium euectus, de consensu plurimorum Orientalium Episcoporum ad huic propositioni conciliandam auctoritatem Edictum promulgavit, cujus confirmationem diligenter à Joanne Papa Secundo petiit, quam & obtinuit, illudque insuper per Agapetum Joannis Successorem denuò confirmari curavit ; post quæ hæc propositio nullam amplius inter Catholicos difficultatem invenit.

Nec hæc solâ occasione Justinianus suæ erga S. Sedem devotionis argumenta signaque edidit: multum enim adhuc cum Imperatore Justino laboravit, ut eidem Sanctæ Sedi totum Orientem reconciliaret, qui longo jam tempore ab ea secessum fecerat propter schisma Acacii Patriarchæ Constantinopolitani, qui adversus Summorum Pontificum Mandata à communione Petri Eluri & Petri Moggi E-

tychianorum Episcoporum ſeparare ſe noluerat, Summi Pontifices pro ſua parte hâc occaſione communionem ſuam non modò A cacio, ſed etiam omnibus iis Episcopis, qui in ipſius ſive adhuc viventis, ſive jam vitâ functi communionem permaſerant, denegârunt; nec eos recipere voluerunt, niſi prius formulari illi, quod, cùm de Octavo Concilio Oecumenico ageremus, retulimus, quòdque accuratiſſimam Infallibilitatis Summorum Pontificum ſuper promiſſiones Chriſti Divo Petro factas fundatæ conſeſſionem continet, ſubſcripiſſent; per quod invictè probatur, quòd Græci à ſui ſchiſmatis tempore ex Græco huius Concilii textu iſtius Apoſtolicæ Sedis Privilegii profeſſionem reſecuerint, ſequendaque ſit Anaſtaſii Bibliothecarii verſio. Ita ut minimè in dubium revocari poſſit, quòd Eccleſia Græca, quamdiu Catholica fuit, Summorum Pontificum Infallibilitatem agnoverit, illamque, tanquam ad Fidei ſuæ ſummam ſpectantem articulum profeſſa fuerit.

Certum proinde eſt, quòd Imperator Juſtinus Comèſque Juſtinianus illius in Imperio Succellor hâc occaſione omnem Zelum demonſtrârunt, ut Hormiſdæ Papæ in omnibus ſatiſheret, cunctique Orientis Episcopi huic formulari ſubſcriberent. Cùmque Juſtinianus ad Imperii ſolium evectus fuiſet, ut ſuæ Catholicitatis manifeſta ſigna ederet, ipſemet formulari ſubſcripſit, (a) atque ad Papam Agapetum miſit.

Stephanus Lariffæ Episcopus in Epiſtola ad Bonifacium Secundum Papam agnoſcit, ac fateetur, quòd Privilegia, quæ Salvator noſter Romanæ Sedis

(a) *Concil. tom. 4. p. 1790.*



in persona Beati Petri concessit, omnia cæterarum Ecclesiarum Privilegia transcendant, quòdque in Confessione hujus Sedis omnes Ecclesiæ requiem suam inveniunt. (a) „ Etenim dixi, quia auctoritas Sedis Apostolicæ, quæ à Deo & Salvatore nostro Summo Apostolorum data est, omnibus Sanctarum Ecclesiarum privilegiis antecellit: in cujus Confessione omnes mundi quiescunt Ecclesiæ.

Liberatus Ecclesiæ Carthaginensis Diaconus in Epitome Ecclesiasticæ Historiæ, quam nobis reliquit, de secundo Concilio Ephesino agens, ait, quòd Sanctæ Sedis Legati Tyrannicum Dioscori agendi modum videntes, se omnibus, quæ fiebant, opposuerunt: quòdque Flavianus Constantinopolitanus cernens, quòd adversum se sententia lata fuisset, S. Sedis Legatis libellum, quo à Concilio ad Papam appellabat, præsentavit. (b) „ Porro locum obtinentes Papæ Leonis, omnibus, quæ sunt gesta, contradixerant: Flavianus autem contra se prolatâ sententiâ per ejus Legatos Sedem Apostolicam appellavit libello. Et loquens postea de iis, quæ in Concilio Calcedonensi in favorem Sedis Constantinopolitanæ facta fuerant, ait, quòd Sedes Apostolica iis semper se opponere non destiterit, sed quòd favore Imperatoris quòdammodò adhuc fulcitur. (c) „ Et licet Sedes Apostolica nunc usque contradicat, quod à Synodo firmatum est, Imperatoris patrocinio permanet quòdammodò. Agens denique de exilio Papæ Sylverij in Pataram Liciæ Urbem, sic loquitur: (d) „ Sed Sylverio

L 2 ve-

(a) p. 1696. (b) C. 12. Tom. 5. Conc. p. 758. (c) C. 13. p. 763. (d) C. 23. p. 775.

„ venienti Pataram, Venerabilis Episcopus Civita-  
 „ tis ipsius venit ad Imperatorem, & iudicium Del-  
 „ contestatus est, de tantæ Sedis Episcopi expulsio-  
 „ ne, multos esse dicens in hoc mundo Reges, &  
 „ non esse unum, sicut ille Papa est super Ecclesiam  
 „ mundi totius à sua Sede expulsus. Quem au-  
 „ diens Imperator revocari Romam Sylverium  
 „ iussit.

Ex primo hujus Authoris loco habetur aper-  
 tè usus ac consuetudo ab ipsorum Oecumenicorum  
 Conciliorum iudicio ad Papam appellandi. Ex  
 secundo verò, quòd S. Sedes nihil eorum, quæ in  
 Conciliis Generalibus actitata fuerant, admitteret,  
 nisi quæ ab ipsa confirmata fuissent. Et ex tertio,  
 quòd ubique terrarum Romanus Pontifex tanquam  
 totius Ecclesiæ Monarcha suspiceretur.

Sanctus Maximus Ecclesiæ Græcæ Theolo-  
 gus & Martyr in quodam Epistolæ fragmento asse-  
 rit, (a) quòd, quicumque Sedem Romanam anathe-  
 matizat, Ecclesiam Catholicam anathematizet. „ O-  
 „ mnis, qui eos, qui Pyrrhum reprobaverunt, anathe-  
 „ matizat, Sedem Romanam, id est, Catholi-  
 „ cam Ecclesiam anathematizat. Et inferiùs sem-  
 „ per de Pyrrho agens: „ Itaque (inquit) „ si vult  
 „ Hæreticus non esse, nec audire, non isti aut illi  
 „ satisfaciat. . . . Festinet pro omnibus Sedi Ro-  
 „ manæ satisfacere, hæc enim satisfactâ communi-  
 „ ter ubique omnes pium hunc & Orthodoxum  
 „ prædicabunt. Nam (addit) frustra solummodò  
 „ loquitur, qui mihi similes suadendos ac turripien-  
 „ dos putat, & non satisfacit & implorat Sanctissi-  
 „ mæ Romanorum Ecclesiæ Beatissimum Papam.

(a) tom. 2. p. 76.



id est, Apostolicam Sedem, quæ ab ipso incarna-  
to Dei Verbo sed & omnibus Sanctis synodis se-  
cundùm Sacros Canones, & terminos, universa-  
rum, quæ in toto terrarum orbe sunt, Sanctarum  
Dei Ecclesiarum in omnibus & per omnia perce-  
pit & habet Imperium, autoritatem & potesta-  
tem ligandi & solvendi. Cum hoc enim ligat  
& solvit, etiam in Cælo Verbum, quod cœlesti-  
bus virtutibus principatur. Si enim alios qui-  
dem satisfaciendos ducit, & Beatissimum Roma-  
num Papam nequaquam implorat, simile quid-  
dam agit ei, qui homicidii vel alterius cujusdam  
criminis redarguitur, & insontem se, non ei, qui  
secundùm leges judicandi jura sortitus est, exhi-  
bere festinat: sed tantùm inutiliter, & sine la-  
cro aliis, & privatis hominibus munditiam sui  
monstrare satagit actûs, qui nullam habeant se sol-  
vendi à crimine potestatem.

Sergius Cypri Episcopus Epistolam ad Theodo-  
rum Papam (a) Concilio Lateranensi sub Martino  
primo celebrato insertam sic orditur: „ Firma-  
mentum à Deo fixum & immobile, atque tituli  
formam lucidissimam Fidei vestram Apostolicam  
Sedem constituit, O Sacer vertex, Christus Deus  
noster. Tu es enim, sicut Divinum veraciter  
pronuntiat verbum, Petrus, & super fundamen-  
tum tuum Ecclesiæ columnæ confirmatæ sunt;  
Tibi & claves Regni Cælorum commisit, atque  
ligare & solvere potestativè, quæ in terra & quæ  
in Cælis sunt, promulgavit. Tu profanarum  
Hæresum depositor existis, ut Princeps & Doctor  
Orthodoxæ & immaculatæ Fidei. En semper

L 3

San-

(a) *Conc. tom. 6. p. 121.*



Sanctæ Sedis Privilegia supra promissiones D. Petro à Salvatore factas fundata ; En ejusdem D. Petri Successores factos, ut ille, fixum & immobile fidei fundamentum, supra quod Ecclesiæ columnæ fundatæ concuti non possunt ; En Summos Pontifices Hæresis disturbatores ac destructores constitutos, ut qui Orthodoxiæ principium immaculatamque Fidem semper teneant.

Stephanus Episcopus Dorensis Ecclesiæ Jerosolymitanæ Suffraganeus à Patriarcha Sophronio Romam deputatus, (a) non minùs clarè loquitur.

„ Aliquando autem (inquit) „ pennas columbæ  
 „ secundùm Beatum David, & volumus & annun-  
 „ tiemus hæc omnia omnibus præpositæ, dico au-  
 „ tem faminæ vestræ & principali Sedi, ad medici-  
 „ nalem sanitatem emersi vulneris : quippe quo-  
 „ niam hoc potestativè olim & ab antiquis facere  
 „ per Apostolicam sive Canonicam consuevit au-  
 „ thoritatem : dum apertissimè non solùm claves  
 „ Regni Cœlorum creditæ sunt ei, atque ipse solus  
 „ adaperiendum eas fidelibus quidem dignè ; mi-  
 „ nimè autem credentibus Evangelio gratiæ clau-  
 „ dere, magnus secundùm veritatem & Princeps A-  
 „ postolorum meruit Petrus : sed etiam & pascere  
 „ primus jussus est oves Catholicæ Ecclesiæ, cum  
 „ Dominus dicit : Petre amas me ? Pasce oves  
 „ meas : & iterum ipse præcipuè ac specialiter fir-  
 „ mam præ omnibus habens in Dominum Deum  
 „ nostrum & immutabilem Fidem, convertere ali-  
 „ quando & confirmare exagitatos consortes suos  
 „ & spiritales meruit fratres ; utpote dispensativè  
 „ super omnes, ab ipso, qui propter nos incarnatus

(a) Tom. 6. Conc. p. 104.



est Deus, potestatem accipiens, & sacerdotalem  
authoritatem.

En semper supremam Romanorum Pontificum  
authoritatem eorumque Infallibilitatem super tria  
Evangelii loca fundatam, quæ, si neotericis illis  
Theologis, quos oppugnamus, Fides habenda, ne-  
que Divi Petri Primatum, neque illius Successorum  
Privilegia respiciunt aut concernunt.

Addit insuper hic Episcopus Stephanus, quod  
Sophronius Patriarcha ex aperta harum Prærogati-  
varum cognitione, illum in montem Calvaria duxe-  
rit, atque ibi per eum, qui pro nobis crucifixus est,  
adjuraverit, ut pro Fidei negotio iter Romam versus  
arriperet, „ *Ubi ( sunt ipsius formalia ) Ortho-*  
*doxorum Dogmatum fundamenta existunt.*  
Nec instare desisteret, donec Divinâ Apostolicæ Se-  
dis prudentiâ novi errores deturbati ac destructi  
fuissent.

Quod si ab Orientis finibus in Africam trajicere  
velimus, eandem sanè Doctrinam à Numidia, Biza-  
cena, ac Mauritania in Synodo congregatis Episco-  
pis in communi quadam Epistola ad Theodorum  
Papam directa invenimus prolata & agnitam. (a)  
„ Magnum ( inquit ) „ & indeficientem omni-  
„ bus Christianis fluentem redundantem, apud Apo-  
„ stolicam Sedem consistere fontem, nullus ambi-  
„ gere possit, de quo rivuli prodeunt affluenter, u-  
„ niversum largissimè irrigantes orbem Christiano-  
„ rum, cui etiam in honore Beatissimi Petri Patrum  
„ Decreta peculiarem omnem decrevere reveren-  
„ tiam in requirendis Dei rebus, quæ omninò &  
„ sollicitè debent maximè verò • justèque ab ipso



„ Præfulum examinari Vertice Apostolico, cuius  
 „ vetusta sollicitudo est tam mala damnare, quam  
 „ probare laudanda. Antiquis enim Regulis late-  
 „ ritum est, ut quidquid, quamvis in remotis vel in  
 „ longinquis positis ageretur Provinciis; non prius  
 „ tractandum vel accipiendum sit, nisi ad notitiam  
 „ almæ Sedis vestræ fuisset deductum, ut hujus au-  
 „ thoritate, iusta quæ fuisset pronuntiatio firmaretur,  
 „ indeque sumerent cæteræ Ecclesiæ velut de  
 „ natali suo fonte prædicationis exordium, & per  
 „ diversas totius mundi regiones, puritatis incor-  
 „ ruptæ manarent Fidei Sacramenta Salutis. Quo-  
 „ circa humillimum vestro Apostolico culmini  
 „ persolventes obsequium &c.

Venerabilis Beda idem pro Anglicana Ecclesiâ  
 reddit testimonium, (a) Sic enim loquitur : „ I-  
 „ deo Beatus Petrus, qui Christum vera Fide con-  
 „ fessus, vero amore secutus, specialiter claves Regni  
 „ Cælorum, & Principatum judiciariæ potestatis  
 „ accepit, ut omnes per orbem credentes intelli-  
 „ gant, quia quicumque ab unitate Fidei, vel Socie-  
 „ tatis illius, quolibet modo se ipsos segregant, ta-  
 „ les nec peccatorum vinculis absolvi, nec januam  
 „ possint Regni Cœlestis ingredi.

Alcuinus, qui tanquam primus Univerſitatis  
 Parisiensis Author habetur, id æquè ac Beda expri-  
 mit; loquens enim in una ex suis Epistolis de quo-  
 dam Authore : (b) „ Ne schismaticus (inquit)  
 „ inveniatur aut non Catholicus, sequatur proba-  
 „ tissimam Romanæ Ecclesiæ autoritatem : ut,  
 „ unde Catholicæ Fidei initia accipimus, inde exem-  
 „ pla salutis nostræ semper habeamus. Ne mem-  
 bra

(a) *Hom. in fest. Petri & Pauli.* (b) *Ep. 79.*



bra à Capite sepatentur suo , ne Claviger Regni  
Cœlestis abjiciat, quos à suis deviâsse cognove-  
rit Doctrinis.

Author librorum Carolinorum, quantumcun-  
que oppositus religioso cultui, quem Ecclesia Catho-  
lica Sanctis Imaginibus tribuit, tamen Sanctam Se-  
dem ut Fidei regulam agnoscit : (a) „ Qualiter  
(inquit) „ Romana Ecclesia cæteris Ecclesiis à Do-  
mino prælata, & à fidelibus consulenda sit, profe-  
quamur, præsertim cùm non ab aliis Scripturis  
nisi ab his, quas illa inter Canonicas recipit, testi-  
monia sint assumenda, nec aliorum Doctorum,  
nisi eorum, qui à Gelasio, vel aliis Sanctæ Sedis  
illius Pontificibus suscepti sunt, Dogmata sint am-  
plectenda. Et postquam dixerat, quòd Hiero-  
nymus, quem Damasus Papa consulebat, ipse hunc  
Papam super Fidei rebus consuleret, hæc addit :  
Quod regulariter omnes Catholicæ debent ob-  
servare Ecclesiæ, ut ab ea post Christum ad mu-  
niendam Fidem adjutorium petant, quæ non ha-  
bens maculam, nec rugam, & portensosa hære-  
sum Capita calcat, & fidelium mentes in Fide  
corroborat.

Hincmarus celebris Rhemorum Archiepisco-  
pus de Ecclesia Romana disserens : (b) „ Con-  
sulescentes (inquit) „ ante omnia, sicut & prima  
est in toto orbe omnium Ecclesiarum mater, San-  
ctam Catholicam & Apostolicam Romanam Ec-  
clesiam : quæ non ab homine neque per homi-  
nem, sed Dominum Jesum Christum, sicut Pe-  
trus & Paulus Apostolatum, ita & hæc Sancta Se-  
des omnium civitatum meruit principatum. Et  
L 5 paulo

(a) l. l. c. 6. (b) De Præd. p. 150. & 151.



paulò inferiùs : (a) ,, Pii, devotiis atque Catho-  
 ,, licis, hoc potest & debet sufficere, quod omnium  
 ,, Ecclesiarum Mater Sancta Catholica atque Apo-  
 ,, stolica docet Romana Ecclesia. Ipsa enim ut  
 ,, Mater nos Christo genuit, nos Religione nutri-  
 ,, vit, nos Doctrinà instruxit, nos sicut in Sancto  
 ,, Petro à Christo firma petra accepit, Doctores in-  
 ,, stituit, & Catholico lacte nutritos, & ad virum  
 ,, perfectum perductos, ad docendum alios infor-  
 ,, mavit. Et alibi : (b) ,, De omnibus (inquit)  
 ,, dubiis vel obscuris, quæ ad rectæ Fidei tenorem,  
 ,, vel pietatis Dogmata pertinent, Sancta Romana  
 ,, Ecclesia, ut omnium Ecclesiarum Mater & Ma-  
 ,, gistra, nutrix ac Doctrix est consulenda, & ejus  
 ,, salubria monita sunt tenenda.

Neque aliud tenet Theodorus Studita, sic enim  
 Papam alloquitur : (c) ,, Audi Apostolicum Ca-  
 ,, put à Deo electe Pastor ovium Christi, Claviger  
 ,, Regni Cælorum, Petra Fidei, per quam ædificata  
 ,, est Ecclesia Catholica. Nam tu es Petrus, Petri  
 ,, Sedem exornans & gubernans. . . . Huc ades, ab  
 ,, Oriente exurge, tibi dixit Christus ; Et tu ali-  
 ,, quando conversus confirma fratres tuos. . .  
 ,, Vos igitur verè illimis fons, ac sincerus, jam inde  
 ,, ab initio veræ Fidei. Vos ab omni Hæretico-  
 ,, rum procella longè positi, securus totius Eccle-  
 ,, siæ portus. Vos à Deo electa Civitas ad salutis  
 ,, refugium. Et alibi : (d) ,, Quòd si (inquit)  
 ,, hoc minimè probet Imperator, deflexitque, ut  
 ,, ipse ait, à veritate Nicephorus Antistes, mitteren-  
 ,, da est ad Romanum ex utraq; parte Legatio, & in-  
 da

(a) p. 152. (b) de divor. p. 561. (c) apud Con-  
 nad. defen. Concil. Florent. c. 5. (d) l. 2. Ep. 129.



de Fidei accipienda certitudo. Decisio igitur Summorum Pontificum in materia Fidei tam in Oriente, quàm in Occidente tanquam iudicium, quod in dubium revocari non posset, suspiciebatur.

## CAPUT X.

Quæ à tempore Schismatis lis fuerit inter Græcos & Latinos de Authoritate Summorum Pontificum.

Qui leviter & quasi in cortice tantum errorem Græcorum schismaticorum quoad Summos Pontifices examinârunt, in eo præcipue illum consistere arbitrantur, quod ipsorum Primatum super omnes Ecclesiæ Catholicæ Episcopos negent. Verum doctiores inter Græcos schismaticos, qui de causis hujus scissionis scripsêre, declarant, quod dictus Primatus illius causa non sit, facile quippe conveniunt, quod Papa sit Caput Ecclesiæ, quodque ut talis jus habeat præsidendi in Conciliis Oecumenicis. Si contrarium tueri voluissent, necesse profecto fuisset, ut non tantum acta Conciliorum Oecumenicorum, verum insuper innumerabilia alia adhuc antiqua propriæ suæ Ecclesiæ monumenta, per quæ hic Primatus invictè probatur, igni adjudicassent. Jam primo hujus Tractatûs Capite vidimus, quod Nechites Archiepiscopus Nicomediensis sæculo duodecimo absque ulla tergiversatione de Primatu Papæ ultrò convenerit; ipsius verò absolutam potestatem, Decisionumque Infallibilitatem

tem solummodò in controversiam traxerit. Nilus Cabasilas Archiepiscopus Thessalonicensis sequenti saeculo eadem sustinet in opere, quod de Primatu Papæ composuit. Postquam ibidem dixerat, Papæ Primatum non esse causam schismatis, hæc esse affirmat: (a) „ Quòd scilicet quæstio controversa „ sa communi Oecumenicæ Synodi Decreto non „ sit confirmata, quòd ejus solutio, ac explicatio „ non fiat ex veteri Patrum in ejusmodi negotiis „ consuetudine. Sed quòd Romani Magistrorum „ partes in hac quæstione sibi sumant, alios verò in- „ star Discipulorum dicto audientes habere velint. In contextu dein Infallibilitatem à fronte adoritur, eamque ab ipso etiam D. Petro remover. „ Quòd „ verò impossibile sit (inquit) „ Papam à rectitudi- „ dine Dogmatum aberrare, id etiam ipsius Petri „ successionem excedit. Ille enim etiam impe- „ git &c. Verùm cum ipsi Agathonis Epistolæ Concilio Oecumenico sexto insertæ, in qua dicitur, quòd *Apostolica Petri Ecclesia nunquam à via veritatis in qualibet erroris parte deflexerit*, satisfaciendum esset, illicò respondet, quòd Agatho Papa non prætenderit, ut id ad litteram explicaretur. At satis superque advertens, hac responsione objectioni non satisfactum iri, aliam quærit asserens; quòd tantùm de illo tempore, quod illum præcesserat, locutus sit, nec in ea futurum tempus includi voluerit, neque etiam id aliter à Sancta Synodo, quippe quæ Honorium damnavit, intelligi potuerit.

„ De præterito tempore locutus est, futurum „ non inclusit. Fatetur autem hic Author, quòd absque

(a) Nilus de Prim. Papæ.



absque Papa nulli Ecclesiastici Canones condi possunt ; sed insimul contendit, quòd neque Papa hujusmodi Canones condere possit absque aliis Patriarchis : „ Ecclesiastici Canones non possunt constitui sine Papa : sed neque Papæ id licet sine aliis, quamdiu certè Apostolicis Legibus pareat.

En igitur Controversiæ Latinos inter & Græcos super autoritate Summi Pontificis punctum ab hoc authore præclare fixum, quod pluribus adhuc aliorum Græcorum testimoniis probare valerem.

Si modernos Theologos Gallos, qui Summorum Pontificum Infallibilitati adversantur, super ista Græcorum cum Latinis contentione consulere, extemplò ad Græcorum partes accederent ; & verò id ultrà sanè, quàm oporteat, de facto præstant, sive cum Summos Pontifices Conciliis subjiciunt, sive dum contendunt, plures Summos Pontifices errasse, sicque de hac quæstione non aliter quàm Cabillas ratiocinantur, Dispicendum ergo est, num Galliæ aliorumque Nationum Theologi, qui pro Ecclesia Latina adversus Græcos schismaticos calumniam strinxerunt, ejusdem cum modernis quibusdam Theologis Gallis mentis fuerint manusque hac in parte Græcis dederint ; aut num non potius contrarium, ut Ecclesiæ Doctrinam propugnarent. Et verò haud difficile erit mihi demonstrare, quòd omnes pro Summorum Pontificum Infallibilitate eorumque super ipsa Concilia superioritate se declararint.

Initium sumo ab Ænea Episcopo Parisiensi, qui tempore Photii, id est, nono Ecclesiæ sæculo scripsit adversus ineptas exprobrationes, quas tunc Græci in Latinos jaciebant, quas inter hæc erat, quòd



quòd nempe Privilegia Ecclesiæ Romanæ unà cum Imperio ad Constantinopolitanam emigrâssent. Hic Episcopus, ut hanc chymeram refuraret, postquam demonstrâssent, Orientalem Ecclesiam illam ipsam esse, quæ Hæresiarchas plerosque produxisset, ipsamque Constantinopolitanam Sedem ab hac labe immunem non fuisse : (a) „ Non verò (addit) „ in Romana Sede, Deo Rectore, tale unquam contigit dedecus, ut aliquis Hæresiarches eidem præsideret, quam Summus Apostolorum Princeps suâ sessione illustravit, & suo sanguine consecravit, cui suas regendas oves Dei filius, speciali curâ commisit, nec mirum, quia ipsi dictum fuerat : Tu es Petrus, & super hanc Petram ædificabo Ecclesiam meam. Et tibi dabo Claves Regni Cælorum. Ergo cui propriâ authoritate Regnum dabat, hujus Fidem firmare non poterat ? quem cum Petram dicit, firmamentum Ecclesiæ judicavit. Ex his apparet, quòd Æneas puritatem Fidei Sedis Apostolicæ fundet in promissione Christi Divo Petro facta, prout tota semper præstitit antiquitas. Et ne cuiquam dubium esset, quin Infallibilitatem tueretur, statim iis, quæ de Liberio Papa objici possent, ita responderet : „ Quamvis à Fidei tramite non deviare, exilio & minis Ariani Principis territus, non virtute, quâ debuit, perdidit, „ Arianis viriliter repugnavit.

Cum verò opus illud Æneas nihil fermè aliud sit, quàm collatio testimoniorum ex Sanctis Patribus & Summis Pontificibus circa hunc articulum congestorum, inter alia refert unum ex Gelasio Papa, (b) ubi dicit, quòd Summi Pontifices potestatem

(a) *Tom. 7. spicil. p. 4.* (b) *p. 104.*



tem habeant de Univerſa judicandi Eccleſia, nec  
cuiquam facultas ſit aut poteſtas eos judicandi illo-  
rumque judicia in examen revocandi. Quòd ab  
omni iudicio ad eos appellari poſſit, ab ipſorum au-  
tem ſententia appellare nulli fas ſit. Imò *Aeneas*  
ſub fide certorum quorundam monumentorum  
narrat, quòd *Constantinus Imperator* pro reveren-  
tia erga Summos Pontifices Romam reliquerit: (a)  
„ Dicens (inquit) „ non eſſe competens duos Im-  
„ peratores in una Civitate ſimul tractare commu-  
„ ne Imperium, cùm alter foret terræ, alter Eccleſiæ  
„ Princeps. Addit inſuper, quòd Imperator vo-  
„ luerit, ac decreverit, ut Summus Pontifex Eccleſiam  
in perpetuum tanquam ſupremus quidam proprio-  
rum ſtatuum Princeps iurèque Regio gubernaret.  
„ In quibus etiam inter alia ſpecialiter continere  
„ voluit, ut apicem omni Principatûs Romanus  
„ Papa ſuper omnem Eccleſiam, eiùſque Pontifi-  
„ ces perenniter, velut iure Regio retineret. Hæc  
eſt Idea, quam nobis de Romanis Pontificibus *A-*  
*eneas* ob oculos ponit, conſequenter illa ipſa, quæ  
ſæculo nono in Gallia omnium mentes occupabat.  
Idea ſanè longè ab ea diverſa, quam moderni Galli  
libenter nobis imprimerent.

*Ratramus Monachus Corbeienſis* ejuſdem ſæ-  
culi Scriptor eandem nobis Ideam in opere, (b)  
quod adverſus Græcos edidit, atque Imperatori *Ca-*  
*rolo Calvo* dedicavit, ante oculos ponit. Ibi poſt-  
quam dixerat, quòd *Epifcopo Constantinopolitano*  
nullibi niſi in ſua Diœceſi iurisdictione aliqua compe-  
teret: „ Sed Romano Pontifici (inquit) „ huius  
„ ſollicitudinis curam antiquitùs eſſe commiſſam,  
ad

(a) p. 111. (b) *ſpic. tom. 2. p. 156.*



„ ad quem omnes Ecclesie Christi respiciant : &  
 „ cuius sit officii de singulis Ecclesiasticis ratione  
 „ bus disponere, eamque tenere singulas Provin-  
 „ cias Ecclesiasticarum causarum formam, quam  
 „ Pontifex Romanus constituerit, vel concesserit :  
 „ quod approbant Pontificum Decreta Romano-  
 „ rum ; omnibus Christi Ecclesiis tam per Ori-  
 „ tem quam per Occidentem positae directa, quae  
 „ veluti Leges Ecclesiasticorum negotiorum, & ob-  
 „ servantur ab omnibus & suscipiuntur. Adde  
 „ praeerea : (a) „ Quod iis, quae Imperatores Grae-  
 „ ci Ecclesie Constantinopolitanae attribuerentur  
 „ ab antiquitate, antiquitas nulla suffragetur, Synodo-  
 „ rum Decreta nulla, Imperatorum Pragmatica  
 „ nulla, quae etsi aliqua monstrarentur, auctoritatis  
 „ pondus obtinere nequirent sine Romani Ponti-  
 „ ficis adstipulatione ; cuius tantae manet antiqui-  
 „ tate tribuente potestatis jus, ut sine permissionis  
 „ illius auctoritate nec Constantinopolis, nec ulla  
 „ Civitas Orientalis vel Occidentalis, obtinere pri-  
 „ vilegia valeat potestatis, nisi quae fuerint à Roma-  
 „ no Pontifice vel concessa vel roborata, ipsi vero  
 „ maneat potestas atque sollicitudo omnium Eccle-  
 „ siarum concedendi vel disponendi, quaecumque  
 „ Ecclesiasticis utilitatibus, secundum Ecclesiasti-  
 „ cas Regulas probata fuerint deservire. Et ite-  
 „ rum : (b) „ Ex antiquis monumentis cernimus  
 „ (inquit) „ omnino Romani Pontificis auctori-  
 „ tatem, super cunctas Ecclesias Christi praeminere,  
 „ ut omnes Episcopi illum habeant Caput, & ad e-  
 „ jus jus iudicium pendeat, quidquid in Ecclesiasticis  
 „ negotiis disponitur, ut ex ejus arbitrio, vel maneat



neat constitutum, vel corrigatur erratum, vel san-  
ciatur, quodcumque fuerit innovandum. Et re-  
verà omnes Orientales Ecclesiæ, simul & Occi-  
dentales Romanæ Civitatis Præsulem semper  
quasi Caput Episcoporum venerati sunt, & ad e-  
jus sententiam respexerunt, & de rebus dubiis  
quæcumque decrevit, ejus judicium sustinuerunt,  
illiúsque Decreto paruerunt. Quæcumque Con-  
cilia ejus sententia roborata sunt, rata manserunt:  
quæ verò damnavit, pro nihilo reputata fuerunt,  
nec auctoritatem ullam habere potuerunt. Hæc  
omnia fusè probat Rarramus; unde liquet, quòd  
adversùs Græcos absolutam super omnes totius or-  
bis Ecclesias Papæ potestatem nec non illius super  
Concilia superioritatem Infallibilitatémque propu-  
gnet ac tueatur.

Cùm sæculo undecimo Michaël Patriarcha  
Constantinopolitanus schisma renovasset, Leo Papa  
nonus ad illam Urbem Legatos misit, qui, cùm fru-  
strà (obnitente videlicet hujus Patriarchæ pervaciâ)  
Ecclesiæ pacificationem ac reintegrationem tentas-  
sent, illi anathemate dicto, infectis rebus redire co-  
acti fuerunt. Horum Legatorum unus erat Hum-  
bertus Cardinalis Candidæ Sylvæ, qui ea, quæ Græci  
super pane Azymo aliisque quibusdam ritibus, Lati-  
nis objiciebant, refutavit. Cùm autem in illis  
Græcorum scriptis, quæ refutabat, nihil de Papæ au-  
thoritate dictum esset, quæstionem hanc in suis re-  
sponcionibus non tetigit. Verùm cùm unius ho-  
rum scriptorum Author, Nicetas Pectoratus Mona-  
chus nempe, ipsemet præsentem Imperatorem Constans-  
tino Monomacho iutra Legatorum manus ea, quæ  
adversùs Romanam universamque Latinam Eccle-



fiam ratione Azymorum, Sabbati & Matrimonii Sacerdotum scripserat, anathematizasset, id tamen Legatis nondum satis fuit, sed insuper ipsum adegerunt, ut omnes eos, qui negarent Ecclesiam Romanam esse primam omnium Ecclesiarum, aut illius semper Orthodoxam Fidem vel in minimo præsumerent reprehendere, anathematizaret. (a) „ Insuper anathematizavit cunctos, qui ipsam Sanctam Ecclesiam Romanam negarent primam omnium Ecclesiarum esse, & qui illius Fidem semper Orthodoxam præsumerent in aliquo reprehendere. Post quæ Nicetas sequenti die ad Legatos se contulit, à quibus tam probè instructus fuit, ut de omnibus convictum cum in suam communionem ad amicitiam receperint.

Sub prædicti sæculi finem S. Anselmus Archiepiscopus Cantuariensis in Tractatu, quem adversus Græcos de processione Spiritus Sancti edidit, sibi ipsorum nomine hæc objicit: Cur Symbolo additum fuerit, *Filióque*? Item, quòd, si hoc faciendum fuisset, cur priùs negotium istud Ecclesiæ Græcæ non fuerit communicatum, ut super eo deliberaretur, hæcque additio communi consensu fieret? Primæ objectioni sic respondet: (b) „ Si quæritur, cur hoc factum sit, dicimus, quia necesse erat propter quosdam minùs intelligentes. Secundæ verò, cur nempe desuper à Græcis nullum consilium expetitur fuerit? ita satisfacit: „ Respondemus, quia & erat nimis difficile eorum Episcopos de hac re colligere, nec erat necesse, unde non dubitant hoc in quæstionem adducere.

(a) *Bibliot. PP. tom. 18 p. 415.* (b) *l. de process.*  
p. 5. 6. 22.



re. . . . . Quantò magis licuit Latinis hoc constanter proferre, in quo omnes Gentes & omnia Regna, quæ Latinis utuntur litteris, pariter concordant.

Hæ autem Sancti Anselmi responsiones necessario supponunt, fuisse in Ecclesia Latina quandam auctoritatem Concilii Oecumenicis vel superiorum, vel ad minimum æqualem, eamque Infalibilem. Nam Græcorum objectio inde proveniebat, quòd scilicet Generalia Concilia prohibuissent, ne quidquam Concilio Constantinopolitano adderetur.

Hugo Ethevianus Tuschus in Tractatu, (a) quem sæculo duodecimo Constantinopoli edidit, expressius adhuc desuper mentem suam exponit, sic enim loquitur: „ Si Constantinopolitana Synodus Nicæno adjecit Symbolo; In Spiritum Sanctum Dominum & Vivificantem ex Patre procedentem; si Calcedonensis Synodus quæque Constantinopolitanæ addidit Synodo: Perfectum in Divinitate, perfectum in humanitate &c. nulla reprehensione, nullaque calumnia notandus est antiquioris Romæ Antistes, quòd causâ interpretationis dictionem unam, ex filio procedere Spiritum, Sanctorumque plurium Episcoporum, scientissimorum Cardinalium consensu habito, apposuerit. Licuit enim ei semperque licebit fratres confirmare, Decreta edere, & cudere interpretationes, sicubi aliquid obscure scriptum sit.

Cùm verò eodem sæculo Anselmus Avellbergensis Episcopus ab Imperatore Lothario Legatus

(a) l. 3. c. 16.



Constantinopolim missus fuisset, indictum ante colloquium super articulis, quæ binas dividebant Ecclesias, cum Nechite Nicomediensi Archiepiscopo, ad hoc, tanquam suæ gentis viro eruditissimo, delecto, iniiit. Unus autem hujus colloquii seu collationis articulus de Romano Pontifice institutus est; nec ibi quæstio fuit de ejus Primatu, quippe quem Nechites ultrò agnoscebat, ut Capite primo ostendi, sed de ejus absoluta duntaxat potestate ac Infallibilitate, quam Græci ferre non poterant. Anselmus è contrario utrumque tanquam ad Fidem spectans propugnavit. Sufficit ad omnium convictionem, ea ipsa, quæ dictus Episcopus hac de re profert, retulisse. Paulò quidem prolixiora sunt, at, ut spero, nullam cuiquam molestiam creabunt. Postquam igitur de Patriarchis Alexandrino & Antiocheno, qui propter D. Petrum quasdam Prærogativas meruerunt, differuisset, hæc addit: (a) „ Ad hoc etiam Sancta Romana Ecclesia præ cæteris à Domino prælecta speciali privilegio ab ipso donata est, & beatificata, & quasi quadam prærogativa omnibus Ecclesiis præmiuet, & jure Divino antecellit. Aliis namque diversis in temporibus variis Hæresibus occupatis, & in Fide Catholica nutantibus, illa supra Petram fundata, & solidata semper mansit inconvulsa, nullis fallis & sophisticis Hæreticorum argumentis à simplicitate Fidei . . . avelli potuit; quia scuto Divinæ Sapientiæ, Domino largiente, contra dolosas quæstiones semper munita fuit. . . Unde & Dominus minus sciens alias Ecclesias Hæretica impulsione nimium vexandas, & Romanam Ecclesiam, quam

(a) *Spicil. tom. 13 p. 204.*



quam ipse supra Petrum fundaverat, nunquam in Fide debilitandam dixit Petro : Ego rogavi pro te, ut non deficiat Fides tua ; & tu aliquando conversus confirma fratres tuos ; ac si aperte ei dicat : Tu qui hanc gratiam accepisti, ut aliis in fide naufragantibus, semper in Fide immobilis, & constans permanes, alias vacillantes confirma & corrige, & tanquam omnium Provisor, & Doctor, & Pater, & Magister, omnium curam, & sollicitudinem gere. Merito ita privilegium prælationis super omnes accepit, qui in confervanda integritate Fidei præ omnibus privilegium à Domino susceperat.

Ulterius idem Author : (a) „ Quocirca (inquit) „ nulli fidelium convenit aliquatenus dubitare seu in quæstionem ponere, sed firmissimè tenere, quòd Petrus à Domino Princeps Apostolorum sit constitutus ; Quemadmodum autem solus Romanus Pontifex vice Petri vicem gerit Christi ; ita cæteri Episcopi vicem gerunt Apostolorum sub Christo, & vice Christi sub Petro, & vice Petri sub Pontifice Romano ejus Vicario. Nec in hoc aliquatenus derogatur alicui Apostolorum, si unicuique humiliter suum attribuitur officium.

Anselmus denique ad ipsum Nechitem orationem vertens : (b) „ Ecce vides (inquit) „ quasilibet Hæreses hic & ubique exortas à Petra Fidei per Petrum Apostolum collisas & destructas, itaque non solum ex prædictis, verum etiam ex aliis multis Conciliis per Orientem celebratis, nec non etiam ex plurimis Africanorum Conciliis, in quibus

M 3

(a) c. 10. p. 216. (b) c. 12. p. 224.



bus variæ Hæreses damnatæ sunt, constat Romam  
nam Ecclesiam duo privilegia Divinitus habere,  
videlicet præ omnibus incorruptam puritatem Fidei  
dei, & super omnes potestatem judicandi.

Nullus à me expetet, ut reor, quatenus plura  
ex isto Authore adducam. Sed ut liquidò constet,  
quòd in hoc Colloquio de Suprema Romani Pontifi-  
cis potestate ac Infallibilitate quæstio agitata fuerit,  
unicam hinc ex Necessitatis Responsionibus solummodò  
adducam; (a) „ Quæ si ita sint (inquit) „ quid  
igitur nobis Scripturarum Scientia? quid nobis  
litterarum studia, quid Sapientum Græcorum nobilissima  
ingenia? sola Romani Pontificis auctoritas, quæ, sicut tu dicis, super omnes est, univ-  
ersa hæc evacuat. Solus ipse sit Episcopus, solus  
Magister, solus Præceptor, solus de omnibus  
sibi soli commissis soli Deo sicut solus bonus Pa-  
stor respondeat. Quòd si autem in vinea Domini  
cooperatores habere velit, servato sibi suo Pri-  
matu sua exaltatio ipsi humilitatis præbeat moti-  
vum, neque fratres suos despiciat, quos Christus  
Jesus, qui Veritas est, in sinu Ecclesiæ genuit, ut  
liberi sint, non ut mancipia efficiantur. Et in-  
ferius; „ Hæc de Ecclesia Romana elocutus sum  
(inquit) „ non ut te ostenderem, enimverò illam  
æquè ac tu veneror, quamvis illam tecum in om-  
nibus non sequar, nec id opus esse arbitrer. In-  
terim iis omnibus, quæ de illius auctoritate pro-  
tulisti, stantibus, nihil nobis aliud reliquum foret,  
quàm ut omnes ritus nostros in administratione  
Sacramentorum absque ullo examine, imò ipsà  
inconsultâ Scripturâ desereremus, illamque quo-  
cunque



» cunque ejus cupiditas duceret , clausis oculis se-  
» queretur.

Hac sunt inconvenientia illa , quæ dictus Ar-  
chiepiscopus Nicomediensis adversus supremam  
Romanorum Pontificum autoritatem ac Infallibi-  
litatem proponebat. Viderint illi , qui nostrâ æta-  
te eandem impugnant , num non ad partes hujus  
schismatici Græci transeant , atque propemodùm ea-  
dem , quæ ille , dicant.

Occurrunt mihi decimo tertio sæculo duo fa-  
mosi Authores , qui Græcos refutarunt : Divus  
Thomas scilicet , & Sanctus Bonaventura uterque  
facultatis Parisiensis Doctores. Ambo autem , &  
absolutam Romanorum Pontificum potestatem &  
Infallibilitatem eorum tuentur. Ita desuper loqui-  
tur D. Thomas : ( a ) , Sicut autem ( inquit )  
» posterior Synodus potestatem habet interpretan-  
» di Symbolum à priore Synodo conditum , ac po-  
» nendi aliqua ad ejus explanationem , ut ex prædi-  
» ctis patet : ita etiam Romanus Pontifex hoc suâ  
» autoritate potest , cujus autoritate sola Syno-  
» dus & congregari potest , à quo sententia Synodi  
» confirmatur , & ad ipsum à Synodo appellatur :  
» Quæ omnia patent ex gestis Synodi Calcedonen-  
» sis. Nec est necessarium , quòd ad ejus exposi-  
» tionem faciendam universale Concilium congre-  
» getur , cum quandoque id fieri prohibeant bello-  
» rum dissidia : sicut in Sexta Synodo legitur ,  
» quod Constantinus Augustus dicit , quòd propter  
» imminetia bella universaliter Episcopos congre-  
» gare non potuit. Sed tamen illi , qui convenc-  
» tunt , quædam dubia in Fide exorta sequentes sen-

M ¶

ten-

(a) de poten. q. 10. a. 4. ad 13.

sententiam Agathonis Papæ determinaverunt, scilicet, quod in Christo sint duæ voluntates, & duæ actiones. Et similiter Patres in Calcædonensi Synodo congregati, secuti sunt sententiam Leonis Papæ, qui determinavit Christum esse in duabus naturis post incarnationem. Redibit occasio plura adhuc ex Divo Thoma adducendi.

Sanctus Bonaventura de eadem difficultate, (a) de qua Sanctus Thomas, agens, de processione videlicet Spiritus Sancti; sic de Græcis loquitur: Quia cum reputarent se sciolos, & vocati non fuerunt, noluerunt profiteri, quod non erat per eos inventum. Et paulò inferius addit, quod iidem Græci facti fuerint Hæretici & Schismatici, Hæretici quidem, eo quod opinionem suam tueri volentes auctoritati Romanæ Ecclesiæ obsistere ausi sint; Schismatici verò, eo quod ab ejus unitate recesserint.

Possem hîc alios adhuc Autores adducere, qui adversus Græcos dimicantes Summorum Pontificum Auctoritatem eorumque Infallibilitatem propugnârunt, verùm hi sufficiunt ad demonstrandum, quod in illa quoad Papam contentione de his duobus articulis quæstio principaliter agitata fuerit.

Quod si quis quærat, quid hi duo articuli ad quæstionem de processione Spiritus Sancti, quæ contentions illius principale objectum erat, faciant? Respondeo, quod essentialem ad eandem habuerint relationem; & quidem hoc modo: Summus Pontifex additionem illam *Filiusque* Symbolo factam auctoritate suâ firmârat, atque per hanc authorisationem definiêrat Spiritum Sanctum æquè à Filio ac Patre

(a) l. I. di. II. c. I. q. 1.



Patre procedere. Atque nonnisi suprema in Ecclesia autoritas, Symbolo in Secunda Synodo Oecumenica confecto, omniumque subsequantium Conciliorum autoritate firmato cum expressa etiamnum prohibitione, ne quis in posterum quidquam in eo mutare præsumeret, aliquid addere poterat. Non nisi item Infallibilis quædam autoritas Fidei articulum definire poterat. Primum igitur adversus Græcos justificari non poterat, nisi ipsis probaretur ac demonstraretur Papam pollere autoritate ipsis etiam Oecumenicis Conciliis superiore; sed & neque secundum, nisi illum in suis decisionibus infallibilem asserendo. Et hoc est, quod Catholici, qui Ecclesiam adversus Græcos Schismaticos defenderunt, semper propugnârunt.

Libenter viderem, quomodo Theologus ille, qui hos duos articulos negat, si ipsi res cum perito quodam Græco intercederet, se extricare quiret? videretur mihi, quod Græcus ille hujus Theologi principis insistens ipsum cogere ad hæc duo facienda: Primum, quod de Fide non sit Spiritum Sanctum ex Filio procedere; alterum, quod Latini additionem illam *Filioque* faciendo contra ordinem à Christo in sua Ecclesia stabilitum prævaricati sint. Sic enim Græcus ille argumentaretur: Secundum vos Domini mei Theologi Galli, Papa decidendo articulum quemdam, non potest fideles ad suam decisionem tanquam Fidei articulum recipiendam obligare, quippe cum Autoritas illius infallibilis non sit: ad hoc requiritur consensus totius Ecclesiæ vel congregatæ vel saltem dispersæ, illi enim soli Christus Infallibilitatem in Fidei Dogmatibus promisit. Atqui

articulus processionis Spiritûs Sancti ex Filio æquè ac ex Patre ante nostram separationem in nullo Concilio Oecumenico definitus fuit, ut ipsimet concedere cogimini; nec ab Ecclesia dispersa definitus fuit; nos enim Græci, qui tunc, cum, prout contenditur, à Papa decisus fuit, mediam ad minimum Ecclesiæ partem componebamus, nullatenus ei consensimus, verùm contra reclamavimus, contrariamque semper professi sumus Doctrinam. Ergo ille articulus secundùm vestra principia non poterat pro articulo Fidei haberi, donec in aliquo Oecumenico Concilio pro tali decisus fuisset. Unde immeritò nobiscum tanquam Schismaticis & Hæreticis hætenus actum est, quòd Decisioni, quæ vobis ipsis ultrò fatentibus fallibilis erat, acquiescere reuerterimus. Et quia ab eo tempore nostri Episcopi semper in hac sententia perstiterunt, eosque repudiârunt, qui ex nostra natione in quibusdam Conciliis eidem articulo consenserunt, semper quoad hoc punctum in eodem statu, in quo initio eramus, permanemus, sempèrque Jus retinemus asserendi, quòd articulus iste ex consensu totius Ecclesiæ nunquam definitus fuerit.

Quod additionem Symbolo factam spectat, cum vos ipsi concedatis, quòd nulla autoritas illud, quod semel in Conciliis Oecumenicis determinatum fuit, mutare aut attingere possit; Ex quo plura Concilia Generalia expressè prohibuerunt, ne quis vel minimum in Symbolo Constantinopolitano tangere præsumeret, imò quædam Synodi in illos, qui ei quidquam addere vel demere ausi fuissent, anathema pronuntiârunt, diffiteri haud poteritis, quin ii, qui hanc additionem fecerunt, anathema in-



Incurrerint ; & quia Univerſa Latina Eccleſia hanc additionem fecit, vel ſaltem acceptavit, concludere oportet, quòd Univerſa veſtra Eccleſia in anathema lapſa ſit, atque contra ordinem à Chriſto Domino pro regimine ſuæ Eccleſiæ ſtabilitum prævaricata fuerit.

Vix ac ne vix quidem capio, qui Theologus Gallus ille ſe manibus hujus Græci ſubripere valeret. Peritiſſimum quemdam illorum, quorum opera habemus, deſuper conſulere, quidque huic Græcæ objectioni reſponderet, perſpicere placuit ; at ſanè nihil debilius reſutatuque facilius inveni, quàm id, quòd, ut ſe hoc incommodo ac difficultate liberet, in medium proferat.

Authores verò Catholici, qui ſæculo nono & ſequentibus adverſus Græcos calamum ſtrinxerunt, nullam prorsùs hìc difficultatem aut incommodum ſenſere ; ipſorum ætate Eccleſia nullatenus dubitabat, quin Papa poteſtate omnibus Conciliis ſuperiore gauderet, ejùſque Deciſiones in materia Fidei Infallibiles forent, omnè que fideles ad interiorem aſſenſum obligarent.

## CAPUT XI.

De mente Patrum & Authorum Eccleſiaſticorum ſuper Authoritate Romanorum Pontificum, eorùmq; in materia Fidei Infallibilitate à Sæculo nono ad Scholaſticorum uſque tempora.

**I**nitium ſumo ab Authore Annalium Metenſium, qui ad annum 865. ita loquitur ; „ Tiedgaw-  
duſ,

„ dus, & Guntarius Romam proficiscuntur, ut Coe-  
 „ piscopos suos ostenderent Ecclesiastica atque A-  
 „ postolica exercuisse Decreta : Stultitiæ clogio  
 „ denotandi, qui illam Petri Sedem aliquo pravo  
 „ Dogmate fallere posse arbitrati sunt, quæ nec fe-  
 „ fellit, nec ab aliqua unquam Hæresi falli potuit.

Raterius Episcopus Veronensis, qui initio sæcu-  
 li decimi floruit, in suo itinerario ita de Ecclesia Ro-  
 mana loquitur : (a) „ Quâ ignorantia, quo me-  
 „ lius exui, quo aptius possum, quàm Romæ doce-  
 „ ri ? Quid enim de Ecclesiasticis Dogmatibus a-  
 „ licubi scitur, quod Romæ ignoretur ? illic Sum-  
 „ mi illi totius orbis Doctores, illic præstantiores  
 „ enituerunt Universalis Ecclesiæ Principes, illic  
 „ Decretalia Pontificum uniuersorum congregatio,  
 „ examinatio Canonum, approbatio recipiendorum,  
 „ reprobatio spernendorum ; postremò nus-  
 „ quam ratum, quod illic irritum, nusquam irritum,  
 „ quod illic ratum fuerit visum. Ubinam ergo  
 „ melius insipientiæ consulitur meæ, quàm ubi  
 „ fons sapientiæ cernitur esse.

Sanctus Petrus Damiani in Epistola ad Anti-  
 papam Honorium Secundum inter alia sic loqui-  
 tur : (b) „ Præterea si eos Sacri Canones Hære-  
 „ ticos notant, qui cum Romana Ecclesia non con-  
 „ cordant, qua tu iudicaberis dignus esse sententia,  
 „ qui &c.

Alibi de istius Ecclesiæ dignitate ad Clerum  
 Populūque Mediolanensem sermonem faciens :  
 (c) „ Quo pacto (inquit) „ honore indiget  
 „ parvuli hominis, quæ laudes atque præconia ex  
 „ ipsius

(a) *Spicil. to. 2. p. 267.* (b) *l. 1. Ep. 20. p. 18.*  
 (c) *Tom. 3. opusc. 5. p. 32.*



» ipsius ore sortita est Salvatoris ? quæ autem Pro-  
» vincia per omnia Regna orbis terrarum ab ejus  
» ditione extranea reperitur, cujus arbitrio ipsum  
» quoque Cælum ligatur & solvitur ? omnes au-  
» tem sive cujuslibet Patriarchivi apicem, sive Me-  
» tropoleon Primatus, aut Episcopatum Cathedras,  
» vel Ecclesiarum cujuscunque Ordinis digni-  
» tatem, sive Rex sive Imperator, sive cujuslibet  
» conditionis, homo purus instituit, & prout vo-  
» luntas aut facultas erat, specialium sibi prærogati-  
» varum jura præfixit : Romanam autem Eccle-  
» siam solus ille fundavit, & super Petram Fidei  
» mox nascentis erexit, qui beato vitæ æternæ Cla-  
» vigeri terreni simul & Cælestis Imperii jura com-  
» misit. Non ergo quælibet terrena sententia, sed  
» illud Verbum, quo constructum est Cælum &  
» terra, per quod denique omnia condita sunt ele-  
» menta, Romanam fundavit Ecclesiam. Illius  
» certo privilegio fungitur, illius autoritate fulci-  
» tur. Unde non dubium quid . . . qui Roma-  
» næ Ecclesiæ privilegium ab ipso Summo omnium  
» Ecclesiarum Capite traditum auferre conatur,  
» hic procul dubio in Hæresim labitur, & hic dicen-  
» dus est Hæreticus. Fidem quippe violat, qui  
» adversus illam agit, quæ Mater est Fidei : & illi  
» contumax invenitur, qui eam cunctis Ecclesiis  
» prætulisse cognoscitur. Et in fine Opusculi :  
» (a) „ Ecce (inquit) „ omnem discretionis illius or-  
» dinem apud Mediolanensem Urbem habitum bre-  
» viter exposuimus : adhuc tamen utrùm Sedis A-  
» postolicæ judicio placeat, ignoramus. Nos  
» enim si quid erravimus, ad Petri Magisterium cor-  
»

ii.

„ rigendi libenter accedimus, & retractationis op<sup>us</sup>  
 „ probrium non veremur. Hæc est enim illa, ut  
 „ ita loquar, officina fabrilis, cui nimirum is, qui  
 „ fabri dicebatur filius, præsidet, ad cuius regulam  
 „ omnis merito moneta reducitur, ad cuius rectitu-  
 „ dinis lineam, quidquid uspiam fuerit deprava-  
 „ tum, reformatur.

Idem denique Sanctus ad quemdam Orientis  
 Patriarcham ratione processionis Spiritûs Sancti  
 scribens, sic eum alloquitur : (a) „ Laudabilis  
 „ planè Sanctitatis vestræ prudentia, quæ solven-  
 „ dam Sancti Spiritûs quæstionem, non ad alium  
 „ quempiam, sed ad Petrum specialiter, quem Cæ-  
 „ lestis Sapientiæ & Potentiæ Claves accepisse in-  
 „ dubitanter agnoscit. Nec decebat tantæ Dig-  
 „ nitatis & Sapientiæ Virum, ab alio Mysterii Cæ-  
 „ lestis arcana requirere, nisi ab illo potissimum,  
 „ quem non caro potuit, vel sanguis instruere, sed  
 „ cui Deus ipse per se sua Decreta dignatus est ape-  
 „ rire. Beatus es, inquit, Simon Bar-Jona, quia  
 „ caro & sanguis non revelavit tibi, sed Pater meus,  
 „ qui in Cælis est. Hunc enim præ cæteris mor-  
 „ talibus de toto terrarum orbe Conditor orbis ele-  
 „ git, cui Cathedram Magisterii principaliter in Ec-  
 „ clesia tenere, perpetuo privilegii jure concessit,  
 „ ut quisquis divinum aliquid ac profundum nosse  
 „ desiderat, ad hujus Præceptoris oraculum Doctri-  
 „ nâque recurrat.

Divus Anselmus Lucensis in suo adversus An-  
 tipapam Guibertum Opere sic de summa Romani  
 Pontificis potestate loquitur : (b) „ Romanus e-  
 nim

(a) *Opusc.* 38. p. 286. (b) *Bibl. PP. tom.* 18. p.



» nim Pontifex, ut Sapientes norunt, non modò  
» deponi, sed etiam nullo Christiano jure, à quoli-  
» ber potest judicari. Quoad Infallibilitatem au-  
» tem ipsius sic habet : „ Firmamentum enim Fidei  
» Christianæ in eorum Sedibus per Beatum Petrum  
» Sessorem earundem ita Deus locavit, ut si unus ex  
» tribus principalibus Patriarchis ceciderit, duo  
» stent; quòd si duo ceciderint, cum pro fide Pe-  
» tri, ne deficiat, à Christo oratum sit, unius scilicet  
» Romani Patriarchæ Fides, in qua fratres suos con-  
» firmet, nunquam deficiat. Quod utique Chri-  
» stus Deus noster jam ostendere dignatus est in U-  
» niversalibus Synodis jam octies universaliter ce-  
» lebratis. Nam uno vel duobus à Fide corruen-  
» tibus, Romanus in ejusdem fidei fundamento,  
» licèt pulsatus, licèt concussus, tamen stetit immo-  
» bilis. Cælum enim & terra transibunt, verba  
» autem ejus non transibunt, qui dixit : Tu es Pe-  
» trus, & super hanc Petram ædificabo Ecclesiam  
» meam, & portæ Inferi non pravalebunt adver-  
» sùs eam.

Sanctus Lanfranus Archiepiscopus Cantua-  
» tiensis (a) agens in quadam Synodo contra Thomam  
» Archiepiscopum Eboracensem, qui de Primatia An-  
» glia cum illo ex eo contendebat, quòd Divus Gre-  
» gorius declarare potuisset, si voluisset, quòd Privile-  
» gia, quæ Augustino concedebat, etiam ad ejus Suc-  
» cessores extendi deberent; in hæc ei respondet :  
» Quando Dominus & Salvator noster JESUS  
» Christus dixit Beato Petro : Tu es Petrus, & su-  
» per hanc Petram ædificabo Ecclesiam meam : &  
» tibi dabo Claves Regni Cælorum; potuisset

ad-

(a) *Ibid.* p. 828.

„ adjicere, si voluisset; eandem potestatem Suc-  
 „ cessoribus tuis concedo. Verum dicti præter-  
 „ missio nihil reverentiæ imminuit Successoribus  
 „ Petri. Ibisne his obviam; referésne adversa?  
 „ enimverò omnium Christianorum conscientis  
 „ est indictum, ut nihilominus quàm Beato Petro,  
 „ Successoribus ejus & minantibus adtrement, &  
 „ serenam dignitatem indulgentibus gaudenter ap-  
 „ plaudant. Estque tunc omnium demum Eccle-  
 „ siasticarum rerum rata dispensatio, si Successorum  
 „ Beati Petri fuerit comprobata judicio. Quid il-  
 „ lud agit, nisi vis Divinæ liberalitatis per Dominum  
 „ Jesum à Beato Petro in Vicarios ejus diffusa?  
 „ Ita quodam respectu Sedes Romana est genus &  
 „ totum omnium Ecclesiarum; & tamen in unaqua-  
 „ que Ecclesia totius Christianæ fidei tota regnat  
 „ integritas. Ipsa est major omnium Ecclesiarum;  
 „ & quod in ea valet, debet valere in minoribus, ut  
 „ potestas primi cujuscunque Ecclesiæ Principis in  
 „ succedentes dimanet, nisi si quid personaliter &  
 „ nominatim excipiat.

Sanctus Anselmus Divi Lanfranci in Sede Can-  
 tuariensi Successor Opus suum de Incarnatione Ver-  
 bi Urbano Papæ Secundo dedicavit: Sic igitur in  
 sua Epistola Dedicatoria dictum Urbanum Papam  
 alloquitur: (a) „ Quoniam Divina providentia  
 „ vestram elegit Sanctitatem, cui vitam & Fidem  
 „ Christianam custodiendam, & Ecclesiam suam re-  
 „ gendam committeret: ad nullum rectius alium  
 „ refertur, si quid contra Catholicam Fidem oritur  
 „ in Ecclesia, ut ejus autoritate corrigatur: nec ul-  
 „ li alii tutius, si quid contra errorem responderet,

ostendit

(a) *l. de Incar. verbi c. 1. p. 41.*



ostenditur, ut ejus prudentiâ examinetur. Ad  
quæ consequenter S. Anselmus Opus suum Centu-  
ræ Summi Pontificis subjicit. Meritò igitur Epi-  
stola Dedicatoria ista hunc præfert titulum :  
*Domino & Patri Universe Ecclesiæ in terra  
peregrinantis Summo Pontifici Urbano &c.*

Idem Sanctus de omnibus Romanis Pontifici-  
bus differens sæpiùs in suis Epistolis hæc repetit : (a)  
» Qui cum dedignantur Apostolicis Decretis, quæ  
» ad robur Christianæ Religionis Papa facit, esse  
» obedientes : Petro utique Apostolo, cujus vice  
» fungitur, imò Christo, qui Petro suam commen-  
» davit Ecclesiam, se probant esse inobedientes :  
» Quarant igitur, qui Vicarii Petri, & in eo Petri,  
» & Christi Decreta Christiana contemnunt, alias  
» Regni Cælorum portas, quia certè per illas non  
» introibunt, quarum claves Petrus Apostolus por-  
» tat. Omnes namque, qui nolunt subjecti esse  
» Legi Dei, absque dubio deputabuntur inimici  
» Dei.

Patres Concilii Quintelneoburgensis (b) in  
Saxonia propè urbem Halberstadium anno 1085.  
contra Germaniæ schismaticos celebrati, celebre ce-  
lebrant de Doctrina Catholicorum suæ ætatis super In-  
falibilitate Summorum Pontificum, eorùmq; in  
Ecclesia absoluta potestate reddunt testimonium.  
Sic enim in dicto Concilio habetur : „ Cum ergo  
» omnes juxta ordinem suum consedissent, prolata  
» sunt in medium Decreta Sanctorum Patrum de  
» Primatu Sedis Apostolicæ, quòd nulli unquam  
R. D. P. Peritdidier de Inf. Pont. N li-

(a) Ep. l. 3. Ep. 65. p. 391. (b) Concil. tom. 10. p.  
404.

„ liceat ejus iudicium retractare, & de ejus iudicio  
 „ iudicare. Quod de totius Synodi publica pro-  
 „ fessione laudatum & confirmatum est; & hoc  
 „ utique contra Henricianos, qui Fideles Sancti  
 „ Petri constringere voluerunt, ut excommunica-  
 „ tionem Domini Papæ Gregorii super Henricum  
 „ cum illis retractare præsumerent.

„ Quidam autem (addit Concilium) Bamber-  
 „ gensis Clericus nomine Gunibertus Romani  
 „ Pontificis Primatui derogare volens, in mediam  
 „ Synodum se contulit, asserens Romanos Ponti-  
 „ fices hunc sibi Primatum adscripsisse, non aliunde  
 „ concessum hæreditasse, videlicet ut nullus de eo-  
 „ rum iudicio iudicare debeat, nec illi alicujus iudi-  
 „ cio subiaceant. Qui cum apertè à tota Synodo  
 „ confutaretur, præcipuè tamen à quodam Laico  
 „ convictus est per illud Evangelicum: Non est  
 „ Discipulus supra Magistrum. Cum enim hoc  
 „ generaliter in omnibus Ecclesiasticis ordinibus  
 „ observandum deputetur, nec major à minore  
 „ iudicetur, quis hoc Vicario Sancti Petri denegare  
 „ potuit, quem omnes Catholici pro Domino &  
 „ Magistro venerantur?

Sanctus Thomas Archiepiscopus Cantuarien-  
 sis (a) celebris ille ac famosus Ecclesiasticæ liberta-  
 tis propugnator, in Epistola ad omnes Angliæ Epi-  
 scopos sic de Sancta Romana Sede loquitur:  
 „ Quis Romanam Ecclesiam Caput omnium Ec-  
 „ clesiarum & fontem Catholicæ Doctrinæ ambi-  
 „ git esse? Quis Claves Regni Cælorum Petro  
 „ traditas esse ignoret? nonne in Fide & Doctri-  
 „ na Petri totius Ecclesiæ structura confurgit, do-  
 „ nec

(a) Ep. 97.



„ nec occurramus omnes Christo in virum perfe-  
„ ctum, in unitatem Fidei, & agnitionem Filii  
„ Dei... Quicumque sit, qui rigat aut plantat,  
„ Deus nulli dat incrementum, nisi illi, qui planta-  
„ vit in Fide Petri, & Doctrinæ ipsius acquiescit,  
„ Sanè ad eum maxima populi judicia referuntur  
„ à Romano examinanda Pontifice. Et dispositi  
„ sub eo Mater Ecclesiæ Magistratus, quatenus in  
„ partem sollicitudinis acciti sunt, creditam exer-  
„ cent potestatem. Et alibi : (a) „ Solus (in-  
„ quit) „ Infidelis, aut qui eum errore superat hære-  
„ ticus aut schismaticus Apostolicis obtrectat obe-  
„ dire mandatis.

Joannes Salisburienſis S. Thomæ contempo-  
raneus & amicus loquens de Summo Pontifice hæc  
habet : (b) „ Cujus ministerio Spiritus Sanctus  
„ totius falsitatis figmenta condemnat.

Sanctus Bernardus præclarum illud ac fulgi-  
dum Sæculi duodecimi lumen, non minùs clarè,  
quàm alii de Romanorum Pontificum Infallibili-  
tate eorùmque absoluta in Ecclesiâ potestate disse-  
rit. Nam Innocentio Papæ Secundo scribens his  
eum alloquitur : (c) „ Oportet ad vestrum refer-  
„ ri Apostolatum pericula quæque & scandala e-  
„ mergentia in Regno Dei, & præsertim quæ defici-  
„ de contingunt. Dignum namque arbitror ibi  
„ potissimum resarciri damna Fidei, ubi non potest  
„ fides sentire defectum. Hac quippe Prærogati-  
„ va Sedis. Cui enim alteri aliquando dictum est ;  
„ Ego rogavi pro te Petre, ut non deficiat Fides  
„ tua ? ergo quod sequitur, à Successore Petri exi-  
„ gitur :

N 2

(a) Ep. 122. (b) Ep. 193. ad Alex. Papam. (c) Ep.

„ gitur : Et tu aliquando conversus, confirma fratres  
 „ tres tuos. Id quidem modò necessarium,  
 „ Tempus est, ut vestrum agnoscatis, Pater aman-  
 „ tissime, Principatum, probetis Zelum, ministe-  
 „ rium honoretis. In eo planè Petri impletis vi-  
 „ cem, cujus tenetis & Sedem; si vestra admoni-  
 „ tione corda in Fide fluctuantia confirmatis, si ve-  
 „ stra autoritate conteritis Fidei corruptores.  
 „ Cùm non aliud esset, quod agerem pro injuria  
 „ Fidei, quam dolebam : operæ mihi pretium ar-  
 „ bitror, si illum monui, cujus arma potentia Deo-  
 „ ad destructionem in contrarium asserentium, ad  
 „ destruendam omnem altitudinem se extollentem  
 „ adversùs scientiam Dei, & in captivitatem redi-  
 „ gendum omnem intellectum ad obsequium  
 „ Christi.

Ex hoc Divi Bernardi loco liquet, quòd nihil  
 omnium eorum omiserit, quæ adduci possunt ad In-  
 fallibilitatem Romanorum Pontificum, eorumque  
 supremam in Fidei quæstionibus in Ecclesia potesta-  
 tem nobis persuadendam. 1. Ad eorum Sedem  
 omnes quæstiones in ejusmodi materia emergentes  
 referri oportet. 2. Hoc ideo fieri debet, quia Ro-  
 mani Pontifices in Fidei Decisionibus sunt infallibi-  
 les. 3. Ipsorum Infallibilitas est fundata super  
 promissiones Christi Domini. 4. Omnes fideles  
 his decisionibus mentem suam subicere tenentur.  
 5. Cùm sic Summo Pontifici obediunt, ipsi Chri-  
 sto Domino præstant obedientiam. Agebatur illa  
 occasione de erroribus Petri Abaelardi, Divusque  
 Bernardus non suo tantùm, sed etiam omnium  
 Galliæ Episcoporum nomine scribebat. Et quam-  
 vis Synodus Senonensis Abaelardi errores, prius-  
 quam



quam Sanctam Sedem appellasset, tanquam Doctrinæ Sanctorum Patrum contrarios provisionaliter damnasset, nihilominus illius Synodi Patres totum illud negotium ad Summum Pontificem retulerunt, illumque rogârunt, ut ultimato de hoc negotio sententiam ferre dignaretur: (a) „ Nos autem (inquiunt) „ licet appellatio ista minus Canonica videretur, sed tamen Apostolicæ deferentes, in personam hominis nullam volumus proferre sententiam. Caterum sententias pravi Dogmatis ipsius, quia multos interfecerant, . . . tam verissimis rationibus, quàm Beati Augustini, aliorumque Sanctorum Patrum inductis à Domino Cavalleri auctoritatibus, non solum falsas, sed & Hæreticas esse evidentissimè comprobatas, pridè ante factam ad vos appellationem damnavimus. Et quia multos in errorem perniciosissimum, & planè damnabilem pettrahunt; eas auctoritate vestrà, dilectissime Domine, perpetuâ damnatione notari, & omnes, qui pervicaciter, & contentiosè illa defenderint, à vobis, æquissime Pater, justâ pœnâ mulctari, unanimiter & multa precum instantia postulamus.

Objicit quidam Author Anonymus Anno 1719. impressus, quòd, in negotio Gilberti de Porreria, cum hic Episcopus Fidei suæ formulam contecisset, quam ad Papæ judicium reformaturum se pollicebatur; Sanctus Bernardus & Episcopi Synodi Rhenensis ex adverso etiam Fidei suæ formulam confecerint, atque cum hac declaratione Summo Pontifici obrulerint, quòd apud ipsos firmiter statutum esset, nec minimum in ea mutare, sed quòd in sua Fide

(a) *Inscr. Ep. Bernardi. Ep. 307. p. 310.*

perstituri omninò essent. Ex quo hic Author infert, quòd nec Divus Bernardus, qui Synodi anima erat, nec Episcopi, qui eidem Synodo intererant, Papam Infallibilem censuerint. Facti seriem refert Gosfridus Monachus Cisterciensis in Epistola ad Cardinalem Albanensem. Ego verò ex facto certo, quòd Divus Bernardus Papam Infallibilem crediderit, Galliarque Episcopi illum ut Judicem in Fidei quæstionibus Infallibilem agnoverint, prout primum demonstravi, infero, quòd neque Divo Bernardo, neque dictæ Rhemensis Synodi Patribus id unquam in mentem venerit, atque quòd, si cum quadam audacia locuti sunt, id fecerint ex confidentia, quam tum de Catholicitate sui Symboli, tum de obtinenda à Summo Pontifice illius confirmatione, prout contigit, conceperant.

Ex modo, quo Otho Frisingensis Historicus huic factò contemporaneus, illud refert, satis aperte constat, quæ tunc temporis sententià de Romani Pontificis Infallibilitate vigerit. (a) Narrat ergo, quòd, cum Cardinales comperissent, Sanctum Bernardum Episcoposque Galliar Symbolum quoddam edidisse, id vehementer indignati fuerint, ac desuper tanquàm de temeraria Sanctæ Sedis autoritatis violatione apud Eugenium tertium graviter conquesti fuerint, sic cum inter alia alloquentes : „ Sed quid fecit Abbas tuus, & cum eo Gallicana Ecclesia ? „ qua fronte, quo ausu cervicem adversus Romanæ Sedis Primatum erexit ? Hæc est enim sola, quæ claudit, & nemo aperit ; aperit, & nemo claudit. Ipsa sola de fide Catholica discutere habens, à nullo etiam absens in hoc singulari honore

(a) De Gest. Frid. Arab. Cap. l. 1. c. 37. v. 11. (1)



» te præjudicium pati potest. Sed ecce Galli isti,  
» etiam faciem nostram contemnentes, tanquam  
» finiturae sententiae ultimam manum apponendo,  
» nobis inconsultis Fidem suam scribere præsum-  
» pserunt. Cùm verò Eugenius tertius has Cardi-  
» naliùm querelas D. Bernardo retulisset, longè ab-  
» fuit, ut hic vel minimum contradiceret, quin potiùs  
» summâ humilitate ac reverentiâ responderit, atque  
» se ob illa, quæ objecta fuerant, excusârit. (a)  
» Ille (inquit de Sancto Bernardo Otho) „ humi-  
» liter & cum reverentia respondit, te, vel Domines  
» Episcopos, nihil de præfatis Capitulis definiisse,  
» sed quia ab Episcopo Pictavino audierat, ut Fides  
» sua scriberetur; idcirco quia solus nollet, illorum  
» autoritate ac testimonio simpliciter se, quod  
» sentiret, exposuisse. Hòcque tam humili quàm  
» modesto ipsius responso, prædicta Cardinalium  
» indignatio acquievit; ita tamen ut præfatum  
» scriptum tanquam inconsultâ Curiâ prolatum, ve-  
» lut autoritatis pondere carens, pro Symbolo in  
» Ecclesia, quod in Conciliis contra Hæreses con-  
» gregatis fieri solet, non haberetur. Hæc Otho  
» Frisingensis. Adcòque si verum est, illos, qui hanc  
» formulam Papæ obtulerunt, nimis audacter locutos  
» esse, se ipsos retractaverunt per os illiusmet, qui hu-  
» jus scripti Author erat, illudque sub Episcoporum  
» nomine composuerat.

Petrus Blessensis Urbano tertio Papæ nomine  
Archiepiscopi Cantuariensis scribens, eique de ipsius  
in Summum Pontificem electione gratulans, sic E-  
pistolam suam orditur: (b) „ Domus Dei, quæ  
» in lapide adjutotii super fundamentum Apostolo-  
» rum

N 4

(a) *loc. cit.* (b) *Ep. 99.*

rum & Prophetarum stabilita est, à Petro & Successoribus ejus formam semper eruditionis & statum incolumitatis accepit. Quod enim stipiti rami, quod capiti membra, quod radii soli, quod fonti rivuli, hoc Apostolica Sedis eminentiæ debent Ecclesiæ omnes, quas ubique terrarum Religio Christiana fundavit.

Ælredus Abbas Rievalensis in Anglia scribens in Isaiam Prophetam, huncque locum ex Canticis Canticorum exponens : Si ignoras te, egredere : Quam multi (inquit) Fratres, hodie nescientes scripturas, neque virtutem Dei, egressi sunt de Ecclesiâ, & separantes se à Vicario Christi sequuntur præambulum Antichristi. Fratres ; nemo vos seducat inanibus verbis, nemo vobis dicat ecce hic Christus, vel ecce illic, cum in Fide Petri semper sit Christus, quam Sancta Romana Ecclesiâ specialiter mutuavit à Petro, & servat in Petra, quæ est Christus . . . . hujus Ecclesiæ primus Princeps Petrus fuit, cui dictum est : Super hanc Petram ædificabo Ecclesiam meam. Et iterum : Pasce oves meas ; Et tibi dabo Claves Regni Cælorum, & quodcunque ligaveris super terram, erit ligatum & in Cælis &c. Hæc est Ecclesiâ . . . Cujus plenitudo potestatis in ipsius Principe primo, de Oriente transmigrans in Occidentem, autoritate Spiritûs Sancti in Romana refedit Ecclesiâ . . . . Ex hinc ob specialem excellentiam ipsius Ecclesiæ Episcopi, Presbyteri & Diaconi appellati sunt Cardinales . . . . Sicut enim Summus Pontifex ex legitima, & ut ita dicam, hæreditaria successione Petri obtinet Principatum, ita cæterorum Apostolorum potestas in Car-

die



» dinales constat esse transfusa. Hæc est Ecclesia  
» Romana, cui qui non communicat, Hæreticus  
» est. Illius interest consulere omnibus, judicare  
» de omnibus, omnibus providere, ad quam in Pe-  
» tro vox ista dirigitur; & aliquando conversus  
» confirma fratres tuos. Quidquid ipsa statuerit,  
» suscipio; approbo, quod approbaverit, quod  
» damnaverit, damno.

Petrus Abbas Cellensis (a) cuidam Mona-  
cho Abbatia Sancti Albani in Anglia secundum  
Doctrinam in Epistola Divi Bernardi ad Canonicos  
Lugdunenses contentam, ratione Festi Conceptionis  
Beatae Virginis scribens, idem, quod Sanctus  
Bernardus asserit: Sic enim loquitur: „ Est ta-  
» men autro locus, in quo conflatur, & habet argen-  
» tum venarum suarum principia, Sedem Petri &  
» Curiam Romanam, quæ Claves Cœli principa-  
» liter tenet, & clausura Conciliorum Dei referata  
» dispensante Deo, unguentum gratiæ à Capite us-  
» que in oram vestimenti habet compluere. Hæc  
» Sedes Petri, id est, Petra, in qua Moyses residet,  
» videlicet Lex Dei immaculata convertens animas,  
» fragosa quæque Hæreticorum Conciliabula eli-  
» dit, & allidit, profanas vocum novitates resecat  
» & rescindit, superflua confodit & jugular, hiantia  
» & Ecliptica complet & illustrat. Utinam salva  
» veritatis autoritate lance communis Concilii,  
» hæc Domina & moderatrix totius Christianita-  
» tis, Conceptionem Virginis librasset, & appro-  
» basset, à mari usque ad mare hanc propagasset,  
» sole, id est, Apostolico, ac luna, id est, Curia Ro-  
» mana præeunte: tam securè, quàm expeditè in

N 5 lu

(a) *ibid.* l. 6. ep. 23. p. 879

„ lumine vultus eorum gressus meos ponerem &  
 „ disponerem ; ex hoc videns vitare lubricum , &  
 „ sequi solidum , & securum. Hæc Petrus Abbas  
 „ Monasterio-Cellenfis ad quemdam Monachum &c.

„ Cùm Episcopi Provinciæ Senonensis ab Archie-  
 „ episcopo Lugdunensi ad discutiendam concessio-  
 „ nem investiturarum, quam Pascalis secundus ab Im-  
 „ peratore Henrico adactus fecerat, ad Concilium in-  
 „ vitati fuissent, eò ire tenuerunt, dictòque Archiepi-  
 „ scopo per Ivonem Carnotensem inter alia hæc re-  
 „ scripserunt ; (a) „ Ad hæc non videtur nobis u-  
 „ tile Consilium, ad ea Concilia convenire, in  
 „ quibus non possumus eas personas, contra quas  
 „ agitur, condemnare, vel judicare. Quia nec  
 „ nostro, nec ullius hominum probantur subesse  
 „ iudicio. . . . Excusamus innocentiam nostram,  
 „ qua & principales Ecclesiæ claves nolimus sua  
 „ potestate privare, quæcunque persona vices  
 „ Christi habeat, nisi manifestè ab Evangelica veri-  
 „ tate discedat. Idem Ivo Carnotensis epist. 8. de  
 „ Ecclesia Romana differens : „ Hujus ( inquit )  
 „ iudicii & constitutionibus obviare planè est Hæ-  
 „ reticæ pravitatis notam incurrere.

„ Rupertus Abbas idipsum, quod alii de Summis  
 „ Pontificibus asserit : (b) „ Tantis autem Hære-  
 „ sibus ( inquit ) „ fermentata est Græcia, ut mi-  
 „ rum videri non debeat hoc, quod de fermento  
 „ immolat. Tantæ e contra sinceritatis semper  
 „ fuit Sancta Romana Ecclesia, ut cui deest scrip-  
 „ turarum notitia, vel argumentandi facultas, sola  
 „ illi de azimo contra Græcos sufficere debeat ejus  
 „ au-

(a) Ivo Ep. 238. (b) de Divin. Offic. l. 2. c. 22. p.



authoritas. Nam (addit) „ Constantinopolita-  
na non solum Hæreticos, sed Hæresiarchas pro-  
tulit multos: Romana verò Ecclesia super Apo-  
stolicæ Fidei Petram altius fundata, firmiter ste-  
tit, & tam Græciæ, quàm totius orbis Hæreticos  
semper confutavit, & de excelso fidei Tribunali  
datâ sententiâ judicavit.

Idem Author exponens hunc Apocalypsis lo-  
cum: *Et vidi Sedes, & sederunt super eas, &*  
*Judicium datum est illis*: ait, quòd per has Sedes  
intelligi debeant omnes Ecclesiasticæ dignitates, imò  
ipsæ inferiores potestates, quibus Deus tribuit Jus  
potestate Clavium judicandi. Post quæ hæc addit:  
„ Summum judicii hujus tribunal in Ecclesia pa-  
ratum est Romana, ubi Sedes Apostolica Beati Pe-  
tri & nomine & corpore fundata est; cui specia-  
liter dictum est: Tu es Petrus, & super hanc  
Petram ædificabo Ecclesiam meam. Et tibi da-  
bo Claves Regni Cælorum.

Jacobus de Vitriaco in sua Historia Orientali  
eadem, quæ alii, habet: Sic enim loquitur: (a)  
„ Patet ergo, cum super hanc petram, pro qua Do-  
minus rogavit, ut non deficeret Fides ejus, post  
Christum ædificata sit, & fundata Christi Eccle-  
sia, quòd omnes, qui ab Ecclesia Romana re-  
cedunt, absque fundamento ædificant, in vanum  
laborantes, & ab eo, qui à Domino Cephas appel-  
latus est, separati, Acephali & monstruosi homi-  
nes meritò sunt reputandi.

Potho Abbas Prumiensis Diocæsis Trevirensis  
duodecimi sæculi Author (b) in Opere *De Domo*  
*Dei*

Dei intitulato, quod anno 1152. edidit, sic de Romanis Pontificibus loquitur : „ In tota hac domo  
 „ solus Beatus Petrus cum suis Successoribus plenitudinem potestatis accepit. Unde quicumque in  
 „ partem sollicitudinis vocati sunt, ut quæ in partem regenda susceperunt, provida dispensatione  
 „ gubernent, ejus autoritate roborandi, ejus exemplis informandi sunt, qui in plenitudine potestatis  
 „ toti Ecclesiæ præesse dignoscitur. In decursu vero dicti operis sic habet : (a) „ Præsumptuosum  
 „ est enim quibuslibet Prælati veterum statuta immutare, nova instituere, cum solum id Apostolicæ Sedis dispensationi concessum sit, ut pro temporis  
 „ necessitate, vel pro Ecclesiæ utilitate, aliquid de institutis Patrum commutare possit. Unde Beatorum Pontificum Gelasii & Leonis Decreta in hac sententia concordant. Ubi necessitas non est, nullo modo Patrum statuta violentur. Ubi verò necessitas fuerit ad utilitatem Ecclesiæ, qui præest, ea dispenset. Sed hæc dispensatio, ut diximus, penes illum est, qui vicem Christi in terris agit, cui unà cum Petro dicitur à Domino : Et tu aliquando conversus confirma fratres tuos. Ipse namque est, qui tanquam fidelis & prudens dispensator super familiam Domini constitutus est, ut det illis in tempore ritici mensuram. Solus totius Domûs Dei, quæ est Ecclesia, curam gerit. . . . Nec mireris, si Romani Pontifices hanc semper peculiariter habuerint potestatem, ut Canones pro tempore dispensarent. Ipsi enim sunt Authores Canonum, & illa Sedes semper hoc habuit privilegium, ut ligatum vel solutum

(a) l. 3. p. 500.



lutum sit, quidquid ipsa ligaverit, vel solverit.  
Unde juxta attestationem Sanctorum Patrum,  
omnibus Ecclesiis præminet, & de omnibus ju-  
dicare potest. Hæc tempore Sancti Bernardi  
Omnium Fides, voxque fuit.

Stephanus Episcopus Tornacensis eodem tem-  
pore scribens ad aliquem, qui certa quædam privi-  
legia impugnabat: (a) „ Examen istud (inquit)  
reservate Summo Pontifici, qui solus habet pote-  
statem, & condendi novos Canones, & expo-  
nendi veteres, & interpretandi privilegia sua, &  
corrigendi aliena.

Hildebertus Turonensium Episcopus in Episto-  
la, (b) quâ Honorium Papam secundum rogabat,  
ut unam ex suis Synodis confirmare dignaretur, sic  
eum alloquitur: „ Hæc igitur vobis Sanctissime  
Pater, significanda censuimus, quatenus Acta Ca-  
nonicè vestra dignetur confirmare autoritas...  
Non gravemini confirmatione Apostolica robo-  
rare ac prohibere, ne quis omninò rescindere, vel  
aliqua ex parte minuere præsumat. Non igitur  
juxta memoratum Hildebertum licitum est ad Cen-  
suram seu dubium id revocare, quod semel autori-  
tate Summorum Pontificum firmatum est.

Abbas Ursbergensis (c) referens in sua Hi-  
storia ea, quæ in Synodo Romana sub Paschali Se-  
cundo gesta fuerant, ad irritanda ea, quæ Papa iste  
vi adactus Henrico Imperatori ratione investitura-  
rum concesserat, atque inter alia memorans, quòd  
Episcopus quidam factum istud Hæresis notâ inure-  
re, ipsûmque Papam Hæreticum dicere præsump-  
ser; „ Ad hæc (addit) patientia Domini Papæ  
tor

(a) Ep. 190. (b) Ep. 65. (c) *alann.* 1116.

„ horrendo Hæresis nomine pulsata expergescens  
 „ est, & manu silentium indicens, dixit: Ecclesia  
 „ ista nunquam Hæresim habuit, imò hic omnes  
 „ Hæreses conquassatæ sunt. Hic Ariana Hæ-  
 „ resis, Sabelliana &c. contrita est. Pro hac Ec-  
 „ clesia oravit, cum dixit: Ego rogavi pro te Pe-  
 „ tre, ut non deficiat Fides tua.

Cùm Barlaam Episcopus Jeropolitanus Græ-  
 cus sæculo decimo tertio Ecclesiæ Romanæ Fidem  
 quoad processionem Spiritus Sancti amplexus fuis-  
 set, hæc inter alia ad quemdam amicum de motivis  
 suæ conversionis scripsit: „ Necessarium autem  
 „ arbitror adhuc & illud tibi ostendere, quòd licet  
 „ tria dixi superius esse, quæ coegerunt me credere,  
 „ & ex Filio Spiritum Sanctum procedere, hoc est,  
 „ multos magnorum Sanctorum hoc apertissimè  
 „ tradere; Matrem Ecclesiarum hoc semper di-  
 „ cere: per Generale Concilium etiam fuisse affir-  
 „ matum: tamen quodlibet horum sine alijs per  
 „ se visum, non habens reliqua duo opposita, satis  
 „ se habere considero, ut id ipsum credatur.

Idem Author in alia Epistola totius Ecclesiæ  
 Latinæ cum Romano Pontifice unionem deprædi-  
 cans, sic de illa disserit: „ Pluralitas principiorum  
 „ & carentia principii similis sunt inordinationis.  
 „ Romanæ Gentis universa multitudo sub uno est  
 „ ordinata principio: Ecclesiâ videlicet Romanâ,  
 „ & ejus Præsule, quem omnes honorant, non tan-  
 „ quam armis & vi, sed tanquam à Domino Chri-  
 „ sto ordinatum, . . . Illius mandata cum omni re-  
 „ verentia omnes, non tanquam Apostolica tan-  
 „ tum, verùm etiam Dominica scripta recipiunt, &  
 „ adorant. Et nihil ita durum ab eo jubetur, ut

non



non quietè parati sint ad implendum, & omnes ab illo corrigi sua, & retractari suscipiunt.

Manuel Caleca sæculi decimi quarti Græcus Author, postquam dixerat, quòd Romanus Pontifex Pastor primus & totius Ecclesiæ Pater, Universalisque omnium Christianorum Judex esset: „ Qui Pastor primus & Ecclesiæ totius Pater, universalisque Christianorum omnium Judex esse comprobatur. Addit, quòd in reconciliatione Græcorum Schismaticorum cum Ecclesia Romana inter alia ad id adigebantur, ut nempe expressè agnoscerent ac crederent, quòd Fides Ecclesiæ Romanæ, quæ omnium fidelium Mater & Magistra est, in materia Dogmatum Ecclesiasticorum semper sana persistat. Ut Romanam Ecclesiam in Ecclesiasticis Dogmatibus Matrem fidelium atque Magistram sana semper Fide esse crederent.

## CAPUT XII.

De Sententia Theologorum Scholasticorum super autoritate Romanorum Pontificum in Ecclesia, atque eorum Infallibilitate in Fidei Quæstionibus à Sæculo duodecimo usque ad Concilii Constantiensis tempora..

**A**B Hugone à Sancto Victore ordior; hunc, quamvis Sæculo duodecimo floruerit, & consequenter Divo Bernardo contemporaneus fuerit, ideo tamen hoc ordine ponere volui, quia communis

nus Scholasticis, quàm sanctis Patribus adnumeratur. Hic ergo Author de Summo Pontifice agens inter alia sic scribit : (a) ,, Papa dicitur, quia Pat-  
 ,, ter Patrum. Hic Universalis dicitur, quia Uni-  
 ,, versæ præest Ecclesiæ. Hic quoque Apostolicus  
 ,, appellatur, quia Principis Apostolorum vice fun-  
 ,, gitur. Hic etiam Summus Pontifex nuncupa-  
 ,, tur, quia Caput est omnium Episcoporum, . . .  
 ,, Huic claves traduntur, sicut Petro à Domino, ut  
 ,, se janitorem Regni Cælorum esse cognoscat.  
 ,, Hujus officium est Missas & Divina Officia or-  
 ,, dinare, Canones etiam pro tempore ad utilitatem  
 ,, Ecclesiæ promulgare, vel immutare, . . . totam  
 ,, Ecclesiam vice Christi gubernare. Itaque Papa  
 ,, vicem & locum tenet Christi Episcopi Aposto-  
 ,, lorum.

Albertus Magnus ex his Christi verbis *Rogavi pro te &c.* concludit, quòd Divi Petri Successores in nullum unquam errorem lapsuri sint :  
 ,, Hoc argumentum (inquit) ,, efficax est pro Se-  
 ,, de Petri & Successore ejus, quòd fides ejus non  
 ,, finaliter deficiat.

Divi Thomæ mentem jam in illo Capite retulimus, ubi de contentione Ecclesiam inter & Græcos differuimus : operæ tamen pretium est hic etiam illum ut Theologum Scholasticum contemplari. Sic ergo in sua Summa loquitur, (b) ,, Nova edi-  
 ,, tio Symboli necessaria est ad evitandum insurgen-  
 ,, tes errores. Ad illius ergo autoritatem perti-  
 ,, net editio novi Symboli, ad cujus autoritatem  
 ,, pertinet finaliter determinare ea, quæ sunt Fidei,

(a) l. 1. de Sac. c. 43. p. 369. (b) I. 2. q. 1. ar.  
 10.



ut ab omnibus inconcussa Fide teneantur. Hoc autem pertinet ad auctoritatem Summi Pontificis, ad quem majores & difficiliore Ecclesie quaestiones referuntur, ut dicitur in Decret. l. de Baptismo c. Majores. Unde & Dominus Petrus dixit, quem Summum Pontificem constituit: Ego rogavi pro te Petre, ut non deficiat Fides tua; & tu aliquando conversus, confirma fratres tuos. Et hujus ratio est, quia una Fides debet esse totius Ecclesie. Quod servari non posset, nisi quaestio Fidei exorta determinetur per eum, qui toti Ecclesie praest: & sic ejus sententia à tota Ecclesia firmiter teneatur. Et ideo ad solam auctoritatem Summi Pontificis pertinet nova editio Symboli, sicut & alia omnia, quae pertinent ad Ecclesiam, ut congregare Synodum Generalem & alia ejusmodi.

Idem Angelicus Doctor, in alio Summae loco hujusdem ferme verbis eadem repetit: (a), Postquam (inquit), ea essent auctoritate Universalis Ecclesie determinata, si quis tali ordinationi pertinaciter repugnaret, haereticus censeretur. Quae quidem auctoritas principaliter residet in Summo Pontifice. Dicitur enim 24. q. 1. Quoties fidei ratio ventilatur, arbitror omnes fratres nostros & Coepiscopos, non nisi ad Petrum, id est, ad sui nominis & honoris authorem referre debere. Contra cujus auctoritatem nec Hieronymus, nec Augustinus, nec aliquis sacrorum Doctorum suam sententiam defendit.

Doctor Launojus, qui his Doctoris Angelici verbis eludendis imparem se sensit, coactus fuit

R. D. P. Petitdidier de Inf. Pont. O fa-

(a) 2. 2. q. 11. a. 2. ad. 3.

fateri, eundem pro suprema Summorum Pontificum potestate ac Infallibilitate stetit. Ne autem etiam fateri cogeretur, hanc fuisse antiquam Theologicæ Parisinæ Facultatis Doctrinam, istud quasi vit subterfugium, asserens Divum Thomam Opere aliquo, quod tunc temporis tanquam Divi Cyrilli scætus falsò circumferabatur, deceptum ad hanc opinionem adduci se permisisse. Verùm præterquam quòd Divus Thomas de Sancto Cyrillo non loquitur, nec istis Summæ, quæ modò retuli, locis illum citet, hæc distinctio locum quidem habere posset, si per hæc Divus Thomas novam opinionem in Ecclesiam introduxisset: at verò cùm procul ab hoc nihil aliud egerit, quàm ut id, quòd priori ad suam ætate semper traditum fuerat, sectaretur, prout præcedentibus Capitibus demonstravimus, opus utique illi non erat ad id, de quo primùm disserui, tradendum, ut sententiam suam dubiis autoritatibus tuleret, alienamque ab ea, quam tota ipsi monstrabat antiquitas, viam iniret. Hæc igitur Doctore Lanojo pro nunc sufficere debent; nos ulterius pergitur.

Divus Bonaventura Doctor Parisiensis æquè ac Sanctus Thomas eandem cum eo tum de autoritate, tum Infallibilitate Romani Pontificis mentem tenet ac Doctrinam. Id jam in alio hujus Operis Capite demonstravimus, verùm non incougruum erit, hîc ipsius mentem paulò prolixius retulisse. (a) Postquam igitur asseruerat, quòd tria Græcos ad negandam Spiritus Sancti ex Filio processionem induxerint; videlicet, *Superbia*, *Ignorantia*, &

*Per*

(a) lib. 1. dist. 4. 1. 9. 1. p. 95.



*Pervicacia* : *Ignorantia* quidem, eo quòd scripturam non intelligerent. *Superbia* verò, eo quòd de sua scientia nimis quàm præfisi à Latinis hujus articuli, quem ipsis inconsultis acceptârant, cognitionem recipere noluerint. *Pervicacia* denique, eo quòd argumenta conquiesierint, quorum ope Latinorum sententiam rejicere possent : „ Et ideo (addit) „ sententiam suam defendere ausi sunt, & „ authoritati Ecclesiæ Romanæ obviare, & ideo facti sunt Hæretici : quia negant Fidei veritatem, „ & Schismatici, quia recesserunt ab Ecclesiæ unitate. Postea hic Sanctus Doctor, respondens objectioni Græcorum, qua contendebant fas non fuisse, ut quidquam Symbolo adderetur, eo quòd id expressè Concilia Generalia sub Anathematis pœna prohibuissent. „ Et ad hoc (ait) „ patet responsio „ per prædicta, quia non corrumpimus, sed perficimus, nec sententia lata est contra perficientes, „ sed contra corruptentes (intellige *Symbolum*) „ vel potest dici, sicut dicit Anselmus, quod novum „ edidimus, quòdque facere potuimus : quia Romana Ecclesia plenitudinem potestatis à Petro Apostolorum Principe acceperat, in quam nulla Patrum sententia, nec interdictum proponere, nec arctare potuit, nec ei præjudicare, nec ligare eam ad aliquid.

Thomas Bradwardinus Theologus Anglicus in Præfatione sui operis *De Causa Dei* intitulati, proposita sibi materiæ, quam tractandam suscipiebat, difficultate, in eaque securis passibus incedere cupiens, ita se exprimit : „ Scio, quid faciam,

„ ciam, illi me navi committam, quæ perire non  
 „ poterit, navi Petri. In ipsa namque Author &  
 „ Magister noster unicus noster Christus tutissimè  
 „ residens, de ipsa legitur docuisse: mysticè nobis  
 „ insinuans, quod apud ipsam Petri naviculam, a  
 „ pud Romanam Ecclesiam, totius Christianæ Do-  
 „ ctrinæ authoritas & magisterium remaneret.  
 „ Hujus igitur tam authenticæ, tantæque Magistræ  
 „ judicio me totum, meaque omnia scripta, seu  
 „ scribenda plenè subjicio, integrèque submit-  
 „ to.

Joanni Parisio non sufficit Infallibilitatem  
 Romanorum Pontificum tradere, sed insuper illius  
 necessitatem sequenti discursu stabilit: (a) „ Una  
 „ est (inquit) „ omnium fidelium Ecclesia, unus  
 „ populus Christianus. Et ideo, sicut in qualibet  
 „ Diœcesi unus est Episcopus, qui est Caput Eccle-  
 „ siæ in illo loco, vel populo: ita in tota Ecclesia  
 „ & toto populo Christiano est unus Summus Epi-  
 „ scopus Papa scilicet Romanus Petri Successor.  
 „ Nam post corporalem subtractionem præsentia  
 „ Corporalis Christi, coavenit interdum circa ea,  
 „ quæ sunt Fidei, quæstiones moveri: in quibus  
 „ propter diversitatem opinionum vel sententiarum  
 „ divideretur Ecclesia, quæ ad sui unitatem requirit  
 „ Fidei unitatem, nisi per unius sententiam Ecclesiæ  
 „ unitas servaretur. Hic autem Principatum hu-  
 „ jusmodi habens, est Petrus, Successorque ejus  
 „ non quidem Synodali ordinatione, sed ex ore  
 „ Domini, qui Ecclesiæ suæ noluit deficere in ne-  
 „ cessariis ad salutem. Et infra: „ Ne propter  
 „ diversitatem controversiarum unitas Fidei de-  
 „ struatur,

(a) *de Potest. Regia & Papali. c. 3.*



struat, necesse est unum esse superiorem in spiritalibus, per cujus sententiam controversia terminentur.

Petrus Bertrandus Episcopus Augustodunensis 14. sæculo nomine omnium Galliarum Episcoporum (a) in favorem jurisdictionis Ecclesiasticæ dissentens: „ Inter Christianos (inquit) „ necessaria est spiritalis potestas, quam Christus dedit Beato Petro, quando ei commisit Regimen Universalis Ecclesiæ. Origo hujus potestatis immediate fuit à Deo, videlicet à Christo tradente eam certæ personæ scilicet Petro pro se, & suis Successoribus, à quibus derivatur in alios. Cùm prædictam jurisdictionem habeat Papa sine limitatione loci & personarum, ideo omnes Christiani ubicunque sint, debent ei obedire.

Quòd si hæc Doctrina, quæ Papæ illimitatam super universam Ecclesiam potestatem, idque Jure Divino tribuit, atque in Episcopis non nisi ab illa derivatam jurisdictionem agnoscit, modernis Galliarum Episcopis ad palatum non est, id exinde provenit, quòd Prædecessorum suorum Doctrinam, ut nova principia sectentur, deseruerint.

Joannes de Celaja (b) Facultatis Parisinæ Doctor Infalibilitatem Summorum Pontificum in materia Fidei clarissimè docet: sic enim loquitur: „ Quinta Conclusio est ista: Romanæ Sedis iudicium, in his, quæ Fidei sunt, & ad humanam salutem necessaria, errare nequit. Quod probatur ex promissione Salvatoris Luc. 22. quæ verba allegat Bernardus scribens Innocentio Papæ &c. Ad replicam respondetur negando antecedens:

O 3 imò

(a) *de orig. jurid. q. 2. §. 3.* (b) *in dist. 29. q. 4.*

„ imò necessarium est dicere, quòd non intelligitur  
 „ de Universali Ecclesia: nam subjungitur: Et tu  
 „ aliquando conversus confirma fratres tuos: id-  
 „ circo Divus Cyrillus, & Divus Chrysoctomus, &  
 „ Divus Leo, & Beatus Agatho & Divus Bernar-  
 „ dus, & Anselmus, & Albertus Magnus, & Divus  
 „ Thomas glossant præfatam authoritatem de Ec-  
 „ clesia Romana, ut distinguitur ab aliis Ecclesiis.  
 „ Stephanus Episcopus Parisiensis sæculo item de-  
 „ cimo quarto de mente Decani & Capituli suæ Ca-  
 „ thedralis, Guilielmi Archiepiscopi Viennensis Theo-  
 „ logiæ Professoris, viginti trium in Theologia Do-  
 „ ctorum, & tringinta novem facultatis Parisinæ Baca-  
 „ laureorum sic de Ecclesia Romana differit: „ Nos  
 „ igitur attendentes cum eis (id est Decano, Capi-  
 „ tulo, cæterisque, quos primùm adduxi), „ quòd Sa-  
 „ crosancta Romana Ecclesia fidelium omnium  
 „ Mater & Magistra in firmissimâ Petri Christi Vi-  
 „ carii confessione fundata, ad quam velut ad uni-  
 „ versalem regulam Catholicæ veritatis pertinet  
 „ approbatio Doctrinarum, & reprobatio, declara-  
 „ tio dubiorum, determinatio tenendorum, & con-  
 „ futatio errorum &c.

Sub finem ejusdem sæculi Univerfa Facultas  
 Theologica Parisiensis se Infallibilitatem Summorum  
 Pontificum ut fidei articulum agnoscere profiteretur:  
 nam qui tunc hanc facultatem componebant, sic  
 loquuntur: (a) „ Quidquid dicturi sumus, totum  
 „ correctioni & judicio Sedis Apostolicæ & seden-  
 „ tis in ea Summi Pontificis humiliter submittimus;  
 „ dicentes cum Beato Hieronymo 24. q. I. Hæc  
 „ est Fides, Pater Beatissime, quam in Ecclesia Catho-

(a) *Bulaus Hist. Paris. ad an. 1387.*



» tholica didicimus, in qua si quid minùs peritè aut  
» minùs cautè fortè aliquid positum est, emendari  
» petimus à te, qui Petri Fidem & Sedem tenes.  
» Non ignoramus enim, sed firmissimè tenemus, &  
» nullatenus dubitamus, quòd Sancta Sedes Apo-  
» stolica est illa Cathedra Petri, supra quam eodem  
» Hieronymo teste fundata est Ecclesia, ut habetur  
» in eadem q. c. *Quoniam vetus*, & sicut dicit  
» Cyprianus 93. dist. c. *Cathedram*. De qua Sede  
» in persona Petri Apostoli in ea sedentis dictum est:  
» Petre, rogavi pro te, ut non deficiat Fides tua.  
» Luc. 22. Hæc est igitur, ad quam determinatio  
» Fidei & approbatio Fidei & approbatio veritatis  
» Catholica, ac Hæreticæ impietatis detestatio ma-  
» ximè pertinet,

Et hæc erat sub finem decimi quarti sæculi ac paulò ante celebrationem Conciliorum Pisani & Constantiensis adhuc sententia & Doctrina Facultatis Theologicæ Parisinæ. Non particulares quidam Doctores, verùm tota facultas in corpus coacta, ita se per suos Deputatos Papam alloquendo exprimebat. Pessimè igitur ad propositum & contra veritatem moderni Doctores contrariam opinionem pro antiqua suæ facultatis Doctrina venditare molliuntur; enimverò si quis ad tempora binis hisce Conciliis superiora reverti velit, deprehendet sanè, quòd præfatæ Facultatis Doctores sive in particulari sive in Corpus coacti, contrarium ei, quod hodie tenent, docuerint.

Nonnisi unicum adhuc pro coronide præsentis Capitis Natalis Britonis, Gallicani etiam Theologi, Ordinis Fratrum Prædicatorum Generalis refe-

ram testimonium, quod sanctus Antoninus Archiepiscopus Florentinus ex hujus Authoris tractatu de Potestate Papæ excerptum adducit. Sic ergo Theologus ille loquitur : (a) „ In tota Universitate Christiana debet esse conformitas de his, quæ „ pertinent ad veritatem Fidei & bonos mores circa „ necessaria ad salutem. Sed talis conformitas non „ potest salvari nisi in ordine ad unum Caput, seu „ unum Presidentem, ad quem spectat sententiarum „ quid credendum & quid non credendum. At „ qui illud Caput secundum hunc Theologum non est „ alius nisi Papa ; consequenter vides Infallibilitatem ut quid, sine quo Fidei unitas in Ecclesia conservari non potest, ab ipso agnitam.

### CAPUT XIII.

Reflexiones quædam super iis, quæ præcedentibus Capitibus dicta sunt.

**P**Rima reflexio, quæ occurrit, in eo consistit, quod omnes Ecclesiæ Patres, quos præcedentibus Capitibus adduxi, omnes Authores Ecclesiastici, & omnes Scholastici, qui de Primatu Summorum Pontificum, eorumque in Ecclesia absoluta potestate, autoritate & Infallibilitate scripserunt aut docuerunt, hæc Privilegia super famosa illa Evangelii loca : *Tu es Petrus &c. Ego rogavi pro te &c. & Pascis oves meas* fundarint, seque desuper omnes vel expressè, prout patet ex locis & textibus, quos hac de re retuli, declaraverint ; vel, si quidam sint,

(a) apud S. Antonin. 3. p. summ. tit. 22. c. 36. 3.



sint, qui id expressè non fecerunt, aper è saltem id ipsum supposuerint, atque per ea, quæ desuper effati sunt, clarè insinuauerint. Non privati quidam Patres, quibus alii contradixerint; non simpliciter uno aut altero Ecclesiæ sæculo, sed perpetuâ ac nunquam interruptâ omnium sæculorum serie: Non simpliciter in Ecclesia Occidentali, sed insuper in Orientali: Græci æquè ac Latini ii ipsi sunt, qui quoad hoc punctum ita mentem suam in ipsis etiam Oecumenicis Synodis exposuerunt: Verbo, hæc uniuersæ Ecclesiæ traditio est. Et cum nunquam licitum fuerit, sed à Concilio Tridentino expressè prohibitum sit, scripturam in sensu Sanctis Patribus atque à fortiiori toti traditioni contrario exponere; viderint illi, qui nostris diebus in controversiam adducunt, num Sedis Apostolicæ Privilegia fundata sint in adductis Evangelii locis, an sua agendi ratio sustineri possit, utrùm non potius per Concilium Tridentinum damnata sit.

Verum quidem est, quòd inter textus, quos adduxi, non pauci Patres sint, qui hæc verba *super hanc Petram* de Fide Divi Petri explicent: at verò sic explicando ea de Fide Petri viva, & in cunctis suis Successoribus subsistente intelligunt secundùm hanc Concilii Calcedonensis expressionem: *Petrus per Leonem locutus est.* Evidens autem est, quòd hoc in idem redeat.

Secunda reflexio est; quòd oporteat, ut Doctor Launojus vel eam non habuerit, eruditionem, quam ipsi ejus fautores attribuunt, vel iniquæ Fidei fuerit, cum quæstionem, de qua nunc agitur, tractaret; quippe qui potiozem reticuerit partem loco-

rum ac textuum, quos adduxi, quique demonstrant, totam antiquitatem Prærogativas Summorum Pontificum super loca scripturæ, quæ ipse examinabat, fundasse, sibi sufficere arbitratus, textibus textus ingenti numero superaddere, qui decidendæ quæstioni, quam tractamus, nullatenus inservire possunt. Præterquam enim, quòd, ut alibi jam dixi, explanationes, quas quidam Patres dederunt, illas, quæ Summis Pontificibus favent, non excludant, aut minimum quid illis contrarium contineant; nõnne ridiculum est huic Doctõri, quòd innumerabilia Conciliorum & Patrum loca, qui necessitatem & efficaciam gratiæ super ista verba: *Ego rogavi pro te &c.* stabilierunt, congesserit, quasi verò id à quoquam in dubium vocaretur, aut quasi quis negaret, quòd Infallibilitas Romanorum Pontificum singularissimæ Christi Domini erga Summos Pontifices gratiæ effectus sit, quamvis eam illa gratia, quam Theologi *gratum Deofacientem* vocant, non semper comitetur? Gratia enim Infallibilitatis, in quantum à Salvatore Summis Pontificibus promissa suum super omnes gentes ac hominum corda absolutum probat Imperium. Imò hic Doctõr tam exiguo iudicio egit, ut nobis authores tanquam sensui, quem propugnamus, parùm favorabiles, ut Sanctum Thomam, Cajetanum, Maldonatum, aliõsque plures ceter, quos tamen Summorum Pontificum Infallibilitatem sustinuisse, prædictõsque textus in dictæ Infallibilitatis favorem alibi explicasse certum est.

Tertia reflexio eruitur ex iis, quæ Sanctus Augustinus in disputatione de peccato Originali Juliano Pelagii sectatori dicebat; cùm Hæreticus iste E-



piscopus perspexisset suam Doctrinam à Sancta Sede damnatam esse, & nihilominus in suo errore persistere cuperet, nomine suorum adhaerentium petit, ut tam ab Oriente quàm Occidente Concilium Generale convocaretur, in quo quæstio illa examinaretur ac decideretur : verùm Divus Augustinus citatâ ipsi autoritate decem vel duodecim ex utraque mundi parte Patrum, qui eandem, quam Romani Pontifices determinârant, Fidem tenuerant ac tradiderant; quærit ab ipso, num, casu quo tale Concilium, ut postulabat, congregaretur, in eo æqualis Episcoporum numerus reperiendus foret, qui Doctoribus, quos ipsi citârat, æquiparari possent, quique tantis meritis, tanto lumine, tantâque autoritate pollerent, quantâ illi, quorum sententias ipsi primùm adduxerat. Idem profectò iis dicere possum, qui Concilium Generale postulant. Si modò unum congregaretur, ad examinandam quæstionem Infallibilitatis Romanorum Pontificum, reperiretúrne inter Galliæ Episcopos hanc Infallibilitatem negantes tantus Prælatorum nûmerus, qui, si ve meritum, si ve scientiam, si ve Sanctitatem respicias, tam magno cœtui Sanctorum Summorum Pontificum, Sanctorum Episcoporum, aliorúmque Sanctorum Doctorum, qui Summorum Pontificum Infallibilitatem tanquam Ecclesiæ fidem docuerunt, quique absque ullo dubio omnia ea, quæ dicti Summi Pontifices deciderunt, semper amplexi sunt, se comparare auderent.

Verùm plûs adhuc dico : Si quoddam Generale Concilium congregaretur, jam ultra tres Episcoporum quadrantes cum dimidio reperirentur, qui Infallibilitatem tanquam suæ Ecclesiæ Fidem, tanquam

quam Doctrinam in omnibus suis Universitatibus traditam, ab omnibus Doctoribus propugnatam, ab omnibus Ecclesiarum suatum Pastoribus, atque ab omnibus Christiani orbis populis creditam tuerentur. Quòd si illis objiceretur, quòd suarum Ecclesiarum traditionem mutârint, contrarium facîle probarent, per omnes, quas recensui, autoritates, aliasque plures, quas brevitatis ergò omisi. Intusper demonstrarent, quòd Gallia Episcopi illi ipsi sint, qui suæ Ecclesie traditionem mutârunt, quòdque necdum centum effluerint anni, cum ipsorum Prædecessores in Corpus coacti Infallibilitatem tantamquam super Sacræ Scripturæ testimonia, quæ attuli, fundatam se agnoscere professi sunt.

Illusio igitur est, credere, & proferre, quòd sufficeret in Concilio, ne desuper ceteri Episcopi ulterius insisterent, sustinere, quòd Doctrina Infallibilitatis articulus Fidei non sit: nam hi Episcopi responderent, quòd si expressis verbis hactenus decisus non fuerit, sufficienter per Ecclesie traditionem definitus sit, nihilque amplius superfit, quam ut in omnem eventum ad examinandam hanc quæstionem Concilium inchoetur, & quemadmodum omnes Dogmaticæ quæstiones in Conciliis per Ecclesie traditionem definiri debent, cum hæc traditio quoad *Infallibilitatem* constans sit, quæstio ista absque ulla mora in Fidei articulum transiret. Imò asserere audeo, quòd quasi unanimitas tantoperè à quibusdam ut necessaria ad decisiones fidei in Oecumenicis Conciliis jactitata hac occasione interveniret. Nam præter plus quam tres Episcoporum partes cum dimidia, ut supra jam diximus, id est, omnes Episcopos, qui ex Gallia non sunt, protectò cer-



tum est, quod si Concilium liber Conventus esset, magna Gallia Episcoporum pars se aliis jungeret, eandemque Doctrinam propugnaret, ita ut articulus iste non modò ad pluralitatem, quod controversi haud potest, sed & quasi unanimitatem transferret. Non arbitror ullum illorum, quorum opinionem hìc oppugno, mihi quoad hoc ultimum factum, post ea omnia, qua ratione Constitutionis *Unigenitus* ex parte maximi Episcoporum Gallicanorum numeri gesta sunt, litem aliquam moturum esse.

## CAPUT XIV.

### Examinatur Articulus quartus Conventus Cleri Gallicani Anni 1682.

**P**riusquam hunc articulum referam, operæ pretium est notasse, quali occasione, quibusque temporum circumstantiis culus fuerit. Tunc videlicet, cum acerba Coronam Gallia inter & Summum Pontificè ratione extensionis Regaliæ contentiones vigerent; tempore, quo Ludovicus XIV. tata ob Regaliam quàm alia Capita graves cum Innocentio Papa XI. similtates gerebat. Gallia igitur affligere volebat Summum Pontificem, unde eundem in illis, quæ sensibiliores credebantur, partibus aggressa est. Infalibilitas in decidendis Fidei Dogmatibus una ex præcipuis esse videbatur, quapropter nec prætermissa fuit. Conventus igitur cogitur, ibique declaratur, Papæ judicia Infalibilia  
non

non esse, nisi iisdem Ecclesie consensus accesserit. Qui verò Conventum hunc componebant, magniloquis vocibus sed inanibus, quippe quibus nihil dicitur, persuadere conati sunt, se nihil eorum Summo Pontifici auferre, quæ ipsi communiter fideles attribuere pergebant.

Verum priusquam ipsa verba præfatæ Declarationis Cleri Gallicani referantur, non abs re erit, animadvertisse, quòd tunc primùm, nî fallor, Clerus Gallicanus in unum collectus adversus Infallibilitatem Summorum Pontificum se declaravit. Hujus Conventus Episcoporum Prædecessores longè ab hac opinione abfuerunt, utpote qui eodem sæculo fortissimò, quàm excogitari possit, modò non semel tantum contrariam Doctrinam professi erant. Sic enim Conventus anni 1626. in Scripto Gallico ad omnes Regni Archi- & Episcopos directo desuper mentem suam exposuerat ac explicarat: „ Nul-  
 „ lum majus argumentum veri erga Deum amoris  
 „ exhiberi à nobis potest, quàm si debita veneratio-  
 „ ne eos prosequamur, quos ipse ad necessitates, a-  
 „ nimasque nostras curandas Vicarios Legatos-  
 „ que suos constituit. Id verò cum præcipuè ac  
 „ prærogativè ante omnes Episcopos Romano Pon-  
 „ tifici conveniat, æquum omninò est, ut iidem E-  
 „ piscopi & se Pontifici subjectos agnoscant, & a-  
 „ liis omnibus eximia in illum venerationis ac re-  
 „ verentiæ exemplum præferant. Hortamur igitur  
 „ Episcopos omnes, ut Sacram Apostolicam Se-  
 „ dem, Romanamque Ecclesiam, utpote in Dei  
 „ sponsione infallibili, & Apostolorum ac Marty-  
 „ rum sanguine fundatam, omniumque Ecclesia-  
 „ rum matrem omni honore cultuque prosequan-  
 „ tur.



» tur. Ipsa enim, ut cum Beato Athanasio loqua-  
» mur, est Sacer vertex ille, à quo in omnes Eccle-  
» sias velut in totidem membra omnis spiritus dif-  
» funditur, quo nutriuntur ac conservantur. San-  
» ctissimum quoque Patrem & Pontificem nostrum,  
» quippe Ecclesie Universalis Caput visibile; Dei-  
» que in terris Vicarium, Episcopum Episcoporum,  
» & Patriarcham Patriarcharum venerabuntur, is  
» enim Successor est Petri, à quo Apostolatus Epi-  
» scopatusque initium originemque sumpserunt, &  
» super quem Christus Jesus Ecclesiam suam fun-  
» davit, quando illi Claves Regni Cœlorum atque  
» Infallibilitatis donum in causis fidei reliquit,  
» quam non sine ingenti miraculo immobilem il-  
» libatamque in ejus Successoribus durare etiam-  
» num videmus; unde ingens illa, in Romanorum  
» Pontificum Decretis mandatisque amplectendis  
» apud omnes Fideles & Orthodoxos observantia  
» profecta est. Hæc verò ut nihil detrimenti ca-  
» piat, Episcoporum munus erit, curabuntque illo-  
» rum improbitatem coerceri, qui obsequii omnis,  
» legumque impatientes, sacram hanc tot Divinis  
» humanisque Legibus sancitam firmatamque au-  
» thoritatem in dubium revocare causamque redde-  
» re attentant & conantur; utque alios efficacius  
» ad id permoveant, primi ipsi exemplò præbunt,  
» Cùm autem peculiari Spiritus Sancti ope & assi-  
» stentiâ ad tanti momenti Regiminis, quale est Ec-  
» clesie Universalis, administrationem indigeat  
» Summus Pontifex; mandabunt Episcopi, ut in  
» omnibus suæ Diœcesis precibus peculiaris San-  
» ctissimi Patris illius, qui Petri solium tenuerit,  
» memoria fiat, ut sic omnium fidelium adjutus  
» suffra-

„ suffragiis, omnes suas curas laborésque pro gloria  
 „ Dei & bono suæ Ecclesiæ animarúmque salute ad  
 „ felicem exitum perducere valeat. C'est un des  
 grands témoignages de l'amour qu'on porte à  
 Dieu, quand on respecte & honore ceux, qu'il a con-  
 stitués en ce monde, pour être son image, & y tenir  
 sa place, & en son lieu suppléer visiblement aux ne-  
 cessités des hommes pour le salut de leurs ames. Ce  
 qui ayant été donné prérogativement aux Souve-  
 rains Pontifes, par dessus tous les Evêques, il est bien  
 raisonnable que se reconnoissant les interieures, ils  
 leurs portent telle honneur, respect & reverence, qu'à  
 leur exemple tout le reste des hommes fassent la mé-  
 me chose. Les Evêques seront donc exhortez d'  
 honorer le St. Siege Apostolique, & l'Eglise Ro-  
 maine fondée dans la promesse infailible de Dieu,  
 dans le sang des Apôtres, & des Martyrs, la Mere  
 des Eglises ; laquelle, pour parler avec Saint Atha-  
 nase, est comme la tête Sacrée, par laquelle les au-  
 tres Eglises qui ne sont que ses membres, se relevent,  
 maintiennent, & conservent : respecteront aussi  
 nôtre saint Pere le Pape, Chef visible de l'Eglise  
 Universelle, Vicair de Dieu en terre, Evêque des  
 Evêques & Patriarches, en un mot Successeur de St.  
 Pierre, auquel l'Apostolat & l'Episcopat ont eu  
 commencement, & sur lequel JESUS-CHRIST a fondé  
 son Eglise, en luy baillant les Clefs du ciel avec l'in-  
 failibilité de la foi, que l'on a vû miraculeusement  
 durer immuablement dans ses Successeurs jusqu'au-  
 jourdhuy : & qu'ayant obligé les fideles orthodo-  
 xes a leur rendre toute sorte d'obeissance, & de  
 vivre en deference a leur saints Decrets & ordon-  
 nances ; Les Evêques seront exhortez de faire conti-

nuer  
 pi



ner la même chose, & reprimer, tant qu' il leur sera possible, les esprits libertins, qui veulent revoquer en doute & mettre en compromis cette sainte & sacrée autorité, confirmée par tant de loix Divines & positives, & pour montrer le chemin aux autres, ils, y defereront les premiers. Or étant besoin d'une assistance particulier du St. Esprit pour conduire un gouvernement si important, tel qu'est celuy de l'Eglise Universelle, les Evêques ordonneront, qu' en toutes les prieres de leur Diocésés, il en soit fait une particuliere pour le saint Pere, qui sera séant en la Chaire de St. Pierre; afin, qu' aidé des suffrages de rous les fideles, tous ses soins, & toutes ses peines reussissent à la gloire de Dieu, & au bien de son Eglise & au salut des ames.

Ita Clerus Gallicanus initio decimi septimi sæculi loquebatur, atque in Summis Pontificibus Infalibilitatem agnoscebat. Necdum etiam medio ejusdem sæculi hujus Regni Episcopi quoad hoc punctum sententiam mutarant. Eodem enim modo in quadam ad Innocentium decimum Epistola, cui 85. Episcopi subscripserunt, loquuntur. „ Majores causas (inquiunt) „ ad Sedem Apostolicam „ referri, solemnis Ecclesiæ mos est, quem Fides Pertri nunquam deficiens perpetuò retineri pro jure suo postulat. Aequissimæ huic Legi obsequentes &c. Experta est nuper Beatitudo vestra, „ quantum Apostolicæ Sedis in gemini Capitis errore profligando valuerit autoritas. Continuo sedata est tempestas, æquè ad Christi vocem ventii & mare obedierunt.

In alia ad eundem Papam Epistola, cui 30. Episcopi subscripserunt, enucleatius adhuc Infalibilitatem

tatem asserunt : Sic enim loquuntur : „ *Judicia*  
 „ *pro sancienda regula fidei à Summis Pontificibus*  
 „ *lata super Episcoporum consultatione, Divina æ-*  
 „ *què ac summa per universam Ecclesiam authori-*  
 „ *tate niti, cui Christiani omnes ex officio, ipsius*  
 „ *quoque mentis obsequium præstare teneantur.*

Episcopi Galliæ ita se initio & medio decimi septimi sæculi exprimendo nihil aliud agebant, quàm ut Doctrinam sibi à suis Prædecessoribus sæculo præcedenti consignatam sequerentur. Nam in Conventu Melodunensi anno 1579. celebrato, in articulo professionis Fidei, omnibus Episcopis, eorùmque Vicariis Generalibus præscribitur, ut in omnibus Synodis tam Diocesanis quàm Provincialibus omnes fideles tam Clerici quàm Laici fidem, quam Ecclesia Romana, quæ Veritatis Magistra, columnen & fulcrum est, amplectitur & profitetur, palàm amplectantur ac profiteantur, hanc enim illam Ecclesiam esse, cui ob suum Primatum omnes aliæ Ecclesiæ se accommodare tenentur.

Qui ergo accidere potuit, ut sub finem decimi septimi sæculi Episcopi, qui Conventum anni 1682. componebant, propriarum Ecclesiarum derelictâ traditione, eidem contrariam omninò viam inierint, atque contenderint, quòd iudicia Summorum Pontificum in materia Fidei non sint infallibilia ? id sanè captu difficile est. Verùm in hujus rei rationes causasve, quæ mei fori non sunt, non ulterius inquirò, sed modò Declinatorius Cleri articulus referendus est, ac in examen vocandus est. Sic ergo habet : „ *In Fidei quoque quæstio-*  
 „ *nibus, præcipuas Summi Pontificis esse partes,*  
 „ *ejusque Decreta ad omnes & singulas Ecclesias*  
 per



» pertinere ; nec tamen irreformabile esse judi-  
» cium, nisi Ecclesiæ consensus accesserit. En fa-  
mosum illum articulum, quem hi Episcopi à suis Pa-  
tribus accepisse asserunt, cum interim contrarium,  
in omnium, qui ea, quæ modò retulimus, legunt, o-  
culos saliat.

Sed operæ pretium videtur hîc demonstrare,  
quòd bina illa prælegata, quæ Episcopi initio hujus  
articuli Summo Pontifici tribuunt, in Decisionibus  
scilicet, aut quæstionibus Fidem concernentibus il-  
lius præcipuas partes esse, nec non Decreta in hac  
materia ab ipso emanata ad omnes generaliter Ec-  
clesias, & ad unamquamque in particulari spectare,  
nihil aliud sint, quàm formosa ac speciosa verba ad  
insinuandum, quòd cum Papæ multùm conceditur,  
re ipsa nihil ei tribuatur.

Quod primum horum prælegatorum vel pri-  
mam harum prærogativarum attinet, jam satis liqui-  
dò constat, quòd, cum dicunt Papam præcipuas in  
Fidei quæstionibus partes habere debere, non id  
duntaxat velint, ut scilicet prælationem supra Gene-  
rale Concilium habeat. Restat igitur, ut dicamus,  
quòd hæc prælatio solummodò se extendat quoad  
Concilia Provincialia, aut Episcopos particulares :  
at verò Franciæ Episcopi, qui prædictum articulum  
sectantur, tam procul absunt, ut judicium Papæ in  
materia Dogmatica Concilii Provincialis judicio  
præferant, quin potius suo particulari judicio illud  
etiamnum subjiciant. Et de facto, ex quo præten-  
dunt, quòd quilibet Episcopus Summorum Ponti-  
ficum Decreta in materia Fidei non suscipiat, nisi  
prius ea, & quidem in forma judicii examinârit, non  
solum quilibet Episcopus Papæ Decisionem suam non

praefert, verum è contrario penitus illi ſubjicit, ſiquè  
 Papam malè judicàſſe cenſeat, Decretum ipſius re-  
 jicit, nec illius minimam rationem habet. Ubi er-  
 go ſunt præcipuæ illæ Summorum Pontificum par-  
 tes in materiis Fidei, quas Cleri articulus tantoperè  
 valere jubet, cùm non ſolùm ſupra Concilia aut  
 Oecumenica aut Provincialia nihil valeant, imò apud  
 ipſos particulares Episcopos ex Gallia mente ſine  
 ſingulorum approbatione robur non habeant?  
 Certum autem eſt, quòd omnis Judex, cui alterius  
 Judicis ſententiam revidendi jus competit, qui que-  
 cam rejicere poteſt, non modò ſe ut huic judicio  
 inferiorem non reputat, quin potiùs quodammodò  
 ſe tanquam illius ſuperiorem ſtabiliat. Et hæc  
 quoad ea, quæ primum articulum reſpiciunt. Exa-  
 minemus modò & videamus, num verum ſit, quòd  
 ſecundùm Gallia Episcopos Summorum Pontifi-  
 cum Decreta ad totam in genere Eccleſiam ſpectent  
 eaque qualibet Eccleſia in particulari acceptare te-  
 neatur? At verò qui hoc verum eſſe poteſt, cùm  
 ſecundùm illorum Doctrinam, qui Infallibilitatem  
 impugnant, quilibet Episcopus hujusmodi Decreta,  
 cùm ad ſe directà ſunt, penes ſe retinere poſſit, eo-  
 rumque publicationem impedire, ſi non ejuſdem  
 cum Papa ſententiæ ſit? pronuntiet Papa, decidat-  
 que, quantumcunque voluerit, mittat quocunque  
 terrarum ſua Decreta, quilibet tamen Gallia Episco-  
 pus extemplo moram illis injicere, ea ſupprimere, at-  
 que omnibus ſuis Dioceſanis ſubtrahere nec non  
 tanquam quid non factum aut decretum reſpectu  
 illorum reddere valebit.

Supponamus nihilominus, quòd talis Episcopus  
 ejusmodi Decretum Romano-Pontificium cum om-  
 ni



ni reverentia suscipiat, suo iudicio comprobet, utque sui Diœcesani illud recipiant, expresso jubeat mandato, quomodo ipsius Diœcesani respectu contentorum in ejusmodi Decreto se gerere debebunt? tenebunturne illa credere, Decretoque illi ut Fidei articulo ulterius adhærere? non utique; sed expectandum erit, quid desuper tota Ecclesia sive per expressum, sive per tacitum consensum dictura sit. Sed an non ei provisionaliter ob honorem erga Summum Pontificem tanquam Fidei articulo adhærere poterunt? Nihil minus: Fide namque Divinâ provisionaliter non creditur, ad hoc enim infallibilis requiritur autoritas, aliâs fide Divinâ credi posset, quod in se ipso falsum esset. At si tota Gallicana Ecclesia illud recepisset, atque publicari fecisset, prout publicari fecit Decretum Innocentii duodecimi contra Dominum de Felon Archiepiscopum Cameracensem, an non tunc aliquis simplex fidelis illud tanquam Fidei articulum credere posset? Nullatenus, sequendo hanc Doctrinam, id non posset; oportet quippe, ut tam Papæ Decretum, quàm Episcoporum mandata tanquam particulares quasdam opiniones & Dogmata, quæ quidem in veritate reverentiam mereantur, nec tamen sufficienti autoritate polleant, ut ea cuncti fideles suscipere & acceptare teneantur, respiciat. At quomodo simplex quidam opifex, negotiator, rusticus scire poterit, quando tota Ecclesia consenserit, hi, qui ad exteras Regiones minimam habent relationem? an non manifestum est, quòd sic hujusmodi fideles ad impossibile redcantur, atque in perplexitate moriantur circa essentialissimos Fidei articulos, quosque Summi Pontifices magnusque Episcoporum

numerus imò uniuersa fortè absque ulla exceptione Ecclesia definierint.

Sed, dicet fortè aliquis, quòd horum fidelium Episcopi curam gesturi sint ipsos de totius Ecclesie consensu certiores reddendi ; verùm omisô, quòd id non faciunt, cùm ipsis sufficiat semel mandatum de recipiendo Decreto dedisse : supposito, quòd horum Episcoporum unus fideles suos desuper certiores reddat, tenenturne ipsius verbis credere, idque sufficitne huiusmodi fidelibus, ut Fidei Divinæ actum elicere possint ? an non apertum est, quòd à pluribus quàm duodecim annis, quibus Constitutio *Unigenitus* orbem vidit, adhuc disceptetur, num uniuersa Ecclesia eam acceptarit necne, quamvis ubique satis supérque nota sit, neque extra Galliam vel unus in toto terrarum orbe Episcopus sit, qui reclamarit, aut se eam non acceptare testatus sit ? Magnæ notæ ac nominis Prælati ex omnibus mundi Regionibus testimonia producunt, interim tamen de veritate ac sufficientia horum testimoniorum adhuc controvertitur, quamvis nullum in contrarium ipsis opponi possit. Quid ergo fieret, si omnes tacuissent, exterisque Episcopis in silentio acceptare eam suffecisset ? En fidelem semper eadem molestiâ implicitum. Ex una parte Summus Pontifex decidit ac mandat omnibus fidelibus, ut sub anathematis atque ab Ecclesie sinu dismembrationis pœna suo Decreto obediant, ex altera autem Episcopi Gallie Constitutionem publicant, atque sub iisdem pœnis Diœcesanos suos obligant, ut interiori mentis assensu ac submissione eidem adhæreant, & tamen nullus horum id præstare tenetur, quin è contrario, excommunicationes tanquam res prorsùs inanes respicere



tenentur, donec omnes totius terrarum orbis Episcopi ad ipsis declarandum venerint, quòd post morosum examen atque cum traditione collationem Decretum aut Constitutionem hujusmodi tanquam Decretum Dogmaticum Ecclesiæque fidem continens, acceptârint.

Sed ultima adhuc etiam hujus articuli verba examinemus primisque comparemus : hæc ita habent : *In quæstionibus Fidei præcipuas Summi Pontificis esse partes* : Ultima sic sonant : *Nec tamen irreformabile esse ejus judicium, nisi accesserit Ecclesiæ consensus.* In hoc ergo jus Papæ quoad fidei quæstiones sistere jubetur ; Ipsius videlicet Constitutiones tum denuum vim Legis obtinent, nec postmodum à quoquam in dubium revocari possunt, cum scilicet tota Ecclesia iis consensum dederit, easque acceptârint, quò deficiente, de se ipsis vel unicum fidelem ita subjiciendi, ut plenè eis acquiescat, vim non habent. Hoc autem supposito, contendo, quòd, cum initio articuli dicitur, Romani Pontificis in fidei quæstionibus præcipuas esse partes, vera inibi contradictio contineatur, eo quòd ad conditionem ultimi Ecclesiæ Episcopi dictus Summus Pontifex redigatur, nec ipsi major auctoritas tribuatur, quàm minimæ totius orbis Diœcesis Præsul alterâ suæ consecrationis Die habeat. Quod ut probem, suppono, quòd novus hic Episcopus quoddam Doctrinæ punctum ad fidem pertinens definiat, illudque suis Diœcesanis credendum proponat. Nec enim in hoc vel quoad minimum à principiis Theologorum Gallicanorum discedo ; tenent enim, quòd Episcopi hujusmodi quæstiones

ante Papam, cum Papa, ac post Papam definire possint. Certissimum autem est, nec id diffiteri poterunt memorati Theologi, quod, si omnes totius mundi Episcopi hujus Præsulis decisioni consentiant, eamque tanquam articulum ad fidem spectantem recipiant, ipsius judicium post hæc irreformabile futurum sit. Consequenter longè est, ut Papa secundum hæc principia præcipuas in fidei judiciis partes habeat, quin è contrario major ei non tribuatur, quàm minimus totius orbis Episcopus habeat. Quod in præsentiarum de istorum Theologorum opinione dico, non est vana quædam suppositio; notum namque est, quod à tempore contentionum, quæ Theologorum mentes ratione Constitutionis *Unigenitus* in Gallia hæctenus agitârunt, cum quidam Gallicani Episcopi in medium protulissent, quod, quando Papæ judicium major Episcoporum numerus sequitur, tunc totus terrarum orbis se huic judicio submittere, illudque acceptare teneatur: reliqui hoc principium procul rejecerint, atque contenderint, quod, ut ejusmodi Papæ judicium in legem transire posset, unanimitas, aut saltem quasi-Unanimitas Episcoporum requiratur. Et verò quid hoc aliud est, quàm tota Papæ autoritas ad simplicis cujusdam Episcopi conditionem redacta, idque principiante rémque fundante isto Cleri articulo: *Nisi accesserit Ecclesie consensus*. Nam, ajebant hi ultimi Prælati, pluralitas Episcoporum non est tota Ecclesia, atqui tota Ecclesia acquiescere debet, ergo majoris Episcoporum numeri assensus cæteros obligare non potest.

At satisne benè advertunt hi Episcopi ac Theologi,



logi, quò sua principia eos abducant ? Convenit inter omnes Theologos, quòd Authoritas Ecclesiæ dispersæ æquè magna sit, ac Ecclesiæ in unum collectæ; si ergo in Ecclesiâ dispersa major Episcoporum numerus Papæ adunatus articulum fidei conficere non potest, quòd authoritas ipsorum Oecumenicorum Conciliorum deveniet ? sequetur, quòd horum Conciliorum authoritas Infalibilis non sit, nec ullum eorum, quæ pro Oecumenicis habemus, unquam dicere potuerit : *Visum est Spiritui Sancto & nobis.* Ratio hujus est, quia in nullo Conciliorum, quæ Ecclesiâ tanquam Oecumenica recipit, vel media pars totius orbis Episcoporum interfuit, imò quædam celebrata fuerunt, quibus nec sexta Episcoporum pars aderat : Si ergo verum est, quòd major Episcoporum pars Papæ conjuncta articulum fidei, cui omnes fideles obedire & subijci teneantur, condere non possit, verum etiam erit, nullum ex Conciliis, quæ pro Oecumenicis agnoscimus, articulum fidei conficere potuisset. Quòd post definitionem Concilii Nicæni de fide non fuerit, verbum Divinum Patri suo æquale esse. Quòd post Constantinopolitanum, cui 150. tantum Episcopi interfuerunt, de Fide non fuerit, Spiritum Sanctum æqualem esse Patri & Filio. Quòd post Concilium Ephesinum de Fide non fuerit, unam tantum esse in Christo personam, Beatamque Virginem Dei Matrem esse. Quòd post Calcedonense de Fide non fuerit, duas esse distinctas ac inconfuse uni personæ in Christo unitas naturas. Et sic de cæteris, quæ referre nimis longum foret.

Quòd si quis dicat, quòd ex quo hæc Conci-

lia ab universa Ecclesia recepta fuerunt, eorum decisiones in dubium vocare nulli amplius licitum fuerit, nisi Hæresis notam incurrere mallet. Ad hoc respondeo 1. Inde jam sequi, quod ea, quæ in hujusmodi Conciliis definita fuere, de fide non fuerint, nullusque fidelium obligatus fuerit, iis interiori mentis assensu prius acquiescere, nisi postquam certitudo de totius orbis Ecclesia, id est, omnium Episcoporum consensu obreta fuisset. Et hoc unicum ipsamet utique Concilia Oecumenica auctoritate suâ privat ac dejicit; ii quoque, qui nostrâ hâc ætate tam validè ea reclamant, atque ut supremum ac infallibilem Judicem appellant, per hoc tandem fateri coguntur, quod non sint magis infallibilia, quàm sit ipse Papa, illorùmque definitio, nisi prius eam Ecclesia universa acceptet, nullatenus de Fide esse possit. 2. Quod post decisionem Conciliorum Oecumenicorum quilibet Episcopus, qui iisdem non interfuit, jus habeat decisionem examinandi, illamque rejicere possit, si suæ Ecclesiæ Fidei conformem non invenerit. 3. Quod, si triginta solummodò Episcopi ante celebrationem Concilii quoad argumentum ibidem præcipuè tractandum ac definiendum ab aliis disenserint, atque post Concilium in sua opinione persistant, decisio Concilii ad nihil futura sit, aut cum saltem Fidei articulum non faciat, jus semper retenturi sint suam defendendi opinionem, utpote cum illa inter Episcopos quasi-Unanimitas deficiat. Et quantumlibet Papa cæterique Episcopi illos excommunicent, semper tamen interiùs Ecclesiæ adhærebunt, ejusque vera membra erunt, jus ut prius retinebunt ordines conferendi, omnésque Episcopales functiones exercendâ,



di, quin omnia anathemata eos à Christo separare, Fide aut Charitate exuere valeant, dummodò semper agnoscant ac profiteantur, quòd Papa sit Caput Ecclesiæ.

Quas autem ex similibus principiis consequentias deducere non debemus? Certum est, quòd statim post Concilium Nicænum plures Episcopi illius decisiones recipere, atque Verbum Patri æterno consubstantialia agnoscere noluerint. Memoriâ item proditum est, quòd Concilium Tyriense non nisi ex istis fermè Episcopis conflatum fuerit; statim post Constantini obitum se desuper aperte declarârunt. Interim tamen quoad communionem à Catholicis separati non erant, eo quòd hi non recusarent unà cum ipsis Conciliis interesse, ibique Ecclesiastica negotia tractare. Idem accidit post Concilium Calcedonense: plures Episcopi se adversùs illud declaraverunt atque rejecerunt, ita ut Leo Imperator desuper omnes Orientis Metropolitanos consulere, quidque de isto Concilio sentirent, & num tam ipsi, quàm eorum suffraganei illud reciperent, ab ipsis sciscitari coactus fuerit. In hisce opinionibus visi fuerunt Patriarchæ Alexandrinus & Antiochenus, qui nihilominus in communione Aecacii Patriarchæ Constantinopolitani, cui plerique Orientis Episcopi etiamnum communicabant, persistere non desinebant.

Si ergo in Ecclesia semel admitteretur, quòd ad conficiendum Fidei articulum totius Ecclesiæ consensus, aut saltem quasi Unanimitas Episcoporum requiratur, fateri oporteret, quòd, cum Concilia Nicænum & Calcedonense unanimiter recepta non fuerint, verùm illis plures Orientis Episcopi se oppo-

sue-

fuerint, Fidei articulos non fecerint, & quòd quilibet absque ullo salutis periculo eis contradicere poterit, ex quo sequeretur, quòd Arianismus Hæresis non esset.

Quòd si quis objiciat, quòd omni tempore Ecclesia illos ut Hæreticos respexerit, qui horum Conciliorum Decisionibus acquiescere renuerunt: id facile concesserim: at semper creditum est, quòd alicujus Concilii Summorum Pontificum auctoritate firmati decisio suprema ac infallibilis in Ecclesia auctoritatis sit; quòdque principium quasi-Unanimitatis omnium totius mundi Episcoporum nunquam agnitum fuerit.

Et profectò quot Hæreses in suo ortu statim suffocatae fuere, quot item aliae damnatae, postquam à Provincialibus Synodis aut ab Universitatum Censuris Romam fuerat appellatum, quæ utique vires fumpissent séque dilatassent, si vel Oecumenicorum Conciliorum celebratio, vel quasi-Unanimitas omnium totius mundi Episcoporum expectanda fuisset? nemo potuisset allegare, aut prætere, quòd ea, quæ sive per Concilia Provincialia, sive Romanos Pontifices decisa fuerant, fidei articuli forent, donec omnium totius mundi Episcoporum consensus obtentus fuisset. Pelagiani e. g. post Synodos Africanas, eorumque ab Innocentio ac Zosymo Summis Pontificibus factam damnationem jure contendissent, quòd ipsi Hæreticorum eorumque Doctrina Hæresis notâ iuri non possent, donec Univerſa Ecclesia desuper consentum suum dedisset; & præterea æquè jus habuissent Episcoporum subscriptionem Decreto Zosymi subjunctam cavillandi, ac illi, qui hodie Episcoporum subscriptionem Constitu-

tioni



tionem *Unigenitus* factam in Controversiam adducunt, eique se opponunt. Pariter etiam semi-Pelagiani in Synodo Secunda Arausiana, innumerique alii Hæretici, quos Historia Ecclesiastica passim commemorat, qui semper vel errores suos retractaverunt, vel tanquam Hæretici habiti sunt, quamprimum à Sancta Sede damnati fuerunt.

Præterea ad quid in Historia tam frequentes ad Summos Pontifices appellationes fuissent, si eorum iudicium ac definitio ad terminandas lites ac controversias nihil contulissent, verum (non dico ad Generale Concilium, cum istud ad easdem terminandas secundum novum systema non multò aptius fuisset) ad totius mundi Episcopos confugiendum, illorumque super hisce controversiis ac litibus iudicium expectandum fuisset.

Numnon igitur rationabilius est dicere, quòd, cum Salvator noster Ecclesiam suam in Fidei puritate usque ad omnium sæculorum finem conservare voluerit, Divo Petro ejusque Successoribus in Sede Romana potestatem tribuerit de hujusmodi questionibus supremo modo infallibiliter judicandi ac decidendi, quàm id Oecumenicis Conciliis tribuere, quorum convocatio quandoque impossibilis est, aut iudicio omnium totius mundi Episcoporum, de quo nisi post elapsam jam longum tempus inveteratòque jam errore nemo certus esse potest? Historiæ etiam memoriâ compertum habemus, sat multos Hæreticos ac Heterodoxos iudicio Papæ acquiescisse, errorésque suos retractasse, nullum autem eorum legimus, qui iudicio Conciliorum Oecumenicorum, aut omnium totius orbis Episcoporum consensui acquies-

quieverit, si de Hæresiarchis aut eorum sectis sit sermo,

Ex his omnibus concludo, quòd Unanimitas Episcoporum ultimis hisce adinventa temporibus, sicut &, quod idem est, prætentus ille totius Ecclesiæ consensus nullâ ratione defendi possit, quem Galliæ Clerus utique amplexus non fuisset, si hujus Regni Episcopi suorum Prædecessorum vestigiis inhæsisent, sique, prout illi, Infallibilem Sanctæ Sedis Authoritatem agnovissent.

## CAPUT XV.

Respondetur Objectionibus, quæ  
adversùs Infallibilitatem Summorum  
Pontificum formati solent.

**F**requentiores Objectiones, quæ adversùs Doctrinam, quam hucusque stabilivi, formantur, quibusque plerique magis moventur, ex agendi modo Divi Cypriani erga Sanctum Stephanum Papam ratione Baptismi Hæreticorum, & ex iis, quæ Sanctus Augustinus, cùm Donatistis responderet, de hac agendi ratione in suis operibus effatus est, deducuntur. At cùm fusè utriusque huic objectioni, ubi Sanctorum Patrum de Authoritate Summorum Pontificum sententia retuli, responderim, plura hìc desuper non addam. Sicut nec etiam iis, quæ quoad quasdam Summorum Pontificum ad quosdam particulares directas Decretales, in quibus in errorem lapsos esse eos nonnulli contendunt, objici solent, immorabor: Præterquam enim, quòd plerique



que Theologi potiore harum difficultatum partem jam elucidarint, sufficit mihi, ne diutius iis detinear, quòd Thesin, quam propugnandam suscepi, non tangant: in eo quippe tantummodò consistit, quòd per eam contendatur, Summos Pontifices in Fidei Decisionibus, quas pro tota Ecclesia ferunt, eique observandas proponunt, esse Infallibiles. Firmiter proin teneo, quòd in omni sæculorum serie non invenietur, vel unicum Papam in hac Hypothesi, aut ullum protulisse errorem, aut quòd Ecclesia crediderit Summos Pontifices hujusmodi errorem invenendi capaces fore.

Doctor Launojus, qui nostrâ ætate omnium illorum, qui Doctrinam nostram impugnant, Coryphæus est, ut contrariam opinionem stabiliat, Summorumque Pontificum authoritatem non solum sub Conciliis Oecumenicis, quæ fortè absque illis celebrarentur, deprimat, sed insuper ut eam cæterorum Episcoporum authoritati æquet, plura edidit volumina. Epistolas, quas hac super materia exaravit, innumeris veterum sententiis ac textibus opplevit, variâque ratiocinia in iisdem adhibuit; at eorum pleraque tam caduca sunt, ut vel mediocribus Logicis pudorem excuterent. Quod autem Patrum Veterumque loca, quæ frequenter absque ullo discrimine accumulât, attinet: notatû dignum est, quòd inter plus quàm mille, quæ corrasit, nullus reperiat, in quo vel unus Ecclesiæ Pater, ullum Concilium, ullus Historicus, verbò ullus Scriptor Catholicus ante Concilium Constantiense asseruerit, vel quòd Summi Pontifices non sint Infallibiles, quando in fidei quæstionibus articulum quemdam toti Ecclesiæ credendum proponunt; aut quòd vel

uni-

unicus Papa præteritis sæculis falsum aliquem, & qui erroneus dici possit, proposuerit. Et hoc ipsum me ab onere objectionibus, quæ adversus Doctrinam, quam tueor, formari solent, respondendi eximere possit, eas scilicet illis, à quibus formantur, resolvendas remittendo. Enimverò ipsis dicere possem; nec ex Sacra Scriptura, nec ex universa traditione vel unicam auctoritatem adducere potestis, quæ stabilit, Summos Pontifices in iis, quæ Ecclesiæ proponunt, errori obnoxios seu Conciliis subiectos esse. E contrario ego per totam Traditionem demonstravi, quòd Summi Pontifices tanquam infallibiles semper agniti fuerint, illorùmque Ecclesiæ tanquam Mater & Magistra cæterarum omnium perpetuò præconizata fuerit. Ea omnia, quæ tum ex Sanctis Patribus, tum Conciliis, Veteribusque Scriptoribus retuli, non modò hanc stabiliunt sententiam, verùm insuper probant, quòd Prærogativæ Summorum Pontificum super promissiones Christi Divo Petro factas, ac in Evangelio relatas fundatæ sint: adeòque vestrà æquè ac meâ interest difficultates illas, quæ adversus hanc Doctrinam formari possunt, resolvere

At liberaliùs agam, ipsemetque iis difficultatibus, quæ in quorundam mentibus majorem impressionem facere possent, respondebo.

Objicitur ergo 1. Quòd si semper creditum fuisset, Summos Pontifices esse Infallibiles, superfluum, ac inutile fuisset ad fidem explicandam Hæresesque damnandas Concilia congregare, sufficisset enim utique ad solos Summos Pontifices recurrere, atque pro decisione supplicare, quod tamen factum non fuit. 2. Ipsimet Summi Pontifices omni quæ



quâ datâ occasione facti sunt se teneri servare Canones eisque se conformare, ex hoc ergo facti sunt, quòd Concilijs illis, in quibus hujusmodi Canones euli fuerant, inferiores sint. 3. Quidam Summi Pontifices in certis quibusdam occasionibus declaraverunt, quòd nullatenus intenderent quidquam contra Fidem proferte, alii verò, ut Joannes vigesimus secundus & Gregorius undecimus in mortis articulo protestati sunt, quòd si fortè ex quadam inadvertentia ipsis quidquam fidei contrarium aut linguâ aut calamò excidisset, illud omne retractent ac pro non dicto aut scripto haberi velint. 4. Quòd Ecclesiæ Patres, peculiariter autem Sanctus Augustinus, docuerint, Claves Ecclesiæ, id est, potestatem jurisdictionis, immediatè Ecclesiæ ipsi traditas fuisse, cujus D. Petrus figuram solummodò gerebat, quando Salvator noster ipsi easdem promissit: unde sequitur, quòd, cum tam ipse, quàm ejus Successores suam jurisdictionem non nisi ab Ecclesiâ receperint, ei inferiores sint, ipsique subjici debeant. 5. Quòd Summi Pontifices sæpius facti sint, sibi fas non esse, vel in minimo se ab Ecclesiæ Traditione elongare. 6. Quintum Oecumenicum Concilium exemplò Apostolorum docet, quòd per viam Conciliorum articuli Fidei examinari ac definiri debeant: non ergo in hujusmodi materia Summorum Pontificum authoritatem agnoscebat. 7. Concilium Constantiense expressè definivit, quòd Concilium Generale sit supra Papam, hîcque illi subjiciatur, cum de Fide ac Ecclesiæ reformatione agitur. Idem etiam Basileense definivit, & ex quo Concilii Constantiensis Decreta renovavit, pro legitimo à Papa Eugenio quarto habitum est. Hæc sunt præcipua

argumenta, quæ adversus Summorum Pontificum Infallibilitatem eorumque supra Concilia Oecumenica superioritatem adducuntur. Illis igitur modò respondendum est.

## §. I.

## Respondetur Objectioni ex necessitate Conciliorum deductæ.

**R**esponden ergo 1. Quòd si Summorum Pontificum Infallibilitas fundata esset super revelationes aut inspirationes Propheticas, tunc in tali casu meritò dici posset, Concilia superflua ac inutilia esse, cùm quibuscunque emergentibus causis solùm ad eos tanquam ad tot oracula, quæ in flagranti pronuntiando omnes difficultates facilè definiissent, recurrendum fuisset. At hæc non ita se habent. Ipsorum æquè ac Conciliorum Infallibilitas; supponit materiæ occurrentis discussionem, traditionisque examen. Verum quidem est, quòd, cùm Sedes Apostolica à Fide nunquam deflexerit, semper in sinu suo vivam quamdam Traditionem conserveat, at hoc minimè impedit, quin, cùm novæ occurrunt quæstiones, ad ea, quæ tum Summorum Pontificum Prædecessores, tum Ecclesiæ Patres, tum denique ipsa Concilia sive Generalia sive Particularia desuper censuerunt, recurri oporteat. Verbo eadem Summi Pontifices implere debeat, quæ in Conciliis Oecumenicis, antequam quidquam definiatur, fieri consueverunt.

Quæ cùm ita sint, facilè quisque videt, quòd de Prudentia Summorum Pontificum fuerit in va-  
riis



tiis emergentibus Concilia cogere, in quibus omni possibili ac convenienti diligentia subortæ quaestiones examinarentur; sive dein ipsimet expressè ea convocârint, sive eorundem celebrationi per consensum suum concurrerint; & quòd ita res se habeat, invictum ex eo argumentum nobis suppeditatur, quòd Gregorius septimus Papa, qui expressè declaravit Summos Pontifices esse Infalibiles, quemque valde multi tanquam primam hujus Doctrinæ authorem respiciunt, nihilominus multa convocârint ac coëgerint Concilia, eisque ipsemet præfedit, atque super Fide definierit, Ecclesiasticamque Disciplinam ad normam reduxerit. Notum etiam est, quòd ab hujus Papæ temporibus ipsius Successores innumera ferè coëgerint, inter quæ plura Oecumenica etiamnum fuere. Dicetne exinde aliquis, quòd Gregorius septimus sen ipsius Successores se non esse Infalibiles, aut quòd in Conciliis Generalibus auctoritatem quamdam suæ superiorem agnoverint? fateri ergo oportet, quòd argumentum ex Conciliorum celebratione deductum contra Infalibilitatem Summorum Pontificum nullatenus proponi possit.

2. Celebratio Conciliorum pro unico objecto non semper habuit Decisionem quaestionum Fidei, verùm ideo etiam quandoque Concilia celebrata fuerunt, ut scilicet turbas, quas factio Hæreticorum in Ecclesia causârat, cessare facerent, mentesque, quas Disputationum calor, & sæpius quidem cum dispendio charitatis, quæ perfectionis vinculum est, inflammârat, readunarent, atque inter Episcopos eadem sensa, eundem sermonem, eundemque spiritum restituerent, ac renovarent,

3. Hujusmodi Conventus pro fine in super habuerunt, ut per viam, quæ authoritatem minùs redoleret, Hæreticos reducerent, aut splendidiori modo convincerent. Pervicacia Hæreticorum nimis quàm magna sæpius fuit, quàm ut se determinationi Summi Pontificis subderent, cùm enim arbitrarentur se Sacræ Scripturæ inniti, facile sibi persuadebant, quòd rem melius intelligerent, accuratiùsque discussissent, quàm ipsimet Summi Pontifices. Necessum ergo erat, ut ipsis in Conciliis demonstraretur, quòd omnes Catholici Episcopi non aliter, quàm Ecclesiæ Caput, Divique Petri Successor, sentirent. Eadem semper erat intrinseca authoritas (ut scholæ loquuntur) at extrinsecè major apparebat in Conciliis, proindè que magis apta erat ad Hæreticos pertinaciæ convincendos.

Quòd si quis in super dicat, quòd, si Summi Pontifices pro Infallibilibus agniti fuissent, illi, qui super Fide disceptabant, se utique ipsorum authoritati submississent. Respondeo, & quæro etiam ab illis, qui ita argumentantur, num Concilia Oecumenica Infallibilia sint nec ne? si dicant, quòd sint Infallibilia; quæro ulteriùs, quare ergo hi, qui in illis damnati fuerunt, eorum authoritati se non submiserint? Concilium Nicænum Hæresin Arianam damnavit, Constantinopolitanum Macedonianam, Ephesinum Nestorianam, Calcedonenſe Eutychianam, & sic de reliquis. Interim tamen hæc omnes Hæreses post hæc Concilia ut antè etiamnum subsisterunt. Imò pleræque post suam damnationem magis se dilataverunt, quàm antè. An ultimis hæc temporibus Lutherani, qui post Bullam Leonis decipi tantâ solemnitate Concilium Generale tanquam



quam ultimum Judicem appellârunt, magis se Concilio Tridentino, quàm Summo Pontifici submiserunt? insulsè argumentantur ergo hi, qui dicunt, quòd, si primis Ecclesiæ sæculis Summi Pontifices infallibiles crediti fuissent, eorum Decretis ac Decisionibus omni modo submissio ab omnibus præstita fuisset.

Operæ nihilominus pretium est hîc notare, quòd, cùm Decisiones Conciliorum Oecumenicorum nullam Hæresin extinguere potuerunt, Summorum e contra Pontificum Definitiones quàm plures in ipso ortu suffocârint, ut Appollinaris, Pelagii, Semi-Pelagianorum, Berengarii, Gilberti Porretani, Petri Abaëlardi, Almarici, cæterasque innumerabiles, quarum Aurhores, aut se Summorum Pontificum Decisionibus submiserunt, suisque erroribus renuntiârunt, aut damnatis à Sancta Sede eorum Dogmatibus, ab omnibus derelicti fuerunt. Si de judiciorum infalibilitate ex illorum, qui damnati fuerunt, submissione judicare oporteret, profectò longè plura suæ Infalibilitatis argumenta Summi Pontifices haberent, quàm Concilia Oecumenica. At nondum eò res nostræ devenêre, ut ex hujusmodi principiis argumentari nostramque de Summorum Pontificum Infalibilitate ac supra Concilia superioritate Doctrinam fulcire cogamur.

Cùm de Conciliorum necessitate agamus, pauca hîc quoad objectionem sextam ex Concilio quinto Generali erutam differere consultum duxi. Præ tenditur ergo, quòd ibi dictum sit, quòd Fidei quæstiones nullibi, quàm in Conciliis determinari possint. Ex quo infertur istud Concilium non credidisse, quòd Papa eas definire possit. At omisso,  
quòd

quòd locus, qui citatur, nihil aliud sit quàm mera enuntiatio, & non definitio quadam, verum equidem est, quòd Concilium Synodorum celebrationem ad terminas occurrentes quæstiones laudet, at non dicit, quòd id aliter fieri non possit. Verba, quæ ex eo Launojus adducit, alium omnino sensum habent, sic enim sonant: „ Certo constituto, quòd  
 „ in communibus disceptationibus, cùm propo-  
 „ nuntur, quæ ex utraque parte discutienda sunt,  
 „ veritatis lumen tenebras expellit mendacii. Nec  
 „ enim potest in communibus de Fide disceptatio-  
 „ nibus aliter veritas manifestari, cùm unusquisque  
 „ proximi adjutorio indiget. Manifestum est, quòd  
 hæc verba nihil aliud ad definiendum exigant, quàm  
 ut rationes utrinque in disputationibus, quæ insti-  
 tuuntur, antequam iudicium pronuntietur, discuti-  
 antur & examinentur; ad Conventus Ecclesiasticos  
 eos apprime congruos arbitratur.

Sed inde non sequitur, id alibi quàm in Conciliis fieri non posse; aliàs sequeretur etiam, quòd nullo Episcopus in propria Diocesi minimam configere posset propositionem, sed ad id integrum requireretur Concilium. Verùm ex initio textus à Doctore Launojo citati contra ipsius intentionem probaretur, quòd Papa Concilium in materia Fidei non ideo cogat, quasi ipse emergentes Fidei quæstiones infallibiliter determinare non possit, sed ideo tantum, quòd id in Concilio facere convenientius censeat, exemplo Apostolorum, qui quamvis singuli Infallibilitate gauderent, ceremoniarum legalium negotium nihilominus in Concilio definire maluerunt.  
 „ Licet (inquiunt memorati Concilii quinti Patres)  
 „ Spiritus Sancti gratia, & circa singulos Apostolos  
 abun-



» abundaret, ut non indigerent alieno consilio, ad  
» ea, quæ agenda erant, non tamen aliter de eo, quod  
» movebatur, si oporteret gentes circumcidi, desi-  
» nire voluerunt, priusquam communiter congre-  
» gati, divinarum scripturarum testimoniis unus-  
» quisque dicta sua confirmaverunt. Infalibilitas er-  
go personalis non impedit, quin Conciliorum ce-  
lebratio utilis sit.

Hunc Paragraphum finio verbis cujusdam Epi-  
scopi Græci, qui ad amicum scribens de Conciliis  
Summo Pontifici comparatis sic loquitur: (a)  
» Non enim eo quod sit majoris authoritatis & ma-  
» gis possit generale Concilium, quàm Apostolica  
» Sedes, Generalia aguntur Concilia, sed quia inci-  
» dentes quæstiones difficiliore sint, & majoris in-  
» digeant discussionis.

§. II.

Respondetur Objectioni ex SS. Ca-  
nonum observatione depromptæ.

Objectionis hæc in eo consistit, quod Divi Petri  
Successores magnam reverentiam erga SS. Ca-  
nones testari sint; quod perstudiosè eosdem obser-  
vârint, quod sapiùs dixerint, se non posse his San-  
ctis Regulis contraire, aut permittere, ut labefacta-  
rentur. Ita Julius Papa, Sanctus Leo, Sanctus Gre-  
gorius Magnus de Canonibus Concilii Nicæni locu-  
ti sunt. Sic Gelasius Papa etiam dicit, quod inter  
omnes Ecclesias nulla sit, quæ exactiùs eosdem SS.  
Canones observare teneatur, quàm Sedes Aposto-  
lica.

Q 4

(a) Barlaam Episc. Jeron.

lica. Ita posteriores Pontifices Romani omni qua  
 data occasione elocuti sunt, quòd nempe nihil facere  
 possint contra Sacros Canones. „ Sit lex commu-  
 „ nis (inquit Sylvester Secundus) „ Ecclesiæ Ca-  
 „ tholicæ, Evangelium, Apostoli, Prophetæ, Cano-  
 „ nes spiritu Dei constituti & totius mundi rever-  
 „ rentia consecrati, & Decreta Sedis Apostolicæ ab  
 „ his non discordantia.

Ex hoc principio Doctor Launojus conclude-  
 re vult, quòd Summi Pontifices Conciliis, in qui-  
 bus hi Canones editi fuerunt, inferiores se agnove-  
 rint, cum aliàs non eos ut ageudi regulas sibi con-  
 stituissent, nec facti fuissent, quòd neque illos con-  
 temnere, neque transgredi auderent. Sed ut luce  
 meridiana clariùs demonstretur, quàm leve hoc ar-  
 gumentum sit, non aliud opus est, quàm ut ad Con-  
 cilia Generalia applicetur. Hi Sacri Conventus  
 non minorem venerationem pro Conciliis, quæ ip-  
 sos antecesserant, testati sunt, quàm Summi Pontifi-  
 ces pro SS. Canonibus. Concilia Ephesinum &  
 Calcedonense Conciliorum Nicæni & Constantino-  
 politani Fidei formulas retulerunt, atque declara-  
 verunt, nihil in illis mutare aut tangere se posse.  
 Subsequentia Concilia id ipsum præstiterunt, atque  
 sub anathematis pœna prohibuerunt, ne quisquam  
 vel minimum iis adderet, demerétve. Rationabi-  
 litérne exinde inferri posset, quòd omnia Concilia à  
 quarto sæculo celebrata se quoad authoritatem illis  
 duobus primis Conciliis inferiora agnoverint? ri-  
 diculum ergo sanè est, ex eo, quod Summi Pontifi-  
 ces de Sacris Canonibus edixerunt, illud inferre vel-  
 le. Cum enim hæ Regulæ ab ipsismet Summis  
 Pontificibus, qui Conciliis illis, in quibus ab innu-  
 meris



meris fermè Sanctissimis, ac eruditissimis Episcopis Spiritus Sancti ductu conceptæ fuerant, per suos Legatos præfederant, editæ fuerint, utique non poterant non ingenti erga eas affici reverentia.

Præterea cum Summi Pontifices tenerentur curare, ut in omnibus totius orbis Ecclesiis Canones publicarentur, ac observarentur, poterantne, quin à recto deflecterent ordine, eosdem ipsi non observare? imò ad eorundem observationem quoad ea, quæ juris Divini in se continere poterant, æquè ac alii obligabantur. At hoc nunquam obfuit, quin in Canonibus Ecclesiæ dispensare possent, cum scilicet id necessitas, aut Ecclesiæ utilitas exposcebat. Tunc ergo (cum se ab iis discedere non posse asseverant) eorum officium ac debitum postulabat, ut nulla in eis dispensandi subveniente necessitate, eosdem observari facerent.

Per discursum denique Launoij argumento persimilem probaretur, quòd quilibet Papa inferior minorisque autoritatis sit, quàm sui Prædecessores. Summi namque Pontifices innumeris penè locis declararunt, quòd à Decretis suorum Prædecessorum nec latum unguem discedere possent. At pudet me tamdiu similibus immorari sophismatibus.

Insuper valde mirum est, quòd, dum Gallicani Episcopi contendunt, Papam Conciliis Generalibus inferiorem esse, atque ad Canonum observantiam teneri, continuò tamen ad eum recurrant pro obtinenda eorundem Canonum in Oecumenicis Conciliis editorum dispensatione, modò pro Episcopatus unius translatione, modò pro pluralitate Beneficiorum, modò ut ea in Commendas possidere queant.

## §. III.

Respondetur iis, quæ de quibusdam  
Summis Pontificibus objiciuntur.

**D**Octor Launojus objicit nobis, quod quidam Papa, cum jam in procinctu esset Sanctum aliquem canonizandi, protestatus fuerit, quod non intenderet quidquam contra fidem agere: ex quo infert, quod ille Papa se errori obnoxium agnoverit. Alibi dicit, quod Joannes vigesimus secundus errorem, super statu animarum post mortem, tradiderit; & quod Gregorius undecimus in suo testamento declaret, quod, si aliquâ occasione sive loquendo sive scribendo ipsi quidquam, quod tamen non speraret, contra Fidem excidisset, illud rejiciat ac revocet. Ex quo hic Doctor semper eandem conclusionem deducit. At, quod primum spectat, facile patet, quod ex eo, quod aliquis Papa declaret se non intendere quidquam contra Fidem agere, pessimè concludatur, quod errorem toti Ecclesiæ proponere se posse arbitretur; quemadmodum pessimè concluderetur, quod ex eo, quod Concilium aliquod Oecumenicum dixerit, se non intendere quidquam contra Fidem agere, toti Ecclesiæ errorem tanquam Fidei articulum proponere posset. Et qualiscunque demum sensus hujus Papæ verbis tribuatur, nunquam tamen ille, quem Launojus prætendit, tribui poterit.

Quod Joannem vigesimum secundum attinet, concesserim, quod Doctrinam erroneam super statu animarum post mortem, protulerit, quam Facultas Theologica Parisiensis rejecit. At etiam con-

cedi



cedi debet, quòd hanc opinionem in Fidei Dogma non erexerit, aut toti Ecclesiæ credendam proposuerit, de quo hic præcisè quæstio est. Imò in articulo mortis declaravit, quòd hanc opinionem aliquandiu non nisi tanquam particularem opinionem, non verò ut Fidei articulum defenderit; prout videre est apud Raynaldum.

Quoad Gregorium undecimum abundè liquet, quòd ipsius serupulus in nullam publicam Decisionem ceciderit, cum, si quasdam erroneas edidisset, rejectæ utique fuissent, eisque contradictum, nec hanc contradictionem ipse ignorare potuisset. Non ergo potest intelligi, nisi de quibusdam particularibus opinionibus, quæ ipsi ex inadvertentia fortè exciderant, quod quæstionem, quam modò tracto, non ingreditur.

Sunt, qui insuper Bullas Nicolai quarti & Joannis vigesimi secundi ratione panis & victus Franciscanorum objiciunt, contendentes, quòd hæ Bullæ sibi invicem in suis decisionibus contrarientur. Verùm præterquam quòd in his Bullis non agatur de Fide Ecclesiæ, cum Facultas Parisina desuper quondam consulta fuisset, in sua consultatione demonstravit, quòd dictæ Bullæ sibi invicem contrariæ non essent; prout videri potest apud Raynaldum. (a)

§. IV.

Respondetur Objectioni, quòd Claves Ecclesiæ non immediatè Divo Petro traditæ fuerint.

**Q**ui nostrâ atate hanc Objectionem faciunt, videntur velle iis contradicere, quæ Salyator

no

(a) *Ad an. 1323. & 1324.*

noster in Evangelio asserit. Christus dicit, Petro se daturum Claves Cælorum, & illi contendunt, quòd ei easdem non dederit, sed Ecclesiæ. Christus ait, Simoni filio Joannis eas se daturum; & illi volunt, quòd non Simon filius Joannis illas ab ipso receperit, sed quædam vacua realitatis figura, quæ Ecclesiam repræsentabat, ita ut Simon aut Petrus Joannis filius ab Ecclesia, non autem à Jesu Christo, nisi mediante illa, eas habuerit. Et hoc est præclarum illud systema, quòd sibi de potestate jurisdictionis quidam efformant. Nempe non à Papa Episcopi hanc jurisdictionem habent, sed ab Ecclesia eam ipsemet Papa recipit.

Istud systema pluribus Sanctorum Patrum sententiis fulcire prætendunt, præcipuè autem Divi Augustini, qui ubique docet, quòd, cum Salvator noster suas promissiones Divo Petro fecit, hic Apostolus figura Ecclesiæ fuerit, eamque totam repræsentavit. Inde concludunt, quòd, cum promissiones Christi immediatè Ecclesiæ factæ fuerint, in isto Ecclesiæ Corpore, non verò in Divi Petri Successoribus Infallibilitatis donum reperitur.

Sed difficile non est istud evertere systema: Nam 1. verum non est, promissiones Christi immediatè pro Divo Petro ejusque Successoribus factas non fuisse. Contrarium per totam traditionem demonstravi, tam per consensum Ecclesiæ Græcæ tempore suæ Catholicitatis, quàm & Ecclesiæ Latinæ.

2. Quòd Sanctus Augustinus cum quibusdam aliis Patribus dicat Divum Petrum, cum ipsi Salvator Claves Regni Cælorum promisit, Ecclesiam repræsentasse; longè abest, ut toti Antiquitati



eas D. Petro promissas collatasque asserenti contrarietur, quin potius eidem perfecte concordet. Cùm namque Divus Petrus verbis Salvatoris Caput Apostolorum constitutus fuerit, Salvator ipsi dando Claves Regni Cœlorum, ita ei illas pro se tradebat, ut vellet eas per ipsum ad ceteros Apostolos, universamque Ecclesiam transire. Non ergo est quæstio, num, cùm Salvator Clavium potestatem Divo Petro tribuit, eandem etiam toti tribuerit Ecclesiæ; de hoc enim facile inter omnes convenit: verùm in hoc quæstio vertitur: num scilicet Divus Petrus illam potestatem ab Ecclesia receperit, aut Ecclesia à Divo Petro; atqui Sanctus Optatus unus ex antiquioribus Patribus, qui hac de re egerunt, expressè ait, quòd soli Petro hæc potestas tradita fuerit, quam dein cæteris communicavit. (a) „ Bono unitatis (inquit) „ Beatus Petrus, cui satis erat, si, post- „ quam negavit, solam veniam consequeretur, & „ præferri omnibus Apostolis meruit, & Claves „ Regni Cœlorum communicandas cæteris solus „ accepit. Nullus Patrum illorum, qui asseruerunt, quòd Salvator noster potestatem Clavium Ecclesiæ in persona Divi Petri tradiderit, in hoc Divo Optato contradixit, nullus eorum enim dixit, quòd ista potestas immediatè Ecclesiæ tradita fuerit, & quòd ab Ecclesia primùm ad Divum Petrum transierit, quin è converso omnis traditio Sancti Optati effatum secuta est. Innocentius Papa Primus expressè dicit, (b) quòd à Divo Petro omnis Episcopalis autoritas exordium sumpserit: „ A Beato „ Petro (inquit) „ ipse Episcopatus & tota auctoritas hujus nominis emerfit. Divus Leo fortius

ad-

(a) l. 7. capit. Parm. (b) Ep. 91. apud Aug.

adhaerentem exprimit, (a) cum ,, Hujus muneris  
 (inquit) ,, Sacramentum ita Deus ad omnium A-  
 ,, postolorum officium pertinere voluit, ut in Bea-  
 ,, to Petro Apostolorum omnium Summo princi-  
 ,, paliter collocarit: & ab ipso quasi quodam Ca-  
 ,, pite dona sua velit in omne Corpus manare: ut  
 ,, exortem se mysterii intelligeret esse Divini, qui  
 ,, ausus fuisset à Petri soliditate recedere. Et ali-  
 bi: (b) ,, Magnum & mirabile (inquit) ,, dile-  
 ,, ctissimi, huic viro consortium potentiae suae tri-  
 ,, buit divina dignatio: & si cum eo commune cae-  
 ,, teris voluit esse Principibus, nunquam nisi per  
 ,, ipsum dedit, quidquid aliis non negavit. Id ip-  
 sum etiam fateatur Stephanus Larissa in Thessalia E-  
 piscopus his verbis Bonifacio Papae Secundo scri-  
 bens: ,, Quia Domino dicente tertio: Amas  
 ,, me? Pasce oves meas, tradidit prius vobis man-  
 ,, datum, & per vos deinde omnibus per universum  
 ,, mundum Sanctis Ecclesiis condonavit. Sed hic  
 omittendum non est, quod ante omnes hos Patres,  
 Divus Cyprianus id ipsum jam agnoverit, expressé-  
 que docuerit Claves personae Divi Petri traditas  
 fuisse. (c) ,, Loquitur (inquit) ,, Dominus ad Pe-  
 ,, trum, & ego dico tibi, quia tu es Petrus, & super  
 ,, hanc Petram aedificabo Ecclesiam meam. Et i-  
 ,, terum eidem post resurrectionem suam dicit:  
 ,, Pasce oves meas, & quavis omnibus post resur-  
 ,, rectionem suam parem potestatem tribuat....  
 ,, tamen ut unitatem manifestaret, unam Cathe-  
 ,, dram constituit, & unitatis ejusdem originem ab  
 ,, uno incipientem, sua autoritate disposuit. In

(a) Ep. 89. ad Episc. Prov. Vien. (b) serm. 3. de asse  
 semp. 186 (c) Ep. ad Bonif. II.



persona ergo & per personam Divi Petri auctoritas Episcopalis sumpsit exordium.

Absit, ut D. Augustinum ab illis Patribus, qui ipsum præcesserunt, ipsius contemporanei fuerunt, ipsúmque secui sunt, separemus ipsum systematis illius authorem constituendo, quod ipsorum Doctrinam evertit. Legerat hic Sanctus Doctor id, quod primùm ex Sancto Innocentio Papa retuli, illúdq̃ approbârat. Longè ergo aberat, ut contrarium doceret. Item cùm dixit, quòd Divus Petrus, cùm promissiones Salvatoris reciperet, Universam repræsentârît Ecclesiam, nihil aliud dicere voluit, quàm quòd potestas illa, quam Divinus hic Salvator ipsâ communicabat, non in ipsius duntaxat persona aut vita terminanda esset, verùm quòd oporteret, ut ipsam communicaret, atque usque in finem sæculorum ad universam transiret Ecclesiam. Hâc ergo ratione Divus Augustinus „ Si (inquit) hoc Petrus „ tantùm dictum est, hoc non facit Ecclesia. Si „ autem in Ecclesia fit. . . . Petrus quando Claves accepit, Ecclesiam Sanctam significavit. Cùm ergo dicit, quòd occasione illâ Petrus Ecclesiam repræsentârît, de tali repræsentatione locutus est, quâ Rex aliquis suos subditos, Paterfamilias suos liberos, & Pastor Gregem sibi subjectum repræsentant. Quemadmodum denique illi, qui hanc objectionem faciunt, contendunt, quòd Concilium Generale totam Ecclesiam repræsentet; sic etiam Divus Augustinus non aliâ ratione Divum Petrum universam Ecclesiam repræsentâsse asserit, quàm quòd primus & præcipuus inter Apostolos esset, atque in sua persona debiles ac fortes, ex quibus Ecclesia composita est,

est, repræsentarer. (a) „ In illo ergo ( inquit )  
 „ uno Apostolo, id est, Petro, in ordine Apostolo-  
 „ rum primò & præcipuo, in quo figurabatur Eccle-  
 „ sia, utrumque genus significandum fuit, id est fir-  
 „ mi & infirmi, quia sine utroque non est Ecclesia.  
 Idem Sanctus Doctor alibi dicit, quòd Salvator no-  
 ster, cùm à Divo Petro quæsit, num plus quàm alii  
 ipsum diligeret, in ipso solo Ecclesiam suam forma-  
 rit. (b) „ Dicit Petro (inquit) „ in quo uno for-  
 „ mat Ecclesiam, Petre amas me ? respondit, Do-  
 „ mine amo : Pasce oves meas. Et in alio sermo-  
 ne hæc habet : (c) „ Hinc ergo Petri excellentia  
 „ prædicatur, quia ipsius universitatis & unitatis Ec-  
 „ clesie figuram gessit, quando ei dictum est : Tibi  
 „ dabo claves &c. In alio denique adhuc sermo-  
 nè : (d) „ Petrus (inquit) „ in ea cælestium Di-  
 „ scipulorum schola præcipuus, ac primus idoneus,  
 „ qui verba vitæ ex Christi ore suscipiens per E-  
 „ vangeliæ veritatem Judæorum gentem perditam  
 „ quæreret, & abdicatos ad hæreditatem vocaret ;  
 „ Interpres legis, assertor gratiæ, destructor synago-  
 „ gæ, Ecclesia reparator. Et ideo solus inter A-  
 „ postolos meruit audire : Amen dico tibi, quia  
 „ tu es Petrus, & super hanc petram ædificabo Ec-  
 „ clesiam meam. Dignus certè, qui ædificandis in  
 „ Domo Dei populis lapis esset ad fundamentum,  
 „ columna ad sustentaculum, Clavis ad Regnum.

Ex his omnibus hujus Sancti Doctoris locis cla-  
 ret, nî fallor, quòd, cùm dixit, Divum Petrum tem-  
 pore promissionum Christi Salvatoris nostri Eccle-  
 siam

(a) *Serm. 13. de Verb. Domini.* (b) *Serm. 49.*  
 (c) *Serm. 108. de divorf.* (d) *Serm. 19. de Sanctis.*



nam repræsentasse, longè ut ab ipsius persona privilegia & prærogativas, quibus eum Christus Dominus decorabat, removere veluerit, quin potius è contratio contenderit, id manifestum ipsius excellentiæ, atque supra cæteros Apostolos sublimationis fuisse signum, quòdque eminenter in sua persona universam contineret Ecclesiam, quippe qui petra illa esset, super quam Ecclesia ædificata erat, Columna, quæ totum sustentabat ædificium, & Clavis, quæ Cælum aperiebat. Nihil proinde melius ad stabilendas Sanctæ Sedis prærogativas, ejusque Infallibilitatem roborandam adduci poterat. Alibi etiam idem Sanctus Augustinus de hac Sancta Sede differens: (a) „ Ipsa (inquit) „ est petra, quam „ non vincunt inferorum portæ.

Quintam hinc adjungo objectionem, nec enim particularem titulum meretur. Consistit in eo, quòd Doctor Launojus plura Summorum Pontificum loca adducat, in quibus declarant, quòd à Traditione discedere non possint, ex quo concludit, quòd exinde hi Summi Pontifices agnoverint, se non esse infallibiles. Hem quàm bellè iste Syllogismus concludat! an ergo, ut Summi Pontifices suam probarent infallibilitatem, oportuisset, ut contra Ecclesiæ traditionem definirent, aut se saltem id posse declararent? hoc ita stante profectò Divus Paulus, qui fatetur, quòd adversùs veritatem nihil possit, quique cupit, ut ipsi anathema dicatur, si aliud prædicet, quàm quod jam prædicarat, infallibilis non fuisset: pudet me talia referre. E contratio ideo Summi Pontifices infallibiles sunt, quia in persona

R. D. P. Petrididier de Inf. Pont. R Di.

(a) *Psal. cont. part. Donat.*

Divi Petri privilegium nunquam à traditione Ecclesie discedendi acceperunt.

§. V.

Respondetur Objectioni ex Concilio Constantiensi adductæ.

**H**Æc est magna illa objectio, &, ut ita dicam, Achilles Francigenarum Theologorum Summorum Pontificum Infallibilitatem impugnantium. Concilium Constantiense (inquiunt) clarè definit, quòd Concilia sint supra Papam, universamque representent Ecclesiam, Summi que Pontifices æquè ac reliqui fideles omnes in cunctis iis, quæ fidem concernunt, eorum decisionibus se subdere teneantur. Hæresis ergo est, ajebat olim Cardinalis à Lotharingia, tueri, quòd Summi Pontifices sint infallibiles aut supra Concilia Oecumenica. Hic Cardinalis opinionem hanc à Gersone mutuâtat, qui mirè de ea gloriatur asseritque, quòd hujus Concilii definitio Facultatem Parisiensem suam super hac materia sententiam mutare fecerit, suâque autoritate Theologos eò adduxerit, ut deinceps Summos Pontifices fallibiles esse, atque Conciliis subjici tuerentur.

Possẽm quidem respondere, quòd hæc Concilii definitio, non sit Concilii alicujus Oecumenici, sed tantummodò Episcoporum, Prælatorum, & Theologorum illorum, qui Papæ Joanni vigesimo tertio subjecti erant. Hanc meam responsionem autoritate duorum testium Concilio Constantiensi contemporaneorum Eugenii Papæ quarti videlicet,

&



& Cardinalis de Turrecremata, qui tempore ipsius Concilii Constantiæ erat, firmare possem; hic Author factum istud, ut testis ocularis propugnat additque, quòd Joannes vigesimus tertius, qui Schafsum se receperat, cum id percepisset, de eo, quasi de attentato adversus Summorum Pontificum auctoritatem erroneaque Doctrina ipso absente nec participante in medium prolata, conquestus sit.

At in omnem eventum schismatis circumstantiæ adhæreo, & contendo, quòd Constantiensis definitio non sit definitio aliqua Generalis ad omnia se Oecumenica extendens Concilia, verùm singularis quædam definitio duntaxat, dictumque Concilium unicè spectans ob schisma, quod diuturno jam tempore Ecclesiam affligebat, nec non incertitudinem, quæ de vero Papa Ecclesiæque Capite fidelium mentes occupabat. Et profectò jam diu visi fuerant duo Papæ in Ecclesia, ambo pro legitimis Divi Petri Successoribus in diversis Provinciis ac Regionibus agniti, quin sciri certò posset, quisnam illorum legitimus Papa foret; Conciliùmque Pisanum ambos Sede dejiciens ut novus crearetur, nihil aliud egit, nisi, etsi præter intentionem, malum augere; post illud quippe Concilium loco duorum Summorum Pontificum tres reperti fuère, qui universam Ecclesiam sub sua partiebantur obedientia. Huic malo finis imponi non poterat nisi per voluntariam abdicationem aut depositionem horum trium Summorum Pontificum in aliquo totius Ecclesiæ Conventu faciendam. Certum est, nullusque inficias ibit, quòd in tali rerum statu Concilium Generale supremum sit Tribunal, quòdque omnes fideles cujuscunque demum dignitatis aut qualitatis sint, illius

dispositionibus obedire teneantur. Hac igitur intentione, hocque sensu Concilium Generale Constantiense à stabilienda sua autoritate sumpsit initium, ac definivit, quòd, cùm hac occasione universam Ecclesiam representaret, suprema etiam potestate tam quoad Fidem, quàm quoad extirpationem schismatis, quod Ecclesiam tamdiu jam devastabat, polleret. At ego contendo, quòd ejus Decisio non se extendat ultra confusionis ac divisionis tempora, idque sic probo.

1. Concilia Generalia nullam Fidei definitionem edere possunt, nisi Ecclesiæ traditionem sequantur ac examinent; atqui non apparet, quòd Concilium Constantiense, antequam Sessione quarta superioritatem Concilii supra Papam definiret, ullum traditionis examen inierit. Nam si dicti Concilii Patres vel obiter eandem examinassent, omnes profectò Canonistas, omnésque Theologos, qui hujus schismatis tempora præcesserant, pro superioritate Papæ supra Concilia ejusque Infallibilitate stare reperissent: ipse Gerson satis abundè id inculcat, prout Capite I, ostendi. Et tempora Scholasticis superiora repetendo eandem sententiam in Patribus & Conciliis invenissent. Longè igitur ab eo fuissent, ut Definitionem, quæ ipsis attribuitur, ederent; at in circumstantiis, in quibus tunc versabantur, tali examine opus non erat; res clara & certa erat. Illius ergo definitio ultra limites suos extendi non debet.

2. Si definitio illa Generalis & pro omnibus Oecumenicis Conciliis fuisset, certum profectò est, vel quòd Martinus quintus hunc articulum non approbasset, vel in ipso Concilio Bullam non edidisset,



let, quæ prohibet, ne à Papæ judiciis ad Concilium Generale appelleretur. An non enim plus quàm ridiculum fuisset ex una parte fateri, quòd Concilia Generalia in universa Ecclesia supremi Judices sint, illisque ipsimet Summi Pontifices subjiçiantur; ex altera verò contendere, quòd ad eadem à Summorum Pontificum judiciis appellari non possit? Quis unquam asserere ausus est, quòd non liceat ab inferiori ad superius Tribunal appellare? (a) atqui Gerson ipse nos edocet, quòd dictus Papa non modò hanc Bullam durante Concilio ediderit, sed insuper quòd ibidem in pleno Consistorio duobus ante Concilii finem mensibus publicata fuerit.

Ex hoc ipso autem aliud adhuc elicitur argumentum. Nam si Papa adeò imprudens fuisset, ut in similem contradictionem impingeret, potuissetne accidere, ut, cum hanc Bullam publicavit, illius publicationem Patres Concilii passì fuissent, quin reclamassent, atque Martino quinto insinuassent, Bullam ipsius nullâ ratione propugnari posse? Fâse fuisset, ut definitionis, quam Sessione quarta tulerant, jam oblitì essent? at omnia hæc inter se se facillè conciliari possunt, si dicatur, quòd, cum Patres Concilii hanc definitionem non nisi pro schismatis tempore edidissent, sibi que omninò persuasum haberent, quemlibet legitimum Papam supra Concilia Oecumenicâ esse, absque ulla contradictione Bullæ publicationem acceptârint. Huic asserto vires addit confirmatio Concilii à Martino quinto cum variis restrictionibus facta. Si hujus Conventûs Patres credidissent omnia Generalia Concilia supra Pontifices esse, postulassentne à Papa

R 3

pro-

(a) *Tract. quam & an licet à sum. Pont. appellare.*

proprii Concilii confirmationem, aut passi essent, ut illud modò variis restrictionibus subjectò confirmaret?

3. Si definitio Concilii Constantiensis Generalis fuisset, & non ad schismatis tempus restricta, cum dictum Concilium ab Universa Ecclesia receptum fuerit, certum est, quòd omnes Catholici ejus Decisioni acquievisent, iique, qui deinceps Papæ superioritatem ac Infallibilitatem propugnare ausi fuissent, tanquam Hæretici declarati fuissent, atque ab Ecclesiæ Corpore resecti. At verò longè abest, ut hoc factum sit, quin e contra reperiamus, quòd statim post istud Concilium Theologi illi contemporanei tueri continuârint, prout omni tempore semper factum fuerat, quòd Summi Pontifices Infallibiles essent, Conciliisque Generalibus superiores. Id ipsum præstitit Cardinalis Turrecremata in tractatu illo, quem superiùs citavi. Item Sanctus Antoninus Archiepiscopus Florentinus in sua summa, ubi: (a) „ Sed nec(inquit) „ ad Concilium Generale à Papa appellati potest; quia Papa omni „ Concilio superior est: nec robur habet, quidquid „ agitur, nisi auctoritate Romani Pontificis roboratur & confirmetur. Sentire ergo, quòd ad „ Concilium à Papa appellati possit, est hæreticum, „ & contra illum articulum, *Sanctam Ecclesiam* „ *Catholicam*. Hic Sanctus Archiepiscopus suam thesin istà ratione probat, quòd nempe de fide sit, quòd Papa sit Caput visibile Ecclesiæ. „ Ecclesia (inquit) „ habet unitatē ex unitate Capitis, unde & Joan. „ 10. dicit Christus, fiet unum ovile & unus Pastor.

Si

(a) *part. 3. tit. 23. c. 3. §. 3.*



» Si licitum esset appellare à Papa, & ille, ad quem  
» appellatur, esset Caput, sic Papa non esset Caput,  
» vel essent duo Capita, quod est monstruosum.

Ferrariensis Ordinis Sancti Dominici Generalis  
in suis supra Divum Thomam commentariis non  
minùs expressè eandem tradit Doctrinam. (a)  
» Ex prædictis constat (inquit) », vanam esse, &  
» à Fide Christiana alienam opinionem dicentium  
» Concilium & Ecclesiam esse supra Papam, & ip-  
» sum Papam ab Ecclesia auctoritatem habere tan-  
» quam ab ipsa institutum. Nam manifestum est  
» ex prædictis, quòd Christus ipse regimen Eccle-  
» siæ instituit, non autem ipsa Ecclesia, aut populus  
» Christianus, & quòd in Ecclesia Petrum suum  
» Vicarium, & Successores ejus instituit, sicut & ad  
» Sacramenta dispensanda instituit Ministros. Un-  
» de cùm dixit Petro, Pasce oves meas, præmisit in-  
» terrogationem : Simon Joannis diligis me plùs  
» his : ut ostenderet se auctoritatem Petro dare ut  
» distinctam ab aliis Discipulis præsentibus.

Sic Theologi Catholici statim post Conci-  
lium Constantiense docere continuârunt ; suppo-  
sito autem, quòd Concilium contrariam opinionem  
in Fidei articulum evexisset, quæro : an Theologi  
tum ob pietatem cùm dignitatem, quam in Ecclesia  
affecuti fuerant, ad eò commendabiles adversùs il-  
lius decisionem dogmatizare ausi fuissent ? & si eò  
temeritatis devenissent, an non illicò undique adver-  
sùs eos declamatum fuisset, atque hujus Concilii  
auctoritate dejecti fuissent ? id verò nemini in men-  
tem venit, eo quòd sat abundè notum esset, Conci-  
lium tantùm de schismatis temporibus locutum esse.

R 4

Fa-

(a) in librum cont. gent. c. 73.

Fatendum nihilominus est, quòd Doctrina Ger-  
sonis & Cardinalis de Alliaco caliginem quamdam  
plurium Theologorum mentibus offuderit, quædam  
que in Germania & Polonia Universitates se ad illo-  
rum opinionem adduci permiserint, at sequentibus  
temporibus eandem iterum deposuerunt, atque ad  
Doctrinam totius traditionis autoritate roboratam  
redierunt; ita ut à magna jam temporum serie nul-  
la Universitas, nullus Theologus extra Galliam re-  
periatur, qui Infallibilitatem Summorum Pontifi-  
cum eorúmque supra Concilia autoritatem non  
tueatur.

Inò in ipsa Gallia penultimo sæculo nonnisi  
exiguus Theologorum numerus reperire erat, qui  
Gersonis opinionem sequerentur, reliquis interim in  
ipsa etiam Parisiensi Universitate sententiam in Ec-  
clesia dictâque Parisiensi Universitate hæcenus tra-  
ditam docere pergentibus. Præcipuè autem Jo-  
annes Puteanus \* hujus Facultatis Doctor scri-  
bens in Summam Divi Thomæ eam tradit his ver-  
bis : (a) „ Solius Pontificis maximi est res de Fide  
„ Catholica definire, & easdem certò & indubitan-  
„ ter definire credendas . . . In Concilio Generali,  
„ statuendum est Episcopos illic congregatos nullo  
„ modo errare posse in rebus Fidei decidendis. Si  
„ tamen fuerint congregati totius orbis Episcopi,  
„ absente Pontifice Maximo & ejus Legatis, Epi-  
„ scopi subjiciuntur erroribus.

In quodam præcedentium Caputum mentem  
Cleri Gallicani sub finem decimi sexti & usque ad  
medium decimi septimi Sæculi retulimus. Erudi-  
tus Dominus Albaspinus Episcopus Aurelianensis,  
qui

\* Dupuy (a) in 2. 2. 9. 1. 4. 6.



qui initio hujus ultimi sæculi floruit, scribens in Tertullianum, de Infalibilitate Summi Pontificis tanquam de re, quam nemo illis temporibus (id est tertio Ecclesiæ sæculo) in dubium vocabat, loquitur:

(a) „ Quacunq;ue igitur, (inquit) „, ratione aut „ mente, de Romano Pontifice hoc dixerit Tertul- „ lianus, serio, vel per ludibrium, illis tamen tem- „ poribus penes eum potestatem fuisse de rebus Fi- „ dei judicia peremptoria ferre, & totius orbis E- „ piscopos monere, & docere quis non agnoscit ?

Dominus de Marca Archiepiscopus Tolosanus ac dein Parisiensis, sub finem vitæ suæ, prout Dominus Baluzius refert, (b) Tractatum de Infalibilitate Summi Pontificis composuit.

Neminem latent turbæ illæ, quas initio decimi septimi sæculi in Gallia tam in Sorbona quàm in ipso Regno Doctoris Richerii scripta causârunt. Famosus Abbas San-cyranus Joannes Vergerius de Hauvanne, qui etiam pro Infalibilitate Papæ tenet, in Opere *Petrus Aurelius* intitulo refert, quòd, cùm Richerius advertisset, quantos motus suos liber in Facultate Parisiensi excitasset, ab accessu hujus Facultatis Conventuum abstinerit, ac postmodum opinionem suam retractavit. Author vitæ Richerii ait, eum violenter ad hanc retractationem subscribendam adductum fuisse. Verùm si hoc ita sit, eò magis probat, quòd Gallia tunc valdè fortiter pro Infalibilitate Summorum Pontificum tenuerit.

Nec denique id memoriâ excidit, quòd sub finem præteriti sæculi, & à tempore famosorum Cleri Gallicani articulorum anni 1682., cùm Archiepiscopus Strigoniensis in Hungaria asseruisset,

R 5

quòd

(a) in lib. de pud. (b) in vit.

quòd ad solum Papam pertineret articulos Fidei definire, ejus propositio ad Facultatem Theologicam Parisiensem ad censuram delata, quamvis censuræ factio Regia autoritate fulcita esset, summas tamen passa sit contradictiones, plurésque hujus Facultatis Doctores maluerint exilium pati, quàm hujus propositionis damnationi subscribere.

Post hæc omnia quis adhuc asserere audebit, quòd Concilium Constantiense tanquam articulum Fidei definierit omnia Concilia Generalia supra Papam esse, huncque illis in omnibus iis, quæ fidem concernunt, subjectum esse? hoc enim esset, aut Concilio Constantiensi à Papa confirmato Infallibilitatem adimere, aut omnes Episcopos, omnes Universitates, omnesque Ecclesiæ Theologos perpaucis exceptis, imò addo, & omnes simplices fideles ad hæreticorum numerum rejicere. Certum verò est, omnesque Catholici in hoc conveniunt, quòd fidelium Corpori indita sit quædam Infallibilitas passiva, vi cujus nullum errorem tanquam veritatem quamdam amplecti potest. Oportet ergo dicere, vel quòd Ecclesia ad exiguum Gallorum Papam non esse Infallibilem de fide esse credentium numerum redacta sit, vel quòd error non sit eum Infallibilem esse credere, ac per consequens, quòd verum non sit, quòd Concilium Constantiense illum esse fallibilem definierit.

Quòd si quis dicat, quòd, ut promissiones Christi salventur, sufficiat, quòd non tota Ecclesia in errore versetur, fidesque in exigua etiam mundi parte conservetur: contendo hoc falsissimum esse talémque doctrinam uno ictu ea omnia subvertere, quæ olim Ecclesia per calamum Magni Divi Augustini



stini adversus Donatistas tanto cum fructu propugnavit. Candidè ergo ac fide integrâ prætenſæ huic Concilii Constantiensis definitioni renuntient oportet adversarii, nî malint Labyrinthum ingredi, è quo pedem referre nunquam valebunt.

## CAPUT XVI.

Quòd Concilia Generalia à Confirmatione Summorum Pontificum auctoritatem suam acceperint.

CUM præſenti Capite nihil in medium adducere intendam, quàm quod à nullo in dubium vocari potest, non de omnibus Conciliis, quæ Ecclesia ut Oecumenica recipit, sermonem faciam, quia fortè respectu quorundam dicere quis posset, quòd Summorum Pontificum confirmatio nihil aliud fuerit, quàm assensus eorum, quæ ibi definita fuerant actorumque acceptatio. Duo ergo hîc demonstrâsse sufficiet. *Primum*, quòd Concilia, quæ à Sancta Sede reprobata fuère, nullius in Ecclesia auctoritatis fuerint, quemadmodum ea, quæ, quamvis in legitimis Conciliis statuta fuerint, itidem non approbârunt. Alterum est, quòd quædam Concilia Oecumenica, ideo tantùm ut talia recepta ac habita fueint, quòd Summi Pontifices ea suâ auctoritate firmârint ac recipi fecerint.

Quod primum attinet, illius exemplum habemus in Concilio Ariminensi, Ephesino secundo, ac  
Con.

Constantinopolitano sub Imperatore Copronymo  
ratione Sanctarum Imaginum.

Concilium Ariminense, quamvis non nisi ex  
Occidentis Episcopis conflatum esset, tempore ta-  
men Constantii Imperatoris ut Oecumenicum ha-  
bitum fuerat, tum ob Episcoporum, qui illud com-  
posuerunt, numerum, tum quia ejusdem Concilii  
formulare Orientis Episcopi subsignarant, itaque fere  
omnes, qui id facere renuerant, in exilium amancu-  
ti fuerunt. Attamen quia Papa illud sua autori-  
tate non firmarat, sed e contra prorsus rejecerat ac  
reprobarat, ab Ecclesia etiam repudiatum ac reje-  
ctum fuit, atque in Concilio Episcoporum, cui Da-  
masus Papa praesedit, definitum fuit, quod nullius  
ponderis esse posset, eo quod Romanus Episcopus  
desuper consultus haud fuisset, haecque de causa in-  
gens ille Episcoporum numerus, qui illud compo-  
suerant, in nullam considerationem trahi posset, ut  
suo loco jam retuli.

Secundum Concilium Ephesinum trium Pa-  
triarcharum Theodosiique junioris Imperatoris au-  
thoritate munitum erat. Nihilominus Divus Leo  
Papa absque ulla haesitatione illud rejecit, quidquid-  
que ibi actitatum fuerat, pro nullo haberi debere  
pronuntiavit, ac sancivit, ut omnia in eodem statu  
permanerent, in quo ante hujus Concilii celebra-  
tionem fuerant; tanque potenter apud Imperato-  
res egit, ut Concilium Calcedonenſe demum coa-  
ctum fuerit, ubi de consensu omnium Catholico-  
rum Episcoporum reprobatum atque tanquam la-  
trocinium habitum ac declaratum fuit, tum quod in  
eo fides labefactata fuisset, tum quod Dioscorus,  
qui in illo praesidentiam usurparat, impediisset, ne  
dicti



dicti Papæ litteræ in eo legerentur. Ita ut jure merito Gelasius Papa sæculo sexto asseruerit, quòd sola Ecclesia Romana illud Concilium reprobari fecerit, atque in hunc effectum Calcedonense Concilium cogi curarit.

In isto Calcedonensi Concilio, cum omnes qui illud componebant Episcopi, exceptis Legatis Apostolicis, Episcopum Constantinopolitanum ad Patriarchæ dignitatem evexissent, illique præcedentiam super omnes Episcopos post Romanum tribuissent; Divus Leo declaravit, quòd Episcopi potestatem suam transgressi essent, eo quòd Concilium solummodò pro Fidei causa coactum fuisset, atque ea omnia abrogavit & annullavit, quæ in favorem Episcopi Constantinopolitani actitata fuerant, ita ut tam Anatolius, qui hanc Constantinopolitanam Sedem tenebat, quam Marcianus Imperator suas excusationes desuper ad eum perferre debere censuerint.

Notum etiam est, quòd Synodus illa, quæ sæculo octavo Imaginum usum in Ecclesia damnarat, à Summis Pontificibus reprobata ac damnata fuerit, quòdque postmodum iisdem Summis Pontificibus promoventibus septimum Generale Concilium celebratum fuerit, in quo Conciliabulum illud reprobatum fuit ac damnatum. Et hæc sunt, quæ mihi quoad *primum* demonstranda erant.

Quod *Secundum* attinet, quòd videlicet quædam Concilia Oecumenica ut talia non aliâ ratione in Ecclesia recepta fuerint, quam quia Summi Pontifices ea confirmarunt, atque suâ autoritate recipi fecerunt, telam ultra tria hujusmodi Concilia

Secundum scilicet, Quintum, & Septimum non extendam.

Neminem latet, quòd Concilium secundum tantummodò ex Episcopis Orientalibus & Ægyptiis compositum fuerit, quòd ei Papa nec per se nec per suos Legatos interfuerit, quòdque nonnisi ex 150. Episcopis conflatum fuerit, qui proinde tanquam uniuersam Ecclesiam repræsentantes respici non poterant. Quia autem Diuinitatem Sancti Spiritus stabilierat, Macedoniique illam negantis Hæresim damnârat; ab uniuersa Ecclesia, ut verum fatear, tanquam orthodoxum receptum quidem fuisset, at solummodò ut Synodus particularis, nunquam verò ut Concilium Oecumenicum habitum fuisset, nisi Summi Pontifices illud acceptâssent, illiusque Symbolum in toto Occidente recipi fecissent.

Quod *Quintum* attinet, res longè adhuc euidentiore est, manifestum quippe est, quòd totus ferè occidentis, aut ejusdem receptioni se opposuerit, aut illud omninò non receperit. Africæ pars ei se opposebat, ut ex Operibus Facundi dignosci potest; imò ipsi Istriæ Episcopi à Romana Ecclesia se separârunt, atque ratione hujus Concilii schisma fecerunt. In Franciæ, Hispaniæ, ac Longobardiæ Regnis receptum non erat. At quia Vigilus Papa illud confirmârat, ipsius Successores Pelagius scilicet Secundus & Diuus Gregorius Magnus ad procurandam illius receptionem omnem suam auctoritatem impenderunt, quod tandem ipsis ad vota cessit. Certum sanè est, quòd aliàs istud Concilium nunquam in Occidente receptum fuisset, nec hodieum ut Oecumenicum haberetur.





Notæ denique sunt oppositiones illæ, quas Gallia, Germaniæ & Hispaniæ Episcopi ratione acceptationis septimi Oecumenici Concilii formârunt in Synodo Francofordiensi, cui 300. Episcopi intererant, ita ut nisi Summorum Pontificum autoritate suffultum fuisset, æquè parùm ac Quintum receptum fuisset.

Quoniam ea, quæ modò de istis Conciliis retuli omnibus iis, qui vel leviter in Historia Ecclesiastica versati sunt, nota sunt, non arbitror esse aliquem, qui ea in dubium vocare audeat, unde ut brevis sim, non hîc antiqua monumenta, quibus illa justificem ac demonstrarem, adduco. Poterunt in quolibet auctore, qui Historiam Ecclesiasticam tractat, inveniri.

Sufficit ergo mihi ex his omnibus inferre, quòd, cum ex autoritate Summorum Pontificum hæc Concilia pro Oecumenicis agnita fuerint, eaque, quæ illi rejecerunt, etiam ab Univerfa Ecclesia reprobata fuerint, oporteat, ut Ecclesia sæculorum illorum, de quibus sermonem feci, Summos Pontifices tanquam Conciliis Generalibus superiores respexerit. Plura desuper adhuc dicere possem, verùm pauca ista, quæ hac de re modò retuli, sufficere arbitror.

F I N I S.








Biblioteka Jagiellońska



stdr0030595







LIBRARI